



BIBLIOTECA NAZ.  
Vittorio Emanuele III

XXV

D

1  
NAPOLI


*At. 70. 216.*

XXV  
D  
1.









HIC CONQUIESCAM



COLLEGIVM POLLINGANVM  
Ordinis Canonicorum Regularium



2  
NOVA

PHILOSOPHIÆ  
PLANETARUM  
ET  
ARTIS CRITICÆ  
SYSTEMATA

adumbrata

ab

A. R. R. D. EUSEBIO AMORT

in antiquissima & celeberrima Ecclesia ad SS.  
Crucem & SS. Salvatorem in Polling Superioris Bava-  
riæ Canonico Regulari Lateranensi Philosophiæ Profes-  
fore.

Pars prior Philosophiæ  
complectens Logicam & Metaphysicam.

*Cum Facultate Superiorum.*



---

Norimbergæ.

Apud PETRUM CONRADUM MONATH. MDCCXXIII. A. S.



1704

1704

1704

1704

1704

1704

1704

1704



*Reverendissimis & Illustrissimis :  
Perillustribus, Prænobilibus, Excellentissimis.*

**DOMINIS, DOMINIS  
FRANCISCO LUDOVICO  
SCHENCK,**

**L. B. de Castell Domino in sup. & infer.  
Bav. Cathed. Eccles. Eystad. & Augustanæ respec-**  
*tivè Canonico Capitulari ac Præposito &c.*

**CHRISTOPHORO OTTONI**  
**Comiti ac Domino in Schallenberg, L. B. in**  
**Luffenberg, Au, Leombach & Rueppenstall Cathed**  
*Eccles. Constant. & Augustanæ respectivè Canonico Capitulari,  
Præposito ac Decano &c.*

**SIGISMUNDO**  
**S. R. S. Comiti ab Arco, Domino in Penedal,**  
**Drena, Spinedi, Restauri &c. Castelini & Metropo.**  
*& Cathed. Eccles. Salisburg. & Augustanæ Canonico Capitulari,  
respectivè Seniori ac Jubileo &c.*

**Cæterisque Cathedralis Ecclesiæ**  
**Augustanæ Canonicis,**  
*Dominis, Dominis suis Gratosissimis.*

Reverendissimi & Illustrissimi, Perillustres,  
Prænobiles, Excellentissimi Domini,  
Domini Gratosissimi.



Uod moriturus Tobias Unigenito suo  
mandatum dedit; *Honorem habebis Ma-*  
*tri tue.* Tob. c. 4. id sibi quòque reli-  
ctum credit Ecclesia Pollingana, ut  
piissimam matrem suam, Cathedra-  
lem scilicet Augustanam Ecclesiam filiali affectu per-  
petuò veneretur, felix tanta Matre filia. Jam de-  
cem fermè rapido cursu fluxere sæcula, per quæ  
sat cognoscere ac experiri licuit, quàm gratiosam,  
sollicitam, ac liberalem filia hæc nacta sit Ma-  
trem in Matrice Cathedrali Augustana Ecclesia: Hu-  
jus ab uberibus perpetuò virium incremento ad-  
aucta hujus in sinu ab hostium insultibus contu-  
tata; Hujus denique curis, sollicitudine, ac gratio-  
sis favoribus in præsentem ætatem fortunamque  
deducta est. Debuit igitur Matri huic debitus, is-  
que publicus, parari honor, debuit amorì cedere  
verecundus pudor, & mandati severitas vincere ex-  
cusationem infirmitatis. De modo tantum, quo  
suæ erga Matrem obligationi filia satisfacere posset,  
anceps aliquamdiu hæsit quæstio. At ecce! est suus  
quòque in mandato Tobisiano modus: *Memor*, in-  
quit,

quit, esto, quæ & quanta passa sit propter te. Nempe hic modus est, quò colitur, quidquid uspiam divinum est; hæc merces est magnarum mentium; hoc templum honoris grato fumans thure, memoria beneficiorum nunquam moritura. Liceat igitur memorando persequi antiqua Augustanæ in nos pictatis vestigia, quoniam apud memores sua etiam, quamquam veteri, stat gratia facta.

Duo equidem beneficiorum genera sunt, quæ præclaram Ecclesiæ Cathedralis Augustanæ famam nobis commendent, atque inscribant æternitati. Primum eò illustrius est, quò in plures diffunditur, Religionis nempe avitæ candor, doctrinæ splendor, ac fulgor sanctitatis, quæ, dum per sexaginta quinque Episcoporum fideles manus, atque inter ambones plus quam mille Canonorum sanguine & meritis illustrium ad nos transmissa sunt, sedem Augustanam verè reddiderunt augustam, thronis Regiis invidendam. Alterum beneficii genus propius res nostras respicit, dum hic videre erit partem sollicitudinis Pastoralis gratosè ac providè erga nos administratam, tenues Canoniarum nostrarum proventus accessione ac incorporatione perpetua plurium Parochialium Ecclesiarum ad-auctos, pretiosam animarum curam in iisdem Parochiis nostris concreditam, ac denique magnam frumenti paucis abhinc annis incendio absumpti penuriam liberalitate eximia sublevatam.

Quod attinet ad Religionis avitæ candorem, splendorem doctrinæ, ac fulgorem sanctitatis, quibus ab Episcopali cathedra, tanquam Pharo quodam, copiosa lux in nos abundanter effusa est, vanum fuerit pluribus immorari, non capit tot laudes pagina, libri & fama loquantur. Quis enim verò ignorat, Narcissum primum Augustanæ sedis Angelum, è Bavaro moderno solo dedisse primos cœlo ab orbe condito fructus Divam Afram Proto-Martyrem gloriosam, ac Ducissam sanctitatis? Quis ignorat Sydus illud Noricum, Decus Canonum, D. Vdalricum, Virum exemplò virtutum & miraculorum gloriâ immortalem, illum, inquam, fidei Athletam invictissimum, qui dum Hunnos profligavit, & glires perenni prodigio è solo diœcesano exesse jussit, primus ab incunabulis Ecclesiæ promeruit specialē prærogativam, ut primus Sanctorum omnium solemni bulla Pontificia Cœlo inscriberetur? Sed ne id quidem ignorare quempiam existimamus, quanto zelo Antistites Augustani in reformanda disciplina ecclesiastica, promovendo cultu divino, & conservando deposito fidei desudârint. Testes hujus sunt tot synodi celebratæ, conditæque in illis saluberrima decreta ac statuta, maxime annis 952. 1255. 1454. 1486. 1520. 1548. 1554. 1557. 1566. 1610. Sinè perturbatissimis illis Ecclesiæ temporibus, incunte sæculo decimo sexto, primitus ab Augustano Antistite Christophoro, jurato sectarum fidei Catholicæ adversantium hoste, adversus Lutherum  
ad



ad arma conclamatum est, dum, agente imprimis Ekio, Bullam Leonis X. per diœcesin promulgavit, ut ipsemet testatur Ekius, Theologorum sui temporis Phoenix, Asceteriiq̃ue Pollingani frequens ac diuturnus hospes.

Gratulatur sibi hodiedum Germania Catholica de Othone Truchsesio S. R. E. Cardinale, qui infanis hæresium fluctibus instar muri firmissimi se opposuit: hoc solum ad cumulum laudum ipsius addidisse suffecerit, quòd Academiæ Dilinganæ Fundatorem se fecerit, ac Diœcesi nostræ dederit Petrum de Soto primarium Theologum Pontificium in Tridentino Concilio, Virum, cujus in operibus ab Othone tantopere commendatis, sibi antiqui Patres, & in Patribus primæva Ecclesiæ resurgere visa est. Attamen rei adeo prolixæ, & Orbi erudito notæ haud immeritum censuimus.

Ad alterum itaque beneficiorum genus transitum facimus, quod sicut Collegio nostro singulare extitit, ita attentionem nostram meretur specialem: ac licet ea innumeræ pene sint nullò tentanda calculò, licebit tamen eorumdem summa relegere Capita, quæ luculenter monstraverint, Augustanos Episcopos cum summo ac Illustrissimo Canonico-rum Ecclesiæ suæ senatu Pollinganam Ecclesiam fecisse suam.

Primo loco commemorandus venit Waltherus ex Comitibus Palatinis de Tubingen, cujus apud se-

dem Apostolicam autoritate effectum est, ut Canonicus/ordo nascenti Ecclesiæ ex sumorum Pontificum oraculo cœvus apud nostrates in hunc usque diem conservaretur, hujus enimverò *precibus se inclinatum* profitetur summus Pontifex Innocentius II., ut per Bullam Pisis datam Anno 1136. Ecclesiam seu Monasterium Pollingense, nec non prædia ac bona eidem collata ac imposterum conferenda *Apostolicæ Sedis privilegio communiaverit, statuens præter alia, ut vita Apostolica & Ordo Canonicus in eadem Ecclesia perpetuis futuris temporibus inviolabiliter conseruetur.*

Waltherum sequitur Ulfscalcus ex Comitibus de Thennenlœ- ab Eschenlohe, qui Anno 1201. Ecclesiam Teittenhausen *ad ampliandas Canonicorum Polling: præbendas, in quibus magnum iam diu passi fuerant defectum,* Monasterio incorporavit.

Ulfcalci vestigia sequitur Hartwicus ab Hienheim, qui Anno 1202. Monasterio nostro tres curias in Oderting a Conrado Duce ac Comite de Dachau donatas, quas sinistro instinctu Henricus Miles de Peisenberg sibi appropriare conatus est, auxilio suo conservavit.

Quartum antiqua nostra monumenta produnt Syfridum ex nobilissima Rechbergiorum Familia, qui Anno 1224. nostros in possessione Ecclesiæ Teittenhausen tuetur coram Ludovico Baviaræ Duce contra Philippum Pes dictum, qui cum patruis suis Henrico & Ottone jus patronatûs super

per nominatam Ecclesiam sibi competere prætendebat.

Quintus Sibothó ex Baronibus de Gundelfingen gratiose annuit, dum nostri possessionem Ecclesiæ Oderting ab Ottone Bavariæ Duce Monasterio Anno 1236. donatæ capiunt, ejusdemque curam suscipiunt in hunc usque diem continuatam.

Sextus in album Benefactorum magis insignium referri meruit Hartmannus ex Comitibus de Billingen & Kyburg, qui *attendens pressuras diversas, quas Monasterium tunc patiebatur, fructus Ecclesiæ Hausen, cujus jus Patronatus iam antea ad nos pertinuit, ad usus præbendales perpetuò colligendos & utendos eidem donavit Anno 1272.*

Non minori beneficentia erga nos usus est Degenhardus ex liberis Baronibus de Helenstein & Heidenheim, qui Ecclesiam Parochialem Apfendorff Monasterio incorporavit Anno 1305.

Fridericus Speth de Turnegg adauxit Benefactorum numerum, dum Ecclesiam Parochialem S. Hippolyti M. in suburbio Weilheim Monasterio ad mensam incorporavit Anno 1317. quam firmam esse voluit Henricus à Schönek, antedictam Ecclesiam denuo ad mensam incorporando, Anno 1348.

Decimus Monasterio nostro è cineribus suscitato novas vires contulit Petrus à Schaumberg

S. R. E. Tit. S. Vitalis Presbyter Cardinalis, Pauli II. per Germaniam Legatus à latere, dum ob incendium & incinerationem totius Monasterii, Ecclesiæ, dormitorii & chori Anno 1414. factam, atque ob debita in sumptuosa & utili restauratione contracta, Ecclesiam parochialem Walleshausen cum omnibus juribus & pertinentiis Monasterio incorporavit, univit ac annexuit Anno 1448.

Undecimus in fastis nostris omnem implet paginam Joannes ex Comitibus de Werdenberg, qui emptiones plurium decimarum, de manibus laicorum factas, nec non donationes juris Patronatus Ecclesiarum Eberfing, Etting, Apfidorff & Witelzhofen confirmavit; omnes anteriores Prædecessorum suorum Episcoporum incorporationes ratas habuit, & Ecclesias sequentes scilicet Poling, Perg, Hausen, Oderting, Teittenhausen, Spazenhäusen & Marnbach de novo incorporavit, data facultate, ut dictæ Ecclesiæ, prout jam ab immemoriali tempore factum fuerat, providerentur per Canonicos nostros ad nutum amovibiles Anno 1471. eodem anno de novo incorporavit Ecclesias Etting, Eberfing, Apfidorff, S. Hippolyti, Perchting, Aschering, Pöking, consensitque, ut quatuor priores ex his 7 Ecclesiis per Canonicos nostros regi possint.

Duodecimus Reverendissimorum ac Clementissimorum Fautorum nostrorum Fridericus ex Comitibus de Zollern admittit nostros ad actualementem curam Parochialium Ecclesiarum Walleshausen, Etting, Apfidorff & Eberfing, consentitque anno 1501. ut hæ Ecclesiæ vel per nostros vel sæculares Sacerdotes tanquam annuales & ad nutum amovibiles Vicarios regi possint in vim Privilegii Apostolici à Paulo II. ac Sixto IV. obtenti.

Decimustertius æternam apud nos promeritus est memoriam Otho Truchsesius S. R. E. lit. S. Sabinæ Presbyter Cardinalis, qui nostros admisit ad possessionem & curam hucusque nunquam interruptam Ecclesiæ Parochialis Peisenberg *ab Alberto Bavarie Duce* Monasterio clementissimè donata Anno 1569.

Decimus quartus ex Clementissimis Fautoribus extitit Joannes Christophorus ex liberis Baronibus de Freyberg, qui commendatitiis suis Romanam missis, Apostolicum Indultum pro usu Pontificalium obtinendo apud Innocentium XI. gloriose memoriæ promovit, Anno 1688.

Ultimum Clementissimæ ac Gratiosissimæ in nos propensionis argumentum posteritati reliquit modernus Reverendissimus ac Serenissimus D. D. *Alexander Sigismundus* Clementissimus D. D. Ordinarius noster ex Serenissima Domo Palatino-Neoburgica, dum Monasterio nostro missa magnà

frumenti copiâ liberalissimè subvenit, postquam Anno 1711. d. 29. Augusti cadens de Cælo fulmen horrendo incendio intra paucas horas frumentum omne, spemque æconomicam universam absumpsit.

Hæc sunt *Reverendissimi* ac *Illustrissimi* D. D. *Patroni*, quæ solis forsan Pollingensibus Canonicis hætenus nota, orbi universo palam facere oportebat, ut omnes noscerent, quantum Augustissimo Augustanæ Ecclesiæ Cathedralis Senatui, Reverendissimo nimirum ac Illustrissimo Capitulo Canonici Pollingana debeat, quantumve cupiat, favores gratiasq; sibi collatas æterna gratitudine venerari; hanc equidem ipso opere testari conati sunt antecessores nostri, dum non solum Reverendiss. & Illustriss. D. D. Canonicos Augustanos cunctorum bonorum operum participes voluere, sed insuper se suosque posteris ad celebrandas pro unoquoq; ex gremio Reverendiss. ac Illustrissimi Capituli defuncto Canonico exequias obligarunt: quæ suffragia eo lubentius defunctis hisce nostri impendunt, quò evidentius agnoscunt, quam arcto vinculo inter se constrictæ sint & Mater & filia, Cathedralis inquam Augustana & Pollingensis Ecclesia, ac tum illius Reverendiss. ac Illustriss. D. D. Canonici, tum hujus minimi Regulares Canonici, quos Ulscalcus Augustanus Episcopus in litteris, anno 1201. ad nostros datis, *dilectos suos fratres* appellare non dubitavit.

At

At verò, quæ defunctis hætenus exsolvimus suffragia, obligationis maximæ ac debitæ erga piissimos manes tantummodo gratitudinis testimonia sunt. Supererat itaque, ut etiam Vivis constaret publicè, quanta erga Eos veneratio ac observantia animis nostris infideat, nec quidquam fini huic aptius visum est, quàm ut præsens opella sub Augusto Augustanorum Cathedralium D. D. Canonicorum patrocínio in publicum prodiret, Eorumdemque inscriberetur Amplissimo, Reverendissimo ac Illustrissimo Senatui. Accipite proin Reverendiss. ac Illustriss. D. D. Patroni hoc, quod maxima cum submissione in æternum debitæ venerationis, observantiæ ac gratitudinis pignus offerimus, exiguum opusculum. Pergite Illustrissima Augustanæ Diocesis Sydera gratiarum radios in minimos vestros famulos, Pollingenses Canonicos, dispensare, qui & gloriam & felicitatem suam maxima ex parte in eo collocant, quòd a primis Monasterii incunabulis Ecclesiæ Augustanæ Matri adeo Augustæ ac Propitiæ, semper fuerint subditi, commissuri certè nunquam, ut a tam benignæ Matris sinu quoquo modo se abstrahi patiantur: neque enim decet, ordinem ex essentia Clericalem, & partem quondam sollicitudinis Pastoralis a corpore Hierarchiæ Ecclesiasticæ tantopere separari: Sinite potius, ut liceat nobis sub amabili umbra pastoralis providentiæ, gratiosissimæ benevolentiæ, Protectionisque Vestræ per-

perpetuò ac securè quiescere. Nostrium porrò erit  
 supremo Numini ardentissimis votis indefinenter  
 supplicare, ut ejusdem opitulante gratia Augusta-  
 na Ecclesia indies augustior evadat, Orbisque sci-  
 at universus, quantum Reverendis, ac Illu-  
 stris. D. D. Cathedralibus Canonicis cordi  
 sit, ut Dei T. O. M. honor jugiter augeatur,  
 Ejusque per Dioccesin intra Asceteria reclusi famu-  
 li gratiosis suis favoribus perpetuò foveantur,  
 sicque iidem necesse habeant tot venerari aman-  
 tissimos Patres, quot numerant Reverendis,  
 atque Illustris. D. D. Canonicos, id quod  
 jam nunc publicè profitentur


Reverendis. ac Illustris.  
 D. D. Vestrarum

*humillimi ac devotissimi  
 famuli*

Canonici Regulares  
 ad S. Salvatorem  
 Pollingæ.

APPRO-





# LICENTIA.

**T**Heses hæ Philosophicæ à duobus  
Theologis Collegii nostri lectæ  
sunt, cùmque nihil contra fidem aut  
bonos mores, si in sensu obvio, ab Au-  
thore intento, & in contextu operis sa-  
tis expresso intelligantur, continere  
inventæ sint; ipse etiam Author Ortho-  
doxiam suam tum in scriptis, tum in  
disputationibus publicis sufficienter  
monstraverit, easdem pro bono Rei-  
publicæ litterariæ in lucem publicam  
exire permittimus. Actum Pollingæ,  
d. 21. Decembris 1722.

*Albertus ad S. Crucem, Pollingæ  
Præpositus, Abbas Lateranen-  
sis, SS. Theologiæ Doctor.*

)( )(

Ad

## AD LECTOREM.

**T**heses hæc tria Tibi Systemata offerunt, Amice Lector, Philosophiæ unum, alterum Artis Criticæ, tertium verò systema Physicum Terræ quiescentis. In systemate Philosophiæ id me egisse arbitratus sum, ut principia Scholæ Peripateticæ, in vastis voluminibus dispersa, in unum Systema collegerim, eaq; methodo Neotericorum coaptârim. Occurrent quidem in Metaphysica propositiones, quæ, si à contextu separantur, videntur habere sensum ambiguum; sed si contextus inspicatur, poterit facillè intelligi, quam mentem, quæmve sensum verbis ambiguis subijciam, eum nempe, qui ad mentem D. Thomæ & Scoti quàm proximè accedit; certè nullum alium sensum intendo, nec in alio sensu verba mea explicari peto. Quod si tamen in aliquo à vero, aut propria Scholarum locutione, quod humanum est, recessero, singulas assertiones Iudicio Ecclesiæ Romanæ filius obsequentissimus submitto.

# SYSTEMA PHILOSOPHIÆ.

Autore R. D. Eusebio Amort Cano-  
nico Regulari Lateranensi Pol-  
lingano Philosophiæ  
Professore.





# PROÆMIUM.



**T**ot inter hominum studia omnibus tamen finis unicus est, ad quem collimantes alia persequuntur, alia fugiunt; is verò, ut uno verbo dicam, felicitas, aut ejus pars aliqua est.

Præcipue verò omnium Philosophorum in hoc, ut apprehenderent beatam vitam, commune studium fuit: hæc una Veteribus causa Philosophandi fuit.

Multi quidem totum hominem, jumentorum instar, morte dissolutum iri contententes beatitatem suam in præsentis vitæ illecebris quæsierunt; sed viden! quanta mortalibus incumbat philosophiæ necessitas, sine qua ne quidem gregi huic beatè vivere licuit! nempe voluptas illa, quæ è sapientiæ honestatisque studio nascitur; suavius mentem, quam potens sensuum cupiditas, ferit: aut si adeo suave sit cedere cupiditati sensuum,

(a) 2

præstat

præstat ex mutuo rationis ad concupiscentias consensu animi simul ac corporis delitiis frui; quin, cum fortuna de his corporum delitiis paucis provideat, dura quædam necessitas, ac reipublicæ tranquillitas plerosque voluptate animi contentos ac beatos esse jubet; at ne quidem paucis oblectationes sensuum sine innumeris spinis obtigerunt; hinc animus immobili quodam habitu muniendus, quo ad omnia sinistrae fortunæ tela insensibilis reditus, jucundissima tranquillitate perpetuo perfruatur: accedit, quod Philosophia in sua Politica rectam rationem administrandi rempublicam, in œconomia modum curandi res domesticas, in Ethica lèges servandi civilem societatem, in Medicina subsidia servandi sanitatem corporum; in Mathesi utilissimas humano generi artes doceat.

Adhuc evidentius Philosophia indigent, qui post mortem animabus supplicia aut præmia parari arbitrantur; hi enim non tantum solent venari eam, quæ in hoc præsentimundo est, beatitudinis umbram; sed conantur insuper sapientiæ ac virtutum dono Dei similitudinem ac amicitiam consecrari, ut in altero mundo beati reddi mereantur; cumque nullo alio, nisi humanæ Rationis, Magisterio

gisterio ad tantas spes instituti sint, indigent profectò immensò veritatis studio.

Tertia & maxima hominum pars illorum est, qui non solum credunt animabus post mortem æterna parari præmia aut supplicia, sed etiam artem consequendi æternam beatitudinem divino Magisterio se edoctos esse probant; docent, ante omnia amandum ac colendum esse Deum, dein amandos esse homines, præsertim parentes, magistros, magistratus ac Reges; hinc naturam propriam, quæ amore commodi proprii amorem Dei ac proximorum impedit, perpetuò refrænandam, & à felicitate temporali abstractam ad æterna bona convertendam esse verissimè dixit; qui hujus Sæcæ Philosophiam nil aliud, nisi divini amoris studium esse pronuntiavit; huic enim Deus summum bonum; ejus possessio summa felicitas est; igitur & ejus amorosa inquisitio philosophorum occupatio est.

Porro Philosophia hæc à suis cultoribus trifariam divisa est. In prima Parte admittitur solum divinum Magisterium; nil docetur, nisi quod ex ore revelantis Dei traditum est: hæc pars vocatur Theologia Dogmatica. In secunda Parte præter vocem revelantis Numinis auditur insuper humana ratio; ratio

(a). 3.      nempe

nempe ex certis signis monstrat, Philosophiam hanc reverà à Deo hominibus traditam esse, eam omnibus aliorum sectatorum philosophiis sapientiore, & in omnibus suis partibus principiis rectæ rationis conformem esse; explicat obscura, dissolvit dubia, & e verbo Dei juxta connexionem certam deducit consectaria, ac denique circa veritates, quæ ad sacra dogmata quadam familiaritate connexæ sunt, propriis viribus latius discurrendo honestissimè occupatur. Hæc pars vocatur Theologia Scholastica. In tertia Parte attenditur sola Ratio. Hic traditur modus perveniendi ad scientias ac veritatem; explicatur natura omnium entium, rerumque ordo panditur; diriguntur actiones humanæ ad bonum reipublicæ, familiæ, ac civilis societatis; traduntur utilissimæ humano generi artes, nec quidquam negligitur, quod aut corpori aut menti ad obtinendam veram felicitatem servire possit. Hæc pars sine addito Philosophia nuncupatur.

Igitur, omnium sectarum consensu, Philosophia est rerum divinarum, humanarumque, prout ductu rectæ rationis cognosci possunt, ad veram hominum felicitatem conducentis notitia.

Con-



Consequens ergo est , 1. ut in Philosophia attendamus solam Rationem , ac experientiam , quæ tamen veritati divinitus revelatæ nunquam opponitur. 2. Ut dimittamus quæstiones ad veram felicitatem patum conducentes , & negligamus illas Eruditionis minutias , sine quibus solida ac salutaris scientia facile obtineri potest. 3. Ut contenti simus qualicunque earum rerum notitia , quarum scientia haberi non potest ; in incertis nil affirmando , sed dubitando. 4. Ut omne fere studium transferamus ad doctrinam , è cælo hominibus traditam , postquam agnoverimus , humanam rationem , de reparanda suis viribus felicitate desperantem , ad eandem nos dirigere.

Hanc Philosophiam , si placet , jam aggrediamur ; integrum illius conspectum sequens tabula exhibebit.



CON-

# CONSPECTUS TOTIUS PHILOSOPHIÆ.

## *Pars 1.*

### Logica

seu

### Ars Loquendi.

In hac traditur modus cum philosophis, qui habent peculiarem linguam, aptè colloquendi.

## *Pars 2.*

### Metaphysica

seu

### Ars intelligendi.

In hac traditur modus formandi genuinam ideam de omnino, ac speciatim, de re creata, ac increata; corporea, ac incorporea; de substantia ejusque partibus materia, & forma; de accidente, quantitate, loco, tempore, motu, actione, cognitione, volitione, libertate &c.

## *Pars 3.*

### Physica

seu

### Cognitio Naturæ.

In hac traduntur principia ac causæ omnium effectuum naturalium; agitur de cœlis, de elementis, de metallis ac fossilibus, de plantis & arboribus, de animalibus, ac præcipue de natura hominis.

*Pars 4.*

Ethica

seu

Actuum humanarum ad civilem ac beatam  
vitam Institutio.

*Pars 5.*

Oeconomica

seu

Ars curandi res domesticas.

*Pars 6.*

Politica

seu

Ars administrandi rempublicam.

*Pars 7.*

Mathesis

seu

Ars numerum, vires, motum, ac magnitu-  
dinem corporum dimetendi.

*Pars 8.*

Medicina

seu

Ars curandæ sanitatis.



(b)

LOGI-

# LOGICA.

## Sectio I.

### *De Terminis.*



Quando dico ; *Murus est albus* , aliquid affirmatur de Muro, nempe Albedo : Quando dico ; *Murus non est niger* , aliquid negatur de Muro, nempe Nigredo. Omnis talis affirmatio aut negatio alicujus rei de aliqua re vocatur *Propositio* : Id, quod affirmatur aut negatur, v. g. hic Albedo, aut Nigredo, vocatur

*Prædicatum* : Id, de quo aliquid affirmatur aut negatur, v. g. hic Murus, vocatur *Subjectum* : particula *Est*, per quam aliquid affirmatur de alio, vocatur *Copula* : omnis vox, ex qua potest fieri aliquod subjectum aut prædicatum ; v. g. Murus, albus, vocatur *Terminus*. Propositiones, in quibus nullum subjectum aut prædicatum explicitè ponitur, debent exponi ; v. g. hæc propositio ; *Pluit* ; debet sic exponi ; Deus est pluens : *Petrus sedet* ; Petrus est sedens.

*Significativus* Terminus vocatur, qui ex institutione hominum aliquid significat, ut *Homo*.

*Non significativus*, qui ex institutione hominum nihil significat, ut *Pluiri*, *Hircocervus*, *Vulpanser*.

*Singularis*, qui solùm de una numero re dicitur, ut *Petrus*, *Deus*, *hic homo*.

*Commu-*

**Communis**, qui de pluribus dicitur, ut *Homo*, qui dicitur de Petro & Paulo.

**Categorematicus**, qui se solò constituit Subjectum, aut Prædicatum; ut, si dico: *Petrus est homo*; Petrus & Homo sunt termini Categorematici.

**Synkategorematicus**, qui se solò non potest constituere Subjectum aut Prædicatum; tales termini sunt adverbia; ut si dico, *murus est Bene constructus*.

**Infinitus**, cui præponitur particula *Non*, ut, *Non lapis*.

**Univocus**, qui dicitur de pluribus in eodem sensu, ut *homo* de Petro & Paulo; *animal* de Cane & Equo.

**Equivocus**, qui dicitur de pluribus in diverso sensu; ut *Canis* de stella, de pisce, & Molosso.

**Analogus**, qui dicitur de pluribus in diverso sensu, sed tamen cum aliqua proportionem, aut similitudinem; ut *homo* de Petro, & de ejus imaginæ picta; *sanum* dicitur de Medicina, cibo, urina, colore vultus.

**Transcendentalis**, qui dicitur de omni re possibili, ut *Ens, Unum, Verum, Res, Aliquid, Bonum*.

**Prædicamentalis**, qui non dicitur de omni re possibili, sed tantum de certa classe entium, ut esse *Quantum, coloratum*.

**Complexus**, cujus partes seorsim idem significant, quod conjunctim; ut *Romana Civitas*. Respublica est terminus *incomplexus*.

**Connotativus**, qui significat rem cum relatione ad aliam; ut *Cæna* significat comestionem cum relatione ad tempus vespertinum; *Dominus* significat hominem cum relatione ad servum; hic terminus etiam vocatur *relativus*; *Homo* verò, *Equus* &c. sunt termini *absoluti*.

**Concretus**, seu *Concretivus*, qui significat compositum ex subjecto & forma; ut *album* significat rem cum albedine. Quando compositum non est accidentale, vocatur *Quidditativus*; ut *Homo*, seu res habens animam rationalem.

quando compositum est accidentale, vocatur *Denominativus*, ut *Album*, seu res habens albedinem.

*Abstractus*, qui significat solam formam, ut *Albedo*, *humanitas*.

*Primò Intentionalis*, qui convenit rei, ut ea est à parte rei; ut *Petrus est homo*; *Petrus est primò intentionalis*.

*Secundò Intentionalis*, qui convenit rei, mediante aliqua cognitione, ut, *Petrus est terminus singularis*; *Petrus est subiectum*, *Petrus est terminus secundò intentionalis*; quia *Petrus secundum se nec est terminus, nec subiectum*.

*Universaliter supponere terminus* dicitur; quando dicitur de omnibus suis significatis; ut si dico, *Omnis homo est rationalis*; *Homo supponit universaliter pro Petro, Paulo &c.*

*Particulariter*, quando non dicitur de omnibus suis significatis, sed tantum aliquibus; ut si dico, *Aliquis homo currit*.

*Distributive*, quando dicitur de omnibus suis significatis singulariter, ac copulative acceptis, ut si dico: *Omnis homo est rationalis*; verum est; *Petrus est rationalis*, & *Joannes*.

*Collective*, quando dicitur de omnibus suis significatis simul acceptis; ut si dico; *Petrus & Paulus sunt duo*; *Matthaeus*, *Marcus*, *Lucas*, & *Joannes sunt omnes Evangelistae*.

*Disjunctive*, quando tantum dicitur de aliquo indeterminato; ut, *Aliquis homo currit*; vel *Petrus*, vel *Paulus &c.* quando illud indeterminatum nunquam potest determinari, dicitur supponere *disjunctim ac Confuse*; ut si dico; *Aliquis oculus est necessarius ad videndum*, calamus ad scribendum.

*Terminus Est in Statu*, quando sumitur pro tempore per copulam importato, ut *Petrus est armatus*; sensus est, quod tempore praesenti sit armatus.

*Ampliatur*, quando sumitur pro omni tempore, ut si dico, *Petrus est homo*; hoc enim verum est omni tempore, quocunque *Petrus* existit.

*Distrahitur*, quando sumitur pro alio tempore, quàm quod per copulam



copulam importatur ; ut *cæci vident, claudi ambulant* ; sensus est, qui fuerunt cæci, vel claudi.

*Restringitur ac diminuitur*, quando ab ampliori significatione ad arctiorem contrahitur, ut *Homo sapiens* agit patienter & fortiter ; Homo hic non sumitur in tota amplitudine.

*Alienatur*, quando transfertur à propria significatione ad impro- priam ; ut *Prata rident*.

*Appellat* ad alium terminum, quando cum illo coniungitur sensu : ut si dico *Alexander Magnus fuit philosophus* ; Tò *Magnus* appellat ad Alexandrum ; quando vero dico, *Plato ma- gnus fuit philosophus* ; Tò *Magnus* appellat ad Philosophum.

*In sensu accommodo* terminus sumi dicitur, quando à termino uni- versali fit exceptio ; ut *Cælum legit omnia* ; excipitur ipsum cælum, *Omnes peccaverunt in Adamo*. Excipitur Christus.

*In sensu stricto* sumitur, quando à termino universalis nulla fit ex- ceptio.

*In sensu Reduplicativo* sumitur, seu *Reduplicative* ; quando prædicatum subiecto tantum tribuitur sub certa aliqua ratione ; ut *Petrus musicus est laudabilis, inquantum est musicus* ; Sartor pingit, quia pictor ; non quatenus est sartor.

*In sensu Denominativo* sumitur, seu *Denominative* ; quando prædicatum tribuitur subiecto ratione sui ; ut *homo iustus septies in die cadit* ; nempe homo, qui est iustus ; non quatenus est iustus ; Petrus piscator docet, nempe, qui est piscator ; non quatenus est piscator.

*Pro singulis generum* sumitur, quando terminus universalis sumitur pro omnibus ac singulis contentis sub genere ; ut *Omne animal movetur*.

*Pro generibus singulorum* sumitur, quando sub termino uni- versali tantum comprehenduntur genera ac species ; ut, *Omne animal fuit in arca Noe* ; id est, omnia genera ac species animalium.

*Secundum* quia sumitur, quando terminus amplioris significationis restringitur ad certum locum, tempus, partem &c. ut *Aethiops est albus, secundum dentes*. Sine tali addico dicitur sumi simpliciter.

*Materialiter* sumi terminum est fere idem, ac eundem sumi denominative; & *Formaliter* sumi idem est, ac Reduplicative.

Monendum hic à principio censeo, neminem immorari debere iis, quæ in Logica traduntur; Exercitatio dabit intelligentiam.

## Scitio 2.

### De Propositione.

*Composita* propositio dicitur, quæ è pluribus propositionibus per particulam *Et* componitur; vocatur etiam *Copulativa*; ut, *Petrus sedet & studet*; Petrus studet, & Paulus dormit.

*Disiunctiva*, quæ è pluribus per particulam *Vel* componitur; ut, *Petrus vel studet vel dormit*.

*Conditionalis*, seu *Hypothetica*, cui apponitur conditio; ut, *si Pons ruet, peribis*.

*Categorica* seu *Absoluta* est, quæ sine conditione profertur, ut, *Peribis*.

*Causalis*, cui apponitur causa, ut *quia voluit, perit*.

*Modalis*, cui apponitur Modus; ut; *Petrus Necessario est homo*;

*Petrus impossibiliter est equus*; *Petrus Possibiliter, aut Contingenter currit*; *Petrus velociter currit*.

*Exclusiva*, cui apponitur particula exclusiva, ut *Tantum Petrus studet*.

*Exceptiva*, cui apponitur particula exceptiva; ut, *Omnes præter Petrum student*.

*Reduplicativa*, cui apponitur particulare duplicativa; ut, *Petrus, inquantum Mulcus, laudatur*.



*In materia necessaria*, quando prædicatum necessario convenit subiecto; ut, Petrus est homo.

*In materia contingenti*, quando prædicatum non necessario convenit subiecto, ut, Murus est albus.

*Universalis*, quando subiectum est universale, ut, Omnis homo est rationalis.

*Particularis*, quando subiectum est particulare; ut, Aliquis homo currit.

*Indefinita*, quando subiectum est indefinitum; ut, homo currit.

*Singularis*, quando subiectum est singulare; ut, Petrus currit.

Hæc subiecti Universalitas, aut Particularitas vocatur propositionis Quantitas.

*Affirmativa*, aut *Negativa*, in qua aliquid affirmatur, aut negatur; ut Petrus studet; Petrus non studet; talis affirmatio aut negatio dicitur propositionis Qualitas.

*Opposita*, quæ cum alia propositione, habente idem prædicatum & subiectum, non convenit in Quantitate vel Qualitate; ut, Murus est albus, Murus non est albus, opponitur in qualitate. Hæc differentia propositionum vocatur Oppositio.


*Contradictoria*, quæ cum alia propositione nec in Qualitate, nec in Quantitate convenit; ut Omnis homo currit, Aliquis homo non currit.

*Contraria*, quæ cum alia propositione universali tantum non convenit in qualitate; ut, Omnis homo currit, Nullus homo currit.

*Subcontraria*, quæ cum alia propositione particulari tantum non convenit in qualitate; ut, Aliquis homo currit, Aliquis homo non currit.

*Subalternæ*, quæ cum alia propositione tantum non convenit in quantitate; ut, Omnis homo currit, Aliquis homo currit. Prior universalis propositio vocatur subalternans; posterior subalternata.

Omnis



**Opposita de Lege**, seu *Exlex*, quæ in recensito Oppositionis schemate non comprehenditur; ut, Petrus currit, Petrus non currit; Murus est albus, Murus non est albus.

**Aquipollens**, quæ alteri propositioni quoad sensum æquivaleret; ut, Aliquis homo non currit; Non omnis homo currit.

**Conversio** propositionis est subjecti cum prædicato commutatio; ut, Omnis homo est animal; Aliquod animal est homo. Prior propositio vocatur *Conversa*; posterior *Conversens*.

**Copulativa** propositio ad sui veritatem requirit veritatem omnium partium, ut si dico, Petrus sedet & studet; ad veritatem propositionis requiritur, ut simul sedeat & studeat.

**Disiunctiva** solum requirit veritatem unius partis; ut si dico, Petrus vel dormit, vel studet; sufficit, si studeat.

*Condi.*

*Conditionalis* nullius partis absolutam veritatem, sed solam partium connexionem requirit; ut; si sol lucet, dies est. Hæc propositio etiam nocte vera est.

*Causalis* requirit veritatem utriusque partis, & connexionem earundam; ut; Quia voluit, perierit. Ad veritatem propositionis requiritur; 1. ut voluerit, 2. ut perierit. 3. ut ideo perierit, quia voluit.

*Modalis* requirit veritatem rei principalis, & modi; ut si dico; Petrus velociter currit; requiritur ut currat, & ut velociter currat.

*Reduplicativa* idem requirit, quod causalis.

*Contradictoria* præcisè id affirmat, quod altera negat. Hinc contradictoria nequeunt simul esse veræ, aut falsæ.

*Contraria* plus affirmat, quàm altera negat; aut vicissim; hinc contrariæ, licet non possint simul esse veræ, possunt tamen simul esse falsæ.

*Subcontrariæ* possunt simul esse veræ.

*Subalternantis veritas* continet veritatem subalternatæ; non tamen vicissim. Falsitas autem subalternatæ continet falsitatem subalternantis; non vicissim.

*Conversio simpliciter* fieri dicitur, quando servatur eadem quantitas propositionis; ut; Nullus homo est lapis, nullus lapis est homo; talis conversio fit in omni propositione universali negativa, & particulari affirmativa.

*Conversio per accidens* fieri dicitur, quando non servatur eadem quantitas propositionis; ut, Omnis homo est animal: Aliquod animal est homo. Talis conversio fit in omni propositione universali affirmativa.

### Sectio 3.

#### *De Definitione, & Divisione,*

*Definitio* est propositio, explicans naturam, seu partes constitutivas rei.

(c)

*Meta-*

*Metaphysica* vocatur, cujus partes de se invicem prædicantur in recto: ut, homo est animal rationale.

*Physica*, cujus partes non prædicantur de se invicem in recto; ut, homo est corpus, anima, & earum unio. Utraque tam physica quàm metaphysica vocatur *Essentialis*, quia explicat partes essentielles.

*Accidentalis*, quando solum explicantur partes accidentales; vel quando explicatur solum Totum Compositum accidentale; ut, homo est animal bipes, implume, habens lato ungues.

*Causalis*, quæ fit per causam rei vel materialem, vel efficientem, vel finalem: ut, homo est animal creatum ex limo ad colendum Deum.

*Descriptiva*, quæ desumitur à proprietatibus, accidentibus, aut circumstantiis rei; ut, homo est animal risibile, politicum, scientiæ capax.

*Definitio Nominis* est, quando explicatur vocis significatio; ut Centaurus est monstrum marinum, dimidia parte humanum, dimidia equinum.

Definitio bona servet sequentes regulas:

1. Sit clarius suo definito; non obscura.
2. Sit brevis; nil continens superflui, ob quod in definitione non probantur particule Copulativæ *Et*, aut Disjunctivæ *Vel*.
3. Sit convertibilis simpliciter cum definito; ut, omnis homo est animal rationale, omne animal rationale est homo.
4. Conveniat Omni, & Soli, definito. Ut: homo est animal rationale, convenit omni homini, & soli homini.
5. Constet genere proximo, & differentia ultima. Genus proximum vocatur illud prædicatum, per quod res definita cum aliis entibus, quàm fieri potest, paucissimis convenit. Differentia ultima vocatur illud prædicatum, per quod ab omnibus aliis entibus ultimato differt. Ut, homo est animal rationale; animal est genus, per quod homo adhuc convenit cum bestiis; rationale est differentia, per quam ab omni ente differt. Si dixissem: homo est ens risibile, non foret bona

bona definitio ; quia Ens foret genus nimis remotum ; & risibile præsupponit in homine aliud prædicatum, nempe rationalitatem, per quam homo ab aliis entibus ultimato, seu ut alii loquuntur, primò differt.

6. *Quicquid potest dici de definito, debet etiam posse dici de definitione, & vicissim.* Ut, si possum de homine dicere, quod sit imago Dei ; debeo hoc etiam posse dicere de animali rationali.

Observandum est circa definitiones.

1. *Res simplices* ; quæ nullas habent partes, *definiri non posse* ; v. g. albedo, lux ; ista enim entia experientia sensuum, non descriptione animo innotescunt ; definitio ac descriptio solum iis prodest, quibus partes rei definitæ jam aliunde notæ sunt.

2. *Genus non adeo strictè requiri in definitionibus* maxime compositorum accidentalium, aut moralium ; finis enim definitionis plerumque est, ut discernamus rem definitam ab aliis entibus, quod fit quandoque per solam differentiam. Ille si dicerem, homo est quid rationale.

3. *Dependere à iudicio prudentum, quot & quales partes genericæ aut differentiales in definitione exprimi debeant* ; cum enim definiens velit explicare naturam rei intelligibiliter, ad hoc unum attendere debet, ut offerat prædicata nota, nec debet curare, an illa prædicata pertineant ad genus proximum, aut remotum. Ob eandem causam prudentia quandoque exigit, ut offerantur plura prædicata generica ; solet enim interdum aliquod prædicatum specialem mereri attentionem, & ob hoc exprimi in definitione, licet alioquin posset omitti, aut convenientius prædicatum assignari. Quare attendi debet ad finem definitionis & definientis.

4. *Plerasque definitiones esse aut descriptivas, aut certe minus exactas* ; quia aut partes essentielles parum nobis notæ sunt ; aut earum ordo & meritum in definitione determinati non potest ; quis enim neget hominem æquè defini posse. Ratio-

tionativum animale, sicut modo definitur animal rationale; adeoque de definitionibus multum litigandum non est, cum ejusdem rei possint fieri diversæ definitiones.

3. *Definitiones temporum vicissitudine mutationi obnoxias esse.* Quia aliqua composita, maximè accidentalia & moralia, mutant partes quisdam essentielles; quibus mutatis, necesse est etiam definitiones mutari; quandoque successu temporum aliquæ partes essentielles compositi, quæ prius ignoratæ erant, de novo reteguntur; interdum aliquæ partes essentielles, dudum quidem cognitæ, sed neglectæ, incipiunt nostro tempore fieri notabiles, atque attentione dignæ; igitur clarum est, eas in definitione nova exprimi posse.

*Divisio* est totius in suas partes distributio; ut, Animal aliud est rationale, aliud irrationale. Animal, quod dividitur, vocatur *divisum*. Rationale & irrationale, in quæ animal dividitur, vocantur membra *dividentia*.

*Actualis* divisio vocatur, cujus partes actu constituunt totum; ut hominis alia pars est corpus, alia anima. Tale totum vocatur *actuale*.

*Potentialis*, cujus partes non necessario actu constituunt totum; ut animal aliud est rationale, aliud irrationale; tale totum vocatur *potentiale*.

*Univoca*, cujus partes univocè participant rationem divisi. Ut animal aliud est equus, aliud leo. Quando verò diceretur, canis alius est celestis; alius terrestris; divisio foret *æquivoca*.

*Accidentalis*, in qua enumerantur partes accidentales; ut homo alius est Europæus, alius Africanus.

Divisio bona servet sequentes regulas:

1. *Divisum sit majus quavis parte dividente.*
2. *Membra dividentia adæquant divisum.*
3. *Membra dividentia inter se pugnent, ita ut unum non includatur in altero; hinc mala foret divisio, si Europam dividere in Hispaniam, Galliam, Germaniam, & Bavariam.*

4. *Divi-*



4. *Divisio sit brevis, & utilis.*

Hæc ultima divisionis regula est præcipua; bonitas enim divisionis dependet à fine divisionis & dividendis; hinc solum in divisione recenseri debent illæ partes, quæ ad scopum dividendis serviunt; nec præbentur multæ subdivisiones partium; finis divisionis alius esse non debet, nisi ut illas totius compositi partes continuò ante oculos habeamus, quarum consideratio ad discursum intentum ac systema coordinandum necessaria est. *Suprema divisionis regula prudentia esto.*

## Sectio 4.

### De Syllogismo.

Syllogismus vocatur discursus, in quo inferitur unum ex alio;  
ut, Omnis homo est mortalis

Petrus est homo

Ergo Petrus est mortalis.

In omni tali Syllogismo dantur *Tres Propositiones, & Tres Termini*. Prima propositio vocatur *Major*; Secunda *Minor*; Tertia vocatur *Conclusio*, aut *Consequens*. Prima & secunda propositio simul sumptæ, vocantur *Premissæ*. In præsentis exemplo tres termini sunt 1. *Homo*. 2. *Mortalis*. 3. *Petrus*. Terminus, qui in præmissis bis recurrit, ut *Homo*, vocatur *terminus Medius*. Reliqui duo termini vocantur *Extrema*. Ille, qui in majori prædicatur, ut *Mortalis*, vocatur *extremum Majus*; alter terminus, qui in Minori subjicitur, vocatur *Minus extremum*, ut, *Petrus*. Conclusionis cum Præmissis connexio vocatur *Consequentia*.

*Categoricus Syllogismus* est, in quo omnes propositiones sunt categoricæ, ut,

Omnis homo est mortalis

Petrus est homo

Ergo Petrus est mortalis,

(c) 3

*Hypo-*

**Hypotheticus** est, in quo reperitur propositio hypothetica, seu  
**Condionalis**, ut,

Si sol lucet, dies est

Sed sol lucet

Ergo dies est.

**Enthymema** est syllogismus imperfectus, constans duabus proposi-  
 tionibus, ita ut tertia subintelligatur; ut

Petrus est homo

Ergo est mortalis,

Vel,

Sol lucet

Ergo dies est.

**Exemplum** est Argumentatio ab exemplo, ut;

Ebrietas Alexandrum perdidit

Ergo & te perdet.

**Inductio** est Argumentatio ab enumeratione partium; ut

Europaei, Asiani, Africani, & Americani sunt

mortales, ergo omnes homines sunt mortales.

**Sorites** est propositionis unius ex alia per plures medias proposi-  
 tiones facta illatio, ut

Amor vanitatum parit pigritiam;

Pigritia parit ignorantiam,

Ignorantia parit in malo pertinaciam,

Pertinacia parit damnationem,

Ergo amor vanitatum parit damnationem.

**Syllogismus Primae figurae** dicitur; quando medius terminus in  
 praemissis semel subicitur, & semel praedicatur; ut

Omnis homo est mortalis

Petrus est homo

Ergo Petrus est mortalis.

**Syllogismus Secundae figurae** dicitur, quando medius terminus in  
 praemissis bis praedicatur, ut

Omnis homo est rationalis

Nullus equus est rationalis

Ergo nullus equus est homo;

**Syllo.**



*Syllogismus Tertie figure est ; quando medius terminus in præmissis bis subicitur ; ut*

Omnis homo est creatura

Omnis homo est animal

Ergo aliqua creatura est animal.

*Principia Syllogismi sunt duo : 1. Quæcunque identificantur cum uno tertio , identificantur inter se ; & , Quæcunque distinguuntur in uno tertio , distinguuntur inter se , v. g. Petrus , & mortale identificantur cum Homine , Ergo etiam identificantur inter se. Homo identificatur cum Rationali , Equus non identificatur cum rationali , ergo neque identificantur inter se homo & equus. 2. Dictum de omni , Et dictum de nullo , id est , Quidquid dicitur de omnibus , dicitur etiam de singulis. Si dico de Omni homine , quod sit rationalis , debeo hoc etiam dicere de Petro , qui comprehenditur inter omnes homines.*

*Generalis omnium Syllogismorum Regula est , quod Conclusio debeat contineri in una Præmissarum. v. g. Hæc conclusio ; Ergo Petrus est mortalis , continetur in illa propositione ; Omnis homo est mortalis ; altera propositio ; Petrus est homo ; tantum mihi ostendit ; Conclusionem contineri in majore ; in quantum ostendit , inter omnes homines comprehendi etiam Petrum. Hinc una Præmissarum vocatur *Continens* ; altera *Applicans*. Omnis Syllogismus , in quo servatur hæc regula , bonus est ; in quo non servatur , malus.*

*Addi possunt sequentes regulæ :*

*1. Medius terminus in una præmissarum distribuatur ; hinc malus est sequens syllogismus :*

Aliquod animal est rationale

Equus est aliquod animal

Ergo equus est rationalis.

*2. Terminus non distributus in præmissis non potest distribui in conclusione ; hinc male inferitur :*

Omnis

Omnis homo est animal.

Nullus equus est homo.

Ergo nullus equus est animal.

Quia animal in majori supponit disjunctive; in conclusione distributive.

3. *Conclusio sequitur debiliorem partem*; id est, si una præmissarum tuit negativa, etiam conclusio sit negativa; hinc male diceretur:

Homo est rationalis

Equus non est homo

Ergo equus est rationalis.

4. *Ex duabus præmissis particularibus nihil sequitur*, ut

Aliquod animal est rationale

Al quod animal est irrationale

Ergo aliquod rationale est irrationale.

5. *Ex meris negativis propositionibus nihil sequitur*, ut

Nullus equus est rationalis

Nullus homo est equus

Ergo nullus homo est rationalis,

6. *In Syllogismo non reperiantur plures, quàm tres termini*, ut

Omnis Canis est lacrabilis

Stella est Canis

Ergo stella est lacrabilis,

Hic enim Canis, cum habeat duplicem sensum, æquivaleret duobus terminis; ac proin addendo reliquos duos terminos; lacrabilis, & stella, dantur in hoc Syllogismo quatuor termini.

Igitur illi Syllogismi, in quibus non servantur hæ regulæ, *formaliter*, id est, vi formæ, ac universaliter boni non sunt. Licet aliquando sint boni *materialiter*, id est, in certis materiis, non vi artificii syllogistici.

Se&io

## Sectio 5. De Inventione.

Inventio Medii termini, seu Argumenti sumitur

1. à *Causa materiali*, formali, efficiente, vel finali. v. g. à *Materiali*, Petrus nec habet ligna, nec lapides, ergo non ædificat. à *Formali*, Simia non habet animam rationalem, ergo non est homo. Ab *efficiente*, Architectus peritus est, ergo ædificium est bonum. Non datur architectus, ergo nec ædificium. à *Finali*, Finis justitiæ bonus est, ergo & justitia bona est. Vel: non datur causa ambulandi, ergo non est ambulandum.
2. Ab *Effectu*, ut; Opus laudatur, ergo & artifex.
3. à *Genere*, & *Specie*, ut; Lapis non est animal, ergo nec homo. Vel: Petrus est homo, ergo etiam animal.
4. à *Proprio*, ut, Petrus est risibilis, ergo est homo.
5. Ab *Adjunctis*, *accidente*, ac *circumstantiis*, ut, venit Canis Tobias, ergo & Tobias.
6. à *Contrario*, ut, Bellum nocet, ergo pax prodest.
7. à *Simili*; ut, servus Domino servit, ergo & homo Deo.
8. Ab *Etymologia Nominis*; ut, Homo ab humo dictus est, ergo se humiliet.
9. à *Definitione*, ut, Simia non est animal rationale, ergo nec homo.
10. à *Divisione*, ut, Phoenix nec reperitur in Europa, nec in Asia &c. ergo nec in mundo.
11. Ab *Authoritate*, ut, Deus dixit, post mortem dari aliam vitam, ergo datur.

Hæc argumentorum principia vocantur *Loci Topici*; circa hos prodita sunt sequentia axiomata:

1. Circa *Causas*.

Sublata causa, tollitur effectus.

Qualis est causa, talis est effectus.

(d)

Qualis

Qualis est effectus, talis est causa.

Cujus finis bonus est, ipsum quoque bonum est,

Quod est causa causæ, est etiam causa causati.

Posita causa, ponitur effectus.

Causa nobilior est suo effectui.

Causa est prior suo effectui.

Causa & effectus simul sunt.

2. *Circa Effectus.* Posito effectui, ponitur causa.

Cujus generatio bona est, ipsum quoque bonum est,

Cujus corruptio bona est, ipsum malum est,

Cujus usus bonus est, ipsum quoque bonum est,

Cujus usus malus est, ipsum quoque malum est.

3. *Circa Genus & Speciem.*

A quo removetur genus, removetur & species.

Quod convenit generi, convenit & speciei, sed non vicissim,

4. *Circa Proprium.*

Proprietates sequuntur Naturam.

Proprietates arguunt Naturam.

5. *Circa adjuncta.*

Quæ regulariter conjuncta sunt, præsumuntur esse conjuncta.

Quæ regulariter antecedunt, præsumuntur antecedere.

Quæ regulariter consequuntur, præsumuntur consequi.

Qualia sunt adjuncta, talis præsumitur res.

Quæ toties fere sunt conjuncta, quoties non sunt conjuncta, non fundant præsumptionem.

Tanto major est præsumptio, quanto frequentior est adjunctorum cum re conjunctio.

Cum quibus connectuntur adjuncta rei, cum iisdem connectitur ipsa res.

6. *Circa Contraria.*

Contrariorum contrariæ sunt causæ.

Contraria non sunt ejusdem speciei.

Unam uni tantum est contrarium.

**Contra-**

Contraria versantur circa idem subjectum.  
 Contraria non insunt simul eidem subjecto.  
 Contrarium oritur ex contrario.  
 Contrariorum eadem est ratio, seu scientia.  
 Posito uno contrariorum, tollitur alterum,

**7. Circa Simile.**

Similium eadem est ratio, idem iudicium.  
 Si id, quod magis videtur inesse, non inest; nec inerit,  
 quod minus videtur inesse.  
 Si prædicatum non inest ei, cui magis videtur inesse; nec  
 inerit ei, cui minus videtur inesse.  
 Si id, quod minus videtur inesse, inest; inerit etiam,  
 quod magis videtur inesse.  
 Si prædicatum inest ei, cui minus videtur inesse; inerit  
 etiam ei, cui magis videtur inesse.  
 Dissimilibus conveniunt dissimilia.  
 Omnis similitudo claudicat,  
 Simile simili gaudet,

**8. Circa definitionem.**

Quod convenit definito, convenit etiam definitioni, &  
 vicissim.  
 Quod removetur à definito, removetur etiam à defini-  
 tione, & vicissim.  
 Species sumitur à differentia,

**9. Circa divisionem.**

Positis omnibus partibus, ponitur totum.  
 Sublata quacunque parte, tollitur totum.  
 Posito toto, ponuntur omnes partes.  
 Totum sapit naturam suarum partium.  
 Totum est majus sua parte,

**10. Circa auctoritatem.**

Cuique perito in sua arte credendum.  
 Quod omnibus, vel pluribus, vel sapientibus videtur, proba-  
 bile est nec sine gravi causa à communi aut sapientum  
 iudicio recedendum est.

In usu verborum sequenda est consuetudo.  
Præter hos generales Locos Topicos dantur speciales, quando insituitur plurium objectorum inter se comparatio aut electio.  
*Melius proin ac Præstantius est*

1. à *Causis.*

Quod inest rei meliori.

Quod versatur circa præstantiorem materiam, aut modo meliore.

Quod propter se expetitur, non propter aliud.

Quod per se expetitur, non per accidens.

Quod natura bonum est eo, quod non natura bonum est.

Quod propter se in majori est honore aut laude, quam quod propter aliud.

Quod propter se expetitur eo, quod solum propter laudem humanam ac æstimationem hominum.

Quod appositum rei alicui eam facit expetibiliorem eo, quod illam non facit ita expetibilem.

Quod per se est causa boni, eò, quod per accidens est causa.

Id, quo habito, non indigemus altero.

Quod reddit melius aut bonum id, in quò est.

Id, cujus quisque se mavult esse causam, quam alium.

Id, quo res melior comparatur.

Finis magis expetendus est, quam ea, quæ ad finem ducunt.

Quod ad finem accedit propius, aut certius.

Quod ad finem vitæ spectat eò, quod ad alium finem.

Id, cujus finis melior.

2. *Ab Effectu.* Id, quod magis possibile.

Id, cujus orcus magis optandus, & interitus magis fugiendus.

Id, quod difficilius acquiritur à nobis.

3. à *Genere, Specie, Proprio.*

Quod magis proprium rei, eidem melius.

Quod proprium est melioris rei.

In quavis specie id, quod habet statum ac virtutem naturalem.

4. *Ab*



4. *Ab Adjunctis.* Quod magis insignis,  
 Quod diuturnius est.  
 Quod plus voluptatis, minus molestiæ habet.  
 Quodvis eo tempore, quo majorem virtutem habet.  
 Bona ex circumstantia aliquando meliora necessariis.  
 Quod sine altero merito expeti potest.  
 Cui consequens est majus bonum.
5. *à Contrario.*  
 Quod suo contrario minus permixtum est.  
 Illud è duobus contrariis, quo magis prædicti videri vo-  
 lumus.
6. *à Simili.*  
 Quod rei bonæ propinquius aut similis,  
 Si Positivus bonus, Comparativus melior.
7. *à Definitione & Divisione.*  
 Quod magis suscipit definitionem, magis tale est.  
 Plura bona anteponenda paucioribus.  
 Quod simpliciter bonum eò, quod tantum alicui bonum.  
 Quod semper aut ut plurimum utile eò, quod tantum  
 aliquando.  
 Quod ad omnia vel plura utile, eò, quod ad pauciora.  
 Quod est in genere eò, quod non est in eò genere.  
 Quod est in genere vel specie meliori.
8. *Ab Autoritate.*  
 Quod potius eligit prudens, aut vir bonus, aut lex, aut  
 qui excellunt in aliqua re.  
 Quod melior disciplina eligendum præcipit.  
 Addo ea, quæ hic tradita sunt de objectis eligendis, applicari  
 posse ad objecta fugienda; utque hæc principia reddantur memo-  
 riæ familiaria, utile fuerit, se in ipsis per exempla exercere. Nec  
 inutilis erit horum familiaritas: argumenta enim in nobis latentia  
 veluti certis characteribus demonstrant, ac menti offerunt.

## Sectio 6.

### *De Certitudine argumentorum, & Conclusionum, & Regulis Consequentie.*

*Propositionem metaphysicè certam* voco, cujus principia absolute nunquam possunt fallere,

*Physicè certam* voco, cujus principia nunquam fallunt secundum cursum ordinarium naturæ.

*Moraliter certam* voco, cujus principia rarissime fallunt.

*Probabilem* voco, cujus principia regulariter, ac sæpius non fallunt.

*Dubiam* voco, cujus principia ferè toties fallunt, quoties non fallunt.

*Improbabilem* voco, cujus principia sæpius fallunt, quam non fallunt.

*Conclusio sequitur naturam antecedentis.* Si antecedens est certum, vel probabile; talis etiam est conclusio, si necessario consequitur suum antecedens. v. g. Petrus currit, ergo movetur.

In Syllogismo *Conclusio sequitur partem debiliorem*; id est, Quando una Præmissarum est certa, altera probabilis, etiam conclusio solum est probabilis. v. g. Omnis Prædestinatus à Deo infallibiliter salvatur, Petrus est Prædestinatus, Ergo infallibiliter salvatur. Hic conclusio est solum probabilis; licet major sit certa,

*Conclusio, quæ ex antecedente probabili tantum probabiliter deducitur, plerumque non manet probabilis.* v. g. Aristoteles in inferiori mundo negavit providentiam, Ergo non datur providentia.

*Consequentia simpliciter affirmari aut negari debet; quia aut est sine ulla exceptione mala aut bona.*

*Aliquando potest negari consequentia, etiamsi tam antecedens, quam consequens verum sit; quando nempe consequens non consequitur ad antecedens.* v. g. Petrus est homo; Ergo sol-



Dato uno absurdo, vel impossibili, sequitur alterum. v. g. Petrus est canis, ergo est animal latrabile.

In Conditionalis affirmativa à positione antecedentis valet consequentia ad positionem consequentis. v. g. Si Petrus est homo, est animal; sed est homo, ergo est animal.

In Conditionalis affirmativa à destructione consequentis, bona est consequentia ad destructionem antecedentis. v. g. Si lapis est homo, est animal; sed non est animal, ergo neque homo.

Generalis Consequentiarum regula est, quod illa bona sit, quæ vera est. Solet autem quandoque Hypothesis impossibilis posita in antecedente seipsam destruere in consequente. v. g. Non datur veritas, ergo datur veritas. Etiam hæ consequentiæ reputantur legitimæ; licet enim ex falso non possit sequi verum; potest tamen occasione falsi probari verum. Igitur consequentia talis qualicunque potest vocari legitima; inquantum occasione falsi infert verum destructivum falsi.

## Sectio 7. De Sophismate.

Sophisma est vitiosa argumentatio; hujus occasiones periculosiores sunt sequentes:

I. Ignoratio Elenchi. Quando probatur aliud, quàm quod est in questione. Hoc vitium frequenter committitur ab iis, qui, dum statum questionis ac controversiæ non satis intelligunt, ignorant, quid contra adversarium probandum sit; quandoque tales omnem probationum vim consumunt in minutis ad causam principalem parùm contribuentibus; aliquando vel in alia fraude, vel ex animi perturbatione affingunt adversariis ea, quæ à mente eorum remotissima sunt; vel eorundem doctrinæ adscribunt tales consecutiones, quas nemo admiserit. Igitur, ut vitetur hoc Sophisma, ante omnia status questionis, ac cardo controversiæ clarè ac distinctè proponendus est.

2. Peti-

2. **Petitio Principii.** Quando id supponitur, quod est in quaestione. Quando probatur ignotum per æque ignotum, aut incertum per æque incertum. Solet hoc Sophisma committi 1. ab iis, qui Synonymum sumunt ad confirmationem Synonymi, aut definitionem ac confirmationem definiti. 2. Qui universalem propositionem probant per inductionem particularium; & particularia per propositionem universalem. 3. Qui correlativum probant per alterum correlativum. 4. Qui doctrinam suam superstruunt suppositis tanquam omniæ confessione certis; eum tamen illa supposita æque incerta sint. 5. Qui committunt vitiosum circulum, probando unum per alterum; & hoc iterum per primum. Huc pertinet, quod nonnunquam eadem conclusio in Philosophia probetur autoritate Theologorum, & in Theologia illa ipsa conclusio probetur autoritate Philosophorum. Notandum tamen; non repugnare rectæ rationi; si unus testis, extra controversiam fide dignus testetur de fidelitate alterius testis; & hic posterior dein testetur de qualitatibus nonnullis prioris testis, alioquin minus notis.
3. **Non Causa, pro Causa.** Quando assignatur causa apparens, quæ tamen causa non est. Solet hoc Sophisma committi, quando intellectus obruitur nominibus rerum ignotarum, aut nominibus generalibus, aut nominibus abstractis: v. g. quando pro causa quorundam effectuum assignatur metus vacui, forma substantialis. Hæc enim sunt nomina rei ignotæ. Quando pro causa assignatur qualitas occulta, virtus magnetica, facultas concoctiva &c. obruduntur nomina generalia, quæ nil aliud significant, quàm causa occulta, causa attractiva &c. Quando fatum, fortuna, &c. pro causa adducuntur; habemus nomina abstracta, & præter nomina nihil, licet intellectus se veram causam apprehendisse existimet. Huc pertinet, quod sæpe assignetur Non effectus pro effectu v. g. dum multi effectus lunæ adscribuntur, qui nunquam extiterunt; nimia credulitas, & ingeniorum servitus hoc Sophisma fovet. Omnium frequentissimè assumitur loco causa, quod

quod concomitatur , aut antecedit effectum , licet cum effectu nullam necessariam connexionem habeat ; Sic Sirius creditur causa aestus , quia illius ortus antecedit aestum . A quibusdam accusatur Eloquentia , ut causa malorum , eo quod videant , peruersos homines ad persuadendum uel eloquentiâ.

4. Fallacia accidentis. Quando de natura aut proprietate rei pronuntiatur ex eo , quod ei tantum convenit per accidens. Sic accusatur eloquentia , aut philosophia ex eo , quod cum illis contingenter quandoque conjuncta sint vicia . Igitur diligenter considerandum est , quid tribuendum ac adscribendum sit ipsi rei secundum se , quidve adscribendum accidentibus , aut circumstantiis.

5. Fallacia divisionis & compositionis. Quando fit argumentatio à sensu diviso ad sensum compositum , aut à sensu composito ad divisum , v. g. Petrus potest vitare homicidium , & adulterium , & blasphemiam , & quodvis aliud peccatum ; Ergo tota sua vita potest vitare omnia peccata . Aut sic : Aleator potest prima , secunda , & qualibet alia vice jacere numerum senarium , ergo potest integro anno semper jacere numerum senarium ; in his non licet à sensu diviso argumentari ad compositum , quia Continencia non procedunt uniformiter . Frequenter solet committi hoc sophisma argumentando à sensu composito ad divisum , quando denominatio conveniens rei in sensu composito negatur ob hanc solam rationem , quod eidem non conveniat in sensu diviso.

6. A dicto secundum quid ad dictum simpliciter. Quando enuntiatur simpliciter , quod est tantum verum secundum quid . Hoc sophisma committitur ab iis , 1. qui rem unam alteri  
(c) simpli-

simpliciter præferendam esse volunt, cùm tamen tantùm præferenda sit secundum quid. 2. Qui rem simpliciter laudant aut viruperant, cùm tamen solum foret laudanda secundum quid. 3. Qui denominationem relativam absolute tribuunt, cùm tamen tantùm conveniat rei relatè ad aliquid determinatum. 4. Qui aliquam denominationem simpliciter negant ex eo, quod illa denominatio secundum quid non conveniat rei. Hinc vitiosa est Argumentatio: Non licet occidere, ergo neque licet occidere nocentem. Vel: licet occidere nocentem, ergo licet occidere;

7. Imperfecta inductio. Hoc sophisma committitur ab iis. 1. Qui consideratis omnibus considerandis pronuntiant aliquid esse possibile vel impossibile, verum vel falsum; cùm tamen non omnia consideraverint. 2. Qui enumerando varios modos, quibus res fieri possit, omittunt tamen plures alios consideratione dignos. 3. Qui ex aliquot rerum particularium consideratione statim inferunt universale, ac propositionem generalem. 4. Qui integræ communitati ac societati adscribunt, quod tantum aliquibus paucis convenit.

8. Argumentum ab invidia ductum. Quo nempe aliorum doctrina opprimitur, consensando illius odium. Hoc fieri solet sic: 1. Sententia, quæ oppugnatur, male explicatur. 2. Cum invidiosorum hominum dogmatibus confertur. 3. Nominibus invidiosis infamatur. 4. Exaggeratur momentum quaestionis. 5. Invisi redduntur boni, quod consuetis non utantur vocibus ac loquendi formulis. 6. Studiosè occultantur rationes, quibus refutanda sententia nititur. 7. Tacentur incommoda, quibus premitur sententia defendenda. 8. Prætermittuntur ea, quæ invidiam amoliri possent. 9. Invidio-

Invidiosa confectaria deducuntur ex sententia eorum , qui oppugnantur. 10. Malignis suspicionibus premuntur. 11. Novitas illis obicitur , quasi crimen. 12. Consensu hominum potentiorum opprimuntur. 13. Miscetur in disceptationibus multa , quæ ad rem nihil faciunt , sed quæ invidiæ creandæ apta sunt. 14. In deteriore partem accipiuntur indifferentia. 15. Provocatio fit à peritis iudicibus ad imperitos. 16. Adversarii quasi immorigeri magistratibus infamantur. Hoc genus sophismatis sine dubio nec vitio , nec peccato caret ; quia tamen inter est reipublicæ , opprimi scandala , & nosse malos , licebit nonnunquam ea seligere , quæ veritatem non lædunt.

9. *Æquivocatio, & Amphibologia.* Illa fit, quando quis abutitur voce æquivoca, non subijciendo eidem constans significatum ; hæc verò fit, quando integra propositio recipit ambiguum sensum.

## Sectio 8.

### *De Methodo.*

Methodus est modus in suis ratiociniis ac studiis ordinatè procedendi.

Regula est Generalis , ut à simplicibus ad cōposita ; à notioribus ad minus nota , à facilioribus ad difficiliora fiat progressio. v. g. qui explicat artificium horologii , prius explicat singulas partes seorsim , eorumque officium , ut dein totius cōpositi constitutio intelligi possit ; sic Architectonica , & omnes aliæ artes prius explicant ac docent partes suæ operationis ; & sic

à simplicibus procedunt ad composita. Potest autem hæc progressio duplici modo fieri Synthetico, & Analytico.

**Synthesis** est Compositio. Hæc fit: 1. Quando ab inductione particularium progredimur ad conclusionem universalem, 2. Quando è proprietatibus & accidentibus rei seorsim cognitis colligimus naturam totius compositi, 3. Quando experientia, documentis, aut principiis particularibus, mediante aliquo discursu, superstruimus principium, dogma, aut systema universale. 4. Quando ex consideratione partium devenitur in cognitionem totius compositi. 5. Quando ex consideratione causarum & dispositionum ad naturam effectus rimandam progredimur.

**Analysis** est Resolutio. Hæc fit: 1. Quando ex conclusione universali descendimus ad particularia, ac corollaria. 2. Quando è natura totius compositi aliunde nota colliguntur proprietates & accidentia rei. 3. Quando ex aliquo principio, aut systemate universali aliunde certo deducitur continua serie veritas omnium conclusionum particularium; aut quando ex illo systemate explicantur experientia particularis. 4. Quando ex consideratione totius devenitur in cognitionem partium. 5. Quando ex cognitione naturæ effectus progredimur ad modum causandi ac productionis.

**Ufus** Methodi Synthetici, aut Analytici ad nullam legem adstringitur. Quando principia universalia notiora sunt, quàm particularia (prout doctis plerumque notiora sunt) convenienter adhibetur Analysis: interdum utraque conjungitur. Quando verò agitur in re obscura, ubi tyronibus solum proprietates sensibiles, accidentia, ac phenomena particularia nota sunt, adhibenda est methodus Synthetica. Tales proprietates

prietates particulares dicuntur notiores quoad nos. Principia verò universalis dicuntur notiora naturâ, quia connaturalius est ex cognitione principiorum ac causarum generalium devenire in notitiam particularium.

Specialis Regulæ loco servire potest Methodus Mathematica. In hac ponuntur sequenti ordine

1. Definitiones earum rerum, ac vocum, à quarum explicatione dependet totius discursus vis: nam definitiones earum rerum ac vocum, quæ minus principaliter aut secundariò tantùm ingrediuntur discursum, rectius immiscentur ipsi discursui.
2. Axiomata, seu principia generalia evidentia, per se nota, ac nulla alia probatione indigentia, à quorum evidentia veritas totius discursus continua serie deducitur; illa enim axiomata, quæ tantùm serviunt ad conclusiones minùs principales, rectius immiscentur ipsi discursui.
3. Postulata, seu principia generalia, non quidem evidentia ac per se nota, sed tamen aliunde certa aut probata. Requiritur; ut etiam ab horum veritate veritas totius discursus dependeat; illa enim postulata, quæ tantum serviunt ad conclusiones minus principales, rectius immiscentur ipsi discursui.
4. Data, seu omnes illæ res aut veritates, equarum ordinata consideratione dependet cujuslibet conclusionis in particulari evidentia.
5. Propositio, seu Conclusio.



6. Corollaria, seu sequelæ, quæ e conclusione utiliter deduci possunt; non enim decet addere corollaria, quæ aut nullius usus, aut nullius considerationis, aut nullius difficultatis sunt. Agrè fert humana superbia, si instruatur in iis, quæ sibi aliunde sine instructione facillimè obvia sunt.

Licet hæc methodus rectè servetur in omnibus scientiis, in quantum servari potest, superest tamen adhuc specialis methodus docendi, refutandi, & disputandi.

Methodus docendi melior videtur esse, si observet sequentia: 1. Præmittatur definitio nominum & rerum; earumque descriptio. 2. Veniant prænotanda, quibus comprehenditur omnium earum rerum explicatio, sine quarum notitia conclusio rectè intelligi non potest. 3. Fiat conclusio. 4. Sequantur probationes; & quidem argumenta majoris ponderis primum locum teneant, ut eò firmius mentem occupent; leviora argumenta in oratione ad medium; in scriptis ad finem reserventur. 5. Deducantur Corollaria. 6. Fiat dubiorum solutio. 7. Quando de eadem re plures occurrunt quæstiones, eæ ita coordinandæ sunt, ut primò quæatur: An sit res? Secundò. Quid sit? Tertiò. Qualis sit? Quartò. Cur talis sit? 8. Si quis velit immiscere eruditionem, documenta, aut historiam variarum opinionum &c. omnis illa eruditio prænotandis subiicienda est; aut speciali articulo proponenda; cavendum tamen, ne eruditione parùm utili laus operis minuat. 9. Omnia superflua rescendant. Hinc ea, quæ per modum corollarij ex alijs conclusionibus deduci acijs subnecti possunt, non specialiter examinentur; si occasio se obtulerit, incidenter utilem animadversionem, aut controversiæ impertinentis explicationem immiscendi id fiat brevissime; solum illæ objectiones, aut opiniones recensentur, quæ sunt alicujus difficultatis & ponderis. 10. præci-



præcipuè serveretur Ordo, claritas, & exactitudo: nam & minutia habent pondus suum. Ordo & Claritas requirit, ut partes principales operis ordinate, distinctè, & sensibiliùs, quàm omnes aliæ partes in sensus incidant; hinc partes principales aut caractere, aut positione, aut mōdo tendendi sensibiliōri, aut speciali attentionis provocatione à partibus secundariis distingui debent, nec nimis vicinae, ne unius meritum minuat attentionem ad alteram, nec nimis remotæ ab invicem, ne earum ordo memoriæ fiat. Reverà enim omnium operum, quæ dependent à proportionem partium, pulchritudo consistit in maiestate partium principalium, seu in tali simplici & facili ordine, ut omnis attentio feratur ad partes principales.

Methodus refutandi triplici modo fieri solet: 1. Si veritas ab initio statuatur, & ex veritate comprobata aliorum dicta refutentur, & quid veri contineant, exponatur. 2. Si prius aliorum opiniones cum eorum rationibus fideliter proponantur; ac dein mox refellantur, factio initio ab erroribus crassioribus; ultimò denique veritas statuatur, & in quantum refutatæ opiniones veritatem attingant, paucis exponatur. 3. Si propositis primùm pro utraque parte sententiis ac rationibus; dein veritas determinetur; ac postremò ex veritate rationes contrariæ dissolvantur. 4. In confutatione, quæ pro scopo habet investigationem ac demonstrationem veritatis, vitetur Argumentum ab invidia, verba injuriosa, minutarum vehemens insectatio; negligantur illa documenta & argumenta, e quibus utraque pars probabilitatem suæ causæ quærere potest; mittantur illa communia, quæ ab utraque parte dici possunt, v. g. obiectio pertinaciæ. 5. Eloquentia acerba, & vehementi insultatione solùm licet uti erga eos, qui potius opprimi, quàm confutari merentur; quales sunt, qui docent certò erroneæ, ac reipublicæ perniciose, abique ulla emendationis spe. 6. Objectionibus satisfieri debet, non solùm ostendendo, quod possint esse falsæ, sed etiam, quod probabilius sint falsæ.

7. Doctri-

7. Doctrina confutanda dividatur in tot puncta erronea, in quor-  
 quot dividi potest, eaque omnia seorsim refutari debent. 8. Non-  
 nunquam convenit instituere Parallelum errorum, & veritatis;  
 vel monstrare integram errorum Genealogiam indicando fontes,  
 occasiones, motiva, effectus. 9. Sæpe verba authorum de se in-  
 nocua, à circumstantiis, & dispositione tam audientium, quàm  
 loquentium acquirunt sensum quandam secundarium perniciosum;  
 sagax enim hominum natura nullo magistro, nullo monitore  
 semper in versutias sui generis intenta est, & linguam inuentium  
 etiam intra fauces hærentem subtili aure intelligit; tunc confutans  
 magna eruditione in demonstrandis illis circumstantiis ac disposi-  
 tionibus opus habet. 10. Confutans ad id maxime attendere  
 debet, si velit humaniter tractare adversarium, ut nullum ver-  
 bum offensionis proferat, sed solum interdum modesta veritatis  
 expositione lectori occasionem propinquam ac semina ulterioris  
 ratiocinii præbeat. Quia nuda admonitio, nuda objecti inci-  
 denter facta mentio, nudus modus tendendi mirabiles interdum  
 in mente lectorum ideas, ac discursus excitat.

Methodus disputandi consistit in hæc:

1. Argumentans  
 clare ac distinctè proponat propositionem, cujus veritas aut falsi-  
 tas probanda est. 2. Proferat argumentum, ita tamen ut conti-  
 nua serie non plures, quàm unum syllogismum proferat. 3. Re-  
 spondens repetat totum syllogismum, ac dein iterum incipiendo  
 ad singula membra respondeat; negando aut concedendo, si  
 propositionem veram aut falsam invenerit; distinguendo verò,  
 si sensum ambiguum deprehenderit. 4. Argumentans illam par-  
 tem, quæ negata est, denuò probet. 5. Si argumentanti ita vide-  
 bitur, poterit ante disputationem suam adversariis nonnullis quæ-  
 stionibus divertere, ut ex incautis ejus responsionibus forte major  
 efficacia argumento concilietur, aut effugia præscindantur. 6.  
 Præter hanc disputandi methodum, quæ est Aristotelica, ac  
 quasi ligata, datur alia methodus solutior, quæ vocatur Socratica;  
 in

in hac per modum discursus inquiritur veritas ; cum vero liberri-  
ma sit, solum imitatione disci potest, legendo Dialogos eorum,  
qui in hoc genere excelluerunt, maxime Platonis.

Ceterum nemo non videt, omnes has methodos inutiles  
fore, nisi quis in quovis quaestionum genere sibi comparaverit  
ope eruditionis magnam idearum variarum copiam, ut ex com-  
binatione tot confusarum cognitionum Ordinem totius veritatis  
ac doctrinae invenire possit; hinc opus est magna applicatione &  
attentione, vi cuius confusae cognitiones varie inter se permisce-  
antur; opus est indifferentia iudicii omnibus passionibus expur-  
gari, ne nimis facile errori acquiescat; opus est denique exercita-  
tione, ut mens assuescat ordinatis cognitionibus; ea vero exer-  
citatio consistit vel in lectione, vel in compositione, vel in prom-  
pta de quavis quaestione occurrente ratiocinatione; maxime ve-  
ro scientiae mathematicae mentis capacitatem augent ad multa  
simul comprehendenda, & quendam ordinem in ratiociniis or-  
dinate procedendi intellectui imprimunt.

Dubitatio, quam nonnulli pro fundamento totius me-  
thodi constituunt, ita ut scientiarum candidatos à principio de  
omnibus dubitare velint, ad methodum scientiarum non requiri-  
tur: cur enim ab initio dubitem, antequam habeam rationem  
dubitandi? cur animus ad argumenta pro merito suo ponderan-  
da, & errores deponendos paratissimus statim ab initio se omni-  
bus receptis semel opinionibus exuat? Cur non liceat tamdiu  
possessione paternarum traditionum frui, donec sufficienter per-  
spectum sit, eas temere receptas esse? Plane nec ratio, nec ex-  
perientia probat, hanc dubitationem iis necessariam aut utilem  
fore, qui parati sunt omnes suas opiniones, etiam quas  
pro ceris tenent, rigorose discutere.

## Se&io 9.

### *De Universalibus , & Pradicamentis.*

Universalia vocantur pradicata generalia, quæ insunt multis, ac pradicantur de multis. Sic Animal pradicatur de homine & equo, iisque inest. In quantum inest multis, vocatur Universalis in essendo ac metaphysicum, & definitur Unum aptum inesse multis. In quantum pradicatur de multis, vocatur universalis in pradicando, ac Logicum. Talia pradicata generalia seu universalia dantur quinque, Genus, Species, Differentia, Proprium, Accidens.

Genus est, quod sub se continet diversas species: Ut Animal, quod continet sub se equum, canem, hominem. Genus summum est, quod non continetur sub alio genere, ut Substantia, qualitas. Genus subalternum est, quod continetur sub alio genere, ut Corpus; continetur enim in genere Substantiæ.

Species est, quod continetur sub aliquo genere: Ut Homo, continetur in genere Animalis. Species infima est, quæ nullas alias sub se continet diversas species, ut Homo. Non enim dantur diversæ species hominum, sed solum diversa individua, seu, quæ solo numero differunt. Individuum enim vocatur, quod de uno solo pradicatur. Species subalterna est, quæ continet sub se diversas species, ut Animal est Species Substantiæ, & est genus respectu equi, & hominis,

Differentia est illud pradicatum, quæ una res differt ab alia; ut si dico homo est animal rationale; rationale est differentia.

cia. Essentialis vocatur, qua res differunt essentialiter; Accidentaliter, qua differunt accidentaliter.

Proprium vocatur illud prædicatum, quod rei necessario convenit: Ut risibile convenit necessario homini. Proprium dicitur quatuor modis: 1. Quod convenit soli, sed non omni. Ut Grammaticum esse, convenit soli homini, sed non omni. 2. Quod convenit omni, sed non soli, ut esse bipedem, convenit omni homini, sed non soli. 3. Quod omni & soli, non tamen semper convenit, ut canescere convenit omni & soli homini, sed non semper. 4. Quod omni, soli, & semper convenit; ut risibile convenit omni, & soli homini, & semper.

Accidens vocatur, quod potest adesse, & abesse sine subiecti corruptione. Ut Album prædicatur de muro accidentaliter, quia sive tollatur albedo, sive relinquatur, murus non corrumpitur. Nigredo à corvo non solet quidem de facili separari; potest tamen cogitatione separari.

Prædicamentum est catalogus prædicationum generalium, quæ in omni re reperiuntur. Sic cuivis rei convenit esse substantiam; cuivis convenit quantitas, qualitas, relatio, actio & passio, locus & situs, tempus, & habitus. Et hæc sunt numero decem.

Substantia vocatur omne Ens per se subsistens, ut homo, lapis. Accidentia enim, ut albedo, vel frigus existunt in alio, v. g. lapide. Primæ substantiæ vocantur individua, ut Petrus. Secundæ substantiæ vocantur genera & species, ut animal. Proprietates substantiæ recensentur hæc: 1. Quod non sint in subiecto. 2. Quod non habeant contrarium; quia contrarietates reperiuntur in qualitatibus. 3. Quod non suscipiant magis & minus. Quia Petrus non est magis homo, quam Paulus,

(f) 2

4. Quod

4. Quod sit receptiva contrariorum, v. g. idem modo recipit frigus, modo calorem.

Quantitas vocatur magnitudo ac extensio rei. Quantitas Continua vocatur magnitudo, cujus partes ab invicem sensibiliter non distinguuntur. Ut lignum, tempus, spatium. Quantitas discreta, cujus partes sensibiliter distinguuntur, ut Numerus v. g. ternarius, & Oratio. Proprietates quantitatis recensentur. 1. Quod non habeat contrarium. 2. Quod non suscipiat magis & minus; neque enim statua est minus bicubita, quam homo. 3. Quod secundum quantitatem dicantur res æquales vel inæquales. Æqualia enim dicuntur, quorum eadem est quantitas.

Qualitas vocatur illa res, qua substantia qualis dicitur. v. g. si quæro, qualis sit Petrus, aut murus? Respondetur, quod sit albus; albedo proinde est qualitas. Recensentur quatuor species qualitatis: 1. Habitus, seu constans rei dispositio; & transiens rei dispositio, quæ simpliciter vocatur dispositio. Sic constans dispositio ad opera virtutis vocatur habitus virtutis. 2. Naturalis potentia, & impotentia. v. g. potentia ad currendum. 3. Pacibilis qualitas, seu constans substantiæ affectio, ut scientia in Petro; & Passio, seu transiens substantiæ affectio, ut subita ira, aut verecundia in Petro. 4. Forma, & figura, quæ nascitur ex terminatione quantitatis, ut figura trianguli. Proprietates qualitatis sunt: 1. Habere contrarium, nam virtuti contrarium est vitium. 2. Suscipere magis & minus: Nam unus homo est altero justior. 3. Ut secundum eam res dicantur similes aut dissimiles. Similia enim sunt, quorum qualitas est una.

Relatio est, qua aliquid refertur ad aliud, sic servus refertur ac habet relationem ad Dominum; æquale habet relationem ad



ad sibi cœquale. Relatio æquiparantiæ dicitur, quando in utraque re reperitur mutua æqualitas, aut similitudo. Relatio disparantiæ dicitur, quando reperitur inæqualitas; talis intercedit inter servum & Dominum. Termini relationis dicuntur res, quæ habent ad invicem relationem. Fundamentum relationis dicitur res, quæ refertur ad aliam, ut murus ad murum. Ratio fundandi vocatur res, propter quam unum refertur ad aliud; v. g. si murus dicatur alteri muro similis propter suam albedinem, tunc albedo vocatur ratio fundandi. Proprietates relationis sunt: 1. Omnis relatio est mutua. 2. Omne relatum est simul naturâ cum suo correlativo; si enim ponitur aut tollitur Dominus, ponitur etiam aut tollitur servus. 3. Relativorum una est sciendia; uno enim terminorum cognito, necessario cognoscitur alter. Si scio Anchisæ esse Patrem Æneæ, scio etiam Æneam filium esse Anchisæ.

Actio vocatur affectio agentis, quando agit. Passio vocatur affectio patientis, quando patitur; sic, quando ignis calefacit aquam, dicitur agere in aquam; & quando aqua recipit calorem, dicitur pati. Eadem proin calefactio est in agente actio, & in patiente passio. Proprietates actionis & passionis sunt: 1. Quod recipiant magis & minus. Una enim calefactio est major altera. 2. Quod habeant contrarium. Calefactioni enim contraria est frigeffectio.

Locus vocatur vicinia corporum ambientium. Ut sol dicitur in medio cœli, quia illum ambiunt cœli.

Situs est modus, secundum quem partes corporis sunt in loco; ut sessio.

Tempus vocatur mensura durationis, ut annus.

Habitus vocatur omne genus indumenti, ut vestis, vel arma.

Post-prædicamenta recensentur quinque: Oppositio, prioritas, similtas, & habere.

Oppositio fit quatuor modis: 1. Relativè, talis intercedit inter Dominum & servum. 2. Contrariè, Talis intercedit inter ea, quæ se mutuò ab eodem subiecto expellunt: Ut inter calorem & frigus. 3. Privativè, Talis intercedit inter formam & privationem, ut inter lucem & tenebras. Est enim privatio negatio formæ in subiecto disposito ad formam. Sic cæcitas est negatio potentie visivæ in oculo. 4. Contradictorie, Talis est inter hominem, & non hominem.

Prioritas est modus, quo una res præcedit aliam; est quintuplex: 1. Prioritas temporis est modus, quo una res præcedit tempore. 2. Prioritas à subsistendi consequentia intercedit, quando unum infertur ex alio; ut si dico, Petrus est homo, ergo est animal. Homo est prior animali. 3. Prioritas ordinis, quando unum præcedit ordine, ut Orationis Exordium præcedit Epilogum. 4. Prioritas dignitatis, qualis est inter Regem & subditos. 5. Prioritas naturæ, quando unum est causa alterius, licet utrumque sit in eodem instanti temporis; sic sol est prior luce, ignis calore.

Similtas etiam est quintuplex: 1. Similtas temporis. 2. Similtas consequentiæ, quando duo mutuò se inferunt. Sic possum dicere; est risibilis, ergo est rationalis; vel est rationalis, ergo est risibilis. 3. Similtas Ordinis. 4. Similtas dignitatis. 5. Similtas naturæ; quando duo se mutuò ponunt, aut tollunt, licet non sint invicem causæ, ut correlative.

Motus



Motus est tendentia ad terminum. Ejus quatuor sunt modi: 1. Generatio & corruptio, qua substantia tota de novo producitur aut destruitur. 2. Motus localis, quo res transfertur ab uno loco ad alium. 3. Alteratio, qua substantia mutatur in suis qualitatibus. 4. Augmentatio vel diminutio, qua substantia mutatur in quantitate.

Habere vel haberi dicitur una res ab alia quinque modis: 1. Per inhaerentiam. Sic murus habet albedinem. 2. Per continentiam; sic dolium continet vinum. 3. Per possessionem. Sic homo habet pradium. 4. Per relationem. Sic Pater habet filium. 5. Per juxtapositionem. Sic Germania à meridie habet Italiam, ab occidente Galliam.

Nil jam superest, quàm Arbor prædicamentalis, seu generalis divisio rerum; ea est sequens:

<b>Substantia</b>	
<b>Corporea</b>	<b>Incorporea</b>
<b>Corpus</b>	
<b>Animatum</b>	<b>Inanimatum</b>
<b>Vivens</b>	
<b>Sensitivum</b>	<b>Non sensitivum</b>
<b>Animal</b>	
<b>Rationale</b>	<b>Irrationale</b>
<b>Homo</b>	
<b>Petrus</b>	<b>Paulus.</b>
<b>Hæc</b>	

Hæc igitur Logica incipientium est, seu generalis ad scientias præparatio, in qua, ut vides, multa occurrit vocum explicatio, exigua mentis instructio; nempe artium magistri tentando melius, quàm discendo fiunt: optima futurorum regula est præteritorum experientia. Disce sentire scientias, & invenies meliores sciendi regulas. Quod si & has complecti velis una quadam Arte Logica, noli eas requirere in hac tua:

Logica illa non incipientium, sed proficientium est.



QUÆSTIO

# METAPHYSICA.





## QUÆSTIO I.

*Quid sint Idea? Et, An existant?*

1.



**I**deam voco id, quod immediatè obversatur menti; dum cogito, v. g. dum, clausis licet oculis, cogitatione pererro hortos varietate florum gratissimos, prata ridentia, frondentia nemora, pulchra coellatria &c. est aliquid, quod se præsens sistit animo: quidquid hoc rei sit, id ego Ideam voco: aut si manifestiori exemplo nosse ideas desideras; para Cameram obscuram Opticis familiarem; contemplare inibi rerum exterarum imagines per angustum foramen in adversum parietem projectas; cogita illas imagines menti tuæ similiter imprimi, & has tu ideas voca.

1. Ideam Simplicem voco, quæ ne cogitatione quidem in plures diversas ideas resolvi potest. Compositam voco, quæ saltém cogitatione in plures diversas ideas resolvi potest. Sic itea domus, solis, aut arboris est idea composita; quia potest resolvi in ideam Extensionis, figuræ, albedinis, lucis &c. ipsa vero idea extensionis, rotunditatis, albedinis, lucis &c. est idea simplex, quia non potest resolvi in plures diversas ideas. Si iterum ideas simplices & compositas in exemplo manifestiore nosse desideras; para denuò Cameram obscuram, & imagines inibi projectas e varils partibus compositas resolve in partes suas simplices; has tu ideas simplices voca.

3. Ideam Claram voco, in qua plures partes distinctius discerni possunt, quàm in alia idea consimili: vel, quæ menti cum majori lumine obversatur. Obscuram voco, cujus partes tam distinctè discerni non possunt, ut in alia idea consimili: vel, quæ menti cum minori lumine obversatur. v. g. siste menti tuæ Ideam Equi, qualem de equo longe remoto, aut ingruente nocte viso habere soles; hanc ideam obscuram dices, quia partes equi nequis discernere, vel quia illa idea cum

tenui lumine menti sistitur: ob eandem causam in Camera obscura, si denud exemplo sensibili uti vellis, illas imagines obscuras nominabis, in quibus partes pro voto satis distingui non possunt, aut in quibus lumen deficit. Tales tu imagines ideas obscuras voca, aut, si ita vis, confusas: reliquas imagines voca ideas claras, aut, si ita vis, distinctas; sunt enim, qui illas imagines, quarum partes ob nimiam lucem discernerent non possunt, confusas potius, quàm obscuras nominare volunt.

4. Conclusio 1. Ideæ existunt. pb. Concl. 1. Ideæ non sunt nihil, ergo existunt. pb. ant. 2. Omne id, quod menti immediate videtur obversari, non est nihil: sed ideæ immediate videntur obversari menti; ergo non sunt nihil. pb. maj. si id, quod immediate videtur obversari menti, posset esse nihil, tunc non superesset ulla res, cui competeret nomen rei existentis; sed hoc est impossibile ergo min. patet, quia homines potuerunt, & voluerunt ex suo placito alicui rei imponere nomen rei existentis. maj. pb. Non potest probari ullius rei existentia, nisi dependenter ab existentia illius, quod videtur immediate obversari menti; ergo si hoc potest esse nihil, non superest ulla res, cui competat nomen rei existentis.

5. Corollarium 1. Adeoque omnium primò existentia idearum nota est; etiam si nondum constet, an sint aliquid creatum, vel increatum? an sint in mente, vel extra mentem? an sint res permanentes, vel fluxæ? an sint res ipsæ, vel rerum mirabiles umbræ, & amica formis fecundæ mentis ludibria? nam & si sint ludibria, dantur tamen.

6. Corollarium 2. Adeoque ideæ sunt primum scibile, non solum quia immediate obversantur menti; sed quia nullius rei existentia, nisi ab idearum existentia sciri potest; ipsa mens ignorat suam existentiam, nisi in quantum aut in seipsa aut in suis actionibus per modum ideæ sibi ipsi obversari incipit; ac proin rectè à cognitione idearum ad scientiam aliarum rerum progrediemur.

7. Conclusio 2. Dantur ideæ simplices. pb. Concl. dantur ideæ lucis, albedinis, dulcedinis, voluptatis, doloris, volitionis, assensus &c. sed hæc ideæ sunt simplices, ergo maj. patet; quia prædictæ res immediate afficiunt mentem, etque obversantur; ut experimentaliter notum est. min. pb. in exemplo ponamus lucem, albedinem, dulcedinem, voluptatem &c. noviter advenire alicui corpori extenso, in quo prius non fuit; jam sic: si in hoc casu non sentio extensioni præexistenti advenire plures diversas ideas, tunc idea lucis &c. adveniens est simplex; sed, ergo min. est experimentaliter nota; etiam si enim luci advenienti tribuas diversa nomina v. g. Entis, qualicatis, lucis: non

tamen



tamen ob diversitatem horum nominum sentio diversitatem idearum aut partium latentium in idea lucis. Hoc exemplum exhiberi potest, si in Camera obscuram præmemoratam intromittas imaginem lucis, aut coloris.

8. Corollarium; Adeoque Idæ compositz nihil aliud sunt, quam aggregatum idearum simplicium; ac prolo omne compositum in sua principia simplicissima resolvi potest: ex diversa combinatione idearum simplicium nascuntur diversa composita; ex cognitione igitur simplicium dependet cognitio compositorum; igitur à consideratione idearum simplicium ad considerationem compositorum progredi oportet, veritas hujus Corollarii in Camera obscura perspicue exhiberi potest; possunt enim exhiberi diversissima composita per solam additionem aut subtractionem simplicium.

### *Solvuntur Objectiones.*

9. Obj. 1. Cont. 1. Concl. 1. Idæ tantum sunt simulacra Yerum, ergo non sunt res; sicut simulacrum hominis non est homo; 2. Id, quod videtur esse homo, aut aurum, tamdiu non potest affirmari esse verum aurum, aut verus homo, donec conferatur cum vero auro aut homine; ergo tamdiu non potest affirmari ideas reverà obversari menti, aut reverà existere, donec conferantur cum alia re, quæ extra controversiam reverà obversatur menti, aut reverà existit: atque talis res adduci non potest; ergo nunquam poterit affirmari ideas reverà obversari menti. 3. Non constat existere mentem; ergo nec constat aliquid obversari menti. 4. Entia pure possibilia; quin & impossibilia possunt obversari menti; ergo id, quod obversatur menti potest esse nihil. 5. Etiam si id, quod obversatur menti, aliquando foret nihil; posset tamen adhuc probari aliarum rerum existentia vel è lumine naturali, vel revelatione Dei; ergo non sequitur omnia fore nihil, si idæ forent nihil. 6. Potest dici, quod idæ nihil aliud sint, quam ipsa objecta immediate cognita; aut ipsa mens seipsam inspiciens; aut essentiz divinæ modus aliquis menti in certis circumstantiis cognitus; Ergo non debet introduci novum idæ vocabulum; sed debent res suis propriis nominibus compellari.

10. Resp. ad 1. t. a. d. C. Ergo non sunt illæ res, quarum sunt simulacra, c. C. non sunt res, per quam sunt simulacra, n. C. sic enim simulacrum hominis, licet non sit homo, est tamen verum simulacrum. ad 2. n. a. quando enim constat, ex beneplacito hominum illud vocari aurum, quod est substantiæ flavæ, purissimæ, solidissimæ, gravissimæ

me &c. potest genuinum aurum statim ex seipso probari, ad 3. d. a. non constat existere mentem antecederet ad notitiam idearum, c. a. concomitanter. n. a. quando enim sentio mihi obversari ideas, tunc simul concomitanter sentio aliquid, cui obversantur; id ego, quidquid rei sit, mentem voco. Quia igitur meus cum ideis sibiipso per modum idearum experimentaliter proponitur, ideo idearum, & suiipsum existentiam simul cognoscit: altera ratio, cur mens idearum & suiipsum existentiam concomitanter simul cognoscat, est; quia sunt correlativa ad invicem, quorum uno existente necessario existit alterum. Nec ista concomitantia obstat, quin existentia mentis sit prior à subsistendi consequentia, ad 4. d. a. entia possibilia possunt obversari menti immediate sui, n. a. immediate idearum c. a. nempe entia possibilia necessario debent cognosci per ideam existentem, & per modum rei existentis, ad 5. n. a. quomodo enim existentia alicujus rei poterit probari dependenter à lumine naturali vel revelatione Dei; nisi ipsum lumen naturale, aut revelatio incipiat obversari immediate menti? si autem incipit obversari menti, tunc eo ipso incipit fortiri vocabulum idearum, ad 6. t. interim, a. n. C. eo ipso enim, quod nondum constet, quid sit ista idearum; debent compellari hoc speciali vocabulo idearum; ne forte dicantur esse, quod non sunt.

11. Obj. 2. Cont. Coroll. 1. Concl. dantur aliquæ veritates, quarum existentia necessario debet cognosci ante existentiam idearum; ergo idearum non sunt primum cognitum, nec principium in via scientiæ. Aut pb. non potest probari existentia idearum, quin prius cognoscantur principia lumina naturæ nota. v. g. quod idem non possit simul esse verum & falsum, seu Esse & non esse: quod identificata cum uno tertio sint eadem inter se; & quod distincta in uno tertio sint distincta inter se: quin omnium illarum propositionum veritas, è quibus existentia idearum probatur, ante existentiam idearum nota esse debet. 1. potest dici, hoc principium Cartesianum; Cogito, Ergo sum; esse primum cognitum; ergo non est primum existentia idearum. a. pb. illud principium potest vocari primum, cujus veritas, negatis ac sublati licet omnibus aliis principiis, manet inconcussa; at tale est hoc principium; quia licet de omnibus aliis principiis quis dubitet; non tamen potest dubitare, quin dubitet; dubitare autem est cogitare; ergo omnium principiorum primum & certissimum est. Cogito. 3. Potest in scientiis convenienter servari hic ordo; ut primo demonstretur existentia ac natura propriæ mentis; dein ab existentia mentis probetur existentia Dei,

cog-



cognitione Dei, tanquam primæ causæ omnium rerum, potest deveniri in cognitionem omnium creaturarum. Ergo non est necesse ordiri scientias à cognitione idearum. 4. Ordo progrediendi in scientiis à natura nobis præscriptus est sequens: primo incurrunt in sensus objecta sensibilia particularia; dein ex observatione plurium effectuum seu objectorum sensibilibum fit memoria; è pluribus memoriis seu frequentatis observationibus fit experientia; è pluribus experientis fit inductio universalis, seu propositio generalis scientifica. Ergo non est incipiendum ab ideis. ant. pb. quia natura infantes instruit cognitiones suas ordiri à sensibilibus magis notis, & quia nihil potest esse in intellectu, quod prius non fuerit in sensu.

12. Resp. ad 1. n. a. ad pb. iterum. n. a. quia tales veritates nihil aliud sunt, quam relatio idearum inter se; aut modus idearum relatio autem aut modus idearum simul concomitanter cognoscitur cum ipsis ideis; quin talis relatio aut veritas omnino non cognoscitur; quin obversetur menti; adeoque assumat officium ideæ. Nec obstat, quod existentia idearum probetur è talibus principiis, tanquam prius notis. Nam talis probatio nihil aliud est, quam successiva explicatio earum veritatum, quæ simul mente comprehenduntur; seu potius, est diversarum idearum diversis temporibus menti obversantium ad invicem facta collatio: adeoque illa generalia principia non præcedunt existentiam idearum nisi tantum prioritate à subsistendi consequentia. Ad 2. n. a. quia non potest probari, dubitationem esse aliquid existens, nisi in quantum probatur omnem generaliter ideam esse aliquid existens; dein hoc principium non est ita fecundum, ac planum, ut modo tam facili ac perspicuo totum systema scientificum exinde deduci possit, sicut potest deduci è principio nostro; ut ex decursu patebit. ad 3. n. a. quia sine cognitione idearum nullum systema scientificum subsistere potest; ut patebit ex decursu, adeoque convenientius fit, si expresse huius idearum cognitioni totum systema superstruatur. ad 4. d. a. ordo naturalis sciendi remotus incipit à sensibilibus c. a. ordo sciendi proximus, n. a. licet enim forte ad conficiendum systema scientificum requiratur sylva variarum idearum, quæ à sensibus menti impressæ sunt; nondum tamen hæc tam variarum idearum mixtura est ipsa scientia; sed debent tales ideæ primum secundum se considerari ac combinari; & hoc ordine proximè nascitur scientia. Dein universaliter verum non est, nihil esse in intellectu, quod prius non fuit in sensu; nam voluptas, dolor, gaudium, metus, spes, appetitus, volitio, ac cogitatio experi-

ment;

mentaliter menti nota sunt, etiam si nunquam fuissent in sensibus.

13. Ob. 3. Cont. 1. Concl. in idea albedinis includitur idea existentie, idea individuationis, idea claritatis, relationis &c. ergo idea albedinis non probat dari ideam simplicem. 2. possunt partes alicujus ideæ tantum obscure ac confuse obversari menti, ita ut non possint discerni ab invicem; ergo non sequitur ullam ideam esse simplicem, licet non possimus in illa distinguere diversas partes. Respond. ad 1. t. a. n. C. quia illæ ideæ, quæ dicuntur includi in idea albedinis, vel sunt tantum diversa nomina ejusdem albedinis, non diversæ partes. Velsi vis has ideas existentie, individuationis, claritatis &c. inter se diversas esse; aut si mentali experientia omnino sentis hanc diversitatem; tunc prædictæ ideæ potius dicendæ sunt concomitari ideam albedinis, quam in ea includi; & sic ob ipsam harum idearum inter se diversitatem probatur simplicitas albedinis, existentie, individuationis, claritatis &c. ad 2. n. a. quia, ut sequenti quæstione probatur, est impossibile, aliquid immediate obversari menti, quin clare ac distincte obversetur. Et si enim aliqua imago v. g. picta, aut in Camera obscura projecta non adæquate exprimat partes sui prototypi, exprimit tamen clare ac distincte suas partes, si sufficienter applicatur oculo.

## QUÆSTIO II.

*An Idea sint perfectissima rerum imago?*

**C**onclusio 1. Omnis idea immediate, ac primario tantum representat menti seipsam. pb. C. nec est essenziale, nec proprium ideis ducere mentem in notitiam rei à se distinctæ, ergo idea, quantum est de se: tantum representat seipsam. pb. ant. pleræque ideæ, quæ nobis per diem obversantur, non ducunt nos in notitiam rei à se distinctæ; ergo hoc non est illis essenziale, nec proprium: ant. pb. pleræque ideæ, quæ nobis per diem obversantur sunt sine ulla affirmatione aut negatione; sed tales ideæ nos non ducunt in notitiam rei à se distinctæ, Ergo. maj. patet, quia pleræque nostræ cognitiones sunt tantum simplices apprehensiones, in quibus non est dicenda includi ulla affirmatio aut negatio, cum de ea no-

bis

bis experimentaliter nihil constet, min. pb. non constat, nos in simplici apprehensione duci in notitiam rei ab idea distinctæ; ergo hoc non est asserendum. Conf. quando studio tantum volo tendere in ideam solis, non cogitando de ulla re ab hac idea distincta; tunc sentio eodem modo mihi obversari ideam solis, quo solet obversari in alia simplici apprehensione solis; ergo sicut in priori casu idea solis tantum representat seipsam, ita se representat tantum in omni alia simplici apprehensione. Veritas hujus conclusionis etiam exhiberi potest per imagines in Camera obscura projectas; solet enim oculus diu defixus hære in consideratione & admiratione harum imaginum, nil cogitando, quod sint imagines rei à se distinctæ: cur igitur mens non possit hære in consideratione idearum secundum se, non referendo eas ad ullum objectum extrinsecum?

2. Pb. 2. si omnis idea in apprehensione simplici essentialiter duceret in notitiam rei a se distinctæ, tunc deberent menti obversari duo; nempe idea, tanquam imago, & alterum, quod per ideam representatur; sed hæc est contra experientiam, ergo min patet, quia dum cogito Sol non sentio mihi obversari duos soles; unum representantem, alterum representatum, maj. pb. quando imago picta Cæsaris me ducit in notitiam Cæsaris a se distincti, tunc sentio mihi obversari duo; nempe picturam; & hominem; cujus cum pictura similitudinem confero; ergo idem deberet fieri circa ideas simplicis apprehensionis.

3. Corollarium. patet proin, ideas non esse aliquid essentialiter relativum, cujus tota essentia consistat in hoc, ut ducant in notitiam rei a se distinctæ; sed esse aliquid absolutum, quod se solo & ratione terminat cognitionem humanam; si vero ideas volumus referre ad objecta extrinseca ab ideis distincta; id non fit per apprehensionem simplicem ideæ, sed per alium actum mentis, quo duarum rerum inter se similitudinem apprehendimus, aut affirmamus; aut quo certe ipsis ideis quandam existentiam extrinsecam affirmando superaddimus, sumendo idem per modum duorum.

4. Conclusio 2. Omnis idea representat se ipsam clare, distincte, & adæquate. pb. C. non constat aliquid includi v. g. in idea albedinis, quod non clare ac distincte afficiat mentem; ergo idea albedinis representat seipsam clare, distincte, & adæquate, ant. pb. ex sol. ob.

5. Pb. 2. quidquid omni modo identificatur cum idea, debet eodem modo obversari menti, sicut obversatur ipsa idea, ergo neces-

necessario repræsentat idea se totam clare ac distincte, ant. pb. omnis idea immediate per se ipsam obversatur menti, ergo quidquid omni modo identificatur cum idea, debet eodem modo obversari; cum enim nullo intercedente medio idea menti obversatur, est impossibile, ut mens nunc tendat in ideam hoc modo, postmodum vero alio modo; quia inter ideam & mentis cognitionem nullus intermedius modus intercedit.

6. Pb. 3. Quidquid non repræsentatur clare ac distincte ut contentum in aliqua idea, potest ab hac idea esse diversum ac distinctum; ergo quidquid in aliqua idea non continetur clare ac distincte, necessario est diversum ac distinctum ab illa. C. patet, quia quod potest esse distinctum ab altero, debet necessario habere aliquod distinctivum ab altero; quomodo enim posset distingui sine distinctivo? si autem habet aliquod distinctivum ab altero, necessario distinguitur ab illo. ant. pb. in tali distinctione consideratis omnibus non apparet ulla implicancia, & insuper integrum scientia systema claram acquirit omnium partium connexionem, ergo quidquid non clare continetur in idea, potest esse distinctum ab illa. ant. patet ex sol. ob. & ex dicendis. Nota autem hoc argumentum esse positivum, quia possibilitas distinctionis assertæ probatur positivè è connexionem totius systematis scientifici; sicut possibilitas alicujus machinæ in mathematicis positivè præbatur è connexionem omnium partium considerandarum.

7. Pb. 4. Quidquid non repræsentatur clare ac distincte in aliqua idea; vel potest repræsentari per aliam ideam claram à priori diversam; vel non potest? neutrum potest dici: ergo neque potest dici quidpiam in idea repræsentari, quod non clare ac distincte repræsentetur min. pb. si id, quod dicitur obscure repræsentari, potest repræsentari per aliam ideam claram à priori diversam, tunc manifestum est; hujus rei ideam esse diversam à priori; adeoque non posse contineri in illa; cum distinctivum, manente eadem re, non possit tolli a re. Si verò id, quod dicitur obscure repræsentari, nunquam potest repræsentari per aliam ideam claram, propriam, ac à priori continente diversam, tunc falsum est, id obscure repræsentari; nequit enim aliqua res dici esse in statu obscuro, cujus status clarior est impossibilis. Igitur dicendum, omnia, quæ in ideis includuntur, æquali claritate menti obversari ac repræsentari. Veritas hujus conclusionis, ut præmonui, aliquo modo exhiberi potest per imagi-

imaginem in Camera obscura projectam; licet enim hæc imago dicatur obscure exprimere suum prototypum, non tamen dicitur obscure exprimere seipsam, si oculo sufficienter applicetur.

8. Corollarium. 1. Hinc ultro consequitur veras esse sequentes propositiones. 1. Omnis idea est clara ac adæquata sui repræsentatio. 2. In ideis nil continetur, quod non clarè ac distinctè repræsentatur. 3. Quidquid menti clarè ac distinctè non repræsentatur, omnino non repræsentatur. 4. Quidquid per unam ideam clarè non repræsentatur, potest ac debet repræsentari per aliam ideam à priori diversam. 5. Omnis idea discernit se clarè ac distinctè ab omni alia idea. 6. In idea composita singulæ partes simplices æquè clare observantur, ac si seorsim observarentur.

9. Corollarium 2. Nulla idea per aliam explicari aut intelligi potest, sed cognitio cujusque ideæ per seipsam est plenissima, atque exhaustit totam cognoscibilitatem ideæ, quia nihil in idea relinquitur, quod non clarè cognoscatur, ac distinctè. Igitur siñs ac terminus humanæ cognitionis est intellectus ideæ; & quando ad eam perventum est, cessant omnes quæstiones, quia in idea nil ulterius cognoscendum relinquitur, quod non cognoscatur statim cum ipsa idea.

10. Conclusio 3. Omnis idea est perfectissima imago alterius rei à se distinctæ. Sensus conclusionis est, quod omnis idea possit esse, aut actu sit imago alterius rei, quæ potest existere vel actu existit, sicut, quando intueor figuram hominis pictam, aut in Camera obscura projectam; possum dicere, hanc figuram posse esse imaginem hominis actu existentis. Pb. Concl. omnimoda similitudo inter Ideas & objecta idearum est possibilis; ergo est necessaria. C. patet, quia similitudo tantum est possibilis inter duo similia; inter duo verò dissimilia similitudo omnino est impossibilis. Ant. pb. si consideratis omnibus in tali similitudine non apparet implicantia; & tali similitudine posita in toto scientiarum systemate non sequitur inconveniens; tunc est possibilis, sed, ergo, min. pb. quia talis implicantia aut inconveniens non potest ostendi; quin potius potest ostendi, posita tali similitudine totum scientiarum systema miram obtinere connexionem partium.

11. Pb. 2. Sunt possibile objecta ab ideis distincta, & tamen cognoscibilia, ergo necessariò datur omnimoda illorum objectorum cum ideis similitudo. In antecedenti non potest ostendi implicantia. C. pb. illa objecta non sunt cognoscibilia per seipsa, quia quod immediatè per seipsum observatur menti, vocatur idea; ergo illa objecta tantum sunt cognoscibilia per Ideas sibi similes.

12. Pb. 3. Si idea non foret perfecta imago objecti à se distincti ; tunc tantum foret illius signum ; sicut v. g. vox est signum objecti ; aut sicut fumus est signum ignis ; aut sicut semen est signum arboris ; sed non est tale signum , ergo est perfecta imago. pb. min. omnia talia signa tantum ducunt in notitiam rei jam aliunde per se ipsam notæ , ergo idea non est tale signum objecti. Ant. pater , quia nemo poterit sibi imaginari ignem , aut arborem , si tota sua vita nunquam viderit ignem aut arborem , etiamsi millies vidisset fumum , aut semen arboris ; similiter ex sola voce albedinis aut lucis cæcus nunquam veniet in notitiam albedinis aut lucis , nisi nempe noticiam albedinis aliunde , quàm e tali signo , acquirat : omne enim signum est rei jam aliunde notæ signum. C. pb. objecta idearum non possunt nobis aliunde esse nota nisi per ipsas ideas , ergo ideæ non sunt tale signum , quod manifestat rem jam aliunde notam : ac proin , si ideæ manifestant objecta per se ipsas , necesse est , ut sint perfecta imago objectorum.

13. Pb. 4. Datur veritas ; ergo datur perfectissima idearum cum objectis conformitas. Ant. pater , quia est impossibile omnem affirmationem aut negationem circa idem objectum esse falsam ; cum idem non possit simul esse , & non esse ; quin , si omnis alia affirmatio foret falsa , saltem vera esset hæc : Non datur veritas ; Ergo eipsò datur veritas. C. pb. veritas nihil aliud est , quàm perfectissima idearum cum objectis conformitas ; ergo si datur veritas , datur etiam conformitas. Ant. pb. si quis affirmat veritatem suæ propositionis tunc sentit se omnino solum affirmare omnimodam conformitatem objecti cum suis ideis , ergo. Homines certè , quando dicunt , reverà res ita se habet , res ita est ; non attendunt ad aliquam similitudinem tantum proportionalem objecti cum suis ideis ; sed putant omnimodè objectum ita se habere , sicut per ideas menti proponitur.

14. Pb. 5. Quando concipio murum album ; possum dicere : hoc objectum est prorsus eodem modo possibile extra mentem , sicut mihi obversatur in mente ; ergo gratis , & contra inclinationem ac dictamen propriæ mentis dicatur ; murum album possibilem tantum habere conformitatem proportionalem cum meis ideis.

15. Pb. 6. Ideæ sunt secundum se indefinitæ , nec in seipsis includunt determinationem ad hunc locum , ad hoc tempus , ad hoc subjectum ; ergo possunt existere in alio loco , alio tempore , & alio subjecto ; ergo eipsò est possibilis res à meis ideis distincta , quæ tamen iisdem sit simillima , ac ejusdem naturæ. Conf. in aliorum ho-

minum



minum mente existunt ideæ meis ideis perfectissimè similes ; ergo etiam extra mentem possunt existere tales ideæ meis omnino similes ; & tales ideas ad statum realem contractas cur non liceat vocare objecta realia ?

16. Pb. 7. Omnium hominum tam doctorum quàm indoctorum persuasio est , quidditates rerum esse proprium objectum intellectus , intuitivè ac eodem modo cognitum , sicut ab oculo cognoscitur color ; at ab oculo intuitivè cognoscitur color per omnimodam similitudinem , ergo & quidditas rerum ab intellectu , seu perfectiones reales. Conf. homines credunt se talem notitiam habere objectorum reallum , qualem notitiam habent de cognitionibus , & aliis affectionibus mentalibus aliorum hominum ; at hanc notitiam habent per rem omnimodè similem , ergo & illam. min. patet , quia judicamus in aliis hominibus dari tales ideas , tales volitiones , talem voluntatem , talem amorem , compassionem , qualem in nobis ipsis experimur ; id , quod experimentali notitia sentimus nobis immediate obversari , credimus modo prorsus consimili reperiri in aliis hominibus ; ergo credamus etiam aliquid ideis nostris simile modo prorsus consimili reperiri à parte rei ; cùm non videatur dari alius modus cognoscendi respectu horum , quàm illorum objectorum.

17. Corollarium 1. Ergo omnis diversitas , ac distinctio , quæ reperitur inter ideas , reperitur etiam à parte rei ; omnis verò illa diversitas , quæ non reperitur inter ideas , non reperitur à parte rei ; quia omnis idea est sui objecti in omnibus perfectissima imago.

18. Corollarium 2. Adeoque ideæ non sunt ipsa objecta ex seipsis immediate menti obversantia ; sed sunt imago objectorum ; an verò hæc ideæ existant in mente , vel in Deo , vel separatim extra mentem , vel extra Deum ; nondum convenit demonstrare. Nihilominus quoad modum loquendi possunt referri ad mentem , quia immediate obversantur menti.

### *Solvuntur Objectiones.*

19. Ob. 1. Cont. 1. Concl. Omnis simplex apprehensio est alicujus rei apprehensio , omnis cognitio est alicujus rei cognitio , ergo omnis idea essentialiter refertur ad objectum existens vel possibile. 2. Omnis visio est objecti extrinseci visio , ergo etiam cognitio. 3. Est aliquod ens possibile , quod mentem essentialiter ducat in notitiam rei à se distinctæ ; at hoc officium non convenit alteri enti , nisi ideis , ergo. 4. Omnis idea essentialiter potest saltem referri ad objectum extrinse-

trinfecum , ergo habet referibilitatem ac relationem intrinfecam ad objectum ; igitur essentialiter ducit in notitiam rei à se distinctæ. 5. Si idea non referretur per seipsam ad objectum extrinfecum , tunc deberet ad illud referri per aliam ideam , & hæc iterum deberet referri ad objectum extrinfecum per aliam ; & sic in infinitum , quia nulla idea ex se ipsa essentialiter referretur ad objectum extrinfecum. 6. Potest dici ; nullam dari apprehensionem simplicem sine aliquo implicito iudicio , quo iudicamus , id , quod apprehendimus per ideam , esse saltem aliquid possibile ; vel esse revera id , quod volumus apprehendere. 7. Si ideæ se ad cognitionem tantum habent ut quo , tunc etiam si repræsentant aliquod objectum extrinfecum ; non necesse foret obversari nobis duo objecta , unum repræsentans , alterum repræsentatum ; sed ideæ se tantum habent , ut quo , ergo , maj. patet in simili ; sic enim lumen , mediante quo objectum cognoscitur , non est objectum , ut quod , oculi. Nec ipsa species seu imago objecti , oculo impressa , cognoscitur ab oculo , quia nempe se tantum habet , ut quo. 8. Idea nihil aliud est , quam ille actus mentis , qui vocatur cognitio ; sed ille actus licet sit simul assimilativus , est essentialis tendentia in aliud , ut experimentalis notitia constat ; ergo ipsa idea identificata cum hoc actu est essentialis tendentia in aliud. Resp. ad 1. t. a. & C. n. suppositum , quod ideæ non sint aliqua res existens. ad 2. n. a. quando ipse oculus est imbutus aliquo peregrino colore , tunc visio est tantum coloris existentis in oculo ; sic nonnullis videntur omnia flava ; & quando oculus aliquamdiu in aspectu solis defigitur , converso dein oculo ad alia objecta , omnia videntur flava , succedentibus dein variis coloribus ; ergo non est de ratione visionis , videre objectum extrinfecum ; quin phrenetici putant se videre objecta præsentia , quæ nunquam sunt ; quod verò regulariter per oculum videamus objecta extrinfeca ; non verò per cognitionem ; ratio est , quia expedit oculum omni forma propria privatum ; impediretur enim per eam à visione objectorum extrinfecorum ; quia verò mens per suas deas non impeditur à consideratione aliorum objectorum , non repugnat , mentem toties detineri in consideratione suarum idearum. ad 3. t. maj. n. min. potest dici , quod hoc officium conveniat ipsi cognitioni , seu actui mentis , quo tendit mens in ideam. ad 4. c. a. d. c. ergo habet referibilitatem negativam. c. C. positivam. n. C. id est , non repugnat ideam referri per relationem superadditam ; antequam verò referatur ad objectum , illam relationem positivam nondum habet. Posset etiam inverteri argumentum sic ; idea tantum habet referibilitatem

tem



tem ad objectum ; ergo non habet relationem. ad s. d. maj. deberet referri per aliam ideam relativam. t. absolutam. n. maj. ipsa enim relatio ideæ superaddita non necesse habet. referri per aliam relationem. ad 6. n. a. quia est contra experientiam. ad 7. C. maj. n. min. quia sentimus ideas obversari *ut quod* ; sicut quando oculis obversatur murus ; Murus autem non se habet, ut quo. Verius loquendo, dicendum est, nec murum, nec imaginem oculo impressam esse objectum oculi ; neque enim oculus videt, sed homo seu mens per oculum videt ; adeoque in ipsa visione revera tantum videtur idea immediatè menti obversans. ad 8. n. a. quia tendentia mentis in ideam est aliquid relativum, idea tanquam objectum ut quod est aliquid absolutum ; igitur hæc duo inter se diversa sunt ; aut si inter se identificata sunt, dicendum esset, cognitionem reflecti in seipsam, & esse sui ipsius cognitionem.

20. Obj. 2. Cont. 2. Concl. in idea v. g. ovi, aut albedinis includitur individuatio, qua hæc idea distinguitur ab alia idea, excepta individuatione, prorsus consimili. Sed hæc individuatio non clare repræsentatur, ergo non omne, quod in idea includitur, clare repræsentatur. min. pater, quia sicut unum ovum non possum discernere ab ovo prorsus consimili ; ita unam ideam ovi non possum discernere ab alia idea ovi consimili. 2. In omni idea dantur partes ; sed hæc partes non obversantur distinctè menti, ergo, maj. pb. omnis idea potest fieri clarior & obscurior ; ergo in omni idea dantur partes ; quia intensio, aut remissio claritatis non potest explicari sine additione aut subtractione partium claritatis. 3. Omnis idea intrinsecè includit relationem producti ad producens ; sed hæc non obversatur distinctè. 4. Omnis idea, cognitio, volitio, aut affectio mentis tantum cognoscitur per species abstractas sensibilium, ergo non possunt clare cognosci in seipsis. Ant. pb. omnis idea, cognitio &c. est aliquid spirituale, ac incorporeum ; sed ens spirituale in hac vita non potest cognosci, ut est in se ; quia non possumus concipere spiritum, nisi per modum entis corporei ; & aliunde constat, omnem cognitionem oriri à sensibus, nec esse aliquid in intellectu, quod prius non fuerit in sensu. 5. Si idea cognosceretur adæquatè, tunc nec Deus posset habere perfectiorem cognitionem ideæ, quàm homo haberet ; sed hoc malè sonat, ergo. 6. non repugnat, ut eadem idea in diversis circumstantiis diversimodè afficiat mentem, ergo non repugnat, ut secundum quid cognoscatur clarè, & secundum quid obscure ; inquantum nempe cognoscitur secundum unum modum, & non cognoscitur secundum alium. 7. Potest aliquod objectum à longe se movens cognosci

clare, & secundum quid obscure; ergo etiam eadem idea. Ant. pb. si in tali objecto tantum video signa sensationis, nulla verò signa hominis aut ratiocinationis; tunc cognosco hoc objectum clarè secundum animalitatem, non tamen cognosco idem clarè secundum rationalitatem aut individuationem. 8. Potest eadem idea cognosci in ordine ad unum connotatum, & non cognosci ad alterum, ergo potest secundum quid clarè & secundum quid obscure cognosci. Ant. pb. potest idea cognosci in ordine ad suam causam principalem, quin cognoscatur in ordine ad causam secundariam, aut in ordine ad suum effectum, aut in ordine ad circumstantias individuantes. 9. Datur aliquod intermedium inter mentem, & ideam; ex cujus diversitate eadem idea possit diversimodè representari; ergo. pb. ant. cognitio ideæ est inter ideam & mentem intermedia, & hæc cognitio est intrinsecè ipsius ideæ representativa; ergo si hæc cognitio possit variis modis representare eandem ideam, potest eadem idea clare & obscure representari; cur enim non possit eadem res diversis imaginibus exprimi?

21. Respondeo ad 1. n. maj. quia non sentio hanc individuationem includi; ex eo verò, quod omnis idea sit individua, plus non sequitur, nisi quod individuatō concomiteretur ideam; sicut murus est albus per albedinem concomitantem, distinctam tamen. ad 2. n. maj. ad pb. c. a. n. C. quia claritas ideæ est distincta ab ipsa idea; & ipsa claritas intendi aut remitti potest sine ulla additione aut subtractione partium, ut suo loco videbimus. ad 3. n. maj. hæc enim relatio est distincta ab idea, quomodoque sit distincta; quia potest esse distincta. ad 4. n. a. ad pb. c. maj. n. min. falsum enim est, ea quæ sunt in mente nostra, ipsi menti ignota esse; aut quam speciem substitues actui amoris, misericordiæ? ubi invenies inter sensibilia aliquid simile cognitioni, amoris &c. igitur & spiritualia propriæ mentis cognoscuntur in seipsis, & ex horum similitudine devenimus in notitiam aliorum spirituum. ad 5. n. maj. quia licet Deus non cognoscat plus in ideis, quam homo, cognoscit tamen eas modo perfectiori; majori perfectione se tenente ex parte cognoscentis, aut cognitionis; licet excessus istius majoris perfectionis sit homini inexplicabilis, quia nullam habemus illius experientiam, adeoque nullam etiam ideam; nisi dicere velles, à Deo eandem ideam cum majori lumine cognosci; ad 6. n. a. idea est aliquid simplex, & immediatè applicatur menti; nec concipi potest iste diversus modus; cum tamen, si daretur, necessario deberet concipi, quia obversaretur menti. Certè, quando

conci-

concupio albedinem, semper eodem modo illam concipio, quotiescunque illam concipio. ad 7. c. a. n. C. quia tale obiectum diversas partes habet; ad 8. c. a. n. C. quia ille ordo seu relatio ad diversa connotata est aliquid distinctum ab idea; nam potest esse aliquid distinctum. Deinde ponamus, eandem cognosci in ordine ad diversa connotata; nunquid necesse erit, in tali casu cognosci ipsa connotata? jam quæro, an hæc connotata cognoscantur clare, ac distinctè, & adæquate? Si non cognoscuntur adæquate, tunc idem connotatum cognoscetur secundum quid clare, & secundum quid obscure; id est, cognoscetur in ordine ad aliquod connotatum clare; non verò in ordine ad aliud connotatum; & sic in connotatis proceditur in infinitum. Si verò connotatum cognoscitur adæquate, corpore jam constat aliquid dari, cuius habetur adæquata cognitio; quo semel admissio non erit difficultas, si hoc idem asseratur de Ideis. ad 9. n. a. ad ph. t. a. & C. n. suppositum, quod cognitio ideæ possit ideam diversimodè representare; quia cognitio tantum est medium cognoscendi *ut quo*; igitur nihil immutat circa obiectum, sed illud tantum applicat: cognitio non cognoscitur, sed cognitione idea cognoscitur; igitur etiam si incognitione daretur diversitas, illa diversitas non esset obiectum mentis ut quod; nec refunderet diversitatem obiectivam in ipsam ideam, adeoque idea, non obstante illa diversitate cognitionis, adhuc obversaretur menti semper eodem modo. - At ratio principalis, cur cognitio non possit ideam diversimodè representare menti, est hæc; quia cognitio, si est representativa ideæ, est ejusdem representativa per modum imaginis propriæ ac simillimæ; idem autem obiectum secundum idem non potest representari per plures imagines diversas inter se, & tamen simillimas uni tertio.

Dices: Non est necesse, ut cognitio sit omnimoda imago ac similitudo sui obiecti: Ergo sicut ejusdem rei possunt dari diversa signa, aut imagines imperfectæ; ita etiam poterunt ejusdem obiecti dari diversæ cognitiones; igitur idem obiectum poterit clare cognosci per unam cognitionem, quin corpore clare cognoscatur per alteram; seu, quod idem est, poterit obiectum cognosci inadæquate; poterit cognosci secundum unam formalitatem seu cognoscibilitatem, quin cognoscatur secundum alteram; poterit denique secundum unam formalitatem clare cognosci, quin clare cognoscatur secundum alteram. Nam concipi idem obiectum per diversos

conce-

conceptus inadæquatos reverà nihil aliud est, quàm idem objectum totum repræsentari una cognitione, seu imagine impropria, & non repræsentari alia cognitione, seu alia imagine impropria. Resp. n. a. & sic corrui totum systema istorum inadæquatorum conceptuum; sicut enim non possunt ejusdem indivisibilis rei concipi diversæ imagines propriæ, ita nec diversi conceptus inadæquati.

Dices 2. potest una eademque res æquivalere diversis perfectionibus, ergo poterit repræsentari diversis imaginibus etiam propriis ac simillimis secundum unam perfectionem. Conf. nummus aureus æquivalens decem argenteis potest ab his in valore inadæquate perfectissimè exhiberi, ergo & alia res à cognitione. Resp. n. a. quomodo enim possibile est reperiri diversitatem inter imagines simillimas objecto; & non reperiri illam diversitatem in ipso objecto? planè sicut imagines propriæ repræsentant perfectiones objecti, ita diversitas imaginum repræsentat diversitatem perfectionum; alioquin imagines non erunt simillimæ.

Dices 3. potest fieri, ut per diversas cognitiones ejusdem rei, nec affirmetur, nec etiam repræsentetur plurium identificatarum perfectionum diversitas, sed tantum non repræsentetur earundem identitas; ergo non repugnat diversis cognitionibus repræsentari eandem rem. Ant. pb. possum ejusdem cubi aut coni diversas sectiones concipere, quin ullam in cubo aut cono concipiam diversitatem partium, ergo. Resp. n. a. quomodo enim cognitiones diversæ sunt in repræsentando, nisi repræsentetur in objecto diversitas? ad pb. t. a. n. C. & supp. quod idea sectionum, & idea cubi aut coni aliquando per identitatem conveniant: ut enim suo loco probabitur, idea cubi aut coni est idea simplex, in qua ante divisionem nec reperitur, nec repræsentatur diversitas; idea sectionum est etiam simplex, sed tales idæ non sunt idæ ejusdem rei, sed cubi aut coni jam in partes divisi. Obj. 3. Cont. 3. Concl. idea Dei, & Spirituum non est imago simillima Deo, & Spiritibus, ergo nec idea aliarum rerum. 2. Si idea esset in omnibus simillima suo objecto, tunc nulla daretur illius ab objecto distinctio; sed hoc est falsum; quin omnis similitudo claudicat, seu est cum aliqua dissimilitudine, ergo. 3. Idæ non sunt corporeæ, non sunt tricubitales, non sunt calidæ, nec frigidæ; ergo nequeunt esse imago simillima corpori, tricubitali longitudini, calori,

calori, frigori. 4. Si ideæ de diversis perfectionibus ejusdem rei, v. g. hominis essent imago simillima, tunc omnes hæ perfectiones forent inter se realiter distinctæ; sed hoc est impossibile, quia una res non est multæ res. Resp. ad 1. c. a. n. C. quia aliarum rerum perfectiones v. g. cubi possunt magna ex parte exhaustiri; & hinc idea perfectionum cubi potest convenienter vocari idea totius cubi; quia verò de Deo & Spiritibus ne minimam quidem partem perfectionum cognoscimus, idè non potest dici; nos habere ideam Dei aut Spirituum; saltem hoc non potest dici simpliciter & sine addito; sicut nemo dicitur habere scientiam linguæ Græcæ, aut Hebræicæ, aut Gallicæ, qui tantum novit aliquas phrasas Græcas, aut Hebræicas, alioquin omnes fere Germani nossent linguam Gallicam; parum semper in talibus pro nihilo reputatur. Per hoc tamen non sequitur, nos ne quidem secundum quid, id est, secundum unam vel alteram perfectionem Deum propriè cognoscere; si enim existentia Dei convenit univocè cum existentia creaturæ, & si justitia, ac misericordia Dei convenit univocè cum justitia creata; cur non possimus existentiam, justitiam, ac misericordiam Dei æquè cognoscere conceptu intuitivo proprio, sicut cognoscimus existentiam, & justitiam creaturæ? Verùm an perfectiones divinæ conveniant univocè cum perfectionibus creatis, videbimus suo loco: si tantum conveniunt analogicè; dic simpliciter, nullam dari ideam Dei, ac divinarum perfectionum; dari tamen ideam aliarum rerum, quia potest dari. ad 2. d. a. nulla daretur distinctio intrinseca. c. a. extrinseca. n. a. qualis verò sit hæ distinctio, videbimus Infra. ad 3. d. a. non sunt corporeæ &c. positivè. c. a. non sunt corporeæ negativè. n. a. nam ideæ de se nec sunt corporeæ, nec incorporeæ, sed ad utrumque statum indifferentes, ut suo loco videbimus, ad 4. n. a. ratio negandi patebit ex sequenti quæstione.



C

QUÆ.

## QUÆSTIO III.

*Quenam sit idearum, & rerum inter se  
distinctio.*

**C**onclusio 1. Essentia & Existentia distinguuntur, id est, in omni re, v. g. in albedine reperiuntur duo; unum, per quod res non est nihil, sed aliquid; & hoc voco existentiam; alterum, per quod res est tale aliquid & hoc voco essentiam; sic albedo est aliquid, sed non est tantum aliquid, quia insuper est tale aliquid, nempe, est albedo; per hoc, quod albedo sit aliquid, convenit cum alia re; per hoc verò, quod sit albedo, disconvenit ab omni alia re; quando cæco dico, albedo est aliquid, tunc incipit secum versare animo istud aliquid, ipsam tamen albedinem non assequitur; novit partem albedinis, dum novit eam esse aliquid; totam tamen albedinem non novit; quia non novit hoc aliquid esse albedinem; novit nempe existentiam albedinis; non novit essentiam. Conclusio sic explicata pb. idea existentiz est diversa ab idea essentiz, ergo essentia & existentia distinguuntur. C. patet, quia ideæ in omnibus sunt imagines rerum simillimæ rebus. Ant. pb. quando habeo ideam existentiz, nondum habeo ideam ullius essentiz, v. g. albedinis, ergo idea existentiz est diversa ab idea essentiz. Ant. pb. quando dico, *aliquid*, non cogitanda de ulla re determinata, tunc habeo ideam existentiz; sed hic nondum habeo ideam ullius essentiz, ergo possum habere ideam existentiz, quin habeam ideam ullius essentiz. min. patet, eum enim clarè nulla ullius determinatæ rei idea obversetur, sequitur omninò talem ideam nullam obversari. maj. pb. in hoc casu obversatur mihi idea omnium indeterminatissima, sed hæc est idea existentiz, ergo. min. patet, quia in hoc solo omnia conveniunt, quod non sint nihil; & hoc fit per existentiam; maj. pb. obversatur mihi aliquid, & non possum dicere, quidnam illud sit, ergo obversatur idea omnium Indeterminatissima. Ant. pb. sentio me cogitare, ac tendere in aliud; ergo obversatur mihi aliquid.

Corollarium. Hinc existentia definiri posset, quod nec sit quid, nec quale, nec quantum, nec aliud eorum, quibus ens determinatur, sed horum omnium actus: Quia facit, ut omnia actu sint aliquid.

Conclu-



Conclusio 2. Essentia & Existentia realiter distinguuntur. pb. distinctio, quæ cadit super constitutivum rei, meritò vocatur realis; sed distinctio inter essentiam & existentiam cadit super constitutivum rei, ergo. maj. dependet ab arbitrio, & usu hominum, min. pb. hæc distinctio cadit super existentiam, sed existentia est constitutivum rei, ergo. min. patet, quia sola existentia facit, ut res sit res, & non nihil. Conf. quando distinctio afficit id, quod est maximè reale, tunc distinctio potest vocari realis; sed hæc distinctio afficit id, quod est maximè reale, ergo. min. pb. quia distinctio afficit existentiam, quæ est ipsa realitas, seu constitutivum rei.

Conclusio 3. Individuatio rei distinguitur à re, id est, quælibet res, v. g. albedo secundum se non est hæc, aut illa albedo; sed limitatur ad has vel illas circumstantias per aliam rem à se distinctam; res illa, per quam albedo secundum se illimitata limitatur, vocatur individuatio. pb. Concl. Idea individuationis est diversa ab idea rei v. g. albedinis, ergo individuatio est distincta. C. patet, quia diversitas rerum sequitur ad diversitatem idearum. Ant. pb. Idea albedinis nondum repræsentat hanc vel illam albedinem; ergo idea individuationis non includitur in idea albedinis. Conf. potest idea albedinis clarè obversari menti, quin clarè obversetur ejus individuatio, ergo idea albedinis non est idea individuationis. Ant. pb. quando concipio duo alba prorsus similia v. g. ova, clarè concipio albedines, & tamen non clarè concipio individuationes, quia ob nimiam similitudinem non possum ista duo alba discernere. Conf. 2. ordo albedinis ad hoc subjectum, vel ad has circumstantias non est ipsa albedo; sed hic ordo est ipsa individuatio, ergo individuatío albedinis non est ipsa albedo. maj. patet, quia albedinis idea non dicit illum ordinem, min. probabitur suo loco.

Conclusio 4. Omnes perfectiones ejusdem rei, quarum habetur diversa idea, inter se distinguuntur. Patet, quia diversitas rerum sequitur ad diversitatem idearum.

Conclusio 5. Individuatio, & alia perfectiones ejusdem rei inter se inseparabiles tantum distinguuntur inter se virtualiter, non realiter. pb. Concl. hæc perfectiones non opponuntur sibi invicem in ratione constitutiva rei, ergo non distinguuntur realiter. Ant. pb. hæc perfectiones habent eandem existentiam, ergo non opponuntur sibi in ratione constitutiva rei seu existentia. Ant. pb. hæc perfectiones habent unicam individuationem, ergo etiam habent unicam existentiam. C. patet, quia existentia non potest multiplicari nisi per plu-



res individuationes, Ant. pb. hæ perfectiones limitantur inseparabiliter ad easdem circumstantias, ergo habent eandem individuationem seu limitationem. Conf. Hæ perfectiones non habent diversam realitatem; ergo non distinguuntur realiter. Ant. pb. non habent diversam existentiam, ergo neque diversam realitatem, quia realitas seu constitutivum formale rei est sola existentia. Ant. pb. possunt habere unicam, ergo habent.

Probatur etiam primum Conclusionis membrum, hæ perfectiones non distinguuntur aqualiter, ergo tantum virtualiter, pb. Ant. hæ perfectiones non habent diversam actualitatem, ergo non distinguuntur actualiter. Ant. pb. non habent diversam existentiam, ergo nec habent diversam actualitatem. pb. C. independentem ab existentia non intelligitur aliquod distinctivum à nihilo, ergo sola existentia est actualitas. Verum non est ligandum de voce, modo fatearis, illas perfectiones habere unam existentiam, nec distingui inter se aut à nihilo independentem ab existentia; si velis vocare hanc distinctionem formalem ex natura rei; loquere ut vis, ego loquor cum pluribus; & eam voco virtualem.

Conclusio 6. Omnes perfectiones inter se separabiles distinguuntur realiter, pb. Concl. perfectiones inter se separabiles distinguuntur in ipsa realitate, ergo distinguuntur realiter. pb. Ant. quando perfectiones sunt separabiles, tunc una earum potest habere realitatem, quin eam habeat altera, ergo Ant. patet: quia realitas nil aliud est, quam existentia, quam illæ perfectiones separabiliter participant.

Conclusio 7. Perfectiones inseparabiles, quarum una producit alteram, distinguuntur realiter, pb. Concl. tales perfectiones participant diversa conditione eandem realitatem, ergo distinguuntur realiter, id est, in modo participandi realitatem, Ant. pb. una talium perfectionum participat existentiam dependentem ab altera perfectione, ergo tales perfectiones participant diversa conditione eandem existentiam, quæ sola est realitas cujusque rei.

Corollarium 1. Hinc signum distinctionis realis est separabilitas; aut oppositio relativa producentis ad productum.

Corollarium 2. In distinctione virtuali una perfectio non potest simpliciter negari de altera; quia sunt una ac eadem res cum una eademque existentia; in omni autem negatione negatur Esse unius de altero; aut saltem negatur modus ac conditio essendi; cum igitur tales perfectiones virtualiter distinctæ pari conditione participant existentiam, non possunt de se invicem negari.

Corol-

Corollarium 3. Licet modus rei sit separabilis à re, ac propterea distinguatur realiter à re; potest tamen ejus distinctio vocari Modalis.

Corollarium 4. Quando eadem res concipitur in ordine ad diversa connotata; tunc eadem res distinguitur à seipsa distinctione, quæ vocatur Rationis ratiocinata. v. g. dum concipio Petrum mihi dextrum, & sinistrum; concipio quidem eundem Petrum, sed in ordine ad diversos situs; & hinc Petrus dexter à Petro sinistro distinguitur distinctione rationis ratiocinata; licet ipsa connotata distinguantur inter se realiter. Quando verò eandem rem tantum sub diversis nominibus concipio, tunc eadem res dicitur à seipsa distinctione Rationis ratiocinantis, v. g. quando dico: hic homo est Petrus; concipio ex parte subjecti & ex parte prædicati eandem rem. Signum distinctionis rationis ratiocinatae est, quando mens sentit sibi observari eandem ideam in ordine ad diversa connotata.

### *Solvuntur Objectiones.*

Obj. 1. Cont. 1. & 2. Concl. Essentia & Existentia possunt identificari, ergo identificantur. pb. Ant. in tali identitate non apparet implicantis, ergo. 2. Essentia & Existentia non conveniunt contradictoria, ergo non distinguuntur. pb. Ant. si convenirent his aliqua contradictoria, tunc convenirent sequentia: existentia est ratio conveniendi cum alia re; essentia non est ratio conveniendi. Existentia est separabilis à re; essentia non est separabilis. Existentia rei non est ab æterno; essentia est ab æterno &c. sed hæc non sunt vera contradictoria, ergo. min. pb. sensus harum propositionum potest esse sequens. Res per conceptum inadæquatum existentia potest comparari cum alia; non verò potest comparari per conceptum inadæquatum essentia. Potest res concipi in statu possibilitatis, quin concipitur in statu actuali. Res secundum statum possibilitatis est ab æterno; sed actu non est ab æterno. Atqui hæc non sunt contradictoria, ergo. 3. Potest res concipi in statu puræ possibilitatis, & secundum hoc vocari Essentia; & potest eadem res concipi in statu actuali, ac secundum hoc vocari Existentia; ergo Essentia & Existentia importat eandem rem in ordine ad diversa connotata seu diversos status. Resp. ad 1. n. a. quia diversæ idæe necessariò sunt diversæ. ad 2. n. a. ad. pb. n. maj. contradictio inter essentiam & existentiam est hæc; quod existentia representetur per ideam existentia, & non representetur per ideam essentia, ac viceversâ. Systema conceptuum inad-

inadequatorum jam subverſum eſt per ſimilitudinem omnimodam idearum ad rem ad. 3. t. a. n. C. quia diverſitas idearum inferit diverſitatem rerum; adeoque non eadem res, ſed duæ in hoc caſu obverſarentur animo, nempe eſſentia, & exiſtentia; verum melius negatur antecedens, ut ſuo loco videbimus.

Obj. 2. Etiamſi noſtræ ideæ ſint ſimiles alicui mundo poſſibili, tamen non conſtat, an ſint ſimiles huic noſtro mundo, ergo ex earum diverſitate non probatur rerum diſtinctio. 2. Etiamſi non cognoscantur res per noſtras ideas eodem modo, quo ſunt in ſe, poſſunt tamen ſervire ad obtinendam noſtram felicitatem, & commendandam divinam bonitatem &c. ergo non eſt ratio dicendi, ideas noſtras eſſe conformes huic noſtro mundo, Reſp. ad 1. n. a. contrarium patet ex probationibus, ad 2. n. a. quæ enim foret felicitas, ſi non ſaſiaretur appetitus noſter, quo volumus cognoscere res, ut ſunt in ſe; & ex creatis perfectionibus intelligere increatas?

Dices: Identitas inter eſſentiam & exiſtentiam poteſt concipi, ergo datur. Ant. pb. poteſt affirmari, ergo & concipi. Reſp. n. a. ad pb. d. poteſt affirmari ore. c. mente. n. ſicut enim in mente nunquam potero dicere, calor eſt frigus, voluptas eſt dolor, tam parum poſſum dicere, eſſentia eſt exiſtentia.

Obj. 3. Eſſentia conſiderata ſecundum ſe foret omnino nihil, ergo non poteſt diſtingui ab exiſtentia. C. patet, quia nullius entis nulla eſt proprietas, nulla diſtinctio. Ant. pb. eſſentia ſecundum ſe non habet ullum diſtinctivum à nihilo, ergo. 2. Non poteſt intelligi, quomodo duo diſtinguantur, niſi utrumque ſecundum ſe intelligatur exiſtere. 3. Nihil poteſt uniri alteri, niſi utrumque ſecundum ſe jam ſit ens; ergo nec eſſentia poſſet uniri exiſtentia, niſi jam ſecundum ſe foret ens. Reſp. ad 1. d. a. foret omnino nihil ut quod. c. a. foret nihil ut quo. n. a. res enim eodem modo ſunt, quo intelliguntur, nec clariùs explicari poſſunt, quàm intelligi: cum igitur eſſentia nunquam poſſit ſe ſola, ſecundum ſe intelligi ſine exiſtentia; ideo non poteſt diſtingui à nihilo ſe ſola, & ſecundum ſe; ſed conſtinguitur à nihilo cum exiſtentia; & ideo non diſtinguitur, ut quod, ſeu ut ens; ſed ut quo, ſeu ut pars entis, ad 2. n. a. quia poteſt intelligi idea albedinis, in qua dantur manifeſte duo, ut probavi: ſi quæras, quomodo poſſit diſtingui eſſentia ab altero, niſi exiſtat? Dico, hanc eſſe naturam eſſentia, ut habendo exiſtentiam diſtinguitur ab exiſtentia; quia ita obverſatur menti. ad 3. n. a. quia contrarium probat idea albedinis.

Dices.

Dices : *Existentia non tribuit essentiae aliquid distinctivum ab ipsa existentia*, ergo si essentia non distinguitur se sola & secundum se ab existentia, etiam non distinguitur habendo existentiam. Resp. d. a. *existentia non tribuit essentiae aliquid distinctivum per additionem* c. a. non tribuit distinctivum per quandam intrinsecam essentiae creationem. n. a. dico igitur essentiam intrinsecè distingui à nihilo ut quo, quia nempe intrinsecè continuè quodammodo creatur ab existentia ; creatur non per modum entis secundum se existentis, sed per modum compartis ; igitur essentia nunquam secundum se fit ens, quia semper est ens per existentiam, tanquam suam formam non solum inherentem, sed etiam se intrinsecè producentem, ac unum compositum constituentem.

Dices 2. Non potest intelligi, quomodo essentia intrinsecè producat per existentiam, ergo ista quasi creatio est fictitia. a. Creatio convenit soli Deo, ergo existentia non creat sibi essentiam. 3. Si essentia verè producat intrinsecè ab existentia, tunc reverà habet aliquam existentiam seu distinctivum à nihilo intrinsecè ac per identitatem, ergo cessat omnis ratio, requirendi aliam existentiam superadditam distinctam. Resp. ad 1. n. a. si enim potest intelligi, quomodo aliquid producat de novo, quod prius absolutè fuit nihil, ob solam vim causæ, cur id negetur de essentia ob vim existentiae ? At nihil facilius, quam intelligere hanc productionem ; nam sume ideam existentiae indeterminatam adhuc ; deinde conjunge ideam albedinis ; hæc determinati ad indeterminatum conjunctio est ipsa omnipotens productio ; & talis est, qualis intelligitur, ad 2. c. a. n. C, quia ista quasi creatio non est vera creatio, sed tantum specialis productio ; vel dicendum, quod essentiae omnium rerum sint ab æterno à Deo intra semetipsum, sicut Deus dicitur à semetipso esse ; ita etiam essentiae sunt ab æterno per existentiam in Deo. ad 3. d. Ant. habet aliquam existentiam ac distinctivum ut quo. c. a. ut quod n. a. eoipso enim quod existentia ista essentiae propria ac particularis non possit haberi sine idea existentiae generalis, consequitur illam existentiam particularem esse intrinsecè insufficientem ad essendum ac distinguendum, quia nempe se sola non potest intelligi ; & hinc ista existentia tantum vocatur existentia ut quo.

Dices 3. Ex dictis sequitur, Existentiam nostram non multum differre à subsistentia, per quam res constituitur in suo statu, in quo est ; ergo. Resp. n. a. nam subsistentia tantum à suis Patronis admittitur ad hoc, ut res jam aliunde existens quiescat in suo statu, nec  
mutetur

uniatur alteri rei : existentia verò nostra nil præsupponit aliande existens, sed facit essentiam ita existere, ut sine se nequidem possit concipi.

Dices 4. Quod immediatè terminat actionem productivam, per seipsum existit; sed essentia immediatè terminat actionem productivam; ergo. Resp. t. maj. n. min. quia essentia producit per existentiam; solum compositum producit ut quod; essentia solum producit ut quo; quia est id, quo compositum est. Et hinc nec essentia, nec existentia creatur ut quod; Existentia enim est id, quo creatur essentia, & hac mediante ens seu compositum.

Dices 5. Si essentia debet produci per existentiam, tunc ipsa essentia existentie debet produci per aliam existentiam; adeoque cum quævis existentia habeat essentiam, proceditur in infinitum. Resp. n. s. sicut enim murus fit albus per albedinem, & albedo non fit alba per aliam albedinem; ita etiam essentia particularis existit per existentiam, sed existentia non existit per aliam; sicut igitur non existit per aliam existentiam, ita neque producit per aliam existentiam; & si producit ipsa existentia, tunc producit ab aliquo, quod transcendit omnem nostram ideam, & quod est super omne existens. Verùm qua ratione produci possit ipsa existentia, videbimus suo loco.

Dices 6. Si essentia habet aliquam existentiam particularem secum identificatam, tunc essentia secundum quid convenit cum alia essentia, & secundum quid disconvenit; ergo duo inter se diversa, nempe ratio conveniendi & disconveniendi, possunt inter se identificari. Resp. n. maj. essentia enim per suam existentiam particularem disconvenit ab omni alia essentia; quia præter nomen existentis æquivocum nil habet commune cum altera essentia.

Obj. 4. Concipiendo albedinem non clarè observatur diversitas inter essentiam & existentiam, ergo non dantur diversæ idæ. 2. Signum distinctæ idæ est, si eam ad alteram addendo seu auferendo sentitur in conceptu diversitas; sed talis non sentitur, quando essentia albedinis volo addere vel auferre ideam existentia. 3. Potest dici, quod concipiendo aliquid, concipiam spatium aliquod indeterminatum; aut quod tunc nondum aliquod objectum habeam. Resp. ad 1. n. 2. concipiendo enim albedinem clarè observatur aliquis modus, per quem convenit cum alia re; & aliud, per quod disconvenit. ad 2. c. maj. n. min. vel d. non sentitur diversitas in idea essentia. c. in idea existentia. n. essentiam nunquam possum concipere

sine existentia, & ideo conceptus essentia manet semper idem; sed possum concipere existentiam sine essentia; & tunc statim sentitur in mente diversitas. ad 3. n. a. quia hoc est contra experientiam sentio enim me tendere in aliquid, quod tamen ignoro, quid sit. Quin etiamsi existentia in conceptu albedinis clarè se non discerneret ab essentia albedinis; per hoc ipsum tamen se discerneret ab omni alia idea; cum enim existentia sit res omnino indeterminatissima, nec ulum habeat determinativum, mirum non est, si ejus idea se non discernat ab aliis ideis eo modo, quo se aliz ideæ ab invicem discernunt; sed per hoc ipsum se discernit ab omni alia idea, quod se non discernat eo modo, quo se discernunt aliz ideæ.

Ob. 5. Omnis distinctio, quæ datur à parte rei, est realis, ergo non datur distinctio media virtualis, aut ex natura rei formalis. Pb. Ant. omnis distinctio, quæ datur à parte rei, datur inter rem & rem, ergo est realis. pb. a. quidquid non est nihil, est res; ergo omnis distinctio datur inter rem & rem.

2. De qualibet perfectione possunt formari duo diversi conceptus; ergo si diversitas conceptuum fundat distinctionem, distinctiones multiplicarentur in infinitum. pb. a. quælibet perfectio aut formalitas convenit cum alia perfectione in hoc, quod sit perfectio, & etiam disconvenit in alio, ergo.

3. Ea, quæ possunt de se invicem negari in recto, distinguuntur realiter; sed plures perfectiones ejusdem rei possunt de se invicem negari in recto, ergo. min. tales perfectiones habeant diversas definitiones adæquatas, ergo possunt negari de se in recto. Resp. ad 1. n. a. ad pb. n. a. res enim vocatur, quæ habet existentiam propriam, aut separabiliter: illud verò, quod cum alio inseparabiliter habet eandem existentiam, vocatur virtualitas aut formalitas. ad 2. n. a. nulla enim perfectio convenit cum alia, nisi per existentiam, sine qua nunquam potest concipi, & per quam est perfectio. ad 3. c. maj. n. min. ad pb. t. a. n. C. nam diversitas definitionum non inferre diversitatem existentia. Dein potest negari Ant. quia simplicia non possunt definiri.

Obj. 6. Etiamsi daretur una communis existentia ac realitas in multis perfectionibus, potest tamen dici, dari multa entia, ac multas res; ergo communis existentia non impedit distinctionem realem. pb. a. Etiamsi daretur una albedo dealbens plures muros, darentur tamen plura alba; ergo à pari, etsi detur una existentia, dantur tamen plura entia. 2. Tres personalitates in Deo sunt realiter distinctæ,

D

&amp; ta-

& tamen habent inseparabiliter eandem existentiam, ergo unitas existentiae non tollit distinctionem realem. Resp. ad 1. n. 2. ad pb. c. 2. n. C. & paritatem. Disparitas est, quod muri independenter ab albedine habeant multipliciter; contra vero formalitates independenter ab existentia nullam habeant multipliciter; ideoque ratione sui praecise non possunt aequalem numerum & diversitatem constituere. ad 2. c. 2. d. C. non tollit distinctionem realem, quando intercedit oppositio relativa. c. secus. n. una personalitas generatur, ac procedit ab altera.

Obj. 7. Distinctio virtualis non datur inter amorem Dei & odium peccati in actu contritionis; ergo neque datur in alio casu. pb. Ant. non repugnat amorem Dei esse aversivum peccati; & odium peccati esse persecutivum Dei, ergo. Resp. n. 2. ad pb. d. a. non repugnat amorem esse aversivum per tendentiam à tendentia amoris distinctam. c. secus. n. cum enim hae duae tendentiae experimentaliter sint diversae, ac propterea diversas fundent ideas, necessario inter se distinguuntur, licet in eodem actu convenient.

Dices: Si tam diversae formalitates distinctae possunt convenire in eodem actu, tunc in eodem actu eadem propositio poterit per unam formalitatem negari, per aliam affirmari; per unam formalitatem poterit quis amare Deum, per aliam odisse. Sed. &c. Resp. n. S. quia hic aliunde datur repugnantia; aut si aliunde non datur, sequetur, quod omnino in opposita sententia hae contraria possint identificari.

Obj. 8. Si individuatio distingueretur à quavis essentia, tunc quavis essentia foret aliqua Natura Communis de se nec hae, nec illa; sed talis nusquam datur, ergo. min. pb. non datur extra singularia, nec in singularibus, ergo. Resp. c. maj. n. min. ad pb. dico eam dari in singularibus eo modo; quo intelligitur; licet enim v. g. albedo huius muri sit hae albedo; manet tamen communis, quia per aliquid à se distinctum est hae.

Dices: Si daretur talis natura communis, tunc non possem dicere mea caro, sed nostra caro. 2. Eadem natura humana cruciaretur in inferno, & glorificaretur in caelo. Resp. ad 1. n. S. quia caro fit mea per individuationem. ad 2. n. suppositum, quod natura communis possit dici eadem; cum enim secundum se nec habeat unitatem positivam, nec distinctionem, natura non potest dici eadem. Albedo est tantum albedo, & nihil aliud; igitur non est eadem; sed tantum non distincta.

Dices 2. Natura Petri non potest videri ab individuatione

Petri,



Petri, & postmodum conjungi cum alia individuatione v. g. Pauli; ergo natura Petri semel extra causas posita est intrinsecè singularis, quia est intrinsecè respectiva hujus individuationis, ac incommunicabilis pluribus. Resp. d. a. Natura Petri reduplicativè sumpta non potest dividi. c. a. denominativè, n. a. & suppositum quod natura Petri denominativè sumpta sit potius natura Petri, quam Pauli. Illa enim natura, quæ est Petri, de se nec est Petri, nec Pauli, nec conjuncta cum natura Pauli, nec ab illa divisa; est enim idipsum, quod concipitur; est natura humana, & nihil aliud.

Dices 3. Quidquid terminat actionem productivam, est aliquid determinatum; sed natura v. g. Petri terminat actionem productivam, ergo. maj. pater, quia non producitur aliquid indeterminatum. Resp. d. maj. quod producitur, est aliquid determinatum vel intrinsecè, vel extrinsecè. c. maj. semper intrinsecè. n. maj. sufficit, quod cum natura communi comproducatur individuatío contrahens naturam communem.

Dices 4. Non est possibilis natura communis separata, existens extra singularia; ergo neque est possibilis intra singularia. Resp. n. C. & parit. Disparitas est; quia causa productiva naturæ necessario ordinat naturam ad aliquem determinatum finem; igitur omnis natura in sui productione limitatur ad certas circumstantias, actiones, aut passionem, & sic eipsa fit singularis.

Dices 5. Si daretur natura communis, tunc in Petro esset tota natura humana, & in Paulo &c. esset tota natura; sed hoc est impossibile, ergo. min. pb. quia aliàs totum, seu tota collectio omnium naturarum, non esset majus sua parte. Resp. c. maj. n. min. ad pb. dico, naturam Petri, Pauli &c. denominativè sumptam nec collectivè, nec distributivè sumi posse; nec esse de se unam, nec multiplicem; nec totam, nec mediam; sed esse naturam humanam, & nihil aliud. Hinc generaliter notandum: Naturæ secundum se, nullam convenire denominationem, actionem, aut passionem; quia hæc omnia tantum conveniunt rei singulari.

Dices 6. Si datur natura communis, tunc natura v. g. Petri non producitur de novo, sed hoc est falsum, ergo. pb. maj. natura humana non distincta à natura Petri jam præexistit in aliis hominibus, ergo. Resp. d. maj. natura Petri denominativè sumpta non producitur c. maj. reduplicativè sumpta. n. maj. nam natura humana, quæ prius non habebat existentiam sub individuatione Petri, incipit existere sub individuatione Petri, & hoc est, produci naturam Petri. Hinc quando aliqua res dealbatur, non albedo fit, sed album fit; quia non producitur essentia albedinis, sed albedo incipit habere existentiam in hoc subjecto.

D 2

QUÆ.

## QUÆSTIO IV.

*Quanam sit idea Existentiæ , Entis , Negationum , ac Privationum ?*

**C**onclusio 1. Idea Existentiæ est, quæ obversatur menti, dum cogitamus de Nescio quo. pb. Concl. Existentiæ vocatur id, quod præcisè tollitur ratio nihili; sed cum cogitamus de aliquo nescio quo, obversatur aliquid, quod præcisè tollitur ratio nihili; ergo tunc obversatur existentiæ.

Coroll. 1. Hinc Existentiæ potest describi, quod nec sit quid, nec quale, nec quantum, nec aliud eorum, quibus ens determinatur, sed horum omnium actus.

Coroll. 2. Idea Existentiæ est omnium clarissima per hoc, quod sit obscurissima; & per hoc ipsum est distinctissima, quod sit confusissima; & per hoc ipsum se discernit ab omni alia idea, quod se non discernat ab ulla re.

Conclusio 2. Nil potest concipi sine sua Existentiæ. pb. Concl. quandoque aliquid menti obversatur; immediatè nil obversatur nisi idea; sed idea non obversatur sine sua existentiæ, ergo nil obversatur sine sua existentiæ, min. patet, quia idea non obversatur nisi ut existens; ubicunque existat.

Confirm. In simplici apprehensione nil concipitur, nisi idea, abstrahendo, an sit in mente, vel extra mentem; ergo nil potest concipi sine sua Existentiæ, abstrahendo tamen, an illa existentiæ sit in mente, vel extra mentem.

Conclusio 3. Existentiæ semper omni momento actu obversatur menti. pb. Concl. Semper obversatur menti aliquid indeterminatum, ergo existentiæ, Ant. pb. semper cogitamus, ergo. pb. 2. semper experimentaliter aliter afficimur, quam lignum aut alia entia non cogitantia, ergo semper cogitamus; quia sola cogitatione distinguimur à non cognoscitivis. Ant. pb. quivis se reflexens supra statum suum directum nunc sibi præsentem, diceret se alio modo affici, quam entia non cogitantia, ergo.

Pb. 2. Status ille mentis, quo sentimus nos cogitare de nescio quo, est status reflexus supra statum directum; Ergo datur talis status directus, quo quidem cogitamus de nescio quo, sed tamen reflexe

non

non sentimus nos cogitare de nescio quo. Atqui ille status non est alius, nisi status inadvertentiæ, in quo semper sumus, quando non cogitamus de re determinata.

Pb. 3. Status inadvertentiæ aut somni, quoad mentem non differt à statu reflexo, nisi per defectum reflexionis; ergo etiam si non sentiamus nos cogitare, revera tamen cogitamus. Pb. ant. sentimus nos à statu expresso ac reflexo deferri ad statum inadvertentiæ aut somni nulla alia sensibili mutatione intercedente, nisi quod cesset reflexio, aut cogitatio rei determinatæ; ergo nulla alia intercedit mutatio, ac proinde manet cogitatio directæ rei indeterminatæ, ant. patet in eo, qui successivè gravatus somno incipit sensum delabari in statum inadvertentiæ, qui quamvis sentiat in se extinguì successivè cogitationem rei determinatæ, nunquam tamen sentit extinguì cogitationem rei indeterminatæ; ergo non extinguitur, quia hoc deberet sentiri. Similiter etiam nemo sentit simpliciter in se de novo post somnum incipere cogitationem, sed tantum sentit incipere cogitationem huius vel illius rei.

Pb. 4. Cogitatio in mente simpliciter nec oritur unquam, nec occidit, ergo semper datur cogitatio rei indeterminatæ. Pb. ant. non datur conveniens causa creata productiva cogitationis, nec destructiva, ergo pb. ant. non datur aliquid creatum simile cogitationi, ergo non datur causa productiva, quia juxta leges causarum semper præexistit aliquid simile effectui; nec etiam destruitur ob cessationem finis, quia cogitatio generalis est quasi materia idearum particularium; materiam autem oportet manere semper præparatam.

Pb. 5. Convertendo oculos ac mentem ad diversa successivè obiecta sentio mihi innasce diversas ideas; sed non sentio mihi innasce novam semper tendentiam in istas ideas; ergo tendentia seu cogitatio semper est eadem, cui solum per modum stabilis materiæ uniuntur diversæ idæ.

Pb. 6. Primus actus cujusque rei est à natura stabiliter inditus, sed cogitatio est primus actus mentis, ergo, min. pb. quia natura est semper expedita ad actum sibi proprium, ergo nunquam est otiosa, nisi impediatur.

Pb. 7. Author mentis operatur omnia viâ simplicissimâ ac brevissimâ, ergo præsumendum est, unica potius cogitatione generali stabiliter inherente absolvi omnes cogitationes particulares, quàm produci tam innumeras.

Conclusio 4. Ens in suo conceptu non dicit plus, quàm Exi-

D ;

sten-

stentia. pb. Concl. pronuntiata hac voce tantum sentio mihi obversa-  
ri aliquid indeterminatum ; ergo.

Coroll. Igitur talia nomina concreta præcisè in eo differunt à  
nominibus abstractis, quod in loquendo possint applicari ad alia substanti-  
tiva ; in conceptu enim idem important.

Conclusio 5. Existentia convenit univocè omnibus, quibuscum-  
que convenit, sive sint entia creata, sive increata, sive substantialia  
sive accidentalia. Pb. Concl. illa idea existentia, quam habemus,  
est unica, eaque sine repugnantia potest attribui etiam increa-  
to, aut accidentali ; ergo illis convenit ; quia idea nostra tam accu-  
ratè repræsentant res, quantum non repugnat eas repræsentari. Ant.  
g. i. m. pb. quidquid est omni modo possibili indeterminatum, est  
tantum uno modo indeterminatum ; ergo idea existentia est unica.

Conclusio 6. Negatio est unius ab altero disjunctio, id est, spe-  
cialis tendentia mentis, qua unum ab altero disjungimus ; & sicut  
hæc tendentia non est nihil, ita etiam disjunctio realis, seu negatio  
non est nihil, pb. Concl. quando nego albedinem de ligno, sentio nec  
solum lignum, nec solam albedinem, nec utrumque simul obversari ;  
sed utraque sub speciali modo, qui vocatur disjunctio, ergo.

Conclusio 7. Omnis negatio est aliquid positivum in alterutro ex-  
tremorum, quæ negantur ab invicem. pb. Concl. illa unius ab altero  
disjunctio, quæ obversatur menti, non est nihil, & non repugnat exi-  
stere in alterutro extremorum, ergo est aliquid positivum.

Conclusio 8. Negatio nihil aliud est, quam ordo ejusque rei ad  
suas partes intrinsecè exclusivus partium impertinentium. pb. Concl.  
In mente, dum concipitur negatio, datur talis ordo, seu ordinatio ;  
ergo talis datur à parte rei.

Conclusio 9. Privatio est negatio formæ debitæ in subjecto apto.  
Hinc non differt quoad rem à negatione ; sed tantum quoad rem ne-  
gatam. Sic cæcitas est privatio potentia visiva in oculo, quia potentia  
visiva debetur oculo.

### *Solvuntur Objectiones.*

Obj. 1. Cont. 3. Concl. Cogitatio est tantum aliquid accidentale,  
non essentielle menti, ergo abit & redit more aliorum accidentium.  
2. si in dormiente daretur cogitatio generalis existentia, tunc non  
possent dormientes sæpe tam longo tempore dormire sine ullis som-  
niliis seu cogitationibus particularibus, quia cogitatio generalis est ordi-  
nata

nata ad cognitiones particulares. 3. Mens non semper appetit actum dimmum bonum; etiam si appetitus summi boni prærequiratur ad omnem volitionem particularem, ergo nec semper actu cogitat de existentia, licet ejus cognitio prærequiratur ad alias cognitiones particulares. 4. potest cogitatio semper produci à mente ut eminenter præcontinente hanc perfectionem; ergo non est necessitas hujus perennis cogitationis. Resp. ad 1. d. a. cogitatio particularis. c. generalis. n. est enim proprietas essentialis, ut ostensum est. ad. 2. n. S. quia cogitatio specifica ac particularis dependet ab organis internis corporeis; quæ etiam longo tempore possunt quiescere ad. 3. r. a. n. C. & par. disparitas est, quod plus requiratur ad appetitum summi boni, quam cognitionem existentiam; nam ad hunc appetitum prærequiritur non solum cognitio generalis existentiam, sed etiam cognitio particularis summi boni. Igitur hæc argumentatio est à minori ad majus, quæ non licet. ad. 4. d. a. posset produci secundum leges causarum extraordinarias. t. secundum leges causarum ordinarias, ac in natura usitata n. a. non nego possibile esse, ut in casu extraordinario, quo non potest convenienter haberi causa univoca, effectus producat à causa altioris ordinis; sed hoc aliquid extraordinarium est in natura, pro quo nunquam fiat præsumptio.

Obj. 2. Cont. 4. Concl. quando concipio Ens, sentio menti aliquid obversari per modum concreti; quando verò concipio Existentiam, sentio menti aliquid obversari per modum formæ abstractæ; ergo non est eadem idea Entis & Existentiæ. 2. Vnum, verum, bonum, Res, aliquid, cum Ente convertuntur; & non convertuntur cum Existentiâ; ergo non est eadem idea Entis & Existentiæ. Resp. ad 1. d. maj. quando concipio Ens, sentio aliquid obversari per modum Termini concreti. c. min. per modum ideæ concretæ. n. min. nam solent cum rebus ipsa earum plerumque obversari animo nostro, & hoc maxime fit, quando res obscuræ sunt; tunc enim magis convertimur ad nomina rerum, quam ad ipsas res; dico proin cum idea Entis simul obversari nomen entis, quod est terminus concretus, quia potest significare rem existentem, actu exprimit quidem solam existentiam, sed potentialiter significat etiam rem, quæ habet existentiam. ad 2. d. Vnum, verum, bonum non convertuntur cum Existentiâ quoad modum loquendi. c. quoad modum concipiendi. subd. secundum id, quod dicunt in obliquo. c. secundum id, quod dicunt in recto. n. U. num in suo conceptu nil aliud dicit, quam aliquid indeterminatum. id est existentiam in ordine ad individuationem; verum dicit aliquid in deter-

minia

minatam, id est, existentiam in ordine ad mentem intelligentem. bonum dicit aliquid indeterminatum, id est, existentiam in ordine ad varias perfectiones rei; igitur Vnum, verum, bonum in recto dicunt existentiam, ac proinde in recto convertuntur cum existentia, quoad modum concipiendi, licet non convertantur quoad modum loquendi; quia voces multa significant in potentia.

Obj. 3. Cont. 5. Concl. Ens non convenit univocè Deo, substantiæ, & accidenti, ergo nec existentia. pb. Ant. conceptus formalis Entis non præscindit à suis differentiis, aut certè se tantum extendit ad creaturam, ergo. 2. existentia Dei est essentialiter independens, subsistens, & realiter identificata cum essentia divina; existentia autem creata non est talis, ergo non conveniunt univocè. 3. Deus est supra omne id, quod nominari & cognosci potest, ergo idea existentie non assequimur existentiam divinam. Ant. pb. non solum ex consensu Patrum, sed etiam ex ratione; quia Deo tribuimus, quidquid est optimum ac perfectissimum; si igitur aliquid melius & perfectius omni eo, quod cognoscimus, possibile est, id Deo tribuendum. Resp. ad 1. d. a. Ens, in quantum est terminus. t. a. in quantum est idea. n. a. quia Ens ut terminus forte potentius significat differentias, ac creaturas, quam in idea Entis exprimitur. ad 2. d. a. existentia divina est essentialiter independens & c. continuativè, c. formaliter subd. qua talis. c. quæ est talis. n. a. observandum est, quod res eo modo sint, quo concipiuntur, & hinc, quia interdum nobis observatur unum continuum v. g. in figura, aut quantitate sine ulla distinctione actuali partium, ideo possibile est tale continuum, ut suo loco probabitur. Jam verò tale continuum admitto possibile esse inter illas ipsas perfectiones, quæ per ideas nostras representantur ut diversæ, & ex hac suppositione dico existentiam divinam continuativè idem esse cum aliis perfectionibus divinis; sicut tamen unitas continuativa in continuo quantitatis non impedit, quin partem potentialem continui possim seorsim concipere; ita unitas continuativa divinæ existentie cum aliis divinis perfectionibus non impedit, quin seorsim possit concipi, id est, formaliter; verum natura huius unitatis continuativæ intelligetur melius è continuo creato quantitatis, & qualitatum explicando inferius. ad 3. c. a. n. C. quia etiam si Deus simpliciter sit incomprehensibilis, potest tamen cognosci secundum quid, id est, secundum unam vel alteram perfectionem, vel d. ergo non assequimur existentiam divinam continuativè sumptam, c. C. formaliter sumptam. n. C. sicut enim continuum divisibile est, ita etiam existentia.

Obj. 4. Cont. 7. & 8. Concl. Negatio mundi ante creationem mundi non



non fuit aliquid positivum, ergo non omnis negatio est aliquid positivum in alterutro extremorum. pb. ant. Ante creationem mundi nihil existit præter Deum, ergo nec existit negatio. 2. non existerunt extrema, in quibus negatio mundi ante ejus creationem potuisset subsistere, ergo nec existit negatio. pb. Ant. Extrema in negationem mundi sunt; Mundus & ejus Existentia, quia in negatione mundi disjungitur Existentia à mundo: at neutrum existit, ergo 3. Si negatio esset aliquid positivum, tunc in una eademque re deberent dari infinita entia, sed hoc est erroneum, ergo. maj. pb. de eadem re verificantur infinitæ negationes, nempe negationes infinitorum entium possibilem, ergo. 4. si negatio cōnisteret in ordine exclusivo omnium partium impertinentium, tunc talis ordo deberet esse relativus ad infinitas partes impertinentes posibles; sed etiam hoc excedit limites creatos, ergo.]

Resp. ad 1. n. a. ad pb. c. a. d. C. ergo nec existit creatio extra Deum. c. C. in Deo. n. C. ad 2. n. a. ad pb. d. maj. Extrema sunt mundus, & ejus existentia considerata in statu creato vel increato c. maj. tantum creato. n. maj. nam, ut sequenti quæstione dicitur, & prius jam fuit dictum; Existentiæ increata & creata conveniunt univocè, & solum differunt per diversos status, in quibus ponuntur; quando igitur dico: Mundus non habet existentiam; sensus est, mundus non habet existentiam increatam per participationem, seu modo limitato, ac proin in hoc casu alterum extremum est existentia increata, quæ utique existit ab æterno. Ad 3. n. maj. ad pb. d. verificantur infinitæ quoad re&um. n. quoad obliquum. c. est enim negatio in recto nil aliud, nisi ordo rei ad suas partes unicus exclusivus partium impertinentium. ad 4. n. maj. quia hic ordo est exclusivus partium impertinentium sine relatione ad illas; quia immediatè est tantum exclusivus alterius ordinis;

& hoc non ob relationem, sed ob distinctionem; sicut una idea est exclusiva alterius per seipsam: ita ordo rei ad suas partes est tantum hic ordo, & non alius ordo.





## QUÆSTIO V.

*Quænam sit idea entis Intellectualis, & realis; Possibilis & actualis; creati, & increati; corporei & in corporei.*

**C**onclusio 1. Ens intellectuale non differt intrinsecè ab ente reali. pb. Concl. Omnis idea, quæ obversatur menti, potest poni in alio statu; in quo non obversatur menti; ergo. pb. Ant. Omnis idea est de se natura communis indifferens ad quemlibet statum sive intellectualem, sive realem, ergo. pb. Ant. idea per seipsam, dum obversatur menti, non dicit statum intellectualem, nec realem, ergo. pb. Ant. ignoramus, an idea, quæ obversatur, sit in mente, vel extra mentem; ergo intrinsecè non importat ullum statum.

Corollarium. Igitur Mundus Intellectualis intrinsecè non differt à mundo reali; quia quæcunque reperiuntur in mundo reali, eodem modo reperiuntur in mundo intellectuali; & vicissim, & hinc ens reale cum veritate potest vocari conceptus objectivus; nam reverà Ens reale nihil aliud est, quam illa ipsa idea, quæ obversatur menti; sed tamen in alio statu, & cum alia individuatione.

Conclusio 2. Ens reale tantùm differt per hoc ab ente intellectuali, quod sit stabiliter fixum ac independens ab arbitrio mentis. pb. Concl. omnia intellectualia possunt pro arbitrio mentis dissolvi, aut mutari, aut destitui; ergò quæcunque pro arbitrio mentis mutari non possunt; intellectualia non sunt, ac proin fiunt fixa. Ant. patet in idea Domus, quam possum dissolvere, quandocunque volo; Domus verò realis à me dissolvi non potest pro mentis arbitrio.

Corollarium. Hinc patet, quàm contemptibilia sint ista bona terrena, cum in nullo intrinsecè differant ab intellectualibus, & ob limitationem suam extrinsecè sint longè imperfectiora intellectualibus; patet proin, quam stulti sint, qui felicitatem suam potius tanto labore quarunt in mundo reali, quam Intellectuali; & denique patet, quam facilè contemni possint jactata toties ab amatoribus mundi bona, diu quæsit, labore improbo emptæ, & brevi relinquenda, cum Dominus idearum, quisquis ille sit, in cujus potestate est illas fingere,

figere, solo suæ voluntatis arbitrio in momento cultoribus suis integros mundos, & mille sensuum ac mentis illecebras sistere possit, hic solus versat mente, quæcunque vult, jubet, ut stabiliter sint; & sunt.

Conclusio 3. Ens Possibile, & Actuale non differunt intrinsecè; pb. Concl. Omne Ens possibile est Ens intellectuale, & omne Ens actuale est Ens reale; sed intellectuale & reale non differunt intrinsecè, ergo nec ens possibile, & actuale. pb. maj. g. i. m Omne ens possibile per seipsum, vel per imaginem sibi perfectissimè similem obversatur menti; ergo est ens intellectuale. C. patet, quia omne, quod obversatur menti, est idea, adeoque ens intellectuale. Ant. pb. Ens possibile in statu possibilitatis suæ potest æquè cognosci; ac cognoscitur ens actuale in statu actuali; ergo.

Conf. Sentimus entia possiblea nobis obversari per ideas easdem, per quas obversantur entia actualia; ergo, cum omnis idea possit esse, & sit simillima imago sui objecti, ens possibile & actuale non differunt intrinsecè.

Conclusio 2. Ens Possibile tantum differt per hoc ab Ente Actuali, quod illius existentia de se abstrahat à statu creato vel increato; Existentia autem entis actualis concomitanter dicat statum creatum. pb. Concl. Ens possibile tantum dicitur possibile relatè ad statum creatum; ad quem est in potentia; ergo per hoc ipsum differt ab actuali, quod abstrahat à statu creato. Ant. pb. Ens possibile increato. Non dicitur possibile relate ad omnem existentiam, nec est in potentia ad omnem existentiam, ergo. pb. Ant. Ens possibile non potest concipi sine omni existentia, ergo nec est sine omni existentia; quia omneens tale est, quale concipitur.

Corollarium. Sequitur proin omne Ens possibile secundum suæ prædicata intrinseca existere ab æterno, etiamsi non existat in statu creato; & quia potest poni in statu creato, ideò de se ac formaliter abstrahit à statu creato & increato, licet reipsa sit in statu increato; & quia nihil est increatum extra Deum, ideò intrinseca rerum possibilitas consistit in ideis divinis; quæ per participationem possunt poni in statu creato; quia nempe per modum naturæ communis cum rebus creatis univocè conveniunt.

Conclusio 5. Perfectio creata non differt intrinsecè à perfectione increata formaliter seu præcisive sumpta; id est, etiamsi perfectio increata continuativè identificetur cum aliis perfectionibus divinis, per hoc tamen non amittit suam essentiam, sed manet ejusdem naturæ.

ac si non identificaretur; sicut pars cubi, aut sectio conica manet ejusdem naturæ, sive continuative identificetur cum cubo aut cono, sive non identificetur; semperque convenit intrinsicè cum alia sectione sibi simili. Pb. Concl. Omnis perfectio creata, eo modo, quo observatur ment, necessario existit, adeoque æternum; non extra Deum, ergo in Deo, min. supponitur interim. maj. patet ex dictis; quia omnis idea eo modo, quo observatur menti, est possibilis, adeoque necessario existit, ubicunque existat.

Pb. 2. perfectio increata cognoscitur, ergo idea creata, per quam cognoscitur, non differt ab illa intrinsicè. pb. C. omnis idea potest & debet esse simillima suo objecto.

Pb. 3. Perfectio creata intrinsicè non dicit imperfectionem; ergo eipso est in Deo, seu in cumulo omnium perfectionum. pb. Ant. perfectio creata intrinsicè non dicit ullam dependentiam, aut limitationem, ergo, Ant. pb. quia in idea perfectionis creatæ talis dependentia aut limitatione non involvitur.

Conclusio 6. Ens Creatum tantum differt ab Increato per hoc quod hoc sit illimitatum; illud limitatum, id est, Ens per hoc dicitur creatum, quod stabiliter ac fixe ponatur in serie entium particulari. Pb. Concl. Non datur necessario stabilis ac particularis series entium, ergo quid, quid est in tali serie, eipso non est increatum. C. patet, quia omne increatum necessario existit. Ant. pb. omnis series entium per se est subiecta illimitate arbitrio illius mentis, in cujus potestate, est ideas fingere; ergo non necessario datur series particularis stabilis.

Pb. 2. Ens, quod tantum habet ordinem stabilem ad seriem entium finitam, habet hunc ordinem ex determinatione alterius causæ; ergo jam est creatum. pb. Ant. quodlibet ens potest pro mentis arbitrio referri ad quamlibet seriem entium; ergo si habet stabilem ordinem ad determinatam seriem entium, hoc non habet ex seipso, sed ex alterius determinatione.

Conclusio 7. Ens corporeum & incorporeum intrinsicè non differunt. pb. Concl. Idea Entis corporei non differt ab ente corporeo intrinsicè, sed idea est ens incorporeum, ergo. maj. pb. idea illa est imago simillima entis corporei. ergo. Concl. non repugnat eandem naturam communem v. g. Existentiam poni in statu corporeo, & incorporeo; ergo etiam id non repugnat aliis perfectionibus.

Conclusio 8. Ens corporeum differt ab Ente incorporeo per hoc quod sit connexum cum extensione stabiliter ac independentè ab arbitrio mentis. v. g. si ponatur aliquis cubus in mente, & alius extra mentem; ille erit incorporeus; hic corporeus; nec erit alia differentia inter-

inter hos duos cubos , nisi quod ille possit dissolvi , dividi , augeri , ac mutari pro arbitrio mentis ; hic verò sit independens ab arbitrio mentis , ac stabiliter in suo statu maneat , nisi mutetur à legibus naturæ , quibus solus subiectus est . pb. Concl. Hoc distinctivum inter Ens corporeum ac incorporeum sufficit , nec aliud observatur clare ac distinctè menti , ergo nullum aliud datur .

Corollarium 2. Hinc patet , quod corpus possit fieri spirituale per hoc solum , quod incipiat deperdere ab arbitrio mentis ; sicut ideæ dependent , aut corpus ideale .

Corollarium 2. Patet etiam , quam nihil sint omnia entia corporea ; cum in momento possint resolvi in nihilum , aut permutari pro libitu ab illo , qui est Dominus idearum , & qui potest tollere stabilem ordinem idearum , per quem sunt in statu corporeo . Et reverà quid sunt ista corpora , nisi stabilia somnia , seu stabiles idearum collectio ? nisi quod somnia inaneant in mente , & ideo stabilia non sint ?

### *Solvuntur Objectiones.*

Obj. 1. Cont. 1. & 2. Concl. Non omnia entia realia sunt etiam ejusdem naturæ in intellectu , ergo entia realia & intellectuales non sunt ejusdem naturæ , pb. Ant. calor aut frigus non est formaliter in Deo ; Individuatio rei essentialiter immultiplicabilis non potest esse naturæ communis ; actio creativa mundi etiam non potuit esse ab æterno in Deo ; denique ipse ordo stabilis idearum non potest dari in intellectu , alioquin ens reale jam daretur in intellectu . ergo 2. aliqua entia realia citius transeunt , quam intellectuales , ergo non differunt stabilitate . 3. Ideæ sunt accidentia , entia realia sunt substantiæ , ergo differunt intrinsece .

Resp. ad 1. n. a. ad pb. Dico , calorem formaliter , id est , concretive & in eo statu , in quo nos afficit , non esse in Deo ; & hinc , quia homines tantum attendunt ad calorem secundum illum statum , secundum quem nobis observatur , ideo negandum est simpliciter , in Deo dari calorem ; falsum est ; Deus est calidus ; quia omnis denominatio importat formam secundum illum statum , ad quem homines respiciunt , & qui illis est obviis , ut constat ex Arte Critica . Interim tamen calor est æque in Deo secundum totum suum esse , demptis imperfectionibus , seu dempta carentia perfectionum aliarum ; & divisione perfectionum . Individuatio est tantum immultiplicabilis in statu reali , non autem relate ad alios status ; quia idea individuationis aliam immultiplica-

bilitatem nisi realem non importat; individuatō realis est ordo rei ad certas circumstantias stabiliter; individuatō intellectualis est ordo rei ad easdem circumstantias transeunter, seu dependenter ab arbitrio mentis; Individuatō realis est quidem ordo stabilis, etiam in intellectu, sed non stabiliter. Actio creativa mundi ab æterno dabatur in Deo, sed non pro æterno, ut suo loco videbimus. Ad 1. d. a. aliqua entia accessoria tantum ad aliam rem c. a. principalia. n. a. vel subd. transeunt citius ob conditionem status. n. ob voluntatem conditoris c. a. ad. 3. c. a. n. C. quia ens accidentale & ens substantiale non differunt intrinsece.

Obj. 2. Possibilitas intrinsecæ rei consistit in mera non repugnantia prædicatorum inter se. Ergo Ens possibile non est necessariò aliquid positivum. Pb. C. non repugnantia prædicatorum potest concipi ac dari, etiam si nil concipiatur aut detur positivum, ergo. 2. Mundus, in quantum possibiliter distinctus à Deo, fuit ante suam creationem possibilis, nec tamen fuit aliquid positivum, ergo. 3. Relatio creaturæ ad creatorem ab æterno fuit possibilis, nec tamen aliquid positivum; idem dicendum de actione creativa, in quantum est aliquid creatum. Resp. ad. 1. n. a. quid enim sunt ista prædicata? quid est repugnantia? si aliquid in mente sunt; jam eo ipso aliquid positivum sunt. ad 2. d. non fuit aliquid positivum in eo statu, in quo fuit possibilis, c. a. in alio statu. n. a. Ad 3. similiter d. non fuerunt aliquid positivum in statu reali, c. in intellectuali. n. a. nam quidquid est in creatura, est etiam in creatore; sed non eodem modo; nam actio creativa Deo immanens tribuit creaturæ divisionem à cumulo perfectionum, & per hoc eidem tribuit stabilitatem independentem ab arbitrio mentis.

Dices: Creatura nunquam fit independens à Deo, aut ab arbitrio mentis divinæ; ergo ens actuale differt ab ente possibili non solum per independentiam, sed per aliud positivum. Resp. ad 1. d. non fit independens omni independentia. c. a. aliqua. n. vel subd. non fit independens independentem ab arbitrio mentis divinæ, c. dependenter. n. Deus enim sibi ipsi imponit hanc necessitatem consequentem, ut non velit in mundo operari ordinarie, nisi secundum ordinem naturæ à se præfixum.

Dices: 2. Si ens possibile foret aliquid positivum, tunc non esset simpliciter ens tantum possibile; sed solummodo secundum quid, nempe solummodo relatè ad statum realem; sed hoc non potest dici, ergo. Pb. min. Petrus non potuit dici Ens possibile, etiam si fuerit possibilis relatè ad aliquem

quem

quem statum v. g. pœnitentiæ. Resp. n. maj. quia denominatio simpliciter desumitur à ratione denominandi, ad quam homines plerumque respiciunt; cum igitur loquendo de possibilitate vel existentia rei, homines plerumque respiciant ad statum realem, ideò relatè ad hunc statum dicitur res simpliciter possibilis. Ideò Petrus non dicitur simpliciter ens possibile, quia homines, loquendo de possibilitate Petri, non respiciunt ad statum pœnitentiæ, sed ad statum realem; sibi magis obvium.

Dices 3. Si non datur aliquid positivum distinguens mundum realem à mundo increato ideali; tunc difficile erit explicare distinctionem internaturam, & Deum; sed hoc est favere Atheismo Spinolæ, & Sinensium, ergo.

Conf. Sententia asserens mundum conditum è perfectionibus increatis simplicibus, videntur accedere ad illorum errores, qui dicunt mundum conditum ex combinatione monadum, aut atomorum; aut creaturas esse particulas Dei. Resp. ad 1. n. a. contrarium patebit suo loco; quia sola divisio à cumulo perfectionum est vera distinctio. ad Conf. n. a. quia nos non admittimus monades, aut atomos; hæ enim sunt aliquid increatum, finitum, & extra Deum; perfectiones autem nostræ simplices sunt illimitatæ in Deo; non pars mundi secundum illum statum individualem, secundum quem sunt ab æterno; sed tantum univoce cum partibus mundi; mundus ex his perfectionibus increatis non componitur tanquam ex partibus actualibus; sed tanquam è genere; Deus communicando has perfectiones creaturis nil amittit; sed retinet id, quod dat; quia Deus nil aliud facit, nisi ut perfectio sua increata, quæ habet individuationem increatam, habeat etiam individuationem creatam; & hoc fit limitando hanc perfectionem per divisionem à cumulo perfectionum.

Obj. 3. Cont. 5. & 6. Concl. Ideæ, quæ nobis obversantur, non videntur essentia perfectissima, & infinite perfectionis; ergo non eodem modo simillimo sunt in Deo. 2. Interdum aliqua idea, manens eadem, intenditur notabiliter in sua perfectione, v. g. calor, aut lux, ergò omnes perfectiones possunt intendi ad gradum perfectionis nobis incognitum, & secundum talem gradum perfectissimum existere in Deo; & per consequens perfectio creata non convenit univocè ac modo simillimo cum increata, sed tantum analogicè ac per proportionem. 3. si perfectiones creatæ univocè ac formaliter essent in Deo, esset etiam in Deo verus dolor, vera ac formalis tristitia, pœnitentia &c. sed hæc sunt suspecta de errore, ac temeraria. 4. Non repugnat nostræ Philosophiæ principiis, si dicatur, perfectiones divinas convenire solum analogicè; ac creatas in Deo solum con-



contineri virtualiter; ergo cum communiore, & securiore ad commendandum Deum opportuniore opinione loquendum, si creatum tantum differret ab increato, sicut limitatum ab illimitato, tunc quævis creatura posset considerari tanquam parvus Deus, aut pars Dei; & in quavis creatura posset Deus saltem inadæquate intuitive videri, sed hæc male sonant. 6. Creatio non est nuda perfectionum præexistentium limitatio, sed totius rei tam è nihilo sui, quam nihilo subjecti productio; ergo creatum differt ab increato per totam suam entitatem noviter productam.

Resp. ad 1. d. Ideæ divisivæ sumptæ non sunt entia perfectissima. c. a. continuativæ sumptæ, n. a. nam hæc ipsæ ideæ, quæ nobis obversantur ut divisivæ à cumulo perfectionum, non sunt divisivæ in Deo; sed continuativæ coadunantur. ad 2. c. a. & 1. C. n. 2. C. licet enim omnes perfectiones in Deo continuativæ idem sint cum gradu intensivæ perfectissimo nobis incognito, per hoc tamen non sequitur, quod divina perfectio secundum unam formalitatem ac gradum entitatis suæ non conveniat univoce cum creatis; sicut cubus secundum unam partem potentialem suæ entitatis convenit univoce cum sectione cubica separata. ad 3. d. dolor, tristitia, poenitentia &c. vere essent in Deo per modum entis intentionalis naturæ suæ disconvenientis. c. a. secus n. a. seu essent in Deo per modum objecti. c. a. per modum passionis. n. a. qualis sit ista diversitas, propria quisque novit experientia; sentimus enim nos minime infelices reddi per hoc, quod dolor, tristitia &c. ponantur in statu idealis; quin tristitia objecta, v. g. in tragædiis, excitant cum commiseratione voluptatem. Ad 4. c. a. n. C. licet enim ob modum divinarum perfectionum nobis incognitum possit dici, creata in divinis solum contineri virtualiter, sicut sectio cubica in cubo potest dici contineri virtualiter; nolui tamen adhibere hanc locutionem ut accuratiorem, ne mens statim in limine a consideratione Dei absterreatur ob immanem divinarum perfectionum cum suis ideis dissimilitudinem, quæ in convenientia Analogica importari videtur. Igitur, quidquid in creatis non involvit imperfectionem, tribuamus Deo, & dicamus perfectiones creatas existere in Deo non tantum modo perfectissimo nobis incognito, sed etiam eo modo, quo præcisè non sunt imperfectæ, nobis cognito. Ad 5. n. S. quia quamdiu consideratio nostra hæret in creatura, hæret in ente imperfecto, quod repugnat esse Deum; quamdiu verò consideratio nostra occasione creaturarum defertur ad considerandas perfectiones creatas abstractivæ; tunc nec habet pro objecto aliquid creatum, nec increatum ac divinum; quia perfectiones secundum se abstrahunt à statu creato vel increato. Igitur in nullo casu creaturam pro parvo Deo habere possumus. Dein intuitive videre Deum, non est unam vel alteram perfectionem illius cognoscere per ideam ac speciem

pro:



propriam; sicut nemo dicitur intuitive videre Turcarum Imperatorem, etiam si Imperatoris existentiam, & humanam naturam in Petro modo prorsusissimilimo cognoscat: hæc locutio visionis intuitivæ solum ex acceptatione hominum adhibetur, quando cognitio non solum fit per ideam ac speciem propriam rei; sed insuper requiritur, ut illa cognitio sit illimitatior, & totius rei secundum partes illius præcipuas. ad 6. d. Creatio est rei & nihilo sui & subjecti creato productio. c. a. & nihilo sui etiam increato. n. a. non enim datur alia clara idea creationis, nisi hæc, quod sit perfectionis de se indefinitæ à statu increato ad statum creatum translatio, ut suo loco videbimus.

Obj. 4. Contr. 7. & 8. Concl. Non potest dari lignum incorporeum, aut equus incorporeus, ergo corporeum & incorporeum differunt intrinsece. 2. Etiam si ex decreto Dei contra mentis arbitrium mihi stabiliter obversaretur cubus, non tamen propterea cubus ille fieret corporeus; ergo etiam si res acquirat statum fixum independentem ab arbitrio mentis, per hoc non fit corporea. 3. si corporea & incorporea non differunt intrinsece, tunc spiritus & corpora à se mutuo patiuntur, sed hoc est erroneum. 4. corpora intrinsece exigunt impenetrabilitatem, proprietates sensibiles, sunt composita ex materia, & hinc sunt corruptibilia &c. ergo intrinsece differunt ab incorporeis. Resp. ad 1. c. a. n. C. quia nomen ligni aut equi tantum tribuitur rei corporeæ, quatenus est corporea, nempe secundum statum hominibus obvium; etiam si exacta idea equi aut ligni minime à ligno aut equo differat, nisi per hoc, quod dependeat à mentis arbitrio. ad 2. d. cubus non fieret corporeus, si tantum ad aliquod tempus fiat independentis à mentis arbitrio. c. si ex stabili ordine perpetuo. n. a. ad 3. d. patiuntur à se mutuo, si aliunde habeant per leges naturæ aliquam inter se communicationem. c. secus. n. cur enim repugnet spiritum à rebus corporeis pari? quin anima hominis actu patitur à corpore. ad 4. d. corpora qua talia intrinsece exigunt impenetrabilitatem. c. quæ sunt talia. n. nam, ut videbimus, corpus solum ideo est impenetrabile, quia ob leges naturæ stabiliter obtinet diversum locum; licet de se posset

habere eundem locum sicut  
ideæ.

## QUÆSTIO VI.

### *Quenam sit idea Substantiæ & Accidentis ?*

**C**onclusio 1. Substantia est, cui competit Existentia propria; id est, omneens, cui ab auctore naturæ attribuitur nova ac peculiaris existentia, est substantia, aut substantiale seu pars substantiæ.

Pb. Concl. Ens, cui competit existentia propria, participat definitionem, & proprietates substantiæ, ergo est substantia. Pb. Ant. Ens, cui competit propria existentia, est ens subsistens per se, & principium omnium affectionum accidentalium, ergo.

Pb. Ant. Ens, cui competit existentia propria, habet omnia requisita ad existendum per seipsum, & potest suam existentiam communicare suis accidentibus, ergo. Ant. Pb. quidquid habet existentiam propriam, non accipit suam existentiam ab alio; ergo sibiipso sufficit ad existendum.

Pb. 2. quidquid dependet ab alio in existendo, habere potest existentiam alienam; ergo quidquid habet existentiam propriam, non dependet ab alio, sed est ens per se.

Pb. 3. Existentia propria non tribuitur, nisi enti jam per seipsum sufficienti ad existendum, ergo. pb. Ant. Causa intellectiva productiva non tribuit existentiam composito, nisi jam habenti suum finem in natura, sed tale compositum jam est per seipsum sufficiens ad existendum, ergo. Conf. Existentia est actus ultimus rei; ergo est ultima ac formalis sufficientia ad existendum, Ant. pb. habita semel existentia non potest de novo accedere constitutivum rei; ergo existentia præsupponit alia prædicata in mente Creatoris.

Conclusio. 2. Accidens est, cui competit existentia aliena. pb. Concl. Omne accidens potest existere per existentiam sui subiecti; ergo illi tantum competit existentia aliena. pb. ant. existentia subiecti est de se illimitata, ergo etiam accidens poterit per illam existere.

Conclusio 3. Substantia & Accidens non semper differunt intrinsece, pb. Concl. dantur perfectiones, quibus aliquando competit existentia propria; aliquando aliena; ergo non differunt intrinsece. In antecedenti non apparet repugnantia; cur enim id, quod in certis circumstantiis alteri enti est accessorium, non possit mutatis circumstantiis fieri principale? sic v. g. calor, qui ligno est accessorius & accidentalis, quando incipit prædominari, fit ignis habens propriam existentiam, Corol-

Corollarium. Hinc substantia per hoc est principium, causa, ac radix omnium affectionum accidentalium, quod illis communicet suam existentiam.

Conclusio 4. Materia prima substantiæ corporeæ est Extensio indefinita. pb. Concl. Extensio indefinita est ultimum & generale constitutivum omnium corporum, ergo est materia prima. pb. Ant. Extensio indefinita potest esse tale constitutivum, nec occurrit clara idea alterius constitutivi, ergo.

Pb. 2. Id, in quod omnia corpora resolvuntur, & quod est omnium transmutationum commune subiectum, est materia prima; sed hoc est Extensio indefinita, ergo. min. pb. destructis omnibus proprietatibus corporum semper remanet aliqua extensio, quæ per transmutationem novis proprietatibus vestitur; ergo.

Conclusio 5. Forma substantialis cujusque rei est prima illius affectio sensibilis. pb. Concl. Forma substantialis vocatur illa forma, per quam res constituitur in suo esse substantiali; sed talis est primaria affectio sensibilis, ergo. min. pb. primaria affectio sensibilis potest esse talis forma, nec occurrit clara idea alterius formæ, ergo. pb. Ant. q. 1. m. affectio sensibilis addita Extensioni indefinitæ meretur propriam existentiam, ergo potest esse constitutum rei in suo esse specifico substantiali.

Pb. 2. Extensio indefinita se sola nondum habet esse specificum; ergo forma substantialis non est extensio, sed alia perfectio sensibilis. pb. Ant. sola Extensio indefinita nec est lignum, nec lapis, nec magnum, nec parvum, nec calidum, nec frigidum, ergo.

Pb. 3. Forma substantialis est, quæ dat esse, seu ratione cuius compositum primò accipit existentiam propriam; sed talis est affectio sensibilis, ergo. min. pb. affectio sensibilis est causa, quod compositum habeat finem in natura; ergo est ratio tribuendi composito propriam existentiam. Ant. pb. habita primaria affectione sensibili res habet actionem, relationem, ac gradum in entibus; hac verò non habita, res nondum habet actionem, relationem, ac gradum in entibus; ergo est causa, quod compositum habeat finem in natura. Ant. q. 2. m. pb. non constat ulla experientia, aut ratione dari rem sine affectione sensibili, aut eam sine tali affectione habere actionem aut relationem in entibus.

Corollarium. Hinc materia prima & forma substantialis habent unam eandemque existentiam; ita tamen ut forma sit causa existentiz; adeoque materia existat per existentiam formæ.

Conclusio 6. In rebus non sensitivis forma substantialis est quantitas intrinseca partium. pb. Concl. Quantitas intrinseca est prima affectionum sensibillum, præsupponitur ad omnes alias affectiones sensibiles, est earundem causa, & remanet sola sublati omnibus aliis affectionibus, ergo est sufficiens ratio tribuendi composito existentiam propriam. pb. Ant. quantitas intrinseca est affectio universalis omnium rerum, ergo diversitas omnium affectionum particularium commodè dependere potest à diversitate hujus causæ universalis; ergo est causa universalis; quia author naturæ in coordinatione causarum & effectuum sequitur aptitudinem earundem.

Conf. Non potest excogitari Systema simplicius, & sapientię Conditoris convenientius, quàm si dicatur; Extensionem indefinitam determinari per quantitatem finitam; hanc quantitatem in diversis partibus tam quoad figuram, quàm magnitudinem esse diversissimam; & secundum hanc quantitatis diversitatem rebus impræmi diversas reliquas affectiones sensibiles; ergo hoc systema reliquis præferendum est.

Corollarium. Adeoque in rebus corporeis non est necesse, admittere aliquod constitutivum substantię prorsus ignotum, cujus nulla datur idea.

### *Solvuntur Objectiones.*

Obj. 1. Cont. 1. & 2. Concl. Materia prima non habet propriam existentiam, & tamen est substantia, ergo substantia non recte vocatur id, cui competit propria existentia. 2. Accidens habet propriam existentiam, & tamen non est substantia, ergo. pb. Ant. accidens terminat actionem productivam diversam ab actione productiva subjecti; & ejus existentia est separabilis ab existentia subjecti, ergo habet propriam existentiam. Resp. ad 1. d. Materia prima non habet propriam existentiam relatè ad formam, c. relatè ad compositum. n. 2, sicut enim aliquando dominium honorum competit integræ communitati, quin competat in particulari singulis membris communitatis; Ita existentia competit toti composito, tanquam bonum proprium; ideo compositum est maximè substantia; quia verò existentia non tribuitur composito, nisi loco fundamenti habenti materiam; ideo etiam materia inadæquatè est substantia; & quia forma est ratio, ob quam composito tribuitur existentia, ideo forma magis seu majori jure vocatur substantia. ad 2. n. a. ad pb. d. terminat diversam

verſam actionem productivam quoad ſuum eſſe, n. a. quoad ſuum tale eſſe, c. a. ſimiliter exiſtentia accidentis concretivè ſumpta eſt ſeparabilis ab exiſtentia ſubjecti. c. denominativè ſumpta, n. a. Sciendum enim eſt, quod v. g. in productione albedinis propriè non fiat albedo, ſed album; id eſt, albedo incipitacquirere exiſtentiã in hoc vel illo ſubjecto; non quod ipſa albedo acquirat peculiarem exiſtentiã; neque enim in mutatione accidentali producitur *Eſſe rei*; ſed *tale Eſſe*; id eſt, ſubjectum ſic album communicando ſuam exiſtentiã albedini.

Dices: Exiſtentia non tranſit de ſubjecto in ſubjectum; nec etiam eſt ſeparabilis à ſuo ſubjecto; Ergo exiſtentia ſubſtantiz non poteſt tranſire in accidentia, nec poteſt remanere exiſtentia accidentium, deſtructis iſdem accidentibus. Reſp. n. a. nam exiſtentia non eſt alterius deterioris conditionis, quàm alia forma, v. g. anima humana, quæ poteſt uniri diverſis ſucceſſivè partibus corporis noviter adgeneratis; eas vivificando; & ſi aliqua pars corporis abſcindatur, per hoc non perit anima; perit quidem pars viva, ſed non perit vita; perit vita reſectæ partis concretivè ſumpta; ſed non denominativè ſumpta; quia vita partium anima eſt; ſic deſtructis accidentibus perit exiſtentia accidentium qua talis; ſed non quæ talis. Saltem in hoc non datur repugnantia, quod res de ſe indefinita ac illimitata ſucceſſivè informet diverſa ſubjecta.

Dices 2. Exiſtentia ſubjecti jam eſt limitata ac individualis; ergo nequit extendi ulterius ultra ſuum ſubjectum. Reſp. d. eſt limitata in ſubjecto, c. ad ſubjectum. n. a. ſic enim etiam anima eſt limitata in partibus, quas actu vivificat; ſed non eſt limitata tantum ad has partes. Etiamſi enim forma aliqua de ſe illimitata limitetur ad certas circumſtantias individuantes, manet tamen adhuc illimitata relate ad alias circumſtantias, non individuantes.

Obj. 2. Cont. 3. Concl. Equus non poteſt fieri accidens; & albedo nunquam poteſt fieri ſubſtantia; ergo ſubſtantia & accidens diſferunt intrinſecè. 2. Relationes & Modi v. g. figura eſſentialiter ſemper ſunt affixæ alteri ſubjecto; ergo intrinſecè ſunt entia accidentalia. 3. Non conſtat ab experientia, accidens aliquando à ſtatu accidentali tranſiſſe ad ſtatum ſubſtantialem. 4. Forma omnium rerum corporearum eſt quantitas dimenſiva partium; ergo nequit aliud accidens induere rationem formæ ſubſtantialis. Reſp. ad 1. n. a. nam equus in ſtatu ideali eſt verum accidens mentis intelligentiſ. Nec repugnat ens reale, cui natura equina ſit accidentalis; ſic dantur

pisces, qui mutantur in aves; dantur vermes, qui mutantur in muscas, aut alia insecta, in his animantibus eadem anima induit diversas naturas; igitur potest etiam dari anima, quæ possit induere naturam equinam. Aut si hæc responsio non placet, dic, naturam equinam in hoc mundo habere peculiarem finem, & ideo semper mereri propriam existentiam. Dein Conclusio tantum debet intelligi de aliquibus entibus, non de omnibus. ad 2. n. a. Relationes enim subsistunt in Deo; figura partium in creatis est forma substantialis; licet forte exigit inherere alicui Extensioni indefinitæ, seu materiæ primæ. ad 3. n. a. quia aliquando eadem figura, quæ toti composito est accidentalis, partibus est essentialis: sed hîc nondum nitimur experientiâ, sed ratione, ad 4. c. a. n. C. quia non repugnat aliam formam cum quantitate dimensiva constituere formam unam substantialem adæquatam, quando id ratio exigit. Utrum verò ratio id aliquando exigit, videbimus suo loco.

Dices: Ex hoc sequeretur, posse dari plures formas substantiales in eodem composito; sed hoc est impossibile, quia tantum unica forma est ultima ratio, tribuendi existentiam composito. Resp. n. maj. quia in tali casu plures formæ constituunt unam formam adæquatam; nam omnes simul sumptæ sunt ratio adæquata tribuendi composito existentiam.

Obj. 3. Cont. 4. Concl. Materia prima nec est quid, nec quale, nec quantum, nec aliud eorum, quibus ens determinatur; ergo Extensio indefinita non est materia prima. pb. Ant. Materia omnium rerum particularium non est aliqua res particularis, ergo nec est quid. &c. 2. Extensio est accidens, ergo non est primum subiectum seu materia prima. pb. Ant. omnis extensio est alicujus rei extensio; sicut albedo est alicujus albi albedo, ergo est accidens. 3. Materia rerum omnium est incorruptibilis; Extensio est corruptibilis, ergo non sunt idem. pb. Ant. quando lignum ab igne consumitur, perit etiam extensio ligni, ergo. 4. Extra cælum in spatiis imaginariis datur Extensio, & tamen non datur materia. 5. Si in hoc hypocausto destrueretur à Deo omnis aer; daretur vacuum sine omni materia, & tamen remaneret prior hypocausti extensio. 6. In Eucharistia remanet Extensio panis, & tamen non remanet materia ac substantia panis. 7. In Eucharistia corpus Christi habet materiam, & tamen non habet extensionem. 8. Spiritus habent aliquam extensionem, & tamen non habent materiam.

Resp.



Resp. ad 1. d. materia prima non est quantum quantitate determinata, c. indeterminata. n. a. extensio indefinita nondum est res particularis, sicut tabula rasa nondum est aliqua imago. ad 2. n. a. ad pb. n. a. quando enim concipio extensionem indefinitam, non concipio alicujus rei extensionem. Deinde si ipsa extensio indiget alio subiecto, illud subiectum iterum indigebit alio subiecto, & sic in infinitum. ad 3. d. Extensio determinata est corruptibilis, t. interminata. n. nam lignum per ignem muratur in aliam rem extensam, & sic semper manent dimensionēs interminatæ. ad 4. n. a. Extensio enim, ut patet ex ejus idea, non est nihil; igitur si extra cœlos nihil est, ibi extensio non est. ad 5. n. a. quia si nihil remanet, nec extensio remanet. At forte tale vacuum impossibile est, quia concipi non potest; spatium enim semper concipitur in intermedio, quod utique non est nihil, quia per propriam sui ideam obversatur menti. ad 6. d. remanet extensio panis extrinseca, c. a. intrinseca, n. ut enim videbimus de quantitate, datur aliqua figura ac extensio accidentaliter totius compositi resultans ex combinatione singularum partium, & hæc extensio panis remanet. ad 7. n. a. ut enim patebit ex sequenti questione, Christus habet eandem extensionem intrinsecam sub hostia, quam habuit in terris; etiamsi exterior accidentaliter quantitas minor sit. ad 8. n. a. aut d. habent extensionem accidentalem, t. substantialem. n. licet enim Spiritus interdum pro mentis arbitrio possint sibi unire aliquam extensionem; eorum tamen existentia nunquam dependet ab hac extensione; sed alligatur aliis perfectionibus; & hinc eadem perfectio, nempe extensio, quæ est materia corporum, est accidens spirituum.

Obj. 4. Cont. 5. & 6. Concl. Forma substantialis est principium, ac radix omnium accidentium; sed hoc est aliqua perfectio insensibilis, ergo, pb. min. omnis perfectio sensibilis est aliquod accidens, quod absolute potest abesse, ergo. 2. In omni composito datur stabilis collectio accidentium & proprietatum sensibilium; ergo datur causa hujus collectionis; non sensibilis, ergo insensibilis, illatum pb. de omni perfectione sensibili, v. g. etiam de ipsa quantitate dimensionum partium potest queri, cur in hoc composito stabiliter talis sit; Ergo causa totius collectionis est causa insensibilis. 3. Quantitas non est causa proportionata reliquorum accidentium, ergo datur in composito alia vis ac forma per seipsam exigens ac producens accidentia sibi proportionata. Resp. ad 1. n. min. ad pb. n. a. sublata enim quantitate intrinseca partium, tollitur res. ad 2. n. illatum. ad pb.



pb. n. a. Ideo enim talis quantitas stabiliter reperitur in hoc composito, quia causa productiva illam univit cum materia; igitur unio quantitatis cum materia est causa intrinseca, cur stabiliter quantitas talis sit in hoc composito: alioquin posset de ipsa forma insensibili adversariorum queri; cur stabiliter sit in hac materia? ad 3. d. quantitas non est causa proportionata vi ac causalitate secum identificata. c. distincta. n. a. ut enim videbimus de Idea causæ; nulla perfectio est causa alterius perfectionis, nisi per quendam ordinem perfectionum inter se, & hic ordo est ipsa rerum causalitas connectens plures perfectiones inter se in eodem composito sub eadem existentia.

Dices: Nil obstat, quin hic ordo connectens varias perfectiones cum extensione indefinita sit ipsa forma substantialis, ergo est. pb. Ant. hic ordo est vis, virtus, ac Entelechia totius compositi; est formalis causa omnium proprietatum & accidentium, & est ratio sufficiens tribuendi composito propriam existentiam, ergo. Conf. sæpe idem compositum mutato toto statu sensibili redit denuò ad eundem statum sensibilem, ergo datur principium insensibile, seu ordo rei ad suum statum sensibilem. Resp. ad 1. n. a. quia ordo est essentialiter ens ut quo; adeoque non est terminus ut quod actionis productivæ, nec constitutivum rei ut quod. ad 2. c. 2. & C. n. illud principium seu ordinem; esse formam rei, ob rationem assignatam. In tali vero casu mutatur quidem forma substantialis aliquantulum, sed quia ordo extensionis manet idem, ideo talis mutatio non tollit essentiam compositi; quia individuatio compositi magis dependet ab illo ordine, quam à forma substantiali. vel. d. interdum mutatur status sensibilis compositi. c. partium. n. quia non ostenditur partes in tali mutatione amittere omnem quantitatem dimensionem, nisi simul dicatur destrui prius compositum. Caterùm si quis hunc ordinem ac vim

Extensionis indefinitæ ad perfectiones sensibiles vocare vellet  
formam substantialem, quoad rem non  
dissentirem.



QUÆ-

## QUÆSTIO VII.

*Quenam sit idea Quantitatis ?*

**C**onclusio 1. Figura distinguitur realiter à materia prima seu Extensione indefinita. pb. Concl. Extensio indefinita potest restringi; non per extensionem indefinitam, neque per nihil; ergo per aliquid ab omni extensione distinctum, quod voco figuram. maj. patet, quia extensio indefinita est ubique tota, adeoque potest comprehendi quibuscunque terminis. min. quoad 2. & 3. m. patet, quia si per nihil restringitur extensio, manet indefinita; per seipsam autem restringi non potest. Igitur pb. q. 1. m. Non datur extensio finita, nisi secundum se sit indefinita; ergo per hanc non restringitur extensio indefinita; quia alias rediret quæstio, per quidnam restringatur extensio indefinita extensionis finitæ. Ant. pb. extensio indefinita est ubique tota; quin omnis extensio finita, sublatâ figurâ, manet indefinita, ergo omnis extensio est secundum se indefinita.

Pb. 2. Figura nec est formaliter eadem cum extensione, nec continuativè, ergo realiter distinguitur. Ant. quoad 1. m. patet, quia idea extensionis indefinitæ non includit ideam figuræ. quoad 2. m. pb. ubi incipit figura, ibi non datur extensio, ergo figura non est continuativè eadem. pb. Ant. figura ibi incipit, ubi desinit; sed ubi desinit, ibi non datur extensio, ergo.

Concl. Quæcunque continuativè sunt eadem eodem modo observantur divisim, quò observantur conjunctim; sed extensio indefinita & figura non observantur eodem modo divisim, quo observantur conjunctim, ergo, min. pb. figura destruit rationem extensionis indefinitæ, ergo conjunctim non eodem modo observantur.

Pb. 3. Figura tollit ideam extensionis, ergo non est idem cum extensione. pb. Ant. Extensio est suiipsius in ulterius tensio, sed hanc tollit figura, ergo.

Pb. 4. Datur aliquis casus, in quo sentimus nobis observari figuras, quin sentiamus observari extensionem, ergo reverà sunt aliquid distinctum. pb. Ant. quando figuræ comparantur inter se secundum proportionales mathematicas; aut quando figura comparatur secum ipsa; sentimus nos in recto tendere tantum in figuras, ergo.

G

Pb. 5.

Pb. 5. Aliqua cognitio aut perfectio realis tantum terminatur ad figuras, & non terminatur ad extensionem, ergo figura est aliud ab extensione. pb. Ant. proportionem mathematicam. v. g. peripheriam circuli ad diametrum tantum versantur circa figuram, non respiciendo ad aream circuli, ergo.

Pb. 6. Figura secundum se non est potius terminus corporis contenti, quam continentis; ergo si secundum se non potest esse idem cum utroque corpore, eum neutro idem erit. pb. Ant. non habemus ullum signum figuram potius referendi ad corpus contentum, nisi quia stabiliter illud sequitur; ergo primo aspectu, quo nondum sciremus, an figura ex legibus naturae potius sequatur contentum an continens, figura non potest potius nominari terminus corporis contenti, quam continentis.

Pb. 7. Divisio spatii indefiniti permanens neque est nihil, neque est pars membrorum dividendum; ergo est in se aliquid unum distinctum à membris dividendis, & hoc voco figuram. Ant. quoad 1. m. patet, quia datur idea illius divisionis seu intersectionis, quoad 2. m. pb. divisio seu intersectio spatii indefiniti est indivisa in seipsa, neque obversatur ut duae res; ergo non est pars membrorum dividendum, quae non sunt una res;

Corollarium 1. Hinc figura semper est cum extensione aliqua sive corporis ambien-<sup>ti</sup>s, seu corporis contenti; quia est terminus extensionis; sed quia est aliquid distinctum ab extensione, ejus existentia potest dependere vel à corpore ambiente, vel à corpore contento, vel omnino ab aliquo ente tertio.

Corollarium 2. Etiam si in mundo non possit dari sine concomitante figura extensio; potest tamen dari figura sine extensione corporis contenti; quia figura talis potest à Deo conservari eo fine, ut referatur ad corpus ambiens.

Corollarium 3. Figura est aliquod ens absolutum; non relativum; quia potest concipi sine relatione ad ullam extensionem; etiam si in statu reali semper habeat relationem ad aliquam extensionem.

Conclusio. Figura cujusque compositi distinguitur realiter à figura partium, pb. Concl. Figura composita est una ac indivisa in se, ergo non est omnes figurae partium simul sumptae; alioquin foret divisa in se, & multiplex. Ant. pb. idea figurae circularis, sphaericae, aut conicae est simplex, ergo etiam à parte rei potest ac debet esse talis.

Corolla-

Corollarium. Adeoque figura totius universi, resultant ex combinatione omnium partium simplicium, est unica ac indivisa in se; quia potest una idea continua comprehendi.

Conclusio 3. Quævis figura continua est indivisa in se, & divisibilis in infinitum. pb. Concl. Idea figuræ continuæ non repræsentat partes actu distinctas, sed potest à mente dividi, ergo etiam à parte rei ita potest fieri; quia status realis non differt intrinsecè à statu ideali. Ant. pb. in idea figuræ continuæ nunquam observatur novitas, aut distinctio, ergo nec repræsentantur partes distinctæ.

Pb. 2. Divisio ejusdem perfectionis in duas perfectiones non repugnat, ergo nec divisio figuræ, pb. Ant. divisio non est alieius novæ perfectionis productio, sed tantum ejusdem perfectionis manentis sublata priori unica individuatione sub duabus individuationibus positio; at hoc non repugnat, ergo nec divisio.

Pb. 3. Mens potest perfectionem indefinitam subicere limitationibus, quocunque voluerit, ergo possibilis est Divisio.

Pb. 4. Figura seu terminus extensionis indefinitæ est aliquid ab extensione realiter distinctum, ergo potest multiplicari in extensione pro arbitrio Domini idearum.

Conclusio 4. Quantitas corporum nihil aliud est, quàm vis projiciendi certum angulum. Ut intelligatur conclusio, observa 1. quantitatem ac magnitudinem cujusvis corporis mensurari posse aliquo angulo, ut patet è Geometria. Observa 2. quodvis corpus actu subtrahere infinitos possibiles angulos, quia quodvis corpus infinitis angulis secundum diversam distantiam loci comprehendi potest. Observa 3. angulos illos, quibus corpus quodvis actu comprehenditur, actu quidem in aere distinctos non esse, sed continuativè unitos; interim tamen quodvis corpus habet vim illos angulos, quos in aërem vicinum continuativè unitos projicit, distinctè imprimendi menti aut oculo. Dico proin, quodvis corpus extensum habere figuram, non tamen ullam determinatam magnitudinem; nisi hanc, quod habeat vim aeri vicino imprimendi angulos in potentia ab invicem distinctos; quos data occasione juxta leges naturæ actu imprimit menti aut oculo. Hoc Systema sic probatur. Omnia supposita bujus systematis dantur; nec datur ratio requirendi plura; ergo tota quantitatis doctrina hoc systemate rectè comprehenditur. Ant. quoad 1. m. pb. ab omni corpore imprimitur oculo aut menti angulus distinctus;

in aere intermedio latent in potentia infinitipossibiles anguli; & corpus habet vim hos possibiles angulos actuandi ac oculo imprimendi; ergo dantur omnia supposita.

Pb. 2. Quantitas non est mensura corporis inhaerens corpori, sed tantum apparens; ergo realis quantitas nihil aliud est, quam vis projiciendi angulos. pb. Ant. potest corpus manente eadem quantitate ac mensura corporis esse parvum & magnum; ergo quantitas non est mensura intrinseca. pb. Ant. ponamus Deum in exiguo globulo condere integrum universum, huic nostro mundo simile, servata eadem proportionem partium, quae reperitur in nostro mundo; in tali mundo quantitas visa omnium corporum omnino foret eadem, quae est in nostro mundo; ut patet ex Optica, quia omnia ab hominibus illius mundi viderentur sub iisdem angulis, sub quibus videntur in nostro mundo. Jam sic. Quantitas hujus mundi visa est simul etiam illius quantitas vera, ergo est eadem quantitas corporum in hoc mundo, & in nostro existentium: non inhaerens; ergo tantum apparens. Ant. pb. homines illius mundi tam parum deciperentur circa suam quantitatem, quam parum decipimur nos circa nostram; quin scire non possumus, an non forte noster mundus sit talis exiguus globulus; ergo quantitas visa est simul etiam quantitas vera.

Pb. 3. Non potest dari ulla determinata mensura praeter angulos; ergo nequit in ipsis corporibus dari ulla determinata mensura seu quantitas. pb. Ant. nunquam potest deveniri ad aliquam communem mensuram, à qua omnia mensurentur; ergo nunquam datur determinata mensura. pb. Ant. omnis mensura ab alia minori mensura mensurari potest; ergo nunquam devenitur ad ultimam.

Pb. 4. Si daretur aliqua determinata quantitas in ipso corpore. v. g. hoc muro, tunc posset aliquando propria sui ideâ cognosci, sed nunquam potest cognosci, ergo. min. pb. quantitas muri visâ perpetuò variatur pro diverso oculi ad murum situm; nec ulla distantia assignari potest, in qua vera muri quantitas projiciatur in oculum, ergo determinata quantitas est incognoscibilis, adeoque frustranea.

Pb. 5. Non intelligitur aliqua magnitudo nisi per angulos; ergo nec existit aliqua magnitudo, nisi per angulos. pb. Ant. quidquid dicitur magnum vel parvum, dicitur comparative ad aliud corpus magnum vel parvum; ergo non intelligitur ulla magnitudo nisi per angulos. Ant. patet, quia idem mons, idem exercitus, idem campus dicitur à diversis hominibus magnus & parvus; quia nempe tacite comparantur in mente eorum

corum cum aliis montibus &c. C. pb. non potest unum corpus dici majus altero, nisi in quantum experimentaliter obtendit majorem angulum; ex hoc enim scimus, quod minor quantitas sit pars aliquota majoris, ergo.

Pb. 6. Quantitas proprii corporis non est per seipsam nota, sed tantum per mensuram extrinsecam; ergo non datur ulla quantitas seu mensura intrinseca. pb. Ant. nemo potest dicere, quantæ magnitudinis sit, nisi comparativè ad alia corpora, ergo. pb. Ant. Petrus existens in altero mundo globulario videretur sibi habere eandem quantitatem, quàm sibi videtur habere Petrus existens in nostro mundo, & tamen erraret, si de sua quantitate pronuntiaret absolucè non comparativè; ergo etiam erraret noster Petrus, & omnes alii homines nostri mundi; quia non est melior horum condicio.

Corollarium 1. Quantitas distinguitur realiter à materia prima, & forma substantiali; quia vis projiciendi diversos angulos realiter distinguitur ab Extensione indefinita, & figura partium; ut de idea Actionis probabitur.

Corollarium 2. Totus mundus non est secundum se major arenula exigua; quia omnis magnitudinum dimensio tantum consistit in angulis, qui non sunt in rebus ipsis, sed in ambiente fluido, aut in mente; potest tamen mundus simpliciter dici major unica arenula, quia habet vim projiciendi majorem angulum.

Corollarium 3. Eadem res potest esse parva & magna simul eodem tempore, quia eodem momento potest projicere diversos angulos; & comprehendi sub diversis angulis; & consequenter idem corpus potest simul commensurari magno & parvo spatio; quin ullam in sua substantia subeat mutationem. Quid igitur impossibilitatis sit, si corpus Christi comprehendatur sub parvo panis schemate?

Corollarium 4. Omne continuum est divisibile in infinitum. Quia omnis magnitudo habetur per angulos, qui continuativè unione inter se in ambiente fluido; hi anguli comprehendunt spatium, & sunt aliqua figura; sicut igitur figura divisibilis est, ita etiam continuum.

Conclusio 5. Impenetrabilitas corporum nihil aliud est, quam vis projiciendi aggregatum angulorum sibi proprium. pb. Concl. In omni corpore datur talis vis, & hæc ad reddendum corpus impenetrabile sufficit; ergo in hoc consistit. Ant. quoad 1. m. pater, quia quodvis corpus projicit aggregatum angulorum, quod nullum aliud corpus projicit. quoad 2. m. pb. quia nil menti aliud occurrit concipiendo impe-



inetrabilitatem, quam vim impediētem, ne duo corpora comprehendantur sub eodem angulo.

Corollarium. Hinc non implicat duo corpora compenetrari quia possunt comprehendi sub eodem angulo, servata suā substantia, ac proportione partium.

### *Solvuntur Objectiones.*

Obj. 1. Cont. 1. Concl. Figura nihil aliud est, quam situs partium; sed hic non distinguitur ab ipsis partibus. maj. pb. in ligno prodit figura statuae, quāprimum resectis partibus superflue incipit manifestari situs partium; similiter conjungendo lapides prodit figura domus; ergo. 2. Non obversatur animo ulla distinctio inter extremitates cubi, & inter cubum, ergo figura est continuativē eadem cum extensione cubi. 3. Si figurae distinguuntur realiter à materia, tunc dantur indivisibilia mathematica, nempe puncta, lineae, superficies; sed hoc est impossibile. ergo. min. pb. non potest concipi aliquid indivisibile, ergo est impossibile. Ant. pb. omne punctum, & omnis linea obversatur menti ut habens duas extremitates, & medium, ergo. 4. Si figurae forent distinctae, tunc quodvis momento deberent destrui & produci innumera entia, sed hoc est imperceptibile, ergo. maj. pb. in aqua, aere semper est alia figura, quia nunquam quiescit, ergo. Resp. ad 1. n. maj. quia concipiendi figuram sphaericam, aut cubicam non sentio obversari menti diversas partes, aut diversa connotata loci; sed ideam simplicem indivisam. Figura statuae aut domus resultat è positione ac situ partium; non consistit in illo situ. ad 2. d. non obversatur ulla distinctio localis. c. idealis. n. a. ut enim in conclusionis probatione ostensum est, habetur alia idea figurae; alia extensionis indefinitae; sicut etiam albedo non habet distinctionem localem à corpore extenso; sed habet tamen distinctionem idealem. ad 3. t. maj. n. min. ad pb. n. a. ad hujus pb. d. omne punctum, & omnis linea mechanica obversatur ut habens extremitates. c. linea mathematica, aut physica. n. quando concipimus lineam seorsim, corpore concipimus aliquid quantum; quando autem concipimus terminum rei quantae, non concipimus duas extremitates, ut cuius est manifestum. ad 4. d. quovis momento deberent produci innumera entia, nisi eadem figura manens eadem posset in seipsa continuativē mutari, c. secus. n. maj. ex enim videmus de idea actionis, quodvis continuum potest continu-

rivē



tive mutari sine productione novi entis, quia in tali mutatione nunquam menti obversatur novitas, aut à priori ente distinctio.

**Obj. 2. Cont. 2. Concl.** Non datur compositum, cujus partes ita cohaereant, ut constituent unam figuram continuam; ergo figura continua compositi est fictitia. **pb. Ant.** si sphaera etiam polita inspicatur microscopio, apparent inaequalitates, ergo: 2. Figura compositi deberet per modum accidentis existeret in diversis subjectis realiter distinctis, at hoc est impossibile, quia accidens jam individuatur ab uno subjecto. 3. Figura universi existeret per existentias innumeras omnium corporum universi, ergo eoispsò non esset unum ens. 4. Si in composito daretur figura distincta à figura partium, tunc in eadem parte compositi daretur duplex figura ejusdem rationis, sed hoc est impossibile, ergo. **min. pb.** accidens individuatur à subjecto, ergo in eodem subjecto non datur duplex accidens ejusdem rationis. 5. Nunquam obversatur animo figura simplex compositi, nisi quando ipsum compositum obversatur per modum entis simplicis, ergo. 6. Partes compositi perpetuo corrumpuntur, quin corrumpatur tota figura compositi; ergo non potest dari una figura compositi.

**Resp. ad. 1. d. a.** partes compositi nunquam ita cohaerent, ut constituent unam figuram continuam formaliter. **t. a.** occasionaliter. **n. a.** licet enim in sphaera lignea partes non ita cohaereant, ut constituent se solis figuram continuam rotundam; praebent tamen occasionem concipiendi rotunditatem illam latentem in aere ambiente, quae, sicut omnes aliae figurae, latet divisibiliter actu in aere: & hinc mens non errat, concipiendo circum sphaeram ligneam rotunditatem; quia datur ibi rotunditas, licet nondum actu divisa ab inaequalitatibus. **ad. 2. c. maj. n. min.** quia accidens solum individuatur à subjecto adaequato, quod est complexum omnium partium. Et si una continua lux, una continua vox, una continua anima potest existeret in pluribus partibus realiter distinctis, cur non etiam figura. Sic etiam relatio, aut unio non repugnat esse in pluribus subjectis. **ad. 3. d. a.** figura universi existeret per plures existentias, inquantum sunt plures. **n.** inquantum sunt una ratio existentiae. **c.** cum enim figura compositi ex suo conceptu attingat plura subjecta, eoispsò non attingit individuationem illorum; sed habet individuationem à complexu omnium individuorum. **ad. 4. n. maj.** quia, sicut omnes aliae figurae

ra-  
in-

rae intrinsecè differunt ob diversas ideas ; ita etiam figura compositi à partium figura differt ; & hinc dantur in eodem subjecto duæ figuræ diversæ, quarum tamen diversitas non ex partibus , sed ex integro composito æstimanda est ; & distinctio ex individuatione diversa sumitur. ad 5. n. a. quia etiamsi distinctè obversetur diversitas partium , semper tamen simul obversatur aliqua figura totius , ut figura integræ structuræ lapidum. ad 6. c. a. n. C. quia , uti videbimus , continuum mutari potest continuativè , quin destruat ; sicut & anima hominis non perit , quando desinit animare partem reserctam , & quando incipit animare partem noviter adnatam.

**Obj. 3. Cont. 3. Concl.** Si figura continui est divisibilis , tunc per solam divisionem v. g. cultro factam ex uno ligno possunt fieri duo ligna ; at hoc est impossibile , ergo. min. pb. non datur causa destructiva prioris ligni , & productiva duorum novorum lignorum , ergo. 2. Non constat ope divisionis unquam unum corpus in duo corpora divisum esse , ergo non constat de possibilitate. Ant. pb. potest dici , semper indivisione tantum separari partes actu distinctas , sicut resolvitur domus , ergo. 3. Unitas est indivisibilis , atqui omne corpus simplex est unitas , ergo. 4. Quæ semel identificata sunt , semper manent identificata ; ergo extremitates corporis quanti semel identificatæ semper manent identificatæ. 5. Non potest intelligi , unde tam subito adveniant duæ novæ individuationes , sublata priori unica ; ergo. Resp. ad 1. c. maj. n. min. ad pb. n. suppositum , in divisione fieri corruptionem , aut productionem novi entis ; nihil enim corrumpitur , aut producit , nisi individuat ; omnes reliquæ perfectiones compositi manent in priori statu. ad 2. t. a. n. C. quia etiamsi experientia non possit demonstrari , factam esse talem divisionem ; constat tamen à ratione , eam facile fieri posse ; & quia facile fieri potest , ideo præsumitur aliquando fieri. ad 3. c. maj. n. min. corpus enim est res extensa habens unitatem ; & sublata hac unitate id , quod fuit unum , potest fieri duplex. ad 4. d. manent identificata manente eadem individuatione. c. individuatione sublata. n. ad 5. n. a. quia individuatio provenit ab ordine universi , ut suo loco monstrabitur. Ordo autem iste à quovis subjecto pro sua dispositione ultro recipitur , ob connexionem ac seriem causarum.

Obj. 4.

Obj. 4. Contr. 4. Concl. Quantitas potest separari à substantia; ordo projiciendi certos angulos non potest separari; ergo quantitas & vis ista non sunt idem. Ant. quoad 1. m. patet ex evanestia, quoad 2. m. pb. vis projiciendi certos angulos est aliquid relativum; ergo non potest separari. 2. Etiam si nihil existeret præter unicum corpus; haberet tamen suam magnitudinem, ergo magnitudo non dependet ab angulis extrinsecis. 3. Independentem ab omni angulo totum est majus sua parte, ergo res in se ipsa habet magnitudinem; alioquin musca secundum se foret æqualis elephant. 4. Ipsa triacula sunt magna per magnitudinem à se distinctam; ergo magnitudo non constituitur per diversa triacula. pb. Ant. triacula æqualium angulorum sunt tamen magnitudine diversa; ergo anguli, & magnitudo triangulorum non sunt idem. r. Si Deus in globulo exiguo conderet novum universum; magnitudo illius universi & omnium partium longe foret alia à magnitudine nostri universi; ergo falsum est ob æqualitatem angulorum dari eandem magnitudinem. Ant. pb. ab experientia sensuum; qui tale universum tantum per modum nucis experirentur. 6. Quando comparo duas longitudes inter se, v. g. palmarem & bipalmarem; excessus longitudinis non videtur dependere ab additione angulorum, sed ab additione longitudinum.

Resp. ad 1. c. a. g. 1. m. n. quoad 2. ad pb. c. a. d. C. ergo non potest separari se sola. t. cum figura, aut aliis accidentibus. n. sicut enim quantitas seu vis projiciendi angulos recipitur in substantia tanquam in subiecto; ita destructa substantia potest recipi in figura accidentali totius compositi; & hinc quantitas non est subiectum aliorum accidentium, sed figura, ad 2. d. haberet magnitudinem radicalem ac physicam. c. formalem ac opticam n. vis projiciendi angulos jam est radicaliter magnitudo. ad 3. d. similiter totum est majus suis partibus radicaliter. c. formaliter. n. quia nempe totum habet vim projiciendi majorem angulum, quam partes. Et potest argumentum retorqueri in adversarios, qui distinguunt quantitatem à substantia; quæro enim, an substantia elephantis secundum se sit major substantiæ muscæ? Dicent nempe, esse majorem radicaliter ac exigitive, quia substantia elephantis exigit majorem quantitatem. Eodem modo dico, elephantem habere vim projiciendi majorem angulum, ad 4. d. triacula ut quod c. triacula ut quod n. verum enim est, triacula, quæ videntur tanquam obiectum ut quod, videri per alia triacula; & ideo triacula ut quod sunt magna

H

per

per alia triangula seu angulos. Sed triangula ut quo, quibus mediantibus videntur omnia magna, non sunt magna aliâ magnitudine à se distinctâ; sunt enim formalis mensura omnium corporum, ad s. d. magnitudo illius universi foret alia respectivè ad nos, c. absolutè. n. licet enim illud universum in nostros oculos projiceret minorem angulum, quam projicit nostrum universum; idem tamen in oculos suorum hominum projiceret eodem angulos; quos nostrum universum projicit in nostros oculos; igitur non constat, absolutam quantitatem illius universi fore minorem quantitate nostri universi, ad 6. n. a. quia non potest intelligi additio longitudinum, quin intelligatur objectum subtere majorem angulum.

Dices: Ipsi anguli sunt inæquales magnitudine, ergo datur aliqua absoluta magnitudo, ergo illa poterit attribui ipsis objectis. Resp. c. 2. d. C. ergo datur absoluta magnitudo angulorum. c. rerum. n. hæc enim magnitudo potest concipi; alia autem magnitudo non potest concipi.

Obj. 5. Cont. 5. Concl. Non possunt duo corpora intelligi in eodem loco, ergo impenetrabilitas est de essentia corporum, pb. Ant. si duo cubi sint compenetrati, non observatur ulla ulterius eorum inter se distinctio, ergo. 2. Si impenetrabilitas tantum proveniret à vi projiciendi aggregatum angulorum proprium, tunc penetratio corporum esset possibilis naturaliter, sed hoc est falsum, ergo pb. maj. naturaliter est possibile, ut vis activa aliquando non consequatur effectum suum, ergo etiam erit possibile, ut vis projiciendi aggregatum angulorum aliquando non consequatur effectum suum. Resp. ad 1. n. a. ad pb. d. non observatur distinctio quoad dimensionem extrinsecam, c. quoad dimensionem intrinsecas partium, n. nam intrinsecus ordo & figura partium sufficientem servat distinctionem corporum, quæ compenetrantur; licet superficies sit eadem. Et circa partes simplices omnino similes compenetratio non tollit diversam individuationem, seu ordinem ad diversas actiones, passionem, & affectiones, ad 2. n. maj. ad pb. d. a. est possibile, ut vis activa non consequatur effectum antecedenter ad leges arbitrarías naturæ. c. consequenter ad illas leges, n. potest quidem author naturæ ita ordinare naturam, ut vis activa aliquando non consequatur effectum suum, prout circa varias causas ordinavit; sed potuit etiam ita ordina-

ordinare, ut vis activa semper consequeretur effectum suum; & ita ordinavit circa vim activam projiciendi angulos.

Dices: Cubus non novit, quodnam aggregatum angulorum sibi competat, ergo poterit fieri, ut aliquando duo cubi ex inadvertentia idem aggregatum angulorum projiciant. Resp. c. a. n. C. quia enim entia realia non differunt intrinsecè ab intellectualibus, ideò ordo corporum ad suos angulos, & ordinatio rationis, qua author naturæ corpus ad eisdem angulos ordinat, intrinsecè non differunt; sicut igitur author naturæ non errat in sua ordinatione, præordinando quodvis corpus ad proprium aggregatum angulorum, ita etiam ordo rebus impressus non errat projiciendo angulos.

## QUÆSTIO VIII.

### *Quænam sit idea Qualitatum?*

**C**onclusio 1. Lux, color, calor, frigus, sonus, odor, sapor sunt qualitates realiter distinctæ à suo subiecto. pb. Concl. Idea harum qualitatum est diversa ab Idea extensionis, & cujuscunque alterius subiecti, ergo sunt realiter distinctæ. C. patet, quia idæ sunt verissima imago rerum.

Conclusio 2. Humiditas, Siccitas, Raritas, Densitas, Gravitas, Levitas, Diaphaneitas, Opactas, Tensibilitas, Compressibilitas, Ductibilitas, Frangibilitas, Mollities, Elasticitas, Asperitas, Lævigatio, & Resistencia corporum non distinguuntur realiter à quantitate Substantiæ, pb. Concl. Vis projiciendi diversos angulos est ipsissima quantitas; sed omnis hujusmodi qualitas nihil aliud est, quàm vis projiciendi diversos angulos, ergo omnis hujusmodi qualitas nihil aliud est, quàm ipsa quantitas, maj. patet ex quæst. præced. min. pb. ab enumeratione ac definitione harum qualitatum.

1. Humiditas est rei dispositio facillimè mutandi figuram, sed dispositio facillimè mutandi figuram nihil aliud est, quam vis projicien-

H 2

di di-

di diversos angulos, ergo. maj. patet, quia humidum vocatur, quod facillimè terminatur terminis alienis. min. pb. omnis figura constituitur ex angulis, ergo dispositio mutandi figuram est vis mutandi angulos.

2. Siccitas est rei dispositio difficulter mutandi figuram, sed dispositio difficulter mutandi figuram est nihil aliud, quam vis projiciendi constanter eosdem angulos, ergo. maj. patet, quia siccum vocatur, quod difficulter terminatur terminis alienis. min. pb. ut prius.

3. Raritas est rei dispositio occupandi majus spatium manente eadem quantitate materiæ, sed hæc dispositio nil aliud est, quam vis projiciendi majorem angulum, ergo.

4. Densitas est rei dispositio occupandi minus spatium manente eadem quantitate materiæ, sed hæc dispositio nil aliud est, quam vis projiciendi minorem angulum, ergo.

5. Gravitatis est rei dispositio appropinquandi centro terræ; sed hæc dispositio nil aliud est, quam vis projiciendi angulos continuò decrecentes versus centrum terræ, ergo.

6. Levitas est rei dispositio recedendi à centro terræ; sed hæc dispositio nil aliud est, quam vis projiciendi angulos continuò crescentes à centro terræ, ergo.

7. Diaphaneitas est rei dispositio comprehendendi lucem sub angulo quantitatis propriæ; sed hæc dispositio nil aliud est, quam vis continuandi angulos radiorum lucis, ergo.

8. Opacitas est rei dispositio excludendi lucem ab angulo quantitatis propriæ; sed hæc dispositio nil aliud est, quam vis terminandi angulos radiorum lucis, ergo. Hinc eadem vis corporis opaci est causa Reflexionis modificando angulos lucis; & eadem vis corporis diaphani est causa Refractionis modificando angulos lucis.

9. Tensibilitas est vis provehendi angulum longitudinis, accedente tractione.

10. Compressibilitas est vis contrahendi angulum magnitudinis, accedente pressione extrinseca.

11. Ductibilitas est vis augendi angulos latitudinis & profunditatis mutandi in angulos longitudinis, accedente ductu extrinseco.

12. Frangibilitas est vis dividendi angulos, accedente concussionis extrinseca.

13. Mollities est vis mutandi figuram ac angulos, accedente pressione extrinseca.



14. Elasticitas est vis se restituendi ad angulos magnitudinis sibi connaturales, cessante pressione extrinseca.

15. Asperitas est inæqualitas angulorum in superficie. Levigatio est talium angulorum æqualitas.

16. Resistencia corporum est vis projiçendi eosdem angulos extrinsecos in occurſu aliorum corporum.

Conclusio 3. Qualitates non sunt sibi invicem intrinsecè contrariæ. pb. possunt contrariæ qualitates simul ab eadem mente intelligi, ergo etiam possunt simul in eadem re existere: quia ideæ eodem modo possunt existere extra mentem, sicut existunt in mente. pb. Ant. eadem mens interdum afficitur dolore & voluptate, calore & frigore, ergo contrariæ qualitates possunt simul intelligi. Ant. patet in aliqua actione heroica ardua, quæ simul cum dolore etiam voluptatem creat; aut in trægœdia, in qua in ipsa commiseratione ac tristitia de malo alieno animus simul delectatione perfunditur.

Corollarium. Hinc Contrarietas tantum provenit à Legibus naturæ, vi quarum idem subjectum plerumque non ordinatur simul ad qualitates adeò diversas.

Conclusio 4. Intensio aut Remissio Qualitatis est mutatio continuativa, manente qualitate eadem. pb. Concl. Talis mutatio continuativa manente eadem qualitate potest intelligi, ergo etiam potest dari. pb. Ant. potest calor immediate afficiens mentem ita successivè intendi, ut nunquam à mente in hoc calore possit assignari ac determinari novitas; ergo potest intelligi mutatio continuativa manente qualitate eadem; quia ubi nulla reperitur novitas, ibi datur identitas. Conf. eadem idea manens eadem potest continuativè mutari, ergo etiam eadem qualitas manens eadem potest continuativè mutari. Ant. patet ex idea figuræ, lucis, caloris, soni, colorum: sæpe enim fit transitus à viridi ad cæruleum, & vicissim, ut color medius nullam habeat distinctionem ab extremis.

Corollarium. Hinc diversæ species qualitatum intra idem genus tantum nascuntur ex divisione ejusdem qualitatis continuativè se in varias species transformantis. v. g. sonus continuativè transformatus in varias species post sui divisionem relinquit species divisas; ita etiam lux in omnes colorum species dividi potest; & pari ratione omnis qualitas in infinitas species aut gradus divisibilis est.

Conclusio 5. Omnium Qualitatum status ac mutatio per leges arbitrarías naturæ dependet à figura & motu materiæ. Id est, qualitates, quæ ex seipsis nullam habent connexionem cum figura & motu ma-



teriz, acquirunt aliquam connexionem ex ordinatione naturæ. pb. Concl. Qualitates intellectualiter coordinantur cum figura & motu materiæ; ergo etiam extra mentem habent ordinem ad figuram & motum materiæ; cum enim intellectualis mundus à mundo reali intrinsecè non differat, necesse est, eundem ordinem qualitarum ad motum & figuram materiæ, qui reperitur in mundo intellectuali, reperiri etiam in mundo reali. pb. Ant. sonus, calor, color semper observatur cum aliquo motu partium; ergo intellectualiter coordinatur.

Pb. 2. Status & mutatio qualitatum potest convenienter coordinari cum motu & figura materiæ; ergo præsumitur coordinari; quia quod primum est fieri, regulariter fit. Conveniens est omnes mutationes mundi corporei dependere ab uno universali principio, ad cujus mutationem secundum certas ac stabiles proportionales sequatur omnis alia mutatio; sed tale principium tantum est motus & figura materiæ: maj. pater, quia ordinatum systema, ac simplex conforme est legibus sapientie; hæc enim requirunt, ut ex uno principio sequantur omnia, & ut detur omnium partium in uno principio ordinata ad invicem connexio. min. pb. tantum motus & figura materiæ reperitur ubique, & est fundamentum proportionum, ergo.

Pb. 3. Motus & figura materiæ præsupponitur ad omnes alias qualitates, ergo est principium & regula illarum. C. pater, quia ordo prioris ad consequens rebus impressus est ipsa vis ac causalitas rerum. Ant. pb. Motus & figura est universalis proprietas materiæ; ergo ordine rationis pro priori materia assignantur motus & figura, quàm qualitates; quia intellectus non potest prudenter determinare accidentia rei, nisi prius determinaverit proprietates rei.

Corollarium 1. Hinc Quantitas dimensiva est prima dispositio materialium, & causa omnium reliquarum affectionum.

Corollarium 2. Cum tam motus quàm figura consistat ex meris angulis, & proportionibus angulorum: necesse est angulos, & proportionales angulorum causam esse omnium mutationum & affectionum sensibilium. Quales verò sint illæ proportionales; an Geometricæ, Musicæ &c. experientia docebit.

Corollarium 3. Cum aliquæ qualitates non stabiliter inhæreant suo subjecto, sed etiam se diffundant per intermedium, ut sonus, lux, color; necesse est statum & mutationem talium qualitatum dependere à motu & figura partium materialium in intermedio; ac proinde earum status transit, & mutatio facilis est.

*Solvuntur.*

### Solvuntur Objectiones.

Obj. 1. Cont. 1. Concl. Omnes qualitates possunt explicari per diversam figuram, motum, ac combinationem partium, ergo non sunt distinctæ à materia. pb. Ant. v. g. potest dici, quod lux consistat in motu subtilis materiæ; quod calor consistat in motu rapidissimo partium, quod sonus consistat in motu quodam aeris &c. ergo. 2. Si darentur distinctæ qualitates, tunc existentia tribueret illis eundem effectum formalem, quem tribuit substantiæ, nempe denominationem entis existentis per se. 3. Non potest intelligi ens sine extensione corporea impenetrabili, quin sit Spiritus. Ergo cum qualitates sine extensione sint, extra mentem non sunt. 4. Qualitates patibiles, calor, lux, sonus tantum sunt modificationes mentis, ergo. pb. Ant. non potest intelligi, quomodo possit in aere reperiri aliquid simile nostris sensationibus, quando mente percipimus harmoniam musicam, ergo. 5. Non potest ostendi implicancia in hoc, quod qualitates sint tantum modificationes mentis, ergo sunt: si enima figura corporum, & aliæ qualitates, manente eadem entitate, ita continuativè possunt mutari, ut induant diversissimos status, & transformentur in diversissimas species, cur id denegetur menti, enti longe nobiliori?

Resp. ad 1. d. Qualitates occasionales possunt explicari per motum, & figuram partium. 1. formales. n. a. formales voco id omne, quod obversatur menti, dum cogito de luce, sono &c. & de his dubium non est, quin sint aliquid distinctum à figura & motu partium, cum in suo conceptu non convenient: qualitates occasionales voco motum & figuram partium materialium, quarum occasione in mente nostra excitantur tales ideæ lucis, colorum &c. verum, ut in Physica videbimus, dantur in mundo corporeo non tantum qualitates occasionales, sed etiam formales; id est, datur in objecto aliquid simile nostris ideis v. g. lucis, caloris, soni, ad 2. n. a. & suppositum, quod effectus formalis existentiae sic existere per se, existere enim per se est ita existere, ut existentia compositi dependeat ab existentia partis existentis, ad 3. n. a. quia licet corporea & incorporea intrinsecè non differant, differunt tamen extrinsecè; & corporea vocantur, quæ alligantur extensioni per modum accidentis, ad 4. n. a. ad pb. n. a. quia mundus intellectualis & realis intrinsecè non differunt; cogito proin harmoniam, quæ obversatur menti, fieri independens ab arbitrio mentis, & habes harmoniam realem, ad 5. n. a. n. C. quia hæ qualitates obversantur tanquam objectum mentis, ut quod;

quod ; adeoque sunt divisæ à mente, & possunt etiam dividi extra mentem : utrum verò continuativè possint esse idem cum mente, non est necesse hic examinare.

Obj. 2. A Physicis assignantur longè aliæ causæ humiditatis, gravitatis, elasticitatis &c. ergo possunt aliter explicari. pb. Ant. sic humiditas dicitur consistere in volubilitate materiæ globalæ ; gravitas dependet à pressione incumbentis ætheris &c. 2. Non potest dici, an vis projiciendi angulos humiditatis, raritatis, gravitatis &c. sit tantum una qualitas. Resp. ad 1. c. a. n. C. quia hi Physici supponunt has qualitates tantum esse proprietates compositorum, non autem partium simplicium ; sed, ut patet ex idea harum qualitatum, possunt etiam esse proprietates partium simplicium, ita ut eadem indivisibilis pars possit fieri humida & secca, gravis & levis, opaca, & diaphana, rara, densa, elastica &c. Cum igitur natura tam faciliè possit omnes mutationes producere ex mutatione partium simplicium, cur eligeret alium modum longe intricatiorem ? ad 2. n. a. & dico, vim illam actu esse unam ac indivisam, sed divisibilem, & potentiâ multiplicem ; quin & continuativè mutabilem ; sicut enim ordinatio mentis continuativè mutabilis est ; ita etiam ordo rebus impressus continuativè mutari potest ; quia intellectualia & realia intrinsecè non differunt.

Obj. 3. Cont. 3. Concl. Calor intrinsecè exigit expelli frigus à suo subiecto, ergo qualitates sunt intrinsecè contrariæ. 2. Idem subiectum non potest simul moveri motibus contrariis, ergo dantur saltem motus intrinsecè contrarii ; adeoque eadem res non potest simul esse gravis & levis, humida & secca, rara & densa &c. 3. Summus calor, & summum frigus, summa beatitudo, & summus dolor non possunt connaturaliter simul stare ; ergo datur intrinseca contrarietas. Resp. ad 1. n. a. quia possunt simul in eodem subiecto intelligi ; licet juxta leges hujus nostri mundi corporei simul non maneant. ad 2. n. a. quia, ut videbimus de Idea loci, eadem res potest simul existere in diversis locis, & occupare diversa spatia ; licet id juxta leges hujus nostri mundi corporei non soleat fieri. ad 3. n. a. vel d. summus dolor cum defectu beatitudinis non potest simul stare cum summa beatitudine. &c. sine hoc defectu. n. quin dolor etiam in humanis non est miseria & imperfectio, sed character miseriæ, quia est cum defectu alterius beatitudinis ; aut dic, dolorem idealiter sumptum non reddere miserum ; quia tunc immediatè unius cognitioni, non subiecto.

Obj.

Obj. 4. Cont. 4. Concl. In intensione qualitarum mutatur etiam existentia & individuatio qualitarum ; ergo non potest manere eadem qualitas. 2. Potest dici, quod intensio fiat per additionem gradus ad gradum vel homogenei vel heterogenei ; vel quod fiat per remotionem sui contrarii ; vel quod consistat in maiore radicatione in suo subiecto. 3. Si una eademque qualitas posset continuativè ita mutari, ac transformari in varias species ; tunc non repugnat ens simplicissimum, quod in se contineat eminenter species omnium entium ; sed hoc est falsum, ergo. min. pb. Si posset dari tale ens, tunc non debent effectus formaliter contineri in sua causa ; nec necesse est, diversas perfectiones in uno ente virtualiter distinguere ; at hoc est contra nos, ergo. 4. Si una qualitas posset continuativè à se emanare diversas species, tunc existentia sola poterit à se emanare species omnium entium ; ergo præter effectus sensibiles non requiritur in mundo alia causa, nisi sola existentia. 5. Si lux posset continuativè à se emanare omnes colores, tunc colores non forent inter se specie diversi.

Resp. ad 1. n. 2. Quia existentia & individuatio distinguuntur à quavis re, ad 2. n. 2. Quia in idea intensio, quando in seipso sentio crescere calorem, horum nihil exprimitur ; non enim sentio accedere gradus novos ac distinctos ; nec sentio aliquod contrarium, quod removeri debeat. Quid verò sit major radicatio in subiecto, nisi explicetur secundum nostram sententiam, omnino non intelligo, ad 3. d. non repugnat ens simplicissimum increatum. c. creatum, n. quia in creatis perfectiones divisæ sunt ; ita ut tantum relinquuntur nobis aliqua increatae simplicitatis vestigia ; & hæc vestigia invenimus in qualitatibus, & perfectionibus simplicibus : nullibi autem constat, ipsas perfectiones simplices diversi generis continuative inter se unitas esse ; licet forte possint esse unitæ, & aliquando etiam sint ita unitæ ; & hinc, quia idea nostra nunquam repræsentant perfectiones simplices diversi generis, v. g. colores & sonum, continuativè unitas, ideo rectè admittitur in creatis distinctio virtualis. ad 4. d. existentia increata, c. creata, n. quia constat existentiam creatam à reliquis perfectionibus divisam esse ; nec in ullo casu nobis obversatur ista continuativa unio, licet forte sit possibilis, ad 5. n. 2. quia colores divisi fundant diversas ideas. Nota tamen, quod etiam in qualitatibus nunquam per saltum emanetur alia perfectio, sed semper per medium continuans : licet nonnunquam valde diversa inter se modo mirabili continentur, ut lux, & tenebræ ; quod quotidie

die observari potest in caelo sereno orientali tempore crepusculi ; neque enim determinari potest , ubi incipiant tenebrae , & ubi incipiat lux.

Obj. 5. Cont. 5. Concl. Motus & figura non est causa productiva qualitatum , ergo ab iis qualitates non dependent. pb. Ant. non præcontinent perfectiones qualitatum , ergo non sunt causa. 2. Motus & figura sunt tantum accidentia transeuntia , ergo non possunt esse stabilis causa qualitatum. Resp. ad 1. d. non est causa productiva principalis. &c. Instrumentalis. n. causa instrumentalis est , quæ est causa , ut effectus à causa principali accipiat existentiam ; hinc , quia ordo naturæ connectit essentiam qualitatum cum existentia & individuatione subiecti ob certum motum & figuram partium , ideo sunt causa instrumentalis. ad 2. t. a. n. C. Quia non requiritur , ut causa instrumentalis , quæ producit effectum , etiam eundem stabiliter conservet , sicut patet in mechanicis : aliquando tamen author naturæ ita alligavit qualitates morui & figuræ , ut his cessantibus , statim cessent qualitates ; ut sonus , & colores.

## QUÆSTIO IX.

### *Quenam sit idea Loci ?*

**C**onclusio 1. Nulla res secundum se est in loco. pb. Concl. Esse in loco , est habere aliquam distantiam ad aliam rem ; sed nulla res secundum se habet distantiam ad aliam rem , ergo. min. pb. res secundum se observatur menti , absque eo , quod observetur alia res , aut ordo ad aliam rem , ergo.

Corollarium. Hinc Deus , & Universum in loco non sunt ; quia extra Deum & Universum nihil datur , à quo distantiam habere possint : potest quidem dici , quod sint in seipsis ; sed iste locus intrinsecus non est distincta res , sed tantum alia denominatio ; quia , dum dico , Deum esse in seipso , nil sentio menti observari , præter ipsum Deum.

Conclu-

**Conclusio 2.** Locus rei est aggregatum angulorum extrinsecorum rem comprehendentium. Pro explicatione Conclusionis ante oculos siste Mappam Geographicam; quare in ea locum v. g. Urbis Romanæ; quæres sine dubio distantiam hujus urbis ab omni alia urbe in mappa descriptâ; hanc distantiam mensurabis per certos angulos visorios; occurrent tibi variz ejusdem urbis Romanæ ab aliis urbibus distantiz; hinc sub variis quoque angulis visoriis comprehendes urbem Romanam; complexum omnium horum angulorum extrinsecorum, qui intercedunt inter rem & alias res, voco aggregatum angulorum extrinsecorum rem comprehendentium. pb. Concl. Quando concipio locum rei, nil sentio animo obversari, quàm varios angulos rei ad alias res, ergo in his angulis consistit locus. pb. Ant. quando concipio locum rei, nil sentio animo obversari, quàm distantiam rei ad alias res; sed dum sentio obversari distantiam rei ad alias res, nil sentio obversari nisi varios angulos rei ad alias res, ergo. Conf. posito hoc angulorum aggregato, ponitur locus rei; & sublato hoc aggregato, tollitur locus rei; ergo in hoc aggregato consistit locus.

**Conclusio 3.** Aggregatum angulorum extrinsecorum nihil aliud realiter est, quàm figura universi resultans ex innumeris angulis continuativè inter se unitis pb. Concl. Eadem ideâ, quâ sentio mihi ex aliquo systemate corporum obversari figuram, sentio etiam obversari diversos angulos, ergo aggregatum omnium angulorum totius universi, nihil aliud est, quàm figura universi.

Pb. 2. Figura universi divisibilis est in innumeros angulos; & innumeri anguli possunt esse continuativè uniti; ergo nil obstat, quin dicatur, aggregatum angulorum esse figuram universi.

**Conclusio 4.** Res ponuntur in loco per unionem ad certum aliquod aggregatum angulorum extrinsecorum, pb. Concl. Quando intelligo rem in certo loco, tunc eandem connecto cum certo angulo extrinseco; ergo res à parte rei extra mentem confluitur in loco, quod habeat unionem ac connexionem cum illo aggregato angulorum,

**Corollarium.** Cùm connexio rei locatz cum loco nec involvatur in idea rei locatz, nec in idea loci, necesse est rem poni in loco per aliquid tam à se, quàm à loco distinctum, nempe per unionem.

seu ordinem sui ad hunc locum : & hæc unio potest vocari Ubicatio rei ; An verò hanc ubicationem vocare velis Modum rei locatæ , an Relationem ; nil interest.

Corollarium 2. Locus re mota manere potest immobilis ; quia aggregatur angulorum extrinsecorum potest manere idem , etiamsi successive uniatur diversis rebus locatis.

Conclusio 5. Potest eadem res simul existere in diversis locis. pb. Concl. Potest eadem res intelligi simul sub diversis aggregatis angulorum extrinsecorum , ergo etiam potest realiter simul existere sub diversis aggregatis angulorum extrinsecorum. C. patet , quia mundus realis & intellectualis intrinsecè non differunt. Ant. pb. potest eadem res successive intelligi sub diversis aggregatis angulorum , ergo etiam potest simul intelligi ; quia sublata sola diversitate temporum relinquitur idea rei locatæ simul existentis sub diversis aggregatis angulorum extrinsecorum.

Corollarium. Hinc possibilis est Replicatio , seu existentia ejusdem rei in pluribus locis , tam definitiva , quàm circumscriptivæ. Circumscriptiva vocatur , quando res locata non solum in pluribus locis servat eandem magnitudinem , sed etiam agit in corpora ambientia , aut ab iisdem patitur ; ut , si idem homo simul Romæ , & Parisiis è cathedra peroraret. Definitiva vocatur , quando res locata in pluribus locis non retinet suam quantitatem , nec agit , aut patitur respectu corporum ambientium , ut , cum Christus existit sub pluribus hostiis , in quibus nec patitur , nec agit ad extra modò alioquin suo corpori connaturali.

### *Solvuntur Objectiones.*

Obj. 1. Cont. 1. Concl. Quod nullibi est , nihil est ; ergo omnia sunt in loco. 2. Quævis res secundum se habet respectum ad quandam partem immensitatis divinæ , ergo secundum se jam alicubi est , 3. Si essem in spatiis imaginariis , possem demonstrare digito mundum , & dicere , hic est , ergo mundus est in loco. 4. Quærenti , ubi sit suus pileus , possum demonstrando respondere , hic est ; absque eo , quod ulla mentem subeat cogitatio de distantia , aut angulo extrinsecò ; ergo idea loci non involvit ullam distantiam. 5. Quando concipio locum commitem omnia , sentio animum observari aliquod spatium indefinitum , quo comprehenduntur omnia ; ergo locus debet explicari per hoc spatium. 6. Quævis res secundum se non est ubique , ergo est in aliquo loco. 7. Si mea manus secundum se non esset in loco , tunc immediate possem contingere cælum.

*Resp.*



Resp. ad 1. d. in sensu accommo. c. in sensu rigoroso. n. hoc axioma tantum in sensu accommo evidens est; aliqua enim entia excipienda esse, constat ex eo, quod ipse locus in loco non sit. ad 2. n. a. quia in idea cujusque rei non obversatur menti hic respectus: accedit, quod immensitas Dei partes non habeat, sed sit ubique tota. ad 3. n. suppositum, ibi dari nihilum, ubi datur spatium; quidquid enim obversatur menti, nihil non est. ad 4. c. a. n. C. quia in hoc casu non quaeritur locus pilei, sed pileus. ad 5. n. a. quia locus in suo conceptu dicit diversitatem partium; Extensio autem indefinita non dicit diversitatem partium, sed est ubique tota; & hinc ista extensio aptius sustinet officium materiae, unde emanant proprietates corporum, quam loci. ad 6. c. 2. n. C. quia potest esse nullibi; potest enim fieri, ut res nec cum omni angulo extrinseco, sed prorsus cum nullo unionem habeat. ad 7. n. maj. quia contactus fieri non potest, nisi à re existente in loco.

Obj. 2. Cont. 2. & 3. Concl. posset Deus creare alium mundum à nostro mundo remotissimum; quin in intermedio necessariò existant anguli, ergo distantia duorum corporum non constituitur per angulos. 2. Si Deus inter cælum & terram annihilaret intermedium aerem, adhuc relinqueretur distantia cælorum à terra, & tamen non relinqueretur aggregatum angulorum. 3. Si omnes anguli continuativè identificantur in figura universi, tunc nulla superest angulorum & locorum diversitas; ergo per tales angulos non possunt explicari proprietates locorum. 4. si omnes anguli continuativè sunt idem, tunc per quaecunque motum localem, quo in eundem locum succedunt diversæ magnitudinis corpora, mutaretur figura totius universi; sed hoc est incredibile. 5. Si figura universi recepta in superficie cujusque corporis continet in se omnes figuras, tunc denominabit illa corpora rotunda simul, & quadrata, ac hoc est impossibile.

Resp. ad 1. c. a. n. C. quia, si Deus vellet servare positivam distantiam inter utrosque mundos, deberet in utroque extremo ponere certos angulos distantiae; possibile enim est, angulos distantiae recipi in extremis, quin recipiantur in intermedio. ad 2. idem respondeo, ad 3. n. a. quia in continuis stat identitas cum diversitate, ut patet in coloribus & exemplo lucis tenebris continuativè unitæ: igitur anguli diversi sunt, sed ante divisionem mentis continuativè uniti sunt. ad 4. d. mutaretur secundum quid, c. simpliciter, n. sicut enim anima potest per informationem aut

operationem uniri diversis successivè partibus corporeis, ita etiam figura universi unitur in suis angulis diversis successivè corporibus; cumque hæc figura contineat diversos angulos, potest secundum quid mutari, quin mutetur; sicut enim mente possum separare unum angulum ab altero, aut unum respicere non respiciendo alterum; ita ordo rebus mobilibus impressus potest respicere unum angulum non respiciendo alterum; nam mundos reales & intellectualis intrinsecè non differunt. ad 5. n. S. quia, ut dixi, ordo rebus corporeis impressus respicit unam partem figuræ universi, non respiciendo alteram; sicut enim continuum per abstractionem mentis divisibile est; ita extrinsecè dividitur per relationes reales, quæ intrinsecè non differunt à relationibus mentalibus,

Obj. 3. Cont. 5. Concl. quantitas rei est ipsum formale constitutum loci, ergo res non potest existere in duplici loco, quin habeat duplicem quantitatem, pb. Ant. Extensio, expletio, occupatio loci, & quantitas fundant eundem conceptum, ergo. 2. duo cubi non videntur habere aliam distinctionem, nisi distinctionem ac separationem localem quantitatum, ergo ubicunque reperitur hæc quantitatis à seipsa separatio, reperitur etiam distinctio. 3. Ex tali replicatione sequuntur multa absurda; sic enim idem homo replicatus posset contra seipsum pugnare; in uno loco posset vivere, in altero mori, in uno calore, in altero loco frigore affici &c. Resp. ad 1. n. 2. quia locus constituitur per aggregatum angulorum extrinsecorum; quantitas vero constituitur in vi intrinseca projiciendi certos angulos intrinsecos; & potest concipi magnitudo v. g. cubus, etiam si non concipiatur ullus locus extrinsecus, de quo solo hic est questio. Ad 2. n. 2. quia individuatio ac distinctio corporum tantum desumitur à stabili ordine rebus impresso, quo ordinatur res ad peculiare circumstantias, actiones, passionem &c. ad quas non ordinatur alia res. minime verò repugnat eandem rem simul ordinari ad diversos angulos extrinsecos. ad 3. n. 2. quia per replicationem tantum possunt multiplicari illi effectus, qui dependent ab angulis extrinsecis, ut locutio, & ambulatio; aut in quibus aliunde non ostenditur repugnantia; ut simul calore, & frigore affici: illi verò effectus & affectiones, à quibus dependet individuatio rei, multiplicari non possunt; hinc quia eadem anima non convenienter ordinari potest ad statum vitæ, & statum se-

para-

paratum ; impossibile est , ut idem homo in uno loco vivat , & in altero moriatur . Cæterum à nobis sciri non potest ; quas circumstantias aut affectiones juxta ordinationem Conditoris individuatio respiciat ; hinc à priori determinari non potest , quinam effectus , aut quænam affectiones multiplicari possint per replicationem .

## Q U Æ S T I O X.

### *Quenam sit idea Temporis ?*

**C**onclusio 1. Tempus distinguitur ab omni alia perfectione. pb. Concl. Idea v. g. Cubi nec involvit tempus præsens , nec præteritum , nec futurum , ergo tempus distinguitur à cubo , aut quavis alia re.

Corollarium. Hinc omnis perfectio est etiam indefinita quoad tempus ; ita , ut Albedo , quæ jam extitit , & quæ nondum extitit , æterna , & temporanea intrinsecè non differant ,

Conclusio 2. Tempus distinguitur à quacunque serie causarum & effectuum , aut motuum. pb. Concl. Quævis series causarum , aut motuum potest intelligi , quin intelligatur determinatum tempus , ergo distinguitur. pb. Ant. mille revolutiones solares , aut elementares possunt fieri intra unicum momentum , aut intra horam , aut intra diem &c. ergo quævis series causarum potest intelligi , quin intelligatur determinatum tempus. Ant. pb. potest Deus creare alium mundum , in quo mille periodi solares , & proportionaliter omnes reliquæ mutationes absolvantur intra unam horam nostri mundi , ergo.

Corollarium. Hinc sequitur. 1. Quæcunque seriem causarum de se nec longam nec brevem esse. 2. Vitam humanam , omnem prosperitatem , aut miseriam ; ac denique totam hujus nostri mundi periodum , à principio usque ad finem , de se longiorem non esse momento unico. Quin nec momentaneam esse ; sed esse tantum , non durare. 3. Quæcunque seriem causarum & effectuum alteri commensurabilem esse ; adeoque intra motum horarium poterunt impii affici tanta tormentorum

eorum sibi invicem succedentium serie, qualis alioquin mille annis responderet.

**Conclusio 3.** Tempus nihil aliud est, quam simultas duarum rerum ad diversam causarum seriem pertinentium. pb. Concl. Quando dico Christum esse natum anno mundi 4000, per hoc tempus nil aliud intelligo, quam simultatem nativitatis Christi, & revolutionis solaris 4000. Ergo per hoc tempus intelligitur simultas duarum rerum ad diversam causarum seriem pertinentium; quia Nativitas pertinet ad seriem generationum, revolutio ad seriem motuum solarium. Idem sensus est, si dico, Petrum nunc hora prima ambulare; aut post centum annos venturam Eclipsin lunarem; connecto enim ambulationem Petri cum motu horario solis vel horologii; & umbram lunarem cum revolutione centesima solari aut elementari.

**Conclusio 4.** Tempus est Modus realiter distinctus à rebus existentibus in tempore. pb. Concl. Idea simultacis est distincta ab idea rerum simul existentium; ergo tempus est aliquid distinctum. pb. Ant. potest mihi observari v. g. Nativitas Christi, & revolutio solaris 4000, quin mihi observetur earum simultas, ergo idea simultacis est distincta.

**Conclusio 5.** Tempus est in se aliquid unum, indivisum, ac continuum, constans innumeris diversis partibus continuativè inter se unitis, expansum per omnia entia à principio usque ad finem. pb. Concl. In Idea temporis nunquam incipit novitas, & tamen reperitur diversitas, ergo est aliquid continuum, constans partibus diversis continuativè unitis. Quia mundus intellectualis & realis intrinsecè non differunt. pb. Ant. quando aliquandiu considero motum solis, indicis, aut umbræ in horologio; non discerno inter minuta sibi invicem succedentia, & tamen hæc minuta seu instantia inter se diversa sunt; ergo. pb. Ant. quoad 2. m. Minutum seu instans temporis nihil aliud est, quam simultas, connectio, ordo, ac respectus omnium rerum in universo simul existentium; ergo necessario minuta inter se diversa sunt. pb. C. respectus ac ordines rerum ad invicem pro diversitate rerum respectarum diversi sunt, ergo & minuta. Ant. patet ab experientia mentis, qua sentio cognitiones, volitiones, ac ordinationes mentis pro diversitate objectorum inter se diversas esse. Conf. Coordinatio rerum est causa, cur Ad.m & Eva simul sine, Adam & Antichristus simul non sint; Ergo Minuta temporum seu Coordinationes rerum inter se diversa sunt.

Corolla.

**Corollarium.** Hinc 1. Tempus est accidens, cuius subiectum sunt omnia entia huius universi; sicut etiam figura universi recipitur in omni corpore. 2. Tempus transit de subiecto in subiectum. 3. Tempus mutatur in seipso continuativè manens idem: & hæc mutatio est perpetua; quia perpetuo aliqua entia producuntur aut corrumpuntur. 4. Tempus se habet sicut figura universi; quia sicut præter figuram particularem partium, & compolitorum datur figura totius universi, ita præter ordinem ac connexionem particularem partium datur ordo ac connexio omnium entium in universo; & hic ordo est ipsum tempus.

**Corollarium 2.** Tempus in se ac absolute nec est præteritum, nec futurum; sed tantum respectivè ad illos homines, qui in serie revolutionum temporalium simul involvuntur; nam quamdiu hæc serie involvimur, numeramus revolutiones causarum & effectuum in ordine ad nostram nativitatem; si verò extra mundum constituti essemus; possemus simul unico momento totam seriem huius mundi tanquam præsentem contueri; daretur quidem ex parte objecti successio rerum transeuntium, sed cognitioni omnia forent præsentia, sicut si quis ex alta turri consideret ambulantes in via; simul enim videt, eos, qui antecedunt, & qui sequuntur.

**Corollarium 3.** In quacunque serie rerum sibi succedentium possunt duæ res esse tempore disjunctæ inter se, & tamen simul præsentæ alicui enti tertio; quia hoc potest concipi: nec repugnat, integram seriem revolutionum temporalium alicui Intelligentiæ separatæ esse momentaneam; quia quivis effectus simul cum sua causa intelligi potest; adeoque etiam integra omnium effectuum ad suas causas successio uno momento intelligi potest.

**Conclusio 6.** Eadem res potest existere in duplici tempore, quin existat in tempore intermedio. **Pb.** Concl. potest idem cubus obversari menti ut coexistens cum, creatione mundi, & coexistens cum conflagratione mundi quin obversetur ut coexistens cum Nativitate Christi, ergo potest etiam reipsa coexistere cum creatione, & conflagratione mundi, quin coexistat Nativitati Christi quia mundus realis, & intellectualis intrinsecè non differunt.

**Corollarium.** Hinc possunt eadem corpora resurgere per hoc solum, quod corpus nunc existens immediatè post hoc instans incipiat acquirere coexistentiam cum fine mundi, qui tamen finis in serie revolutionum temporalium non immediatè sequitur post hoc præsens instans. An verò hanc actionem divinam, qua idem corpus in fine mundi rediturum est, velis vocare creationem, mihi perinde est.

**Conclusio 7.** Æternitas est infinitæ seriei causarum & effectuum intima præsentia. Ævum verò Intelligentiæ separatæ est totius seriei, quam

attingit, dum est intima præsentia. Pb. Concl. talis similitudo intelligi & optari potest, ergo alicui enti possibiliter competit. Ant. patet, ex multis votis, qui sibi præteritos annos, aut futuros adesse optant.

Corollarium. Hinc patet, quid sit alterius vitæ beatitas; est enim quæta ac secunda omnium bonorum possessio; in hac vita multa desiderantur, quæ nondum habentur; & multa, quæ jam præterierunt, adhuc requiruntur; hæc temporum est lex, ut suis spatiis transeant universa; at solutis temporum legibus in altero mundo omnia nobis præsentia sunt, quæcunque nobis præsentia sunt: nulla ibi fit bonorum distrahente temporum diversitate divisio; series felicitatis nostræ manet æternum eadem series; nec incipit, nec desinit, sed tota semper sine principio & fine beatis oberrat mentibus. Simili proportionaliter modo de æterna infelicitate discurrendum est; est enim intima malorum præsentia; & est tantum; nunquam præterita, nunquam futura; & hoc, quod est, immutabiliter est, id est æternum est.

### *Solvuntur Objectiones.*

Obj. 1. Cont. 1. Concl. quævis res in suo statu perseverat, nisi mutetur ab extrinseco; ergo datur duratio intrinseca. 2. Deus intrinsece diutius durat, quam vermis, ergo datur duratio essentialis intrinseca. 3. Una cognitio, aut volitio, aut revolutio solis est essentialiter prior altera, ergo datur tempus rebus intrinsecum, seu numerus successionum secundum prius & posterius. 4. Quævis res secundum se terminat actionem conservativam, ergo etiam secundum se habet durationem; quia conservatio est continuata per plura instantia productio. 5. Æternitas dicitur Deo competere intrinsece ac essentialiter; ergo etiam duratio. 6. tempus angelicum solet numerari per operationes successivas angelorum.

Respond. ad. 1. n. 2. perseverare enim est per plura instantia servari; ista autem plura instantia non involvuntur in idea cujusque rei. Ad. 2. d. Deus intrinsece diutius durat per specialem perfectionem intrinsecam ab aliis perfectionibus diversam. c. aliter, n. Deus per suam æternitatem est intrinsece præsens omnibus suis effectibus; sed creaturæ in sua idea non involvunt talem præsentiam. ad. 3. d. est prior natura. tempore. n. ut enim vidimus, ista prioritas causarum ad suos effectus non obstat, quia integra series comparata cum alia re extra illam seriem existente unico momento intelligi possit. Igitur prioritas rerum intra eandem seriem spectata tantum potest vocari prioritas naturæ. ad. 4. d. res secundum se terminat actio-

actionem conservativam, quæ est talis, quæ talem, n. ut enim videbimus, eadem actio est rei productiva, & conservativa; res intrinsece tantum exigite actionem productivam; an verò illa actio duret per plura instantia, hoc rei perinde est, ad. 5. c. 2. n. C. quia æternitas non est proprie duratio sed præsentia sine principio, & fine. Hinc mundus relate ad Deum nunquam proprie incepit, sed est ab æterno; licet relate ad nos, ac simpliciter non sit ab æterno, sed incepit ante aliquot annorum millia. Ad 6. tempus metaphysicum, t. physicum, de quo est quæstio, n. si enim successionem intrinsecam, ac prioritatem naturæ placet insignire nomine temporis metaphysici, non sum invitus.

Obj. 2. Cont. 3. & 4. Concl. potest dici, quod tempus extrinsecum consistat in motu solis mensurante omnia inferiora; ergo non est aliquid distinctum à rebus, pb. ant. tempus est numerus motuum secundum prius & posterius, ergo potest attribui motui solari. 2. potest dici, quod tempus realiter sit ipsa series effectuum; formaliter autem relatio rationis comparantis effectus adinvicem. 3. si tempus foret aliqua perfectio à rebus distincta, tunc posset tempus præteritum reproduci, sed hoc est impossibile, ergo. maj. patet, quia omnis alia perfectio potest denuò reproduci, min. pb. quia alias daretur potentia ad præteritum; tempus præteritum post reproductionem non foret præteritum; adeoque verum esset v. g. creationem mundi, promissiones divinas nunquam esse factas, quia non essent præteritæ. Resp. ad. 1. n. a. quia ipsa relatio revolutionum solarium aut elementarium ad alias res non est nihil; & hæc relatio est ipsum tempus; quod est numerus motuum ad diversam effectuum seriem pertinentium. Ad 2. n. a. quia relatio illa rationis non est nihil, adeoque potest poni à parte rei, & potest fieri relatio realis. Ad 3. n. a. quia reproductio temporis fieri non potest, quin reproducatur prior status totius mundi; hic autem reproduci non potest ob naturam successionis, quæ in quavis serie intrinsece involvitur; potest quidem integra effectuum series simul existere cum quocunque ente tertio extra illam seriem existente; sed hoc fieri non potest, ut id, quod in aliqua serie est primum, in eadem serie fiat ultimum; hoc enim non potest concipi; quia series in suo conceptu semper manet series. Hinc cessant reliqua absurda.

Dices: saltem durationes instantes, si essentialiter successivæ non dicunt repugnantiam, ergo tempus potest in illis consistere. Resp. n. a. quia non sunt conformes idæ temporis continuæ; dein. si hæc instantia sunt omnino indivisibilia, non potest intelligi, quomodo ex illis non quantis constituatur quantitas temporis; si verò hæc instantia divisibilia sunt, ne-



cessario in ipsis instantibus admitti debet tempus continuum, nempe prius & posterius. Accedit, quod in hac hypothefi difficiliter explicetur, quomodo interdum æquali tempore conficiantur ac commententur inæquales motuum series, v.g. motus aquilæ, & motus testitudinis; quod tamen in nostra sententia facile explicatur, dicendo, quascunque inæquales motuum series quocunque tempore extrinseco comprehendi posse; quia respectus continuus simulatis æquè potest respicere ingentem seriem, ac parvam.

Obj. 3. Cont. 6. Concl. Res individuatur ab actione productiva & circumstantiis in quibus est, ergo non potest eadem res reproduci. Resp. t. a. n. C. quia potest eadem actio manere producentis, & si illa actio non respiciat tempus intermedium.

Obj. 4. Cont. 7. Concl. Deus esset æternus, etiamsi non existeret mundus, ergo æternitas non est præsentia omnium rerum. 2. si Deo omnia entia per totam æternitatem producenda forent intimè præsentia, tunc daretur infinitum Categorematicum, sed hoc repugnat. Resp. ad 1. d. 2. foret æternus radicaliter. c. formaliter. n. vel. t. a. n. C, quia tunc Deus haberet in se ipso suisipsum & omnium rerum possibilitium præsentiam, ad. 2. n. maj. quia infinitum successivum manet successivum, etiamsi relate ad mentem divinam non sit successivum, cæterum infinitum successivum simul posse cognosci, aliunde suppono; si autem simul potest cognosci, poterit etiam coexistere. Aut si contendas hoc infinitum fore categorematicum, non repugno; fateor tamen me huius infiniti non habere ideam; adeoque ejus proprietates, possibilitatem, aut impossibilitatem mihi incognitam esse, infinitum syncategorematicum cognosci & affirmari potest; de hoc solo agit conclusio.

## QUÆSTIO. XI.

### *Quenam sit Idea Actionis?*

**C**onclusio 1. Actio nihil aliud est, quam Ordo unius perfectionis ad aliam:

Pb. Concl. In mundo intellectuali cujusvis objecti productio nihil aliud est, quàm idæarum simplicium ad invicem coordinatio, ergo etiam in mundo reali Actio nihil aliud est, quàm perfectionum simplicium ad invicem ordinatio seu ordo. Ant. pb. quando volo, ut, v. g. Murus

albus.

albus sit objectum mentis meæ, tunc conjungo ideam talis extensionis cum idea albedinis, & hæc albedinis cum extensione coordinatio est ipsa muri albi intellectualis productio, ergo.

Pb. 2. Quævis actio aut est creatio, aut generatio, aut alteratio, aut augmentatio, aut localis motio: sed quælibet harum nihil aliud est, nisi ordo unius perfectionis ad aliam, ergo. min. pb. ab enumeratione infra facieda.

Pb. 3. Ordo est formalis perfectionum inter se, & causarum cum effectibus connexio, ergo necessario est actio.

Conclusio 2. Creatio est præcisè Ordo stabilis divinæ voluntatis cum complexo perfectionum simplicium ordinarum ad invicem. Pb. Concl. Quando primo Mens vult, ut aliquot suæ ideæ simplices habeant ordinem inter se, non volendo, ut habeant ordinem cum reliquo infinito cumulo suarum perfectionum, tunc eoipso voluntas divina habet ordinem ad complexum talium idearum simplicium, & eoipso ideæ habent ordinem inter se & cum divina voluntate, non habendo ordinem cum cumulo infinito perfectionum: Ergo talis perfectionum coordinatio est reipsa compositi idealis finiti à cumulo infinito perfectionum distinctio, ac proin ejusdem à statu intellectuali ad statum realem translatio, & è nihilo productio, seu creatio.

Corollarium, Hinc patet, quàm facilis sit creatio Primæ Mentis, quæ est cumulus infinitus perfectionum, comprehendens in se omnes Ideas possibiles. Intelligit mundum, ideas ad invicem coordinando; & creat mundum, coordinatas ideas cum cumulo infinito perfectionum non coordinando; creat igitur simul intelligendo & volendo, quia ordo idearum ad invicem sine coordinante voluntate, & mente intelligente intelligi non potest.

Corollarium 2. Deo in creatione nildecedit; cum enim ideæ indefinitæ sint, possunt simul esse in statu intellectuali, & non esse in statu intellectuali, sed reali; possunt habere unionem ac ordinem cum cumulo infinito perfectionum, & simul non habere quia nempe indefinitæ sunt; nec unares, nec multiplex; sed res ad status contradictorios indifferens.

Corollarium 3. Patet, quàm ridicula sint hominum molimina; desudant per annos, & lustra, ut creent tenuem placitarum sensibus umbram; & peritura brevi vigilantum somnia. Præstat ab hoc laboris improbi pleuro furere quiescere, & expectare omnipotentem.

Conclusio 3. Generatio est Ordo perfectionis substantialis ad no-

vum aliquod subiectum. Pb. Concl. Generatio nihil aliud est, quam introductio novæ formæ substantialis in subiectum, sed hæc introductio nihil aliud est, quam Ordo perfectionis substantialis ad novum subiectum, ergo, min. Pb. posito hoc ordine est impossibile ut forma ignis v. g. nunc existens in igne non incipiat uniri materiæ ligni, & in ea acquirere existentiam; ergo introductio nihil aliud est.

Corollarium. Hinc in generatione substantiali nec materia fit, nec existentia, nec forma; sed compositum: quia nempe forma, secundum se indefinita, ingenerabilis, æterna, & sub alia individuatione præexistens tantum incipit uniri novo subiecto, in quo acquirit novam existentiam per novam individuationem.

Conclusio 4. Alteratio est Ordo perfectionis accidentalis ad novum aliquod subiectum. Pb. Concl. Alteratio est introductio novæ formæ accidentalis in subiectum, ergo, sicut prius, nihil aliud est, quam ordo perfectionis indefinitæ ad novum subiectum.

Conclusio 5. Augmentatio est Ordo continuus ad novos angulos intrinsecos. Pb. Concl. res dicitur magna vel parva, quod obtendat magnum vel parvum angulum intrinsecum, ergo mutatio magnitudinis nihil aliud est, quam Ordo ad novos angulos.

Conclusio 6. Motio Localis est Ordo continuus ad novum aggregatum angularum extrinsecorum. Pb. res dicitur esse in loco, quod sit sub certo aggregato angularum extrinsecorum, ergo transfertur de loco in locum per ordinem ad novum aggregatum angularum extrinsecorum. Conf. in mundo intellectualem in motu locali nihil mihi sentio obversari, nisi Ordinem perpetuum ad novum aggregatum angularum, ergo in mundo reali nil aliud concurret ad modum localem.

Conclusio 7. Actio est modus realiter distinctus à causa, effectu, dispositionibus &c. Pb. Concl. Idea Ordinis non involvitur in Idea eorum rerum, quo coordinantur ad invicem, Ergo Ordo seu Actio est modus realiter distinctus. Pb. ant. potest mihi obversari Ignis A, & Ignis B, quin mihi obversetur earum ordo ad invicem, ergo.

Conclusio 8. Actio, Activitas, & Relatio mutua inter causam & effectum, sunt una eademque res. Pb. Concl. Ordo causæ ad effectum est idem ante momentum productionis, in momento productionis, & post momentum productionis; Ergo Activitas, Actio, & exinde consequens Relatio idem sunt. C. patet, quia Ordo causæ ad effectum ante momentum productionis potest vocari Actio.

*Adiunctionem* ; in momento productionis potest vocari actio ; post momentum productionis potest vocari relatio. Ant. pb. Author naturæ ordinat causam ad suum effectum ante momentum productionis , in momento productionis , & post momentum productionis ; Ergo Ordo causis impressus respicit effectum pro tempore futuro , præsentis , & præterito , C. parer , quia mundus realis intrinsecè non differt ab intellectuali ; igitur quod in mundo intellectuali est ordinatio , hoc in mundo reali est ordo ; & sicut est eadem ordinatio causæ ad effectum ante ejus productionem , in productione & post productionem , ita etiam est idem ordo.

*Corollarium* Hinc Relatio creaturæ ad Deum est nihil aliud , quàm Ordo creaturæ ad voluntatem creantis ; & Relatio Dei ad creaturam est ordo voluntatis creantis ad creaturam ; realiter hic ordo est in Deo , & in creatura ; in se quidem indivisus & indefinitus , sed divisus extrinsecè per duo subiecta inter se distincta. Idem dicendum de relationibus aliarum causarum ad suos effectus.

*Corollarium 2.* Causa verè potest & debet dici activa , quæ habet sibi impressum talem ordinem ad effectum ; est enim impossibile , ut non sequatur effectus posito tali ordine , & quidem vitalis ordinis ; quia ordo est ipsa perfectionum simplicium conjunctio pro tempore , pro quo est conjunctio.

*Conclusio, 9.* Ordo mundi corporei est in se unus ac continuus , sed extrinsecè divisus pro diversitate subiectorum. Pb. Concl. In mente primi ordinantis ordinatio omnium causarum ad unum finem ultimus est in se una ac continua , ergo etiam Ordo totius mundi corporei est in se unus ac continuus ; Quia non est alia essentia in Mundo reali , & alia in mundo intellectuali. Ant. pb. Eadem est intentio finis , & omnium mediorum ad finem , ergo etiam ordo omnium mediorum ad finem est in se unus ac continuus. Pb. Ant. ipsissima intentio finis fertur ad omnia media , ergo intentio finis est intentio mediorum. Ant. Pb. tota ratio eligendi media est intentio finis , ergo intentio finis est intentio mediorum. Pb. 2. Deus non imprimit causis ordinem ad suos effectus , quin simul hos effectus ordinet ad alium finem , ergo ordo est continuus.

*Corollarium 1.* Hinc patet , Ordinem solum emanari ab ente intelligente seu Intellectu universali ; hunc Ordinem diffundi per omnia creata , ut sit vita , activitas , & actio totius mundi corporei ; & licet Deus mediante Ordine omnia à se emanet , retrahit tamen & resorbet omnia ad se ipsum.

ipsum mediante eodem ordine ; quia ipse est principium & finis ordinis.

Corollarium 2. Non est querenda causa Ordinis seu Actionis ; quia Essentia totius Ordinis est à prima mente , postquam verò per entia creata diffundi cœpit , progreditur se solo ob suam continuitatem , licet existentiam & individuationem accipiat finem , nempe ad obtinendam victoriam. 3. Quælibet causa producere quemcumque effectum potest ; quia inter quascunque duas perfectiones potest intelligi aliquis ordo , & connexio in ordine ad aliquod subjectum. 4. Hinc accidens potest producere substantiam , si Deus ita voluit , aut vult. 5. Cum tamen omnis Ordo sit inter duo entia , nequit dari ordo creatus ad non ens ; & ideo causa creata non potest assumi ad creationem. 6. Sicut ad obtinendum finem possunt ordinari media , ex quibus dein ultro sine nova ordinatione consequitur finis : ita dantur causæ instrumentales , quædam operantur effectum suum , causa principalis dein ultro inducit effectum principalem ; sic enim , dum culter secat , quæ æctio est effectus cultri , artifex inducit formam statuae.

7. Non est aliud discrimen inter Actionem naturalem & supernaturalem , nisi quod illa sit juxta cursum ordinarium naturæ ; hæc autem non sit juxta cursum ac providentiam ordinariam : Aut quia forte tendit ad effectum nobiliorem , non comprehensum in decreto & ordinatione hujus mundi.

8. Nulli causæ ex suis prædicatis ac perfectionibus intrinsicis debetur illa vis , quam habet ; sed illi convenit ex arbitrio divino ; quoniam Deus voluit talem Ordinem cum tali causa sub eadem existentia inseparabiliter identificare ; aut separabiliter conjungere.

### *Solvuntur Objectiones.*

Obj. 1. Contra priores 7. Concl. Potest dici , quod Activitas causæ consistat in certa aliqua intrinseca exigentia effectus , quæ positis dispositionibus exeat in actum.

2. Potest inter duas res intercedere ordo v. g. loci aut dignitatis , quin intercedat causalitas , ergo Actio non est qualiscunque Ordo.

3. Si actio foret ens distinctum , tunc deberet dari causa hujus actionis , & determinativum , quo posito , non possit non sequi actio ; at si hoc requiritur , tunc superflua est actio , ergo. min. pb. potest dici , quod hoc determinativum æquè sufficiat ad producendum immediatè effectum , sicut sufficiat ad producendam immediate actionem. Hæc obiectio potest etiam applicari ad reliquos modos , v. g. ad ubicationem ; si enim lapis aliunde habet

bet determinativum ad hanc ubicationem , tunc jam est determinatus ad certum locum , nec indiget ubicatione ; si verò aliunde non habet determinativum ad hanc ubicationem , tunc non est ratio , cur resulset potius hæc ubicatio , quàm alia.

Resp. ad 1. n. 2. Quia exigentia est actus mentis , qui nil imprimit suo objecto sibi simile ; sicut ordinatio , quæ rebus ordinatis imprimit ordinem . Si verò per hanc exigentiam intelligis ordinem causæ ad effectum ; bene sentis , sed male loqueris : quia veritas tam obscuris metaphoris turbanda non est . Ad 2. t. 2. C. totum : quia Ordo causarum est Ordo existendi , ita ut unum sit prius in existendo , aut certè , ut unum sit ratio & movivum , alteri rei tribuendi existentiam . Ordo loci dicit tantum ordinem angulorum extrinsecorum , & horum angulorum causalitas est ordo . Ad 3. d. deberet dari causa actionis efficiens . c. determinativa . n. essentia enim actionis recipit existentiam & individuationem à subjecto , in quo ponitur ; sed non requirit ullum determinativum ad hoc , ut sit in hoc subjecto ; quia , ut diximus , ordo universi est in se continuus , & expanditur ex ordinatione primi ordinantis per omnia subjecta . Igitur ordo sequitur ordinem , quia est talis ordo , nec indiget alio determinativo : & hinc , quia Relationes Loci & temporis tantum sunt certi ordines , non indigent alio determinativo ; sed tantum præquiruntur eæ circumstantiæ , dispositiones , ac conditiones in quibus Deus voluit talem ordinem imprimere . Verum quidem est , quod tales circumstantiæ in hac providentia , respectu nostrum , & consequenter ad ordinationem divinam non sint amplius indifferentes ad alium effectum ; manent tamen semper indifferentes secundum se , quia intelligi possunt sine ordine ad talem effectum .

Obj. 2. Si Actio est tantum Ordo , tunc in Universo nec datur motus , nec mutatio , sed hoc est apertè falsum , ergo pb. maj. Integra series rerum ordinarum potest intelligi simul ; ita ut ordo tantum sit semper , & nunquam fiat ; etiam si respectu nostrum una pars seriei nobis obversetur post aliam ; & dum numeramus minimas portiones seriei infinitæ , tempus proterahi , & eventus expectati adhuc remotissimi videantur . 1. Si Actio est tantum ordo ; tunc creatio non est simpliciter tam è nihilo sui , quàm è nihilo subjecti productio ; sed tantum perfectionis præexistentis ab eo statu in alium translatio , aut divisio ; ergo creatio non foret creatio . 3. Si Actio est tantum ordo præexistentis perfectionis ad novum subjectum , tunc ignis v. g. non est simpliciter causa ignis , nec simile producitur à simili ; sed , ergo maj. pb. ignis nec produceret materiam novi ignis , nec formam , nec existentiam , ergo non esset simpliciter causa ignis . 4. Si actio est ordo perfectionis præexistentis ad novum subjectum , tunc non esteductio formæ è

L

potentia

potentia materię ; sed est taliseductio. ergo. min. ph. quia forma sphaerę educitur è potentia ligni. 5. Si omnis actio est Ordo causę ad effectum ; non potest explicari, quęnam causa sit suo effectui prior tempore, & quę non sit prior tempore, sed naturę ; sic enim Pater est prior tempore ad filium ; sol non est prior tempore ad lucem, sed est prior natura : quid igitur est hæc prioritas temporis, & naturę ? 6. Non potest ostendi, cur activitas v. g. ignis ad effectum immanentem, nempe calorem, sit igni essentialis ; econtra activitas ad extra, nempe ad producendum alium ignem, aut diffundendum calorem non sit igni essentialis.

Resp. ad 1. n. maj. ad pb. d. integra series potest intelligi simul ab ente intelligente, quod est extra illam seriem, t. ab ente intelligente, quod est intra seriem, n. nam ordo dicit prius & posterius, igitur ubi ordo est, ibi datur successio, saltem respectiva, aut si contendas, ordinem simul comprehendere ordinata, quęcunque per ordinem ordinata sunt ; dic, à nobis hominibus motum & mutationem vocari continuum progressum ordinis ; per voces enim significantur res, quę nobis obversantur, & quidem eo modo, quo obversantur, ad 2. n. maj. quia creatio non est simplicium, sed compositorum, & ipsa simplicia individualia non præextiterunt, sed simpliciter fuerunt concreata cum existentia ; quia in statu creato simpliciter fuerunt nihil ; nec unquam vera est hæc propositio : hæc albedo fuit ab æterno in Deo : sed tantum verum est ; Albedo ab æterno fuit in Deo, seu formaliter demptis imperfectionibus, seu eminentialiter. ad 3. n. maj. quia ignis est aliquod compositum, & compositum verè sit ; licet nec materia fiat, nec igneitas seu forma ignis ; ignis proin est causa ignis in fieri ; licet non sit causa ignis in Esse ; ignis enim est causa, ut igneitas fiat in hoc subiecto, & per hoc est causa in fieri ; sed ignis non est causa, ut fiat & producat igneitas, alioquin produceret seipsum ; & ob hoc non est causa in Esse. ad 4. n. maj. quia forma accipit existentiam, ordinem, & individuationem à materia, & per hoc dicitur educi è potentia materię, ad 5. n. maj. quia natura prior dicitur illa causa, quę est ratio & motivum tribuendi existentiam effectui ; licet quoad executionem simul tempore accipiant tam causa quam effectus existentiam ; simultas enim temporis non impedit, quin reversa effectus accipiat existentiam ob causam. Sicut enim in mundo intellectuali unum est propter aliud ; ita in mundo reali unum est per aliud, etiamsi unum & alterum simul sint. ad 6. n. maj. quia potest dici, quod ordo ad effectum immanentem sit inseparabiliter identificatus cum re ; ordo autem ad effectum extrinsecum sit identificatus cum accidentibus rei ; quia mediantibus accidentibus res ordinatur ad effectum extrinsecum.

Obj 3.



Obj. 3. Si Actio productiva nihil aliud est, quam ordo unius rei ad aliam, tunc causa, v. g. existens in Europa, poterit producere effectum in India, sed hoc est falsum, ergo min. patet, quia naturaliter semper requiritur propinqua applicatio causæ, nec datur actio in distans sine diffusione alicujus virtutis in intermedio. maj. pb. ordo potest se etiam naturaliter extendere ad loca remotissima, ergo. 2. Si actio est solum ordo, tunc non requiritur ut causa præcontineat perfectiones sui effectus; sed hoc est falsum, ergo min. pb. quia nemo dat, quod non habet. 3. Si Actio est tantum ordo, tunc ex qualibet causa poterit naturaliter produci quivis effectus, sed hoc est falsum, ergo maj. pb. à quacunque causa poterit alteri subiecto imprimi ordo ad quameunque formam, ergo. 4. Si Actio nihil aliud est, quam ordo, tunc possunt defendi omnes superstitiones, & evertuntur omnia miracula, sed, ergo maj. pb. semper posset dici, causæ, utut alloquin improportionatæ, impressum esse ordinem ad effectum tam mirabilem, ergo.

Resp. ad 1. n. maj. Si objectio loquatur de potentia naturali; quia constat, Deum in hac providentia mundum ita ordinasse, ut inter causam & effectum requiratur certa distantia, licet ea absolute non requireretur: placuit enim Deo, omnia ordinare secundum certas proportionales angulorum. Ad 2. d. non requiritur, ut causa instrumentalis præcontineat perfectiones sui effectus. c. principalis, n. licet enim causa instrumentalis imprimat materię ordinem ad formam, quam ipsa causa instrumentalis non habet; requiritur tamen, ut illa forma communicetur materię per aliam causam universalem principalem, quæ suppleat defectum causarum particularium: quanquam dici posset, nullam formam produci sine causa principali particulari, etiam si non existat amplius; quia non repugnat causam producere suum effectum, eo tempore, quo non amplius existit causa; modo existat virtus causæ, seu ordo ad effectum. ad 3. n. a. Si sermo sit de potentia naturali, quia constat Deum mundum ita ordinasse, ut inter causam & effectum intercedat proportio, licet potuerit aliter ordinare. ad 4. n. maj. quia constat, Deum inter causam & effectum ordinasse proportionem, circumstantias, ac conditiones: igitur si sunt eventus & effectus mirabiles, quorum causæ alioquin in similibus circumstantiis non producant similes effectus, signum est, hos effectus fieri virtute extraordinaria, quam Deus non præsumitur creaturis contulisse sine motivo extraordinario suæ sapientiæ congruo; hoc verò aliud non esse, nisi ad manifestandam omnipotentiam, & veracitatem suam, aut ad commendandas virtutes; ratio cuius distat: maxime cum aliunde conveniens sit, ut Deus nobis certis signis distinguat cultum sibi placitum à cul-

tu erroneo ; nec homini alia signa manifestiora sint , præter miracula ; primum est judicare . has miras operationes à Deo in mundo alio fine non fieri.

## QUÆSTIO XII.

### *Quenam sit Idea Actionis Libera ?*

**C**onclusio 1. Actio libera est appetitus boni per ordinem ad medium, quod non est ipsum bonum. pb. Concl. In omni actione libera nihil experimentaliter sentio menti observari, nisi appetitum boni, quod ex electione alicujus rei me consequi spero ; ergo in actione libera nil aliud intercedit, quàm appetitus boni eum ordine ad particulare medium. Ant. patet ab experientia : sic enim eligo ambulationem, aut medicinam, quia exinde spero sanitatem ; & sanitatem eligo, quia exinde spero voluptatem, ac voluptatem ideo eligo, quia exinde habeo statum illum mentis, qui appetitur propter se, aut certe est simulacrum beatitatis, quæ appetitur propter se. Igitur omnis electio est appetitus boni per ordinem ad hoc vel illud medium.

**Conclusio 2.** Appetitus boni non est nobis liber, sed est à natura, & à primo ordinante. pb. Concl. Appetitus boni est ordo mentis ad suum finem, ergò necessario est à primo ordinante naturæ impressus. Ant. patet, quia appetitus quiescit in bono tanquam fine & termino, ergo mens non ordinatur, nec agitur ad alium finem, nisi ad fruitionem boni ut sic, quod alii vocant bonum universale, seu bonum indefinitum, seu potius ipsam bonitatem, ac essentiam boni, C. pb. quia nulla natura e nihilo producitur, nisi ordinetur ad suum finem : &, omne, quod ab alio ordinari ad finem potest, à seipso non ordinatur ; adeoque illum ordinem, quem potest habere ab alio, necessario habet ab alio.

**Conclusio 3.** Ordo rationalis appetitus ad medium ac bonum particulare efficienter ac causaliter est à Deo & mente. pb. Concl. Ordo ille recipit existentiam à Deo, & à mente ; ergo efficienter ac causaliter est à Deo & mente. Ant. patet ; quia existentia realiter distincta à quavis essentia accidentibus tribuitur à subiecto & à Deo per continuam actionem creativam ac conservativam.

Conclu-

**Conclusio 4.** Ordo rationalis appetitus ad bonum particulare formaliter ac specificè non est à Deo. pb. **Concl.** Ordo, qui potest referri ad finem ultimum, & non referri, non est à Deo; sed ordo rationalis appetitus potest referri ad finem ultimum, & non referri, ergo min. patet, quia ordo rationalis appetitus ad bonum particulare est defectibilis à fine ultimo, ita ut aliquando ne quidem possit habere continuationem, connexionem, ac subordinationem ad finem ultimum. maj. pb. Est impossibile, ut Deus aliquid ordinet, nisi id continua serie ordinet ad finem ultimum, ergo ordo, qui potest referri ad finem ultimum, & non referri, non est à Deo. Ant. patet, quia est impossibile, ut Deus operetur sine suo motivo & fine, qui est ipse Deus: Igitur non potest intelligi ulla divina ordinatio, quin sit ordinatio rei ad se ipsum; adeoque nequit dari ordo divinus, quin ex seipso sit verus ordo, ex se continuative ac continua serie attingens finem, nec potest intelligi ulla determinatio ordinis divina, nisi eatenus verè ordinetur ad finem ultimum, quatenus est divina; quia Deus nec aberrat, nec deficit unquam à fine ultimo, sed exit à seipso operando, & reducit omnia ad se ordinando.

**Pb. 2.** Determinatio voluntatis increatae est suiipsius prima ordinatio ad objectum particulare, est suiipsius formale determinativum, estque formale sublativum suae propriae indifferentiae; Ergo etiam determinatio voluntatis creatae est suiipsius prima ordinatio ad objectum particulare &c. Ant. patet; quia si quæatur, cur in Deo detur volitio libera Musæ, quæ potuit non dari; alia causa determinativa afferri non potest, nisi ipsa volitio musæ; & parum interest, si hæc volitio sit aliquid identificatum cum Deo, sive identificetur cum complementis extrinsecis; semper enim volitio manebit suiipsius formale determinativum, & si quæatur, cur hæc volitio talis sit? Aliud responderi non poterit, nisi hoc, quod ideo talis sit, quia talis est. Necessario enim datur aliquod primum contingens, quod eoipso, quod sit primum contingens, suiipsius determinativum esse debet: cumque in toto cumulo perfectionum possibilium non reperiatur alia perfectio contingens, nisi ordo & ordinatio rationis, quæ est causa rerum omnium, necesse est, ordinationem rationis ex suo genere à seipsa formaliter, ac sui ipsius determinativum esse. pb. proin C. Voluntas creata & voluntas increata intrinsecè non differunt; & determinatio voluntatis increatae non differt intrinsecè à determinatione voluntatis creatæ ratione status creati aut increati; Ergo si determinatio voluntatis increatae est suiipsius determinativum; etiam determinatio voluntatis creatæ erit suiipsius determinativum. Ant. pb. quia juxta nos creatum & increatum tantum differt, sicut limitatum & illimitatum; nec creatio aut status creatus mutat essentias rerum, sed eas relinquit immu-

tatas; igitur si ordinatio rationis in statu indefinito potest esse suiipsius determinatio, erit etiam suiipsius determinatio in statu limitato.

Conf. non repugnat ordinatio rationis, quæ sit suiipsius determinatio, abstrahendo à statu creato vel increato; Ergo eoipso est possibilis talis ordinatio in statu creato. Ant. pb. potest talis ordinatio se sola concipi; ergo eoipso potest concipi abstrahendo à statu illimitato aut limitato. Ant. patet, quia revera potest concipi primum contingens, quod non potest esse aliud, nisi ordinatio rationis.

Pb. 3. Actio libera est intrinsecè, formaliter, ac per suam essentiam suiipsius ordinatio, ac suiipsius determinatio: Ergo est impossibile, ut essentia actionis liberæ sit talis per ordinationem, ac determinationem extrinsecam. Ant. patet à propriæ mentis experientia; cum enim volitio intimè per seipsam menti obversetur, non potest esse ignota menti; manifestum autem est, quod homo sentiat se à seipso determinari, & determinationem suam esse reverà activam determinationem; & ordinationem sui appetitus esse reverà activam ordinationem, experimentaliter diversam à quocunque ordine ordinato, aut passione. C. pb. Id, quod est essentialiter ordinatio, non potest determinari per aliam ordinationem, ut sit ordinatio, ergo essentia actionis liberæ non est talis per aliam ordinationem; sicut albedo non potest per aliam albedinem determinari ad rationem albedinis.

Pb. 4. Actio libera est tantum actio, & non est passio; ergo non est determinata ab alio. Ant. pb. actio libera alio modo obversatur, quàm omnis alia actio, quæ est simul passio, ergo.

Pb. 5. Actio libera tantum differt ab actione necessaria, quantum potest differre; sed potest differre per hoc, quod sit essentialis suiipsius determinatio, ergo min. pb. non repugnat essentialis respectus rationis ad hoc objectum, hoc motivum, has circumstantias; ergo positis his circumstantiis, motivo, & objecto non est opus alio determinante.

Pb. 6. Quod est antecedens, inimpedibile, & essentialiter inferens hunc determinatè actum, tollit libertatem actus; sed omnis aliena determinatio est antecedens, inimpedibilis, essentialiter inferens hunc determinatè actum, ergo maj. pb. quod est antecedens &c. tollit omnem ulteriorem indifferentiā actus, ergo tollit libertatem. C. patet, quia si tollit indifferentiā, tollit etiam ulteriorem determinationem; adeoque tollit eam determinationem actui intrinsecam experimentaliter notam; & proin libertatem. Ant. pb. Quod est antecedens, inimpedibile, & essentialiter inferens hunc determinatè actum, jam vi sua ponit essentiam & speciem actus; ergo tollit indifferentiā actus, quia essentia actus tollit suam propriam indifferentiā; respectu cujuscunque potentie; postquam enim actus cessat esse indifferens respectu

respectu causæ principalis, cessat etiam esse indifferens respectu cujuscunque causæ subordinatæ; determinatio enim actui est intrinseca.

Corollarium. Hinc determinatio seu Ordo rationalis appetitus ad bonum particulare formaliter est à seipso: est talis, quia est talis, & quia est essentialis respectus ad hoc objectum, motivum &c. necessario his positis ponitur efficienter; necessitate scilicet consequente suam intrinsecam determinationem, non antecedente.

Conclusio 5. Actio libera infallibiliter sequitur actum primum proximum sibi congruum, pb. Concl. Ad quemvis actum primum proximum in statu ideali datur aliquis respectus essentialis intrinsece à seipso determinatus ad hunc actum primum proximum, ergo respectus hic infallibiliter sequitur suum actum primum proximum etiam in statu reali.

Corollarium. Hinc, quia ad quamvis determinationem voluntatis possunt præcedere infiniti actus primi proximi, possunt etiam intelligi infinitæ determinationes possibiles; sed quia hæc est natura contingentium, ut in infinitis circumstantiis non operentur uniformiter; est impossibile, ut ad infinitos actus primos proximos diversos possibiles correspondeat uniformis determinatio voluntatis: Hinc Deus, qui potest pro libitu suo ponere quemcunque actum primum proximum sibi placitum, poterit etiam obtinere quamcunque determinationem voluntatis, quam vult. Sicut tamen in aliis contingentibus effectibus plerumque sequitur, quando major in causa dispositio aut inclinatio; ita in voluntate plerumque sequitur ea determinatio, ad quam actus primus proximus pronior; & hujus non potest dari alia ratio, nisi quia hoc ipsum ita contingit; contingens est, cujus non est alia causa, nisi contingentia.

### *Solvuntur Objectiones.*

Obj. 1. Cont. 1. Concl. non sentimus in omni actione libera appetitum boni ut sic, ergo non omnis actio libera est appetitus boni. pb. ant; dum volo ambulare, nil sentio me velle, nisi ambulationem, ergo 2. non potest dici, quid sit istud bonum ut sic, quod appetam, ergo. 3. Vita non est ipsum bonum, sed medium sine quo non; & tamen appetitur necessario; ergo non omne medium, quod non est ipsum bonum, appetitur libere. 4. potest dici, quod actio libera sit omnis volitio, quæ est libera à coactione, et si non sit libera à necessitate; ergo. 5. potest dici, quod actio libera sit, quæ procedit à potentia activa ex sua natura non determinata ad unum, ergo. 6. potest dici, quod actio libera sit actio mentis cum illo speciali modo sibi intrinseco, quem vocamus modum libertatis, experimentaliter

taliter noto, ergo. 7. potest dici, quod actio libera sit determinatio voluntatis respectiva ad præcedens iudicium indifferens, ergo. 8. potest dici, quod actio libera sit permissio determinationis divinæ in voluntate, ergo.

Resp. ad 1. n. a. ad. pb. n. a. Quia licet reflexè non discernas finem ambulationis ab ambulatione, directè tamen eum discernis; si enim quæram, cur ambulaveris, non dices, sine ullo fine te ambulasse, sed aut amici gratia, aut fallendi temporis & allevandi tædii, aut sanitatis causa; & sic intentio finis aut habitualiter, aut virtualiter, aut exercitè actu in omni actione libera dominatur; & omnium finium finis ac motivum ultimum est exercitè completa felicitas, quia sentimus nos bonum appetere, ob hoc solum, quia bonum est; adeoque bonitas objecti nos movet, non objectum ipsum. Ad 2. n. a. & dico, quod bonum ut sic sit quæcunque bonitas seu perfectio nobis congrua sumpta modo indefinito; summum enim bonum est cumulus omnium perfectionum; & quælibet perfectio sumpta sine limitatione, & sine imperfectione, jam est ipsa bonitas, etsi nondum adæquate & inquirivè cognita; mirum proin non est, si quævis objecti ratione sui appetibilis perfectio in intellectu abstrahente fiat bonitas indefinita, seu bonum ut sic, & objectum rationalis appetitus; licet in his aut illis circumstantiis non ducat ad verum bonum reverà infinitum. ad 3. c. a. & G. dico, descriptionem actionis liberæ esse universalem in sensu accommodo; convenire omni, sed non soli, ad 4. n. a. quia circa finem non instituitur deliberatio, nec electio; sed circa media, & tamen ad volitionem finis non cogimur. Igitur in iis actionibus, quas vocamus liberas, non tantum deest coactio, sed etiam necessitas, quia datur ad utrumque indifferencia, ut experimentaliter notum est, ad 5. n. a. quia ad actionem liberam nulla omnino concurrere debet determinatio, nec natura, nec authoritas naturæ, ut ostensum est. Dein forte etiam potentia activa v. g. ignis ex sua natura non est determinata ad omnes suos fines particulares, & tamen non est potentia libera, saltem experimentaliter habeamus aliam notionem libertatis, ad 6. n. a. si per modum libertatis intelligatur alius modus, quàm determinatio propriæ indifferenciæ; quam ostendi subsistere non posse, si priori naturæ illa indifferencia per aliam determinationem extrinsecam jam sublata est, nec refert, an illa determinatio respiciat potentiam, an actionem; quia indifferencia illa, in cuius exercitio experimentaliter noto versatur modus libertatis, per talem determinationem tollitur, ad 7. n. a. quia experimentaliter notum est, præter indifferenciam iudicii dari aliam indifferenciam voluntatis; & determinatio huius indifferenciæ experimentaliter notitia est nobis propria, adeoque non est ab extrinseco; quia alioquin nulla nobis relinqueretur indifferencia, experimentaliter nota, ad 8. n. a. quia determinatio



natio nostræ voluntatis nobis experimentaliter nota non est nuda permissio, non est negatio, non est nihil; & illa determinatio non est alterius, non est in nobis tantum passio, alioquin nos falleret propria experientia. Dein, si nuda permissio constituit nostram libertatem, quid impedit, quominus sentiamus nudam permissionem, aut saltem determinationem extrinsecam?

Dices: Saltem Actio libera potest dici Actio, quæ, positis omnibus ad agendum requisitis, potest poni & non poni. Ergo nostra est superflua. Resp. t. a. n. C. quia nostra descriptio clarius proponit partes constitutivas libertatis.

Obj. 2. Cont. 4. Concl. Deus est primum agens, prima causa, primum actus, primum movens; ergo est impossibile, ut sit aliqua positiva perfectio, quin sit à Deo. Ant. patet. quia debet deveniri ad aliquod primum movens; cum omne, quod movetur, moveatur ab alio; & omne, quod reducitur in actum, reducatur in actum per id, quod est actu. 2. Omnis essentia est ab æterno in Deo, & à Deo, ergo omnis determinatio est à Deo. Ant. patet, quia solus Deus omnibus rebus largitur essentiam. 3. Nulla potentia reducit seipsam in actum, & indifferentia nullo accedente determinativo extrinseco, semper manet indifferentia, ergo est impossibile, ut voluntas indifferens exeat in actum nullo accedente determinativo extrinseco. Ant. patet, quia nihil mutat seipsum; & idem manens idem semper facit idem.

Resp. ad 1. d. Deus est primum agens &c. in ratione causæ efficientis, c. in ratione causæ formalis. n. a. sicut enim Deus non est causa formalis albedinis, nec est causa determinativa, ut essentia albedinis sit essentia albedinis, sic non est causa determinativa determinationis liberæ; quin Deus ipse, quando liberè vult creare muscam, non habet aliam causam hujus sue volitionis, nisi ipsam volitionem; etiam si essentia volitionis hujus sit in Deo, & à Deo: sic etiam essentia volitionis humanæ est in Deo, & à Deo, sed determinatio est ab ipsa essentia volitionis. Igitur Deus est causa efficiens tribuendo rebus existentiam; & hæc à solo Deo tanquam primo motore & determinante est, ita ut Ens simpliciter sit à Deo tanquam primo agente. ad 2. c. a. n. C. quia essentiam esse à Deo nihil aliud est, quam eam à Deo habere existentiam, & in Deo conservari, tanquam cumulo perfectionum. ad 3. n. a. quia potentia divina se reducit in actum; adeoque in conceptu potentie reducens seipsam in actum non involvitur contradictio. Dein, potentiam non reducit seipsam in actum per suam potentiam formaliter, &c. causaliter. n. reducit enim seipsam in actum per ipsum actum, cui tribuit suam existentiam; actus vero seu determinatio potentie formaliter est à seipsa.

M

Dices,



Dices: Si Deus est causa determinationis liberæ, tribuendo eidem suam existentiam, tunc prius est dare existentiam huic potius actui, quam opposito; quam existere hunc actum; ergo eoipso Deus determinat ad hunc potius actum, quam oppositum. Ant. Pb. quia Deus non dat cæco modo suam existentiam, sed scit, cui debeat dare, ac velit dare; adeoque tribuendo existentiam huic potius actui, quam opposito, est causa determinativa, cur potius sequatur hic actus. Resp. n. a. vel d. est prius dare existentiam in ratione causæ efficientis, t. in ratione causæ formalis. n. ad summum sequitur, quod existentia actus, & essentia actus habeant mutuam prioritatem ad invicem; quanquam nec hoc necessarîo dicatur, sed possit, quod fiat condeterminatio. Deus quidem cæco modo non dat, sed dando videt, & videndo dat: existentia est ratio videndi seipsam per existentiam. Hoc simul intelligi potest, igitur etiam dari. Nec ideo sequitur talis actus, quia huic Deus dat existentiam, sed ideo huic datis, quia in his circumstantiis talis est actus; non enim ulla superest indifferentia ad hunc actum, quando Deus dat existentiam. Sequitur ideo actus causaliter, non formaliter.

Obj. 2. Posito quocunque actu primo proximo ad actus oppositos indifferente possibiles sunt actus oppositi, v. g. amoris, aut odii; ergo actio libera non est suiipsius determinatio. C. pb. actus possibilis oppositus, qui non sequitur; non est suiipsius determinatio; ergo neque ille actus possibilis, qui sequitur, est sui determinatio; quia oppositorum eadem est ratio. 2. Si actio libera foret suiipsius determinatio, tunc non dependeret à voluntate Dei, obtinere in quocunque actu primo proximo actum à se intentum; sed hoc non potest dici, ergo. min. pb. quia cor humanum in manu Dei, quocunque voluerit, vertet illud. 3. Si actio libera foret suiipsius determinatio, tunc Deus in coordinatione hujus universi teneretur expectare determinationem creaturæ, & ab hac determinatione in multis suis ordinationibus dependeret; sed hoc non potest dici, ergo. min. pb. Deus est omnipotens, Ergo sine ullo obstaculo potest obtinere quocunque possibile. Resp. ad 1. d. a. possibiles sunt actus oppositi possibilitate antecedente, c. a. possibilitate consequente, n. a. id est, considerato quocunque actu primo proximo abstractivè sumpto potest concipi, v. g. amor aut odium; sed considerato hoc actu primo proximo in his circumstantiis sumpto tantum reipsa cum veritate intelligi potest odium, aut amor; quia essentia eodem modo se habent in statu possibilitatis, sicut se habent in statu reali; igitur si in statu reali datur determinatio odii cum exclusione amoris, necesse est, etiam in statu possibilitatis essentiam respectivam hujus actus primi proximi esse tantum essentiam odii, & non essentiam amoris; adeoque etiam

etiam in statu possibilitatis tali in casu non datur essentia amoris, & Deus neque in statu possibilitatis videt essentiam amoris respectivè ad hunc determinatè actum primum proximum; quia reverà amor non est possibilis possibilitate consequente determinationem creatam possibilem pro tempore futuro, & ab æterno factam à seipsa possibiliter pro tempore futuro. Exemplum hujus possibilitatis consequentis, & antecedentis habetur in volitione divina; sic enim volitio divina creandi muscam est possibilis, ut etiam possibilis sit volitio opposita; sed postquam Deus ab æterno secum identificavit volitionem creandi muscam, non est possibilis volitio opposita, ad 2. t. maj. n. min. ad. pb. dico, cor esse in manu Dei per hoc, quod possit ponere talem actum primum proximum, ad quem scit secuturum actum à se intentum; est enim impossibile, ut ad infinitos actus primos proximos possibiles sequatur contingentem uniformis actus secundus. Nec ex hoc limitatur omnipotentia, quia hæc versatur circa possibilia. ad 3. n. maj. quia in manu Dei sunt corda hominum, potest obtinere determinationem creatam, quamcumque vult. Igitur non tenetur expectare hanc determinationem, nisi nulla determinatio sequitur, nisi quam ipsemet vult, aut permittit, ponendo talem actum primum proximum, ad quem prævidet secuturam talem determinationem.

Dices: Si actus v. g. odii est suiipsius determinatio, tunc etiam inter infinitos actus primos proximos nulla unquam reperitur necessitas inferendi actum amoris, ergo poterit uniformiter sequi actus odii, nec erit in potestate Dei obtinere actum amoris. Resp. c. a. n. C. quia eoipso, quod nulla in infinita collectione casuum possibilium reperitur ad determinatum effectum necessitas, non poterit stare uniformitas; contingentia non procedunt uniformiter; si hoc aliunde non capis, quia pertinet ad abyssum infiniti, saltem crede; quia cor regis in manu Domini.

Obj. 3. Potest Deus remordinare ad finem suum immediatum non ordinando eam ad finem ultimum, ergo potest etiam appetitum rationalem ordinare ad bonum particulare non ordinando eundem ad finem ultimum; Ant. pb. talis ordo ad finem immediatum non dicit imperfectionem, ergo. 2. Ordo rationalis appetitus ad bonum particulare secundum, est non est malum, ergo potest Deus talem ordinem imprimere, etiamsi aliunde talis ordo habeat defectum ulterioris ordinis ad finem ultimum. 3. Id quod in actu libero est quasi materiale seu positivum potest esse in aliis circumstantiis, bonum ergo determinatio divina potest terminari ad id, quod in peccato est materiale; etiamsi formale peccati, nempe defectus ordinis ad ultimum finem, seu malitia actus non sit à Deo. 4. Potest Deus ordinem appetitus rationalis ad quodcumque bonum particulare ordinare ad ultimum finem,

voluntate beneplaciti, etiamsi non ordinet, voluntate signi; potest hunc actum ordinare ad ultimum finem ordinatione ordinantis, etiamsi non ordinet ordinatione ordinati seu rei ordinatæ; ergo Deo non imputatur malitia actus, etiamsi determinet ad speciem actus. 5. Deus potest creare omne possibile, ergo etiam malum possibile; & hoc malum semper erit pœna dignum, quia est ex sua natura malum; nec malitia imputabitur creatori, sed defectui materiæ, seu possibilitati suæ intrinsecæ; sicut putredo statuz non imputatur artifice, sed ligno, quod est materia statuz. Cur igitur Deus non possit modum actionis, ratione cuius actio denominatur libera, creare, sive modus ille ex sua essentia tendat ad finem ultimum, sive non tendat? 6. Deus potest ponere actum primum proximum, etiamsi prævideat necessitate physica consequente consecuturum actum malum; ergo etiam poterit ponere actionem suam prædeterminantem, etiamsi prævideat necessitate physica antecedente consecuturum actum malum; quid enim homini prodest, seu actus malus sequatur infallibiliter necessitate potius consequente, quam antecedente?

Resp. ad 1. n. 2. quia finis est motivum omnium mediorum; igitur quidquid appetitur, habet rationem medii, aut rationem finis; potest quidem fieri, ut homo, qui non potest ad omnia esse attentus, reflexè non cogitet de fine; impossibile tamen est, ut intentio finis non influat virtualiter, aut habitualiter in actum. Multo magis id repugnat in Deo, qui non facientia tantum, sed & voluntate omnia simul complectitur; igitur ordinatio non continua ad finem ultimum dicit imperfectionem. ad 2. d. 2. non est malum physicum, c. morale. n. intrinsece enim talis ordo non refertur ad finem ultimum, & ideo habet defectum intrinsecum. ad 3. n. 2. quia actio continens intrinsecum defectum ordinis ad ultimum finem in nullis circumstantiis bona est. Est autem hic defectus actioni intrinsecus, quia etiam esset ordinatio ad 4. n. 2. quia ordo est typus ordinationis divinæ; adeoque nequit ordinatio divina terminari ad finem ultimum, quin etiam ordo rei creatæ impressus terminetur ad finem ultimum. Voluntas autem beneplaciti non est ordinatio, sed simplex complacentia; ordinatio semper producit ordinem sibi similem. Dein, etiamsi Deus posset talem ordinem rationalis appetitus ad bonum particulare creare; non respiciendo ad finem ultimum; tamen non posset talem ordinem improbare; quia alias improbareret suam ordinationem, eamque damnaret; si enim ordinatio divina ob negationem solam ad ultimum finem non est mala; cur ordo appetitus rationalis ad bonum particulare sit malus, qui etiam tantum abstrahit à fine ultimo, nec habet defectum positivum, sed tantum negativum? Accedit, quod actus non sit in culpa habendo defectum, quem sibi ipsi nec dare, nec auferre potest; sed

Deus

Deus foret in culpa non impediendo defectum unice à se dependentem. Igitur dicendum est, defectum esse actioni intrinsicum, positivum, & ab ipsa actionis determinatione. ad 5. c. a. C. etiam C, sed nego suppositum determinationem mali propterea pertinere ad Deum; quia licet Deus tribuat existentiam actioni malæ, non tamen est causa, cur actio sit mala; actio enim ex sua determinatione talis est, qualis est; & quidem in his circumstantiis ex sua essentia talis, quia est essentialiter respectiva hujus actus primi proximi; nec dependet à Deo; an posito hoc actu primo proximo velit huic actioni tribuere existentiam, an non, quia possibilitate consequente nulla alia actio possibilis est. ad 6. c. a. n. C. quia determinatio deficiens à fine ultimo dicit defectum intrinsicum; igitur ex parte Dei non potest dari talis determinatio, adeoque nec ex parte antecedente actum, quia daretur ex parte Dei. Homini quidem nil prodest, quod relinquatur suæ libertati defectibili à fine ultimo, quantum est ex se; sed Deo ita visum est, ut relinqueret hominem in manu consilii sui.

Dices: Si Deo non est imputandum, quod tribuat suam existentiam actioni ex sua essentia talis, quam potest non tribuere; multo minus erit imputandum menti, quod tribuat suam existentiam eidem actioni, quam necessitate naturæ per modum subiecti tenetur tribuere; ergo in hoc libertatis systemate non tollitur difficultas imputabilitatis. Conf. si actio libera ideo est talis, quia ex sua essentia est talis; tunc omne nostrum meritum ac demeritum videtur ultimato tribui aut fato, aut casui; quia inevitabiliter contingit, actionem nostram liberam ex seipsa esse talem.

Resp. n. a. quia ordinatio rationis imputatur suo principio; juxta nos ordo appetitus rationalis est vera ordinatio mentis, quæ continuative se in omnes species ordinum dividere potest; sicut igitur ordinatio rationis ex sua essentia conjuncta est cum ratione ac mente, ita sortiuntur eandem fortunam; igitur non ideo imputatur actio libera menti, quia ab hac habet existentiam, sed ideo, quia procedit ab ea tanquam principio; licet formalis determinatio non teneat se ex parte principii, sed ex parte actionis continuative procedentis. ad Conf. n. a. quia quod ex ordinatione propriæ rationis fit, non fato, aut casu fit; verum quidem est: alio libera contingenter fit, nec habet aliud determinativum formale specificum præter seipsam; sed illa contingencia non debet nominari fatum, aut casus; quia cum ratione deliberativum; aut si abuti velis termino, dic, actionem liberam fatio, quod quisque sibi ipsi statuit, fieri.

Cæterum agnosce, quanta sit necessitas Gratiæ congruæ, quæ sola ex certa destinatione divinæ sapientiæ nos ex incertis Contingentium legibus ereptos in perpetuam divinarum ordinationum seriem stabiliter inserit.

M 3

QUE.

## QUÆSTIO XIII.

### *Quenam sit Idea Relationis & Habitus?*

**Q**uid sit Relatio causæ ad effectum, & effectus ad causam, dictum est de Idea Actionis. Hæc enim relatio nihil aliud est, quam ille ipse ordo inter causam & effectum, qui ante momentum productionis vocatur Activitas; in momento productionis actio; & post momentum productionis Relatio. Existit tam in causa, quàm in effectu, prout Idea Ordinis mutui demonstrat.

Quid sit Relatio Loci ad suum locatum, aut Relatio dextri, sinistri, propinqui, remoti &c. quæ relatio dicit situm rei; dictum est de Idea Loci. Hæc enim relatio nihil aliud est, quàm ordo rei locatæ ad aggregatum angularum extrinsecorum: & ipsa figura ac essentiam angularum extrinsecorum constituit ideam dextri, sinistri, propinqui, remoti &c.

Quid sit Relatio temporis, dictum est de Idea temporis. Hæc enim relatio nil aliud dicit, quàm diversas series causarum & effectuum cum perpetuo ordine ac respectu simultatis rerum labentium. Hic ordo ac respectus est continuus, prout obversatur menti.

Conclusio 1. Relatio Similitudinis est ordo ejusdem qualitatis ad diversa subiecta. pb. Concl. Similia intelliguntur illa subiecta, in quibus intelligitur eadem qualitas; ergo similitudo nil aliud est, quàm unio ejusdem indefinitæ qualitatis ad diversa subiecta. Conf. quando intelligo albedinem existere in duobus muris, eoipso possum dicere, hos muros esse similes; ergo per hanc denominationem murorum similitum non importatur alius conceptus, quàm albedinis secundum se indefinitæ ad duos muros unitæ.

Conf. 2. In similitudine murorum nil aliud sentio menti obversari, quàm duos muros, albedinem secundum se indivisam, & unitatem albedinis indivise ad duos muros; ergo similitudo nil aliud dicit.

Corollarium. Hinc Relatio similitudinis nec consistit in solo fundamento, & termino; nec in adæquata ratione fundandi; nec in entitate superaddita; quia concipiendo duos muros & albedinem unitam duobus muris, nondum cogito de similitudine, nisi concipiam, albedinem secundum se esse eandem ac indivisam. De tertia vero entitate nil cogito, quia non ordino duos muros ad invicem, sed tantum cogito de identitate specifica albedinis unitæ duobus muris.

Conclu-



Conclusio 2. Relatio æqualitatis est ordo ejusdem quantitatis ad diversa subiecta. pb. Concl. æqualia dicuntur, in quibus eadem est quantitas, ergo æqualitas nil aliud est, quàm ejusdem quantitatis ad diversa subiecta coordinatio.

Conclusio 3. Relatio numerorum nil aliud est, quàm relatio numerationum. pb. Concl. in rebus numeratis nil reperitur, ratione cujus unum objectum dicatur primum, aut secundum; ergo coordinatio rerum numerica est tantum denominatio extrinseca, desumpta à successione numerationum.

Corollarium. Quando numerus sequitur ordinem loci, temporis, causarum &c. tunc relatio numerica non distinguitur à relatione loci, temporis, cause &c.

Conclusio 4. Relatio totius ad partes, partium ad invicem, aut forma ad subiectum non distinguitur ab ordine, quem habent ad invicem, secundum locum, aut secundum causalitatem ad invicem. pb. Concl. in his relationibus nil sentio observari, nisi connexionem plurium ad eosdem angulos; aut ad communem existentiam, ergo nil aliud datur, nisi ista connexio seu ordo.

Conclusio 5. Habitus est ordo potentie ad actum congruis dispositionibus expedire. pb. Concl. Habitus est dispositio potentie stabilis faciliter exeundi in actum, ergo quoad rem nil aliud est, quàm ordo potentie ad actum congruis dispositionibus expedire. pb. C. quia solæ dispositiones non sunt ipsa activitas; sed ordo est activitas potentie, qui secundum diversas condiciones dispositionum actu trahit effectum. Conf. hoc ordine intellecto, intelliguntur omnia attributa, & proprietates habituum, hoc verò non intellecto, non intelliguntur; ergo in hoc consistit. Ant. pb. sic enim 1. intelligitur, quomodo per frequentatos actus acquiratur habitus, quia per actus remouentur dispositiones contrariæ, & introducuntur congruæ. 2. Quomodo habitus possit intendi & remitti; quia ordo non connectit potentiam cum actu, nisi secundum circumstantias dispositionum. 3. Quomodo habitus possit esse naturalis, aut acquisitus; quia aliquando potentie imprimitur ordo ad actum cum ipsis dispositionibus in prima ejus productione; aliquando statim in ipsa productione imprimitur potentie ordo ad actum, sed non imprimuntur dispositiones ad actum. Interdum ordo primum consequitur dispositiones; nonnunquam præcedit, ita ut accidentaliter imprimatur potentie ordo ad actum, etiam si nondum adsint dispositiones ad actum. 4. Pater, quid sit habitus naturalis, & supernaturalis ac infusus. Naturalis enim est, qui sequitur ordinem ac cursum ordinarium nature; supernaturalis est, qui datur ad actum supernaturalem. Et tales plerumque dantur à Deo sine dispositionibus ad actum; sicut habitus virtutum infusi.

infusi. 5. Colligitur distinctio habituum, quia ubi nulla datur subordinatio finium, ibi datur distinctio habituum; similiter datur eadem distinctio habituum, ubi datur diversitas potentiarum; quando verò sola datur diversitas actuum aut obsectorum, aut dispositionum; datur quidem formalis diversitas habituum, sed ii possunt continuativè esse idem.

### *Solvuntur Objectiones.*

Obj. 1. Cont. 1. Concl. quando considero duos muros similes, non sentio mihi obversari relationem ac habitudinem albedinis ad muros, sed murorum ad invicem; ergo Relatio similitudinis non est ordo qualitatis ad diversa subiecta, sed respectus subsectorum ad invicem resultans ob qualitatem. 2. Nullibi existit una ac eadem v. g. albedo, quæ possit referri ad diversos muros, ergo. 3. Non repugnat, cuilibet qualitatè esse identificatum respectum ad omnem aliam qualitatem sibi similem etsi indeterminatam, ergo id convenienter asseritur. 4. Habitis duobus muris, & adæquata ratione fundandi, v. g. duplici albedine; nemine cogitante verum est, dari similitudinem inter duos muros, ergo similitudo in his præcisè consistit. 5. Potest dari ordo ejusdem qualitatis ad diversa subiecta, quin detur similitudo, ergo. Ant. pb. potest albedo priori subiecto in nihilum redacto uniri novo; et in hoc casu non datur similitudo, quia ad non ens nulla datur relatio, ergo.

Resp. ad 1. d. quando considero duos muros similes quæ tales, n. qui sunt tales, c. quando enim considero ipsam murorum similitudinem, necesse est, ut eadem idea albi dimetiatur utrumque murum, sicque attribuat albedinem ut sic, indefinitam, ac secundum se indivisam utrique muro, ad 2. d. non existit una albedo extrinsecè spectata, c. intrinsecè spectata, n. quia albedo unius muri intrinsecè non distinguitur ab albedine alterius muri, etiamsi hæc albedo extrinsecè per duos diversa subiecta, ac duas diversas individuationes dividatur: albedo enim secundum se semper manet albedo, & nihil aliud, ubicunque sit; adeoque ubicunque sit, secundum se indefinita est, ad 3. n. a. quia eadem qualitas ad seipsam respectum habere non potest; dein non habemus idem hujus respectus; igitur eum ut possibilem affirmare non possumus. ad 4. d. verum est dari similitudinem præcisè ob rationem adæquatam fundandi. n. ob unionem albedinis ejusdem ad duos muros &c. committitur hic fallacia accidentis, quia similitudo ascribitur adæquatæ rationi fundandi, quæ hic tantum concomitantè conjuncta est cum similitudine. Saltem intellecta hæc adæquata ratione fundandi nondum eoipso intelligitur similitudo, quia possunt à me intelligi simul duo muri albi, quin cogitem de eorum similitudine; & quam-

primum



primum incipio cogitare de hac similitudine, sentio alio modo mihi obversari hos duos muros; ille alius modus non est nihil, quia est idea; & est revera ordo ejusdem qualitatis ad diversa subiecta. Ad. 5. n. 2. quia similitudo rei existentis ad rem futuram, aut præteritam, potest intelligi; igitur potest etiam dari ob conformitatem mundi realis cum mundo intellectuali; quin ex hoc confirmatur nostrum similitudinis systema, quia in hoc facillime explicatur similitudo rei existentis ad futuram aut præteritam.

Obj. 2. Cont. 2. Contcl. Sentio mihi alio modo obversari apostolos, dum cogito, eos esse duodecim; quam obversantur, dum id non cogito; ergo numerus duodenarius superaddit objecto specialem relationem; quia modus ille objectivus numeri duodenarii non est nihil. 2. ipsi actus mentis, quibus numero duodecim apostolos, non sunt intrinsecè duodecim; ergo numerus duodenarius est etiam ab ipsa numeratione distinctus. Ant. pb. possum omnes hos actus concipere, quin cogitem de eorum numero duodenario, ergo. 3. possum unico actu indivisibili numerare duodecim apostolos, & uno actu intelligere numerum duodenarium; ergo numerus non desumitur à successione numerationum. 4. unitas aliquid est, & quidem simplex ac indivisibile, ergo, omnis numerus aliquid est saltem repetita unitatis acceptio. 5. Deus scit numerum omnium rerum sine ulla numeratione, aut successione numerationum; ergo numerus ille objectivus Dei non est ipsa numeratio, sed certa unitatum relatio.

Resp. ad 1. d. sentio mihi alio modo obversari apostolos ex parte recti. n. ex parte obliqui c. 2. hæc enim denominatio extrinseca, duodecim apostoli; in recto dicit apostolos, ut substantes numerationi duodenariæ; & hinc in obliquo simul importatur ac obversatur menti numeratio apostolorum, quæ non obversatur, quando cogito de apostolis abstrahendo ab eorum numero; Hinc ille, qui vult scire numerum apostolorum, aut aliorum objectorum, incipit numerare, dein querit à seipso, quot numeraverit, ac tunc primum enunciat, se numerasse duodecim, & intuitu hujus numerationis dicit esse duodecim: igitur clarum est in mente simul obversari numerationem, dum obversatur numerus; alioquin, si numerus se teneret ex parte rei numeratæ, deberet statim cognosci ex ipso aspectu rei; nec opus esset numeratione. Dein, quis apostolorum foret subiectum istius numeri duodenarii? an accedente decimotertio statim destrueretur numerus duodenarius, cum tamen sit pars decimo tertii? ad 2. n. 2, quia numera-

tio est essentialiter ac intrinsece successiva plurium objectorum coordinatio, & eoipsū quod sit plurium coordinatio, tribuit objectis denominationem trinarii, duodenarii &c. Hinc non possum concipere numerationem, nisi concipiam numerum, seu ordinem intentionalem menti arbitrarium, quo unitates inter se connectit. Ad 3. c. 2. n. C. quia in tali tantum unico actu intelligitur integra series numerationum, & coordinatio objectorum. ad. 4. c. 2. d. C. ergo numerus est unitatum coordinatio in mente. c. extra mentem. n. licet enim unitas sit ipsa cujusque simplex essentia, aut individuatio ostendi tamen, has unitates non habere extra mentem aliam coordinationem numeralem, nisi quam illis arbitrariè mens sua numeratione tribuit. Ceterum non admitto unitatem arithmeticam, sed physicam, nempe individuationem: quid enim foret illa unitas? & quomodo ipsa unitas foret multiplex? igitur unitas non est aliud, quam quævis perfectio simplex, quæ eoipso in se una est, quod non sit alia. Ad. 5. d. Deus scit numerum sine numeratione propria. c. sine aliena. n. scit enim Deus, qualiter mentes creatae res inter se arbitrario coordinent. Dein scit Deus totam seriem entium, igitur scit Deus hocipsum, quod homines sciunt numerando; ille enim simpliciter intuitu intelligit infallibiliter omnia, nec opus habet, ut ob memoriam hæc entia speciali ordine arbitrario connectat, prout homines faciunt resumendo.

Obj. 3. Cont. 5. Concl. Habitus oriuntur, crescunt, decrescunt. & deficiunt cum ipsis dispositionibus, ergo consistunt in ipsis dispositionibus. Resp. n. 2. quia ordo ad actum dari potest sine dispositionibus; verum quidem est, ordinariè & insensu usitatore per habitum intelligi ordinem potentia ad actum congruis dispositionibus expedita; sed solæ dispositiones sine connexionione ac ordine ad effectum non possunt producere effectum:

non nego, hunc ordinem aliquando instrumentaliter competere ipsis dispositionibus, sed principaliter semper competit potentia.



QUÆ.

## Q U Æ S T I O   X I V .

### *Quænam sit Idea Compositi Naturalis?*

**C**onclusio 1. Compositum Naturale est Extensio cum ordine ad certas proprietates, combinationes, ac successiones suarum partium. Pb. Concl. Hæc idea compositi naturalis complectitur omne & solum, quod nobis obversatur in omni assignabili composito naturali corporeo, Ergo est genuina. Ant. pb. ab enumeratione: sic enim in omni composito 1. reperitur extensio. 2. reperiuntur partes aut homogeneæ, aut heterogeneæ; aut continuæ, aut contiguæ tantum. 3. reperiuntur certæ proprietates partium, nempe, figura, magnitudo, humiditas, siccitas, raritas, densitas, elasticitas, opacitas, diaphaneitas &c. 4. reperitur certa combinatio partium, aut continua, aut contigua; aut cum magnis intersitiis, ac poris, aut cum exiguis; aut regularis, aut irregularis; aut mechanica, aut simplex &c. 5. reperitur successio ac motus partium; prout in arboribus, in quibus pulsis prioribus succedunt novæ; nonnunquam partes simul cum motu mutant proprietates; nonnunquam omnino sine motu refecantur. 6. denique reperitur in materia seu Extensione Ordo ad omnes has proprietates, combinationes, successiones, ac mutationes, quia materia nullam induit proprietatem seu formam sine ordine primi ordinantis, qui ordo per causas ad effectus continua serie diffunditur. Quando autem partes suis proprietatibus ad nullum finem à primo ordinante ordinari possunt, nisi co-ordinentur in unum compositum, sicut partes hominis, ossa, nervi, caro &c. tunc clarum est, eadem ordinatione, qua partibus datur sua proprietas, dari etiam combinationem partium; & propterea in materia est idem ordo ad proprietates, & ad combinationem partium. Quia verò sæpe combinatio partium à primo ordinante intendi prudenter non potest, nisi partes illæ aliquid operentur, ac propterea moveantur, mutantur, aut propellantur; clarum est, eandem ordinationem divinam, quæ se extendit ad proprietates partium, se simul extendere non tantum ad combinationem, sed etiam ad mutationem ac successionem partium.

Corollarium. Hinc compositum naturale in multis differt ab artificiali, aut accidentali. 1. in composito naturali datur una communis om-

nium partium existentia : quia Deus non tribuit objecto existentiam , nisi iam ordinato ac expedito ad suum finem ; igitur quando datur communis plurium partium ad eundem finem ordinatio , consequitur pariter existentia communio. Econtra in compositis artificialibus , & accidentalibus partes habent separatam existentiam , quia habent diversos fines. 2. in composito naturali unio partium est naturalis , per se inrenta à natura ; quia partes talem habent habitudinem ac aptitudinem ad invicem , ut seorsim nullam habeant functionem aut finem in mundo ; & propterea à Deo non accipiunt existentiam , nisi in ordine & cum ordine ad compositum ; contra partes compositi naturalis , aut accidentalis non exigunt ex sua natura ordinari ad invicem ; quia habent seorsim suas functiones in natura , ob quod accipiunt à Deo propriam existentiam , sine ordine ad compositum. 3. Compositum naturale est manifestum Ectypon divinae providentiae ; quia in illi relucet perpetua subordinatio partium ac mediorum ad finem : tribuitur partibus sua proprietas ob dispositiones in materia praexistentes ; & ob dispositionem harum partium fit earum unio , & ob unionem partium aptam ad functiones fit motus , ac operatio ; igitur in hoc composito datur continuus ac providus ordo ad finem ; Econtra in compositis accidentalibus hic ordo non relucet ; & in compositis artificialibus proprietas materiae se habet impertinenter ad finem ab artifice intentum , aut saltem ea proprietates non est à providentia artificis.

Conclusio 2. Unio partium in composito naturali distinguitur realiter à partibus. Pb. Concl. Idea ordinis distinguitur ab idea partium , ergo unio , quae nihil aliud est , quam ordo partium , distinguitur realiter à partibus , ob separabilitatem. Ant. Pb. concipiendo quascunque partes ut eunque aptas uniri ad invicem , aut quomcunque actum primum proximum mundi tamen eisdem sentio menti observari ipsum actualem ordinem partium , ergo est alia idea ordinis.

Corollarium. Cum unio nil aliud sit quam ordo materiae ad suas proprietates , & ordo partium ad invicem , ac ad earum functiones ; potest hæc unio diversis nominibus designari. Sic 1. potest vocari Tertia Entitas , quia causat vi sua omnes perfectiones in composito existentes ; nam ordo perfectionum , juxta nos est causalitas perfectionum & mediante hoc ordine tribuitur existentia singulis perfectionibus ac partibus. Hinc 2. potest vocari intrinseca causalitas partium ad invicem ; quia mediante hoc ordine una pars est formalis ratio exigendi existentiam suarum compartium. 3. Potest vocari formalis ratio constitutiva compositi ; aut ratio formalis constitutiva Unius per se : quia per

hunc continuum ordinem compositum est, & per eundem est unum Ens per se, seu ens habens unam existentiam, cujus unitas est ex intentione ac coordinatione naturæ creatricis. 4. potest vocari Pars substantialis compositi, ut quo; quia ordine substantia est. 5. potest vocari Potentia subiectiva materię; & Potentia informativa formę: quia omnis vis, potentia, & activitas consistit formaliter in ipso ordine unius perfectionis ad aliam. 6. potest vocari Relatio partium ad invicem, resultans post unionem partium: quia juxta nos idem ordo ante momentum productionis potest vocari Activitas; in momento productionis Actio; post momentum productionis Relatio.

Conclusio 3. Individuatio compositi naturalis est ordo rei ad tales proprietates, combinationes, aut operationes partium, quarum collectio non reperitur in alio composito. Pb. Concl. hic ordo est immultiplicabilis, ergo est ipsa individuatio. Pb. Ant. in toto cumulo perfectionum possibilem non reperitur, aliud distinctivum unius rei ab alia; ergo hic ordo compositi est immultiplicabilis. Ant. pb. non sentio animo meo observari aliud distinctivum, nisi ordinem rei ad has circumstantias, aut proprietates &c. ergo aliud non datur. C. Pb. quia individuatio, aliqua saltem, nota esse debet; alioquin nihil unquam simile individuationi nobis observaretur, dum duas res per individuationem suam ab invicem discernere nitimur.

Corollarium. Hinc individuatio rei plerumque nobis accuratè nota non est; quia ignoramus omnes illas proprietates, operationes, ac circumstantias, ad quas Deus rem in ipsa ejus productione ordinare voluit; liberum enim Deo est, ad quas proprietates, aut circumstantias &c. etiam ac ordinem totius compositi alligare velit.

Conclusio 4. Essentia ac differentia specifica compositi desumitur ab Ordine stabili ad aliquam collectionem proprietatum notabiliorem. Pb. Concl. in composito nil reperitur stabile ac fixum, per quod plura individua ad unam classem entium referri, & ab omni alia classe entium separari debeant, nisi iste ordo; ergo essentia ac differentia specifica ab hoc desumi debet. Pb. Ant. quælibet pars, aut proprietas compositi tolli potest, rem nente eadem individuatione compositi; ergo nil reperitur aliud stabile ac fixum, in quo essentia ac differentia specifica constitui possit. Pb. Ant. potest in materia relinqui ordo ad quamcunque formam, etsi illa forma aut proprietas ad aliquod tempus separaretur à materia; ergo quævis pars tolli potest remanente eadem individuatione ac essentia.

Pb. 2. sæpe manente eodem composito nulla relinquitur pars, aut proprietates compositi, præter ordinem, ergo essentia, identitas, ac differentia



specifica in nulla alia re, quam illo ordine constitui debet. pb. ant. sic ex femine fit ovum, ex ovo animal; ex grano fit arbor; ex aqua nix, ex mercurio pulvis, aqua, vitrum; In his compositis non remanet ulla proprietas, Aut forma; remanet tamen idem compositum, ergo. Ant. pb. g. i. m. non observatur menti ulla permanens proprietas; ergo ad intelligendam identitatem compositi non requiritur, ut revera aliqua remaneat, adeoque sine causa asseritur remanere aliqua forma; quia etiamsi nulla observetur menti formæ aut proprietatis identitas; tamen observatur compositi identitas. Ant. quoad 2. m. patet, quia omnes hæ mutationes sunt remanente eodem ordine ac individuatione; hinc etiam nix, & mercurius ad priorem statum sensibilem redit.

Corollarium. 1. Hinc Essentia compositi naturalis manet stabilis, etiam si partes essentielles sint mutabiles ac successivæ; quia eadem res à primo ordinante ad diversas proprietates pro diversitate temporum ordinari potest, quo casu essentia seu ordo non mutatur, etiamsi mutantur partes essentielles, seu illæ partes, quas essentia compositi ad existentiam totius compositi pro aliqua temporis differentia indispensabiliter exigit, ita ut ab his partibus pro aliqua temporis differentia dependeat ordo ac existentia totius compositi.

Corollarium. 2. Hinc patet, quam sit differentia inter partem essentiali compositi, & inter accidentalem pars essentialis est, qua solâ pro aliqua temporis differentia non intellecta, non intelligitur totum, & qua intellecta, intelligitur totum. Seu, pars est, qua ablata, eoispo tollitur ordo ac existentia compositi. Cum verò nobis plerumque ignotum sit, quibus partibus Deus alligare voluerit ordinem ac existentiam compositi, etiam ignotum erit, quam pars sit essentialis, quæ accidentales; interim patet, etiam partes essentielles in composito naturali posse esse successivas.

### *Solvuntur Objectiones.*

Obj. 1. Cont. 1. Concl. compositum naturale est, quod constat materia, forma, & unione, ergo non est opus his descriptionum ambagibus. 2. potest dici, compositum physicum naturale ab artificiali per hoc differre, quod habeat principium motus ab intrinseco. ergo 3. Non dedecet divinam sapientiam ac providentiam, operari in mundo modo simplicissimo per principia mechanica, ordinando ac combinando partes materiales adinvicem, ordinatione extrinseca; ergo non constat compositum naturale differre ab artificiali, nisi ratione artificis, & ratione perfectionis compositionis.

Resp.

Respond ad 1. & 2. t. a. n. C. quia hæc descriptio compositi naturalis licet sit vera, non continet claram ac distinctam ideam. ad 3. t. a. n. C. quia primum est, operari modo intellectu longè perfectiori & præcioriori, cum juxta modum intelligendi immediate sine alio adminiculo sequatur modus existendi. Dein etiam à posteriori constat, sæpe mutari statum sensibilem compositi, quin nobis obversetur mechanismus partium; ergo sine causa asseritur mechanismus, cum obvius sit alius modus intelligendi mutationem proprietatum sensibilem, nempe intellectualis. Accedit, quod circa mechanismum occurrant multæ difficultates, quæ recensentur in physica.

Obj. 2. Cont. 2. Concl. partes compositi naturalis jam sunt ex se ipsis sufficienter determinatæ ad constituendum unum compositum, ergo non indigent unione distincta, ant. pb. hæc partes sunt sufficienter determinatæ ad producendam unionem; ergo etiam sunt sufficienter determinatæ ad constituendum unum compositum. 2. partes habentes debitam proportionem, sufficienter applicatæ, ac positis conditionibus ad agendum requisitis, possunt immediate in seipsas mutuò agere, aut communis actione producere effectum distinctum, ergo ad unitatem compositi non requiritur alia unio. 3. si in homine daretur unio inter corpus & animam, tunc illa unio simul deberet esse spiritualis ex parte animæ, & materialis ex parte corporis; at hoc repugnat, ergo. Resp. ad 1. d. partes sunt sufficienter determinatæ materialiter e. formaliter. n. quia idea partium, utcumque per modum congruæ materiæ aptarum ad unionem, non involvit ideam unionis; possunt convenienter ordinari actus ad compositum, sed non sunt ipsa coordinatio. ad 2. c. a. n. C. quia communis actio, aut mutua actio & passio nondum involvit ideam unionis in ordine ad communem existentiam; neque enim Sol, Deus, Dæmon, ær, constituunt cum homine unum compositum; etiam si agant aliquando actione communi, saltem idea unionis, & compositi naturalis, eo modo, quo à nobis proponitur, est possibilis; ergo nil repugnat, quin sit mensura ac imago compositorum naturalium, quæ Deus potuit & præsumitur creasse conformiter ad has nostras ideas; quia natura hoc nobis dicat, experientia consentit, & hoc maxime decet Deum, qui operatur modo perfectissimo. ad 3. n. maj quia juxta nos quævis perfectio secundum se nec est spiritualis, nec materialis, sed denominatur à statu, in quo ponitur: igitur unio potest esse spiritualis, ut existens in anima, & materialis ut existens in corpore, nec sequitur, propterea admittendas esse duas uniones ex se diversæ; quia illa unio in seipsam divina non est; sed tantum existit in duplici subjecto, sicut homo, qui ponitur in duplici loco, secundum humanitatem divisus non est; sed tantum existit in duplici subjecto;



ita etiam unio tantum extrinsecè per duas diversas individuationes à se distinctas in duas dividitur.

Obj. 3. Cont. 3. Concl. concipiendo duo ova omnino similia sentio animo observari diversitatem individualem, & tamen non sentio animo observari ordinem ac relationem ad diversas proprietates, aut circumstantias &c. Ergo individuatío non est aliquid relativum, sed aliquid absolutum. 2. potest Deus creare duo ova perfecte similia, eadem actione creativa, in eodem loco, ac tempore &c. ergo individuatío est quid absolutum, 3. hic ordo rei ad suas proprietates est multiplicabilis & capax recipiendi plures sunt individuationes; Ergo non est ipsa individuatío. pb. ant. hic ordo cum omni combinatione partium potest comprehensivè existerè in mente Dei, angeli &c. Ergo est multiplicabilis. 4. non potest dici, an hic ordo sit identificatus cum partibus; an verò sit realiter distinctus; an sit unus, aut multiplex &c. ergo nihil dicitur, quod funder elaram individuationis ideam. ant. pb. quia Deus ex una parte videtur unica ordinatione ordinare totum compositum; ex altera verò parte videtur unio & actio partium ab ipsis partibus esse distincta.

Resp. ad 1. n. 2. quia in talibus ovibus saltem concipio respectum diversum ad diversa loca; aut tenè separabilitatem, id est, aptitudinem ac ordinem ad diversa loca, diversos casus, actiones, passiones, causas, effectus &c. Et, quamquam hic respectus ad diversa loca pro hac vel illa differentia temporis non sit forte vera individuatío ovi; potest tamen esse vera; & ideo non incongrue substituitur verè, quæ saltem adæquatè à nobis ignoratur. ad 2. n. 2. est enim impossibile, ut eadem idea non maneat eadem, quamdiu non connectitur cum aliis diversis ideis clarè cognitis; igitur ob conformitatem mundi realis ad mundum intellectualem est impossibile, ut res non maneat eadem ac una, quamdiu non ordinatur ad diversa connotata qualiacunque &c. ad 3. d. est multiplicabilis manens in suo statu adæquato. n. in alio statu c. ordo enim comprehensivè existens in mente, est quidem idem specie ordo, ac secundum se indivisus ac indistinctus; sed in mente existit per modum partis, & per modum accidentis; in quo statu non habet se activè, sed passivè, ut mirum non sit, si in statu passivo per alium ordinem mentis individuatur: in statu tamen activo, ubi potest operari, multiplicari non potest status iste activus, & passivus Ordinis omnia individuantis impossibilis non est, quia intelligitur & observatur menti, dum ordinem respectu rerum ordinarum intelligo intrinsecè se habere activè; respectu mentis verò intelligentis passivè. ad 4. n. 2. & dico hunc ordinem quidem distinguì à partibus secundum se sumptis; sed esse divisibilem.

tem, sicut omnem aliam perfectionem relativam; & hinc secundum quid identificatur cum partibus, inquantum eas inseparabiliter sub una existentia comitatur; & hoc fit in omnibus compositis, in quibus partes simul cum unione corrumpuntur; sed in iis compositis, in quibus unio separabilis est à partibus, ut contingit in homine, unio secundum quid distinguitur à partibus; inquantum nempe post mortem una pars potencialis, prius identificata, huius ordinis perit; sicut in continuo per divisionem una pars resecatur, licet antea identificata fuerit. Quando diximus, unionem realiter esse distinctam à partibus, id in hoc sensu intelligendum est.

Obj. 4. Cont. 4. Concl. in quovis composito naturali reperitur forma substantialis, qua posita, ponitur totum, & qua sublata, tollitur totum, ergo Essentia & Differentia specifica recte constituitur in ista forma. 2. Ordo rei ad collectionem proprietatum est ipsa individuatio rei, sed ab individuatione non desumitur essentia ac differentia specifica, ergo nec desumitur ab isto ordine, maj. patet, quia differentia specifica definitur esse diversitas essentialis plusquam numerica. Resp. ad 1. d. reperitur forma substantialis divisibilis. c. indivisibilis. n. forma substantialis consistit in complexo omnium earum perfectionum hæc formarum, à quibus dependet existentia; igitur forma indivisibilis non est; quin immo, cum existentia ejusdem compositi successivè à diversis formis dependere possit, forma substantialis erit mutabilis, inquantum forma prior aut continuativè mutatur, aut inquantum priori formæ succedit alia. Cum Essentia rei sit immutabilis, & consistat in indivisibili; ea in forma substantiali utpote mutabili ac divisibili consisti non potest. Ad 2. id, est ipsa individuatio adzquatè sumpta. n. inadzquatè sumpta. c. ordo enim ad collectionem proprietatum magis notabilem præzitivè ac formaliter sumptus non est individuatio, quia non est ratio disconveniendi ab omni alio composito; licet continuativè sit idem cum individuatione. Cæterum quanta & qualis proprietatum collectio sufficiat aut requiratur ad differentiam specificam, ut plurimum dependet ab arbitrio hominum, & judicio prudentum, res in certas classes, memoriæ & claritatis gratia distribuentium. Igitur illa differentia erit specifica, quæ meretur aut certè obinet attentionem hominum res in diversas classes distribuentium. Essentia realis unius compositi ab essentia alterius semper diversa est; quia reverà tam specifica, quam individualis est composito essentialis; sed Es-

sentia Nominalis, ad quam nempe attendunt homines, in pluribus individuis eadem est, quia nempe præcise ac formaliter sumpta convenit cum essentia alterius compositi.

## Q U Æ S T I O X V.

### *Quenam sit Idea Compositi Accidental & Moralis?*

**C**onclusio 1. Compositum Accidentale est collectio contingens partium, quæ uno nomine comprehenditur. pb. Concl. hæc descriptio convenit omni & soli. ergo.]

**Corollarium.** Hinc essentia compositi accidentalis consistit in complexo partium, quo posito, ponitur denominatio, & quo sublato, tollitur denominatio: adeoque pars essentialis est, qua non posita, positis licet reliquis partibus omnibus, non ponitur denominatio; id est, intuitu cujus tribuitur composito denominatio; ac proin omne id est essentialia composito accidentali, ad quod homines in sua denominatione solent respicere; si aliquid aliud concurrat ad constitutionem compositi; ad quod tamen homines immediate non respiciunt; id habet se per modum Conditionis, proprietatis, aut accidentis. Igitur quod est essentialia composito accidentali, debet immediate obversari menti, tanquam immediatum significatum nomini; cumque significatio vocum sit amplissima, & accommodata diversissimis ideis hominum; necesse est essentiam compositi accidentalis nec uniformem, nec stabilem esse; quia homines pro suo arbitrio significato vocis aut assuunt novas ideas, aut priores tollunt; ita ut successive notabiliter sit alia vocis significatio.

**Conclusio 2.** Compositum artificiale est collectio provida partium, quæ uno nomine & sine ob ipsam conditionem operis comprehenditur. pb. Concl. Hæc descriptio convenit omni & soli, ergo.

**Corollarium.** Hinc essentia ac identitas compositi artificialis unice dependet ab unitate nominis & finis, quæ unitas iterum multum dependet ab arbitrio hominum; adeoque quantumcunque mutantur partes essentielles compositi artificialis, non eo ipso mutatur essentia ac identitas compositi; quia hæc salvatur in ordine ad unum finem & unam denominationem.

Con-

**Conclusio 3.** Compositum Morale est collectio plurium partium dependens à subordinatione voluntatis humanæ, pb. **Concl.** Hæc descriptio convenit omni & soli, ergo.

**Corollarium.** Hinc patent proprietates compositi moralis. 1. ejus unitas consistit in subordinatione voluntatis humanæ, quas omnes partes extrinsece ordinantur ad suos fines. 2. pars essentialis compositi moralis est, quam voluntas humana in sua ordinatione absolute requirit; & ad quam præsumitur immediate respicere in institutione sui compositi. 3. Sicut voluntas humana pro diversitate temporum diversas partes ad constitutionem sui compositi requirere potest; ita revera successu temporum potest idem compositum morale constare diversis partibus essentialibus; adeoque compositum morale est aliquod totum successivum, constans partibus essentialibus successivè diversis; quia, non obstante hac diversitate, salvatur identitas compositi, nempe eadem ordinatio voluntatis humanæ. 4. Sicut voluntas humana est mutabilis pro diversitate circumstantiarum, manente licet eadem intentione ac subordinatione mediorum ad finem; ita etiam essentia compositi moralis secundum quid mutari potest, quin mutetur simpliciter. Hæc mutatio tamdiu fieri potest, quamdiu voluntas humana, à qua dependet compositum, in compositum agere potest. Voluntas hæc aliquando morte volentis expirat; aliquando compositum dependet à voluntate immutabili demortui; nonnunquam voluntati demortui substituitur voluntas viventis; sic etiam, ut compositum dependeat à voluntate autoritatis publicæ, quæ nunquam moritur. 5. Identitas, aut differentia specifica compositorum moralium non debet desumi ab identitate partium essentialium, sed ab identitate voluntatis ordinantis etiam diversissimas partes ad eundem finem ultimo ab hac voluntate intentum. 6. Essentia compositi moralis non convenit singulis membris ac partibus totius compositi; quia v. g. non quivis civis est tota respublica, aut perficit omnes actiones totius respublicæ; quin nec integræ communitates sunt tota respublica; sicut partes hominis non sunt homo. 7.

Identitas ac distinctio compositorum moralium dependet ab arbitraria assumptione hominum, quia bonum publicum exigit, ut in assumptione voluntatis humanæ stetur arbitrio hominum.



Geological Society of America, Vol. 10, No. 1, 1900. Published by the American Association of Economic Geologists, New York, N. Y.

CONTENTS  
The Geology of the State of New York, by J. D. Foster, 1-100  
The Geology of the State of New York, by J. D. Foster, 101-200  
The Geology of the State of New York, by J. D. Foster, 201-300  
The Geology of the State of New York, by J. D. Foster, 301-400  
The Geology of the State of New York, by J. D. Foster, 401-500  
The Geology of the State of New York, by J. D. Foster, 501-600  
The Geology of the State of New York, by J. D. Foster, 601-700  
The Geology of the State of New York, by J. D. Foster, 701-800  
The Geology of the State of New York, by J. D. Foster, 801-900  
The Geology of the State of New York, by J. D. Foster, 901-1000

THE JOURNAL OF THE  
Geological Society of America  
Vol. 10, No. 1, 1900.  
Published by the American Association of Economic Geologists,  
New York, N. Y.

# SYSTEMA PLANETARIUM.

QUIES TERRÆ  
Adversus Copernicanos stabilita

à

R. D. Eusebio Amort, in antiquissima Ecclesia  
Pollingana Canonico Regulari Latera-  
nensi, ac Philosophiæ  
Professore.

THE  
JOURNAL OF THE  
ROYAL ANTHROPOLOGICAL INSTITUTE

VOL. LXXV. PART 1. 1945.





## PROÆMIUM.



Eleberrima & gravissima certe præsentī sæculo quæstio est, cœlumne, an terra quiescat? Quies terræ tota ferè sui mole innititur oraculo Urbani VIII, qui solenni Bullâ terram stare, & doctrinam oppositam scholis exesse iussit. Systema tamen Copernicanum non sectarii tantum, sed & Catholici Astronomi hodie sectantur plerique, nullam Scripturis ac decreto Pontificio metuentes injuriam à veritate jam demonstratâ.

Ita sane gloriuntur buccis crepantibus, qui nihil non contra quietem terræ moliuntur: audiamus hos inter præcentorem quempiam, Guilielmum, Whistonum, Anglum, hominem doctrina celebrem, impietate Ariana notiozem. Hic Prælectione Astronomica 4 in Universitate Cantabrigiensi habita 1701. sic ait: Quanta cum cura & studio in hoc negotium (Parallaxis annuæ) incubuerint

rint Copernicani, nemo dubitaverit, qui ex hac annua parallaxi annum telluris motum non persuaderi modo, sed & certò demonstrari posse agnoverit- quam quidem Parallaxin Hookii & Flamstœdii nostratium diligentia tandem aliquando in lucem protraxit, atque eo pacto Systema mundi Copernicanum non solum ab omni scrupulo liberavit, sed & omni procul dubio certum & demonstratum dedit: ita Whistonus, & alii Astronomi plerique.

Impossibile erat Romam non expergisci ad tantam jactantiam: hinc impigrè tam in Italia quam Gallia demonstrata est Flamstœdianæ demonstrationis vanitas. D. Cassinus junior jam 1699. ostendit observationes Flamstœdianas alias esse, quam oporteret in Systemate Copernicano, ut videre est in Memoriis Academiæ Regiæ Paris. 1699. & idem Professor Matheseos Romanus edito ante triennium docto problemate dicitur evicisse.

Veruntamen ex eo nondum causa Copernici propulsata est: licet enim observationes stellæ polaris Flamstœdianæ votis Copernicanorum non ad amissim responderint; eisdem tamen responderunt observationes, quæ ab Academia Regia Parisiensi circa Sirium institutæ, & 1717. in Memorias ejusdem Academiæ

miæ relatæ sunt. Ipsemet Cassinus junior vi-  
ctas tandem dare videtur manus, & ii, qui  
hactenus in Gallia Systema Copernicanum pro  
hypothesi solum vendiderunt, in reverentiam  
tantummodo decreti Pontificii id communiter  
præstiterunt, ut ex amicorum meorum quo-  
piam Parisiis Bibliothecæ non ignobili præfe-  
cto intellexi. Nec desunt in Italia, qui placi-  
ta Newtoniana, atque Systema Copernicanum  
amplectuntur. Exemplum præbet Joannes Po-  
lenus in suo opere de Vorticibus cœlestibus Pa-  
tavii edito. Omitto enarrationem aliorum li-  
bellorum in gratiam Copernicanorum liberri-  
mè prodeuntium.

Quò ergo tandem spes antiqui dogmatis  
inclinata recumbit? num prætensis demon-  
strationibus aut saltem morali evidentix ra-  
tionis solam opponemus auctoritatem Roma-  
ni decreti? At decretum istud non nititur con-  
tra evidentiam, & si aliquando Copernicani  
certiora pro insolito dogmate argumenta af-  
ferant, sponte sua fiet licitum, quod antea  
ob temeritatem ac scandalum fuerat prohi-  
bendum: ita sane colligitur ex rescripto P. Fa-  
bri S. J. Pœnitentiarii ad S. Petrum Romæ, in  
hæc verba rescribentis: Ex vestris Coryphæis  
non semel quæsitum est, utrum haberent ali-  
quam pro terræ motu demonstrationem?  
nunquam

nunquam ausi sunt id asserere: Nil igitur obstat, quin loca illa in sensu litterali Ecclesia intelligat, & intelligenda esse declaret, quamdiu nulla demonstratione contrarium evincitur, quæ si forte aliquando à vobis excogitur ( quod vix crediderim ) in hoc casu nullo modo dubitabit Ecclesia declarare, loca illa in sensu figurato, & improprio intelligenda esse, ut illud Poetæ, Terræque Urbesque recedunt. Rescriptum istud insertum est jam anno 1665. Actis Societatis Regiæ Anglicanæ Mense Junio.


Quis jam non videat, rationibus magis, quàm authoritate adversus Copernicanos agendum esse, postquam demonstratio non una tantum in vulgus ab iisdem jactata est? Ego quidem, cum in hoc studiorum genere hortis subsecivis tentarem vires meas, in systema in-  
eidi, horridum adhuc & incultum, embrioni-  
simillimum, quod si excoleretur, spectata so-  
la ratione credibile futurum sperabam, Terram  
quiescere.

Accipe igitur, Amice Lector, Systema Uni-  
versi, indigestum adhuc, at velut primi dicti  
informe opus, & serva in diem alterum. Erit  
forte, qui divinas cupideus æmulari artes

et æquæ vult condet novos cœlos  
humana manu.

SYSTE







# SYSTEMA PLANETARUM.

## Caput I.

### De Situ Planetarum.



*Terra* in medio Universi stat immobilis. Hanc ambit aër, 1  
qui ad lunam usque, altitudine 63. semidiametrorum terræ,  
extenditur.

*Luna* natat in atmosphæra terram ambientis aëris; & 2  
ideò totam atmosphæram aëris à terra ad lunam usque por-  
recti simpliciter *Atmosphæram Lunarem* voco. Hanc at-  
mosphæram lunarem circumdat alia atmosphæra subtilior, quæ ad solem  
usque, altitudine 34000. semidiametrorum terrestrium, expanditur: Sol in  
hac atmosphæra natat, ac circa terram revolvitur; hinc eandem *Atmosphæ-  
ram Solarem* nomino.

*Sol* natat in *Atmosphæra Solari*: supra hanc datur alia Atmosphæra 3  
subtilior, quæ ad Martem usque, altitudine mediocri 52000. semidiametro-  
rum terrestrium, extollitur: Mars in hac atmosphæra natat, & ideo ean-  
dem *Atmosphæram Martis* appello.

*Mars* natat in *atmosphæra Martis*: huic circumvolvitur quarta at- 4  
mosphæra tribus inferioribus longe subtilior, quæ pertingit usque ad Jovem,  
& à terra in mediocri altitudine 179259. semidiametris terrestribus eno-  
vetur. Jupiter in atmosphæra ista navigat, & ob hoc eandem *Jovis Atmo-  
sphæram* voco.

*Jupiter* natat in *atmosphæra Jovis*: hanc quinta alia atmosphæra ci 5  
cumplicetur, quatuor inferioribus atmosphæris longè subtilior; quæ, du  
ad Saturnum usque evehitur, altitudine mediocri terram 327544. semidia-  
metris terrestribus superat. Officium illius est, ut Saturnum circum terram  
deferat; & ideo eandem *Atmosphæram Saturni* voco.

B

Satur-



- 6 *Saturnus* natat in *atmosfera Saturni*: huic circumducitur alia *atmosfera* adhuc subtilior, quæ ab *atmosfera Saturni* usque ad *stellas fixas* per immensa spacia extenditur: in eadem vagantur ac deferuntur *Cometæ*, & ob hoc *atmosfera Cometarum* dici potest.
- 7 *Cometæ* natant in *atmosfera Cometarum* ordine sextâ. Post hanc sequuntur plures alie *atmosphære*, quæ & subtilitate differunt, & situ secundum diversam à terra distantiam à se invicem distinguuntur. In iisdem devehuntur circa terram *stellæ fixæ*, & ob hoc uno nomine, *Atmosphæra stellarum*, omnes simul comprehendi possunt.
- 8 *Stellæ fixæ* natant in *atmosfera stellarum* ordine septima. Hanc denique ambit *atmosfera octava*, omnium subtilissima; quæ, dum motu suo rapidissimo circa terram quotidie revolvitur, simul inferioribus *atmosphæris* motum imperitur; & ob hoc *atmosphæram* hanc octavam *Primum Mobile* nomino.
- 9 *Cælum Empyream* collocatur supra *atmosphæram Primi Mobilis*; estque immobile.
- 10 *Planeta secundarii* sunt undecim, nempe *Mercurius* & *Venus*, qui moventur circum *Solem*; quatuor satellites *Jovis*, qui gyrauntur circum *Jovem*; quinque satellites *Saturni*, qui revolvuntur circum *Saturnum*. Omnes hi *Planetæ* natant in *atmosphæris propriis*, quibus nomen suum imponunt.
- 11 *Mercurius* proin natat in *atmosfera Mercurii*, seu *atmosfera illa*, quæ à sole ad *Mercurium* in distantia 19000. semidiametrorum terrestrium extenditur; eadem *Solem* ambit, sicut *atmosfera nostri aëris* ambit terram. Sicut tamen *atmosphæram aëris* seu *Lunarem* ambit *atmosfera subtilior*, nempe *Solaris*, ita etiam *atmosphæram Mercurii* ambit alia *atmosfera subtilior*, in qua circum *Solem* revolvitur *Venus*, & quæ ob hoc ipsum vocetur *atmosfera Veneris*.
- 12 *Venus* natat in *atmosfera Veneris*, quæ à sole usque ad *Venerem* in distantia 24800. semidiametrorum terrestrium porrigitur.
- Quatuor Satellites Jovis* natant in totidem *atmosphæris circumjovialibus*, densitate ac raritate diversis, quarum à *Jove* distantia tanta est, quantæ est ipsorum satellitum. Est autem in diametris 24. distantia Satellitis

1.	2. $\frac{1}{2}$	diam: Jovis
2.	4. $\frac{1}{4}$	
3.	7. $\frac{1}{2}$	
4.	12. $\frac{1}{2}$	

In semidiametris terræ verò est illa distantia

Satellitibus	1.	166.
	2.	249.
	3.	388.
	4.	884.

Quinque Satellites Saturni natant in eodém atmosphæris circumfatur. 14  
niis, densitate ac raritate inter se diversis, quarum à Saturno distantia tanta  
est, quanta est ipsorum satellitum. Ea verò in diametris annuli circumfatur  
est in Satellite

1.	12.
2.	1. $\frac{1}{2}$
3.	1. $\frac{1}{4}$
4.	4. —
5.	12. —

Eadem distantia in semidiametris terræ est in

Satellite	1.	90.
	2.	112.
	3.	150.
	4.	364.
	5.	904.

## Caput 2.

### De Atmosphæris Planetarum.

**I**N atmosphæris Planetarum tria considero; 1. earum naturam, nempe  
raritatem, densitatem, subtilitatem, fluiditatem, elasticitatem, volubili-  
tatem, resistentiam &c. 2. Earum figuram Ellipticam. 3. Earum  
Excentricitatem.

Dico 1. Atmosphæram quæcumque superiorem eam habere propor-  
tionem ad atmosphæram inferiorem, quam habet aer ad aquam. Hinc at-  
mosphæra Solaris tantundem raritate, subtilitate, levitate, fluiditate, elasti-  
citate &c. superat atmosphæram lunarem, quantum aer raritate, fluidita-  
te &c. superat aquam: idem debet dici de atmosphæra Martis respectu at-  
mosphære solaris, & de atmosphæra Jovis respectu atmosphære Martis; &  
&c. de aliis. Quanquam etiam alia minor proportio statui posset,

- 3 Dico 2. Atmosphaera Lunarís habet figuram Ellipticam, ea lege, ut in foco Ellipseos inferiore posita sit terra; in foco vero superiore positum sit centrum atmosphaeræ lunaris, in quod omnes partes atmosphaeræ lunaris nisi perpetuo gravitent accendant. Officium hujus centri est, ut in illo omnes partes atmosphaeræ lunaris æquilibrentur, & mediante æquilibrio à dissolutione præserventur.
- 4 Dico 3. Atmosphaera solaris habet figuram Ellipticam, ea lege, ut in foco Ellipseos inferiore posita sit atmosphaera lunaris; in foco vero superiore positum sit centrum atmosphaeræ solaris, in quod omnes partes atmosphaeræ solaris nisi perpetuo gravitent; centrum hoc omnes partes massæ fluidæ in æquilibrio, totamque atmosphaeram solarem à dissolutione conservat.
- 5 Dico 4. Atmosphaeram Martis, Jovis, & Saturni eadem lege, eodem sine esse Ellipticam. Itaque in foco inferiore atmosphaeræ Ellipticæ Martis posita est atmosphaera solaris cum omnibus suis partibus à se contentis; in foco vero superiore collocatum est centrum atmosphaeræ Martis, in quod omnes massæ illius fluidæ partes æquilibrantur. Similiter in foco inferiore atmosphaera Martis; & in foco inferiore atmosphaeræ Ellipticæ Saturni posita est atmosphaera Jovis; in foco vero superiore semper constituitur centrum cujusque atmosphaeræ.
- 6 Dico 5. Atmosphaeras Planetarum, quo propiores sunt primo mobili, eo magis accedere ad figuram circulearem; ob majorem fluiditatem suarum partium.
- 7 Dico 6. Centrum atmosphaeræ lunaris à terra distare  $7\frac{1}{2}$  semidiametris terræ. Cum enim excentricitas lunæ in partibus Radii 100000. sit 6343. fiet; ut se habet 106343. distantia ☾ à ☉ in partibus radii : ad 63. Distantiam maximam ☾ à ☉ in semidiametris ☉ : ita 6343. Excentricitas in partibus radii : ad 3.  $\frac{1}{2}$  Excentricitatem in partibus semidiametrorum ☉ adeoque distantia focorum erit 7.  $\frac{1}{2}$  semidiametrorum ☉.
- 8 Dico 7. Centrum atmosphaeræ solaris à centro ☉ distare 3240. semidiametris terræ; ab atmosphaera lunari vero id distare 1077. semidiametris ☉. Cum enim Excentricitas solis in partibus Radii 100000. sit 1658. dicere poteris :
- Ut se habet distantia ☉ à ☉. = 101658.  
 Ad distantiam maximam in semid.: 35000.  
 Ita Excentricitas in Part : radii, = 1658.  
 Ad Excent. in semid : ☉. = 120. quæ  
 duplicata dat distantiam focorum.

Dico

Dico 8. Centrum atmosphæræ Martis removetur ab atmosphærâ 9 Veneris ad summum 2000. semidiametris  $\ominus$ .

Univerſim focorum ſuperiorum ſeu centrorum ab atmosphærâ infe-<sup>10</sup> riori diſtantiâ decreſcit in proportione ad diametrum atmosphæræ maximam.

Hinc diſtantiâ centri in atmosphærâ lunari eſt	$7\frac{1}{2}$	—	$\frac{1}{2}$
In atmosphærâ ſolari eſt	118	—	
In atmosphærâ Martis eſt	1077	—	$\frac{7}{25}$
In atmosphærâ Jovis eſt	4000	—	$\frac{1}{25}$
In atmosphærâ Saturni eſt	6000	—	$\frac{1}{25}$

Dico 10. Atmosphæra cujuſlibet Planetæ deſcribitur è duobus focus; <sup>11</sup> quorum ſuperior exiſtit in centro atmosphæræ deſcribendæ; alter verò focus inferior exiſtit in medio atmosphæræ inferioris. Hinc atmosphæra Martis habet ſuum focus inferiorem in medio atmosphæræ ſolaris, nempe in diſtantiâ 15000. ſemidiametrorum terreſtrium, ſi totus atmosphæræ ſolaris axis major ponatur habere 40000 ſemidiametros terræ; & maxima ſolis à terra diſtantiâ ponatur eſſe 35000. ſemid.  $\ominus$ .

Hinc in atmosphæra cujuſlibet Planetæ poterit inveniri proportio in-<sup>12</sup> ter axem majorem & minorem; & æquationes Planetarum ſuperiorum reperientur aliquantum diverſæ ab iis, quæ hæcenus Excentricitati uſitatæ parum feliciter ſuperſtructæ ſunt: licet enim æquationes uſitatæ ſatis cælo conformes ſint, eædem tamen conformes non ſunt receptæ Excentricitati, ut vel è ſolis æquationibus lunæ intelligi poteſt.

## Caput 3.

### *De Motu Raptûs Planetarum.*

**P**rimum mobile movetur ab oriente in occidentem, & intra 24. horarum ſpatium totum ſuum curſum peragit; ſimulque omnes reliquas atmosphæras ſecum rapiendo circumagitur. Id fit partim, quia ſubtiliſſimæ materia primi mobilis omnes atmosphæras penetrat, eandemque motu ſuo ad motum ſtimulat; partim verò, quia atmosphæræ ſibi tam arcte invicem incumbunt, ut nequeat moveri ſuperior, quin moveatur ſimul inferior. Optime hunc motum raptûs exhibent diverſi liquores v. g. aqua &

B 3

oleum,

oleum, amplo rotundo vasi immissi : fieri enim non potest, ut circumagatur liquor à centro remotior, quin simul liquor centro viciniior abripiatur.

- 2 Atmosphæræ Planetarum non assequuntur motum Primi mobilis : adeoque serius post revolutionem ad idem punctum revertuntur.

- 3 Atmosphæræ Planetarum, quo viciniiores sunt centro, eò tardius assequuntur motum primi mobilis ; quò verò primo mobili sunt viciniiores, eò magis assequuntur motum Primi mobilis. Id fit partim, quia atmosphæræ inferiores sunt crassiores, adeoque ad motum ineptiores ; partim verò, quia subtilis materia primi mobilis, quæ omnes atmosphæras penetrando easdem ad motum stimulat, minori quantitate distribuitur in atmosphæras inferiores, quàm superiores. Veritas assertionis non solum patet ex mechanicis, ubi virtus motrix, quò vicinius applicatur centro, eò majorem invenit resistenciam ; sed etiam ex legibus fluidorum, v. g. fluminum, quorum partes superiores velocius moventur, quàm inferiores. Et exhiberi insuper potest in diversis liquoribus circa idem centrum circumactis.

- 4 Hinc Planetæ in atmosphæris natantes, dum non assequuntur motum primi mobilis, videntur moveri ab occidente in orientem.

- 5 Motus Planetarum in atmosphæris natantium ab occidente in orientem cæteris paribus est proportionalis distantis Planetarum à centro terræ, aut primo mobili in densitatem ejusvis atmosphæræ ductis. Sensus est, quod motus Planetarum in orientem eo sit minor, quo minor est illorum distantia à primo mobili, & quo major atmosphæræ subtilitas ; ita tamen ut massa totius atmosphæræ multiplicetur per distantiam, & tres illi factores, nempe distantia, densitas, & massa prius ante multiplicationem eleventur ad diversas dignitates, ob inæqualem vim,

- 6 Hinc motus diurnus versus orientem est in stellis.

	°	'	"	'''
h.	—.	—.	—.	9.
24.	—.	2.	1.	—
♂.	—.	4.	59.	
♀.	—.	31.	27.	
♂.	—.	59.	8.	
♂.	13.	10.	35.	

- 7 Similiter in Planetis secundariis eo tardior est revolutio circa Planetam primum, quo major est illorum à Planeta primario distantia, in densitatem atmosphæræ suæ ducta.

Hinc

		dies	H			
Hinc revolutio	8. fit.	87.	21.	14.	24.	8
	Q.	214.	17.	44.	55.	
Satellitum 21	1.	1.	18.	28.	36.	
	2.	3.	13.	17.	14.	
	3.	7.	3.	19.	39.	
	4.	16.	18.	5.	7.	
Satellitum 15	1.	1.	21.	18.	31.	
	2.	2.	17.	41.	27.	
	3.	4.	13.	47.	16.	
	4.	15.	22.	41.	11.	
	5.	79.	7.	53.	57.	

An verò quadrata temporum se habeant, ut cubi distantiarum in re-  
volutionibus Planetarum, tunc affirmari non potest, saltem respectu Plane-  
tarum circa diversa centra revolvendum v. g. satellitum 15. 21. 8. Q.

Hoc solum adhuc observo, Planetis in sua atmosphæra velocius se.  
qui motum primi mobilis, quàm ipsam atmosphæram, in qua deferuntur;  
quia cum sint densioris consistentiæ, & in fluido rariore se navigent, eò  
fortius recipiunt impetum subtilis materiæ atque atmosphære supra se præ-  
terfluentis.

Hinc, quo Planetæ molis, aut densitatis majoris sunt, eò cæteris pa-  
ribus sequuntur promptius motum primi mobilis. Ex quo manifestum sit,  
ad solam distantiam Planetarum à centro communi attendi non posse, dum  
de illorum periodicis revolutionibus agitur.

## Caput 4.

### *De Motu vertiginis Planetarum.*

**J**upiter, Mars, Sol, & Venus moventur circa axem proprium ab occi-  
dente in orientem. Ratio est, quia Planeta instar globi lignei dimidia  
sui parte atmosphære inferiori immergitur: dimidia verò sui parte at-  
mosphære superiori inseritur: dum igitur atmosphæra superior, promptius  
sequendo motum primi mobilis, velocius transit, quàm atmosphæra infe-  
rior; Planetam, instar trochleæ, cui superiore parte applicatur, circumvol-  
vit.

vit. Cumque attractio ab atmosphæra superiori facta tendat in occidentem, necesse est, ut revolutio Planetæ, tanquam trochleæ, fiat in partem oppositam, nempe in orientem.

- 2 Atmosphæra Planetarum secundariorum moventur simili motu vertiginis ab occidente in orientem. Dum enim omnes hæ atmosphære dimidia sui parte immerguntur atmosphære inferiori, densiori; dimidia verò sui parte inferuntur atmosphære superiori pariter ab atmosphæra superiori versus occidentem celerius transeunte attrahuntur, ac instar trochleæ circumvolvuntur.
- 3 Hinc revolutiones periodice satellitum Saturni & Jovis; item, Mercurii, & Veneris magis dependent ac metiendæ sunt ex motu vertiginis atmosphære suæ, quam à viribus centripetis, aut centrifugis.
- 4 Quilibet Planeta, aut atmosphæra eò promptius ac celerius peragit motum vertiginis, quò longius inferitur atmosphære superiori; aut quò motus atmosphære superioris est fortior, aut quò attractio atmosphære superioris immediatius ac efficacius applicatur; aut quò minor est tenacitas; ac resistentia atmosphære inferioris.
- 5 Hinc atmosphæra ultimi satellitis in Saturno & Jove motu vertiginis cædus peragit revolutionem suam, quam atmosphæra quolibet interioris satellitis; & atmosphæra Veneris respectivo tardius motu vertiginis evolvit peripheriam suam, quàm Mercurius: quia ob subtilitatem atmosphære exterioris attractio minores habet vires, partibus non tam firmiter coherentibus, & resistentia atmosphære inferioris evadit magis sensibilis.
- 6 Ex complicatione omnium prædictarum conditionum ad motum vertiginis, fit; ut motus vertiginis absolvetur

		diebus	H	1
in	♂.	—.	9.	6.
	♂.	—.	24.	40.
	⊙.	27.	—.	—.
	♀.	—.	24.	—.

- 7 Potest etiam fieri; ut ad motum vertiginis atque attractionis multum contribuat asperitas partium, magnitudo corporis gyrantis, ac densitas, ob quorum ex parte defectum Saturnus, Mercurius, & Luna forte non moventur motu vertiginis saltem periodico ac totali, licet librationes mensuræ lunares in hanc causam referri possint. Accedit, quod crassities atmosphære lunaris potissimum impedit, ne à remisso subtilis materiæ & atmosphære solaris impetu revolvatur circa axem proprium.

Caput



## Caput 5.

### *De Apogeo, & Perigeo Planetarum.*

**A**pogeu[m] voco illud cujusvis atmosphære Planetariæ punctum, quod linea à terra vel planeta primario per centrum atmosphære ducta ad peripheriam determinat; Punctum verò apogeo è diametro oppositum Perigeum voco.

In Apogeo per se maxima est cujusvis Planetæ à terra distantia. Ratio est, quia, dum partes atmosphære in centrum suum conflunt, vehementi tali partium affluxu atmosphæra ex illa parte distenditur, & Planeta cum atmosphæra simul attollitur.

Univerſim ibi maxima est Planetæ à terris distantia, ubi maxima est atmosphære Planetariæ rarefactio. Ratio est, quia omnes atmosphære, quo subtiliores sunt, eò magis rarefactioni subjectæ sunt; cum igitur atmosphæra nostri aëris per rarefactionem secum vapores & nubes ad majorem altitudinem attollat, idem de atmosphæris Planetarum cogitandum est.

Hinc maxima cujusvis Planetæ superioris distantia est in conjunctione cum sole. Quia ob viciniam solis atmosphæra Planetarum per rarefactionem tunc distenditur, atque cum Planeta attollitur.

Distantia verò Planetarum superiorum omnium maxima fit, quando Planeta in suo apogeo cum sole conjugatur: Quia in hoc casu ex duplici capite augeatur distantia Planetæ, nempe ex rarefactione atmosphære ob viciniam solis, & ex affluxu partium ad suum centrum.

Apogeu[m] Planetarum movetur ab occidente in orientem: Quia centrum cujuslibet atmosphære ob compressionem partium ibi confluentium densius est ceteris suæ atmosphære partibus, & ideo difficilius sequitur motum primi mobilis. Nec obstat, quod alia corpora, quo densiora sunt, & facilius recipiant impetum primi mobilis, ac celerius sequantur primum mobile: id enim solum verum est de corporibus liberrimè in fluido rariori se natantibus, quale corpus non est centrum atmosphære seu apogeu[m].

Hinc fit, ut apogea Planetarum, quo densiora sunt, & quò magis distant à primo mobili, eo difficilius sequantur motum primi

C

mobilia,

mobilis, aut motum atmosphære lux. Et propterea fit, ut motus annuus apogei in orientem respectu atmosphære lux fit

in	C.	1.	10.	30.	51.
☉.	—.	—.	—.	—.	50.
☿.	—.	—.	—.	1.	7.
♂.	—.	—.	—.	1.	34.
♂.	—.	—.	—.	1.	22.

- 8 Apogœum lunare maximam à terra habet distantiam in Syzygiis; & quo Syzygiis propior est, eò major est apogei lunaris à terris distantia. Ratio est, quia prope Syzygias major est atmosphære lunaris rarefactio, facta à radiis solaribus directis. Nec obstat, quod in oppositione solis videatur minor esse rarefactio; quia respectu radiorum solarium differentia illa, non excedens 112. semidiametros terræ, quæ intercedit inter conjunctionem & oppositionem, habetur pro exigua.

- 9 Hinc nulla est necessitas fingendi, Apogœum lunare à Syzygiis ad octantes progredi, ab octantibus verò regredi: Quia idem præstat atmosphære lunaris rarefactio, Planetam attollendo; quod præstat apogei progressio, aut regressio. Accedit, quod apogei progressio aut regressio non conveniat cum tabulis æquationum probatoribus.

- 10 Nemo tamen non videt, anomalias lunæ, quæ hæcenus nullis paruerunt astronomorum legibus, dependere à complicatione causarum, in systemate physico atmosphære lunaris concurrentium.

- 11 Distantia solis à terra non tam dependet ab assensu ad apogœum, quam à rarefactione atmosphære solaris, quæ ubique solem sequitur. Nam, si atmosphæra solaris non rarefieret in suo perigeo, sol existens in perigeo vix distaret à terra 3000. semidiametris terræ, supposito, quod ipse Mars, dum est in oppositione, à

terra solum distet 13000. semidiametris terræ.



Caput

## Caput 6.

### *De Progressione, Statione; ac Retrogradatione Planetarum.*

**I**Nter præcipuas Superiorum Planetarum anomalias sunt Statio, 1 Retrogradatio ac vicinia ad terram, quæ nunquam contingunt, nisi in oppositione ad solem.

Mars, Jupiter, & Saturnus fiunt retrogradi circa oppositionem 2 ad solem. Causa hujus effectus est sola refraçtio radiorum solarium, qui, dum ex atmosphæra solari iustar torrentis subtilissimi prorumpunt in atmosphæram Martis, refringuntur, ac colliguntur in conum radiosum. Idem fit, quando radii solares ex atmosphæra Martis transeunt in atmosphæram Jovis, aut ex atmosphæra Jovis in atmosphæram Saturni, quia tali in casu radii transeunt è medio densiori in medium rariius. Conus iste radiosus tantum formatur ex oppositione solis; quia ex parte conjunctionis Sol tanquàm in centro cujusvis atmosphære Planetariæ spectari potest. Dico proin, Planetam Martis, Jovis, aut Saturni ad talem conum radiosum delatum regressurum. Ratio est, quia conus iste radiosus constat ex subtilissima materia, adeoque, dum in illa Planetæ navigant, facilius assequuntur motum primi mobilis, hoc est, regrediuntur.

Saturnus diutius est retrogradus, quàm Jupiter, & Jupiter diutius est retrogradus, quàm Mars; Saturnus enim retrogradus est diebus 140, Jupiter diebus 120, Mars diebus 73. Ratio est, quia conus radiosus ex atmosphæra Jovis prorumpens in atmosphæram Saturni majoris est diametri, quàm conus radiosus prorumpens ex atmosphæra Martis in atmosphæram Jovis; & hic majoris est diametri, quàm conus radiosus profluens ex atmosphæra solari in atmosphæram Martis. Adeoque sicut luna transeundo per conum umbræ terræ majoris diametri diutius obscuratur, ita etiam Planetæ transeundo per conum radiosum majoris diametri diutius manent in statu facilius assequendi impressionem primi mobilis, & consequenter diutius regrediuntur.

Mars, Jupiter, & Saturnus, dum incipiunt & desinunt esse retrogradi, fiunt stationarii. Ratio est, quia circa latera cóni radiosi

radii nondum sunt tam collecti, quàm circa medium; adeoque licet concilient Planetæ aliquam facilitatem sequendi impressionem primi mobilis ob aliquam raritatem ac subtilitatem fluidi; ea tamen facilitas tanta non est, ut prævaleat. Hinc Planeta videtur stare, eo quod nec progrediatur motu proprio liberè ob subtilitatem materiæ, nec omnino cedat impressioni primi mobilis.

5 Saturnus fit stationarius in distantia à sole quadrante paulo majore: Jupiter in distantia circiter 120. graduum: Mars verò in distantia longe majore. Ratio est, quia atmosphæra Saturni situm habet altiolem; adeoque etiam radii solares citius incidunt in limbum inferiorem; hinc sicut citius incurrunt in limbum respectivè convexiorem, ita etiam citius refringuntur. Cum igitur conus radiosus ex atmosphæra Jovis prorumpens in atmosphæram Saturnio incipiat in distantia ad solem respectivè ad terram paulò majore, mirum non est, quod in illa distantia jam incipiat statio Planetarum. Et eadem ratio est stationis ex altera parte, dum Planeta ab oppositione pergit ad conjunctionem.

6 Saturnus fit stationarius diebus 8. Jupiter diebus 4. Mars diebus 2. Ratio est, quia in cono radioso atmosphære remotioris versus latera radii non tam cito colliguntur, sicut in cono radioso atmosphære inferioris: hinc quia in cono atmosphære superioris non tam cito crescit raritas ac subtilitas torrentis conici radiosus, ideo etiam non tam cito augetur facilitas sequendi impressionem primi mobilis, & consequenter diutius planeta stat.

7 Retrogradatio Martis, Jovis, & Saturni omnium velocissima est in oppositione. Ratio est, quia in oppositione radii sunt magis collecti, adeoque ibi datur major fluidi subtilitas & facilitas sequendi impressionem primi mobilis.

8 Directio Martis, Jovis, & Saturni in conjunctione est velocissima. Ratio est, quia motus partium cujusvis atmosphære ab oriente in occidentem tardissimus est circa conjunctionem; adeoque eo major erit motus Planetæ ab occidente in orientem. Quod autem motus partium cujusvis atmosphære in conjunctione tardissimus sit, constat ex legibus motuum in fluidis; ex his enim constat, fluidum, quod movetur per se motu æquabili circa commune centrum, eo moveri velocius, quo viæ, per quas transit, angustiores sunt; id verò eo moveri tardius, quo viæ sunt ampliores. Cum igitur circa conjunctionem ob rarefactionem vicini solis plurimum spatii detur  
fluido

fluida cujuslibet atmosphære, etiam motus in orientem eo tardior erit, & motus in occidentem respectivè celerior.

Saturnus per minorem arcum regreditur, quam Jupiter; & Jupiter per minorem arcum regreditur, quam Mars. Ratio est, quia licet conus radiosus citius attingat Saturnum, quam Jovem, nempe in distantia à sole quadrante paulo majore, adeoque Saturnus transire debeat per conum radiosum, cujus diameter est fere 180. graduum, non tamen propterea Saturnus transibit arcum 180. graduum; quia Saturnus non transit per conum radiosum immotum; sed conus radiosus transit per Saturnum, aut immotum, aut nonnisi per aliquot gradus promotum. Licet igitur conus radiosus æquali tempore transeat per Martem, Jovem & Saturnum, postquam illos semel attigerit, non tamen interea tres illi Planetæ motu proprio vel directo vel retrogrado conficiunt æquale spatium. Interim tamen verum est, Saturnum diutius esse retrogradum, quam Jovem, quia citius involvitur cono radiofo ex atmosphæra Jovis prorumpente, quam Jupiter involvatur cono radiofo ex atmosphæra Martis profluente.

Planetæ in oppositione sunt terræ viciniores.				10
Distantia minima	$\text{♂}$ . à $\ominus$	est	13668.	
Semidiametrorum terræ	$\text{♂}$ .	est	136268.	
	$\text{♂}$ .	est	274532.	

Ratio est, quia omnes atmosphære ex opposito solis immaniter condensantur, adeoque dum in angustissimum spatium cœcunt, etiam Planetæ ad terram propius accedunt. Posset etiam dici, Planetam ad conum radiosum delatum subito profundè mergi, sicut navis oneraria ex aquis marinis in aquas subtiliores fluminum delata.

Hinc adverto, necesse non esse, ut atmosphæra Martis fecet 11 atmosphæram Solis. Licet enim distantia minima Solis à terra in semidiametris terræ sit 33759. e contra distantia minima Martis tantum sit 13668. id tamen sine omni intersectione atmosphærarum fieri potest. Cum enim atmosphæra solis ex opposito solis partim ob condensationem, partim ob copiosum refluxum versus solem facillimè altitudinis suæ amittere possit  $\frac{1}{4}$  tas partes, altitudo atmosphære solaris ex opposito solis tantum erit 8000. semidiametrorum  $\ominus$ . Igitur ob eandem causam diminuta altitudine atmosphære Martis, nempe ad altitudinem 5000. semid.  $\ominus$ . licet distantia minima Martis 13000. semid.  $\ominus$ .

- 12 Mercurius & Venus fiunt retrogradi circa conjunctionem cum sole: idem fiunt stationarii & directi. Sed horum phenomenonorum ratio æque in nostro systemate ex optica repeti potest, ac in systemate Copernicano, ut consideranti patet.
- 13 Id solum adverto, ad anomalias motuum in Venere & Mercurio multum conferre posse transitum eorum ex atmosphæra solari in atmosphæram Martis: licet enim in propriis suis atmosphæris revolvantur, facile tamen fieri potest, ut ob raritatem vel densitatem vicinæ atmosphære facilius aut difficilius motum primi mobilis assumentur. Actio etiam lucis in cono radioso vel ope pressionis, vel attractionis, vel refractionis multum confert ad anomaliam Planetarum superiorum.

## Caput 7.

### *De motu Planetarum in Latitudinem.*

- 1 **L**atitudo Planetarum, excepto Saturno, eo major est, quo sunt terræ viciniore: nam latitudo Saturni est
- |             |     |     |     |
|-------------|-----|-----|-----|
|             | o   | /   | //  |
| Saturni est | 26. | 2.  | 30. |
| Jovis       | 24. | 48. | 20. |
| Martis      | 25. | 20. | —   |
| Solis       | 23. | 29. | —   |
| Lunæ        | 28. | 47. | —   |

- 2 Ratio est, quia circa æquatorem à summo cælorum usque ad terram pertransit omnes Planetarum atmosphæras torrens subtilissimæ materiæ; latitudo hujus torrentis physicè quidem decrescit in atmosphæris inferioribus ob decrementum partium, & refractiones, quas subit à convexitate cujuslibet atmosphære; optice tamen crescit ob viciniam, in qua sub majori angulo cernitur. Si quæras, ex quo fonte hic torrens scaturiat? dico eundem oriri ex motu rapidissimo totius nostri universi circa æquatorem; necesse igitur est, ut omnes partes subtilissimæ tam in primo mobili, quam in reliquis atmosphæris versus æquatorem confluant; cumque materia illa subtilissima, ac circa æquatorem rapidissima è primo mobilis in atmosphæram

sphæram stellarum, ac exinde in alias inferiores atmosphæras irruat, perpetuus torrens circa æquatorem nascitur. Idea hujus torrentis habetur in lapide coticulari, aquâ perfuso; lapide enim motu rapidissimo circumacto aqua magna sui parte versus medium segmenti sphærici confluit.

Latitudo Saturni major est, quam latitudo Jovis: quia in atmosphæra Saturni latitudo torrentis physicè quidem major est ob materiæ subtilis abundantiam, minoremque convexitatem minor reflectio; latitudo verò visa ob nimiam distantiam non multò minor. Constat enim differentiam magnitudinum visam non esse proportionalem distantis.

Omnes Planetæ moventur ab uno limite ad alterum; idque reciprocatione perpetua. Ratio est, quia torrens subtilis materiæ per æquatorem ad certam latitudinem utrinque diffusus, utrinque invenit materiam densiorem, velut gemina littora. Quando igitur Planetæ ad littora ista appellantur, à virtute elastica densioris hujus materiæ subito versus litus oppositum repelluntur; dumque Planeta ad litus oppositum appellitur, eodem modo reciprocatione perpetua repellitur. Neque necesse est in hac reciprocatione admittere fundamenta motus perpetui, quia littora identidem acquirunt novam repellendi vim à motu laterali subtilis materiæ, à quo in fluctuatione perpetua derivantur. Sicut proin frustum ligni in stagno ventis agitato perpetuò ad litus appellitur, & ab eodem iterum ad certam distantiam repellitur; ita etiam Planeta tamdiu repellitur ab uno limite ad alterum, quamdiu fluctuatio limitum à motu laterali subtilis materiæ conservatur.

Planetæ, dum moventur ab uno limite ad alterum; non moventur linea recta, sed describunt lineam circularem. Ratio est, quia Planeta, dum rectâ viâ astitit ab uno limite pergere ad alterum, simul à motu primi mobilis abripitur ab oriente in occidentem; cumque constet ex legibus motuum, corpus viribus normaliter oppositis motum describere diagonalem, necesse est, etiam Planetam ingredi mediam inter duos illos motus, quorum unus est ab austro in septentrionem, alter ab oriente in occidentem.

Revolv-



- 6 Revolutio Planetarum inferiorum ab uno limite ad alterum est celerior, quàm superiorum: Nam motus periodicus

Lunæ est dies	27.	H.	7.	43.	8.
Solis	365.		5.	49.	
Martis. A. 1.	321.		23.	31.	
Jovis. A. 11.	317.		14.	49.	
Saturni. A. 29.	174.		4.	18.	

- 7 Ratio est, quia in Planetis superioribus spatium percurrendum majus est; actio verò limitum ob minorem densitatem remissior; insuper motus ab oriente in occidentem vehementior, qui impedit, ne diagonalis cum adverso tam citò concurrat.

- 8 Altera ratio tam latitudinis, quàm revolutionis Planetarum ab uno limite ad alterum posset desumi à motu Pendulorum; constat enim Pendula ascendere ad eandem altitudinem, è qua deciderunt, nisi inquantum ab elasticitate aeris prohibentur; constat etiam, Pendula, quo longiora sunt, oscillationes peragere è tardiores; oscillationes econtra Pendulorum è esse celeriores, quo sunt ipsa breviora. Dico proin, nil impedire, quin Planetam concipiam instar Penduli, eo quod à viribus centripetis suspendantur è suo centro; à viribus verò centrifugis, sicut lapis gravitate sua tendit ad centrum, Planetæ nitantur recedere à centro. Igitur necesse erit, ut Planetæ superiores tanquam longiora Pendula oscillationes suas ab uno limite ad alterum absolvant tardius, quàm Planetæ inferiores, utpote Pendula breviora.

- 9 Latitudo Lunæ crescit in conjunctione & oppositione Solis ad Nodos Lunares. Ratio est, quia Sol rarefaciendo semitam Lunæ auget vires motrices, quibus Luna movetur ab uno limite ad alterum; & ideo prævalentibus his viribus diagonalis magis recedit ab æquatore: quàmprimùm verò vires motrices, quibus Luna movetur ab oriente in occidentem, denuò crescunt, diagonalis, quam Luna motu composito describit, magis inclinatur in æquatorem.

- 10 Nodi omnium Planetarum moventur in consequentia. Ratio est, quia diagonalis, quam describit Planeta intra suos limites, oritur ex viribus motricibus compositis, quarum unus directio est in latitudinem, altera in longitudinem; quamprimùm igitur augetur vis motrix in latitudinem, tunc diagonalis citius attinget limitem oppositum, & eoipso citius secabit Eclipticam. Dico igitur, singulis appulsibus, quibus Planeta appellitur ad limites, augeri vires motrices

trices limitum ; quia limites ob densitatem materiæ habent elasticitatem , adeoque etiam receptum à Planeta impetum in eundem vi elastica longe majori refundent , ut constat ex legibus motuum in corporibus elasticis , maxime geometricè proportionalibus . Vel dici posset , Planetam quasi reflecti à suis limitibus , in quos obliquè impellitur , ita tamen , ut angulus reflexionis major sit angulo incidentiæ ; nec id mirum videri debet in fluidis , cum manifeste cernamus laminam lapideam oblique in stagnum impulsam subsultare altius , quàm posceret angulus incidentiæ : fluida siquidem retrocedunt , & superficiem suam inclinant angulo incidentiæ , ex quo necesse est , angulum reflexionis fieri majorem ,

Hinc motus Nodorum celerior est in Luna , quàm in Marte ; & in Marte celerior , quàm in Jove . Motus siquidem an-

quus	est	1.	10.	39.	51.
♄		—.	—.	—.	37.
♅		—.	—.	—.	14.
♆		—.	—.	1.	12.

Ratio est , quia limites inferioris Planetæ partim ob majorem densitatem possent majori vi elastica , partim verò Planetæ appulsio firmius inflectunt superficiem ; partim verò , quia ob majorem respectivam latitudinem etiam angulus reflexionis sumit majus proportionaliter incrementum ; ob quam ipsam causam motus nodorum etiam celerior est in Saturno , quàm Jove , nisi quis dicere velit , limites Saturni densiores esse , quàm limites Jovis & Martis , quia cæteris respectivè paribus magis distant à radiis solaribus .

Latitudo Mercurii est	39.	21.	Veneris	12
verò latitudo est	26.	52.	& ob hoc ipsum mo-	

tus nodorum in Mercurio est celerior , nempe . 1. 25. in Venere verò tardior nempe . —. 46. Ratio est , quia torrens subtilis materiæ , utut refractus ab atmosphæra Veneris , respectivè latius se explicat in atmosphæra Mercurii , utpote angustiori . Hinc latius quidem vagari in sua atmosphæra poterit Mercurius , tanquam ab uno littore ad alterum , ut dictum est ; sed angulus reflexionis majora sumet incrementa , & diagonalis citius

D

tius attinget alterum litem, ex quo provenit nodorum celerior motus.

## Caput 8.

### *De Cometis.*

<sup>1</sup> **C**ometæ possunt oriri ab exhalationibus. Quia per continuam agitationem subtilis materiæ possunt separari partes Planetarum: possibile etiam est, quasdam partes atmosphæræ inferioris ita rarefieri, ut ascendant in atmosphæram superiorem, è qua facta iterata condensatione per modum nivis aut pluviz, aut roris, aut nebulæ iterum descendat: vel possunt aliquæ partes atmosphæræ superioris, agitatione lucis forte destitutæ condensari, ut gravitate sua in atmosphæram descendere cogantur.

<sup>2</sup> Cometæ aut alia phænomena possunt absolutè in qualibet atmosphæra nasci, id tamen regulariter non fit, quia vapores à vicinia solis citius dissipantur, quàm in tam vastum corpus perfectè colligi ac formari possint.

<sup>3</sup> Cometæ possunt flammæ concipere per accessum ad focum aliqujus conî radiofi, de quo supra dictum; sicut enim radiis solaribus per vitrum causticum trajectis incenditur lignum, ita iisdem radiis per atmosphæras Planetarum refractis atque in focum collectis potest incendi cometa.

<sup>4</sup> Zodiacus Planetarum est juxta Cassinum, Antinous, Pegasusque, Andromeda, Taurus, Orion, Procyon, atque Hydrus, Centaurus, Scorpheus, Arcus. Ratio est, quia ubi de evaporationibus agitur, ex intra Planetarum tropicos, nec procul omnino ab iis querendæ sunt; vapores siquidem oriuntur ex congressione calidi cum humido; hinc ob nimiam actionem lucis intra tropicos Planetarum extra hos tropicos quidem efficiuntur; at à plagis remotioribus versus hos tropicos, tanquam medium rarius propelluntur; sicut proinde circa fenestras oriuntur humidi vapores, dum intrà calor, exterius verò

verò in aere frigus dominatur, sic cometæ circa Planetarum tropicos conerescunt.

Cometæ nonnunquam descendunt in atmosphæram Saturni, Jovis, Martis. Ratio est, quia juxta augmentum partium aut densitatis in cometa crescit etiam gravitas, in quo casu instar nebulae præcipitantur.

Cometæ in descensu semper moventur velocius; in ascensu verò tardius. Ratio est, quia in descensu sumunt incrementum partium ab atmosphæris, quarum partes crassiores colligunt. Cometæ verò circa solis viciniam sensim dissoluto, diminuta gravitate, ascendant tardius, nisi dissolutio aliquando celerius fiat. Eadem ratio est, cur Cometæ in descensu sumant incrementum lucis; in ascensu verò decrementum.

Idea ascensus & descensus Planetarum habetur in vase quopiam, quod, dum descendit ad fundum aquæ, in descensu ob hautam continuo majorem aquæ copiam, acceleratur; in fundo verò aperto altero officio sensim iterum exoneratur, lentèque ascendit; qua ratione construi posse mobile perpetuum quidam opinati sunt, ut in Schotto videre est.

Cometæ, dum transeunt per atmosphæram Planetæ, afficiuntur motibus Planetarum; ita ut fiant directi, stationarii, retrogradi, instar Planetæ. Ratio est eadem, quæ in Planetis.

Cometæ in suo Perigeo moventur velocius. Quia afficiuntur à motu atmosphære, à qua deferuntur. Cum igitur atmosphære inferiores moveantur velocius versus orientem, eundem motum Cometæ sequi debent,

Cometæ in descensu & ascensu describunt Hyperbolam. Ratio est, quia Cometæ ob gravitatem suam recta quidem linea nituntur tendere ad terram nostram; sed dum in via sunt, detorquentur versus solem, vel ob attractionem radiorum solarium, vel ob pressionem lateralem materiæ densioris versus materiam ratiorem. Ex eodem principio dicendum, quod in ascensu nitantur quidem ascendere linea recta, sed à radiis solaribus successivè decreascentibus denuò in locum nativæ densitatis congruum ejiciantur.

- 11 Cauda cometarum semper à sole avertitur. Ratio est, quia cauda nihil aliud est, quam vapores rariores, quam est caput cometæ: hi vapores vel circumdant cometam, ita tamen, ut radii solares per atmosphæram talem cometæ refracti nobis tantum sub sensu cadant ex adversa parte, ubi per refractionem magis collecti sunt; vel nativa sua levitate semper superiora petunt; adeoque, cum sole superiores sint, plagam averfam à sole.
- 12 Caput cometæ semper aliqua nubecula circumdatur. Ratio est, quia vapores circa caput densiores sunt.
- 13 Caudæ Cometarum variam figuram sortiuntur. Quia vapores à ventis auræ ætheris diversimodè, agitari instar nubium formantur.
- 14 Cauda Cometarum dissoluto capite aliquando remanet. Ratio est, quia radii solares aliquando facilius dissolvunt corpora densiora, quam rariora. Vel diu potest, caudam quidem citius dissolvi; sed caput Cometæ sensim dissolutum præbere speciem novæ caudæ.
- 15 In locis, in quibus apparuerunt Cometæ, postmodum nonnunquam apparent tractus luminosi: quia nempe Cometa dissolutus quandoque in vapores tenues abit, sufficientes tamen reflectere lumen.
- 16 Finis Cometarum inter alios esse potest, ut purgent atmosphæras inferiores à particulis crassioribus, atque effluviis Planetarum, quæ successivè obfuscare possent atmosphæras.



Caput

## Caput 9.

### *De Stellis.*

**A**liquæ stellæ, v. g. quæ est in collo cygni, habent suas revolutiones, suum apogæum, & perigæum; unde etiam fit, ut magnitudo apparens stellarum crescat & decrescat; aliquæ vero, dum ad suum apogæum perveniunt, omnino occultentur. Ratio est, quia non repugnat in atmosphæra stellarum dari atmosphæras quasdam secundarias, quales dantur in atmosphæra Saturni, Jovis, & solari. Vel potest dici, in superioribus atmosphæris stellarum locum habere eorum radiosum, seu torrentem subtilissimum lucis; in quem, dum Planeta vel stella incidit, subito, ut ita dicam, fundum petit, eo quod in tam subtili fluido navigare non possit; sicut navis oneraria è mari delata in flumen profundius mergitur. Inde fit, ut Planetæ & stellæ in tali situ propius ad terram accedant.

Finis stellarum est, 1. ut sint subiectum impetus, qui primo mobili imprimitur; fluidum enim subtilissimum, quod replet spatia primi mobilis, tamdiu non conservaret impetum, nisi à corpore solidiori reciperetur. 2. Ut dentur centra luminis, seu subtilis materiz, quæ nisi colligeretur in stellis, à concavitate cœlorum reflexa tanto impetu in inferiora irrueret, ut omnia statim dissolveret. 3. Ut materia subtilis è primo mobili in stellas impulsâ moderatè ac diversimodè in inferiora reflectatur; ex hac enim reflexione dependent præcipui effectus naturæ: per actionem luminis taliter reflecti fluida conservantur in suo fluxu: per pressionem horum radiorum omnia gravia magna ex parte propelluntur versus terram; ex complicatione talium radiorum oriuntur varii motus minimarum partium in generabilibus & corruptibilibus, verbò, omnes generationes, corruptiones, alterationes tam in fossilibus, quàm plantis & animalibus ab actione radiorum hujusmodi stellarum dependent, nec impossibile est, Deum motus sublunarium motui radiorum muscæ proportionalium alligasse. Omitto plures alios fines à Deo intendibiles.

3 Inter stellas numerari meretur Planetarum præcipuus, Sol. Sol enim haberi potest pro centro luminis seu subtilis materiæ, in quod omnes partes subtilis materiæ, quæcunque stagnant in atmosphæra Lunari, Solari, Martis, Jovis, & Saturni, sese æquilibrando gravitant. Sicut enim omne fluidum habet centrum, circa quod omnes partes conglobantur; sic etiam de subtili materia cogitandum est; & quia in ipsa subtili materia diversus gradus subtilitatis concipi possunt, ita centra quoque subtilis materiæ diversa esse convenit; aliam proin stellam esse convenit in atmosphæris Planetarum, quam Solem nominamus; alias verò stellas in atmosphæris primo mobili vicinioribus, ubi subtilis materia subtilior est. Nec mirum est, me in materia subtili admittere diversos gradus, cum in ipsis radiis solaribus dentur diversi radii, ut Newtonus ostendit.

4 Sol & stellæ Lumen quaquaversum emittunt. Ratio, quia subtilis materia ad centrum magno nisu ac impetu confluens, ob nimiam compressionem partium earum magnam partem vehementer excutit. Multum tamen contribuit subtilis materia è primo mobili immediate ac rectâ via in solem impulsâ, quæ soli perpetuam activitatem conciliat.

5 Reliqui Planetæ non gaudent proprio lumine: quia materia lucis tota confluit ad Solem.



Caput



## Caput 10.

*Fundamenta Systematis Copernicani dissolvuntur.*

1. **C**onstat ex observationibus certis; etiam Academiæ Regiæ Parisiensis stellam polarem, aut Sirium in solstitio brumali 45. minutis secundis depressiorem videri, quam circa solstitium æstivale, quæ differentia vocatur Parallaxis annua: Copernicanam eam desumunt à situ terræ æthere vel depressiore. In nostro verò systemate à refractione radiorum, per atmosphæras diversæ densitatis aut raritatis transeuntium. Cum enim omnes atmosphære ex propinquitate ad solem immaniter rarefiant, adeoque versus illam partem plus materiæ confluat, necesse est, ut radii stellarum transeant plus materiæ, & sic fortius refringantur, quod fit tempore æstivo: eodem modo potest dici, quod tempore hyberno atmosphære sint contractiores, adeoque minus refringant cæteris paribus. Nec obstat, quod tempore hyberno aer noster fortius refringat; quia id non est adscribendum aëri præcise, sed evaporationibus heterogeneis tempore hyberno per congelationem aut condensationem crassioribus. 2. Posset dici, stellas rotari circa axem proprium, ac habere partes opacas, ut respondit Cassinus junior. 3. Posset dici stellas habere motum proprium, prout constat de stella, quæ est in collo cygni. 4. Posset dici, stellas à vicinis solis physice magis premi versus polos, eo quod Sol dilatando auram ætheream eandem fluere faciat versus polos; hinc Sirius in æstate removeretur à suo polo arctico, quia Sol tunc est in signis Borealibus, adeoque à Sirio remotior. 5. Posset dici, in ipsa observationis instrumenta irreperere varietatem ex dilatatione aut contractione, quæ semper proportionalis est affluxui subtilis materiæ in aëre nostro crescentis vel decrecentis.

Constat Lumen circumjovialium satellitum ex umbra Jovis emergentium decem circiter minutis citius deferri ad terram, dum Jupiter est in oppositione, Copernicani id referunt in viciniam ter-

re accedentis ad Jovem. Ego verò id refero ad viciniam Jovis accedentis ad terram; eò, quod atmosphaera Planetarum in oppositione ob Solis distantiam immaniter contrahatur; vel quod Planeta in torrentem subtilis materię, instar navis onerarię delapsus, terris viciniior fiat.

3 Ex eodem fonte diluuntur argumenta Copernicanorum petita ex directione, statione, ac retrogradatione Planetarum, ut supra ostensum est.

4 Eadem ratio est, cur Planetę in oppositione sint terrę propinquiores, quàm in conjunctione.

5 Reliqui Planetę moventur circa solem tanquam centrum commune, & simul circa axem proprium: nil ob analogiam causarum & effectuum in universo connaturalius est, quàm ut idem terra praestet. Respondeo, Planetas æque posse revolvi circa terram, prout revolvuntur in nostro systemate; quod verò circa axem proprium circumagantur, nulla alia causa est, nisi quod in medio duorum fluidorum inæquali velocitate revolvuntur circa terram circumagantur,

6 Semidiametri & Periodi Planetarum in systemate gravitatis Newtoniano sunt proportionales eorum distantis à Sole; ergo cùm terra in hoc Systemate servata proportionem locum obtineat inter Martem & Venerem, videntur ipsę leges naturę requirere hunc terrę situm. Respondeo, systema illud Newtonianum, ne quid gravius dicam, niti falsissimis principiis. Dein non minor in nostro systemate est Planetarum inter se secundum leges gravitatis proportio. Corpora enim Planetarum proportionalia sunt, densitati & multitudinali partium heterogenearum cujuslibet atmosphaerę, in qua coalescunt.

7 Non videtur decere sapientiam conditoris omnia operantis modo simplicissimo tantam circumagere machinam, ut punctum possit quiescere: nec videntur assignari posse fines tot Planetarum secundariorum, nisi amplius quid sapiamus de immensitate divinarum operum. Respondeo, nos magis sollicitos esse debere, ut invenia-

veniamus causam finalem, & analogiam divinarum operum in systemate Theologiae, quam Philosophiae: si nos deficiamus in isto, venialis error est; haerere in illo, periculosum; dicant enim adversarii, si plura sunt systemata Planetaria, cur verbum divinum pro pueris isthoc nostro carnem assumpsit in tempore? Nec multum promovet maiestatem Dei immensitas materiz, sed mentis; habet Deus tot universa, quot habet mundos intellectuales, angelicas mentes. Sapientia conditoris non numerum, sed ordinem ac subordinationem querit.

Pro causa autem finali tam immensae machinae inter fines nobis cognitos assignari potest. 1. Ut sidera diverso suo motu sine causa omnium inferiorum; dicitur enim Deuter. IV. Quod creaverit ea Deus in ministerium eunctis gentibus. 2. Ut ex consideratione tantae machinae cor erigatur ad contemplandam maiestatem Dei, & accendatur desiderio coelestium juxta illud: ô Israel, quem magna est domus Dei, & ingens locus possessionis ejus! Item: Videbo caelos opera digitorum tuorum lunam & stellas, quae tu fundasti. Item Sap. 13. à magnitudine speciei & creaturae cognoscibiliter poterit Creator horum videri. 3. Poterant servire angelis ante lapsum, supposito, quod in caelo sydereo creati sint, juxta illud: In caelum conscendam, supra astra exaltabo solium meum. Item in Apocalypsi de dracone dicitur, quod secum traxerit tertiam partem stellarum. 4. Possunt concentu suo servire beatis juxta illud Jobi 38. concentum caeli quis dormire facit: neque enim systema nostrum longe abest à systemate caelorum harmonico. 5. Potest syderibus tanta concessa esse pulchritudo, ut serviat beatis ad gloriam. Juxta illud Jobi 26. Spiritus ejus ornavit caelos. Item Eccl. 42. & 43. quis satietabitur videns gloriam ejus; altitudinis firmamentum pulchritudo ejus; species caeli in visione gloriae; species caeli gloria stellarum: gyravit (Deus) caelum in circuitu gloriae suae. 6. Ut exterior caelorum aspectus alliceret curvas in terram animas, juxta illud: Quam sordet mihi terra, dum caelum aspicio. Item: melior distes vena in atrils tuis super millia. Item: Deficit anima mea in atria tua. Item: Inhabitabit in atrils domus tua. Caelum utique sydereum atril coelestis nomine venit. 7. Ut hoc caelo, quod Copernicani dedignantur, sublato, creetur novum, juxta illud: Homo cum dormierit, non resurget, donec atteratur caelum. Item: Co-

Sub æquatore minor est gravitas corporum, ut constat ex Pendulis, id Copernicani tribuunt motui partium terrestrium circa æquatorem vehementiori, adeoque majori vi centrifuga à terra recedentium. Respondeo, in hypothesi terræ motæ gravitatem corporum versus æquatorem debere esse majorem; quia sicut vis centrifuga major est, ita etiam motus reflexionis corporum crassiorum versus centrum major esse debet. Dico igitur, minorem illam gravitatem provenire à raritate aëris minus elasticitate sua in subiectum corpus gravitantis; vel quia aër intra poros corporum cum ipsius corporibus aliquantum rarefit: vel quia torrens, subtilis materię circa æquatorem fortius in superna reflectitur è terra.

## Caput II.

### *Systema explicatum convenit cum legibus naturæ.*

**D**UO solum in hoc Systemate assumuntur Postulata, è quibus totius hypothetis structura dependet, atque consequitur. 1. Dari atmosphæras densitate ac reliquis proprietatibus tam diversas, quàm diversa sunt aqua & aër. 2. Omnes atmosphæras habere centrum proprium, circa quod conglobantur. Utrumque hoc postulatum modernis naturæ legibus conforme esse ajo.

Nam si examinemus liquores adhuc delitescentes in mixtis, reperimus infinitam propemodum varietatem: norunt Chymici torro rogo vegetabili extrahere oleorum genera, densitate & aliis proprietatibus diversa, ut fidem superet: alii liquores ultro, à natura protruduntur, ut succinum, balsamum. Alii violenta pressione eliciuntur, ut oleum commune ex fructibus olivæ, vinum ex uvis; aqua acidula è fructibus arborum. Si igitur ad analogiam causarum

petas cum centrifugis conciliat, dum omnia gravitant mutuo in sese, unusque in centrum universi gravitate communi impelluntur.

Verum mittamus nova ista sine novo sensu verba, sonum dania; rem verò jam ante annorum Chilades antiquatam. Hoc solum tucor, legibus naturæ conforme esse, fluida circa centrum proprium conglobari. Habemus hujus rei exempla in Mercurio, cujus partes etiam minutissimæ non solum conglobantur, sed etiam, quamprimum se mutuo attingerint, in unum globum coeunt. Guttas aquæ in aëre, licet rariori se, sphaeram æmulantur: oleum in aqua; vitrum fusum guttatim destillatum in aquam; plumbum guttatim in aquam arsenico mixtam delapsum, induit rotunditatem: idem præstent concretæ frigore grandines. Quare nil insolitum naturæ admisero, si atmosphasas dixero conari, ut circa centrum proprium conglobentur, licet ab interjecto corpore impeditæ ad figuram Ellipticam quàm proxime torqueantur.

## Caput 12.

### *Idem Systema conforme est Scripturis.*

**N**ON multum aberrare videtur à C. i. Geneseos, qui dixerit; Deum ab initio creasse magnum Chaos, seu fluidum corpus à diversissimis partibus mixtum: prima operatio Dei in hoc chaos erat, ut separaret materiam subtilissimam, seu materiam subtilissimam lucis, eamque in supremo loco proximè ad cælum empyreum collocaret; hac prima proinde operatione primum mobile, cælo contiguum, absolutum est. Secunda Dei operatio erat, ut aquas, à subtilissima materia vi primæ operationis discretas, in varias atmosphasas subdivideret, ac stabili discrimine ob variam illarum aquarum densitatem discrimineret; fines illos, quibus una sphaera aquarum separatur ab altera, eò quod firmi ac immutabiles sint, vocavit firmamentum. Tertia Dei operatio erat, ut aquas crassiores, quæ per secundam operationem infimum locum obtine-

runt, denuò purgaret, dum partes densiores à rarioribus separatas in unum locum circa medium universi coire iussit: ex hac tertia operatione Dei per separationem partium prodit terra nostra, aqua, & aer: & terram quidem nostram Deus statim ornavit herbis & arboribus. Quarta operatio Dei erat, ut materiam subtilem seu materiam lucis in atmosphæris ob pororum exilitatem adhuc residuam circa unum centrum conglobari juberet; simulque partes crassiores itidem in atmosphæris residuas in unum colligeret, atque circa centra subtilis materiæ, aut in atmosphæris collocaret: ex hac proinde operatione prodierunt Planetæ, & Stellæ: & quia simul initium habuit pressio subtilis materiæ in sua centra, nempe in Solem, & Stellas, ideo etiam initium habuit actio lucis, seu ipsum lucere. Hanc expositionem systemati explicato conformem esse, nemo non videt; eandem verò optimè cum scriptura consentire, probo.

2. Totam Expositionis difficultatem ad duo præcipuè puncta reduco. 1. Quod Deus ab initio creaverit chaos. 2. Quod chaos istud Deus in varias atmosphæras divideret: reliqua enim exiguum habere difficultatem existimo: neque hęc difficultatem, an divisionem subtilis materiæ, & aliarum atmosphærarum Deus perfecit immediato sui oris imperio, an simul mediante aliqua agitatione materiæ, seu vento, qui in Scripturis sæpe Spiritus vocatur, prout etiam vox Hebraica *רוח* à spirando dicta exprimit.

3. Scriptura sic habet: Creavit Deus cælum & terram: terra autem erat inanis & vacua; & tenebræ erant super faciem abyssi; & Spiritus Domini ferebatur super aquas. Dico hunc esse sensum: Deum creasse cælum empyreum, & terram, ita tamen, ut terra instar fluctuantis in aqua farinæ in chao illo magno usque ad cælum empyreum expanso absorpta fuerit: chaos enim illud magnum sub nomine abyssi & aquarum comprehendi censeo.

4. Expositionem probat traditio omnium ferè nationum Moyse coævorum, aut proximè coævorum, quæ omnes ferè è chao aliquo mundum genitum esse dixerunt, ut ostendit Pererius in C. 1. Gen; num. 66. potissimum verò textus Græcus, antiquæ versiones, & textus etiam Hebraicus: nam Symmachi versio expressè habet, terram fuisse

*indige-*

*indigestum* quid. Textus Græcus habet : ἡ δὲ γῆ ἔν ἀόρατος καὶ ἀνὰ πνεύματος, Terra erat invisibilis & incomposita. Textus Hebraicus habet:

וְהָאָרֶץ אֲדָמָה וְהָאֵרֶץ אֲדָמָה וְהָאֵרֶץ אֲדָמָה

Constat autem voces *thohu*, & *bohu* proprie significare nihilum, vacuum, inane, vanum; verbō, rem nullam habentem subsistentiam, ac firmitatem; sicut cerevisia dicitur inanis, ubi parum inest solidi nutrimenti. Huc pertinet, quod sapientiz C. 11. Deum creasse mundum ex coeno seu limo informi: κτίσασα τὸν κόσμον ἐξ ἀμύμφου πλῆθους.

Divisio *אֶרֶץ* in varias atmosphæras ex ipso quidem textu Latino satis colligitur, in quo dicitur, Deum separasse aquas inferiores à superioribus; magis tamen confirmatur à verbo Hebraico *רָקִיעַ* firmamentum, quod propriè significat extensionem seu expansionem. Item stabilimentum; quod pro condensatione ac præfinitione limitum aliquando accipitur: sic Isaiæ 44. dicitur, Deus stabilivisse terram *רָקִיעַ אֶרֶץ* cùm tamen stabilitio terræ solum facta sit separatione partium: Ergo etiam firmamentum seu stabilitio cœlorum eodem modo facta est,

O, A, M, D, H,





12. 1. 12. 12.

SYSTEMA  
ACCIDENTIUM.  
ARS  
CRITICA.

Autore R. D. Eusebio Amort Cano-  
nico Regulari Lateranensi Pol-  
lingano Philosophiæ  
Professore.

14-00000-2

2-2-2

14-00000-2

14-00000-2

14-00000-2

14-00000-2

14-00000-2

14-00000-2



# INDEX.

## *Prooemium.*

**D**E definitione Artis Criticæ , de Criterio Probabilitatis & Certitudinis, & de Scopo hujus operis.

## Pars I.

*De Probabilitate , & Certitudine Humani Judicii.*

§. 1.

De Gradibus Probabilitatis , & Certitudinis.

§. 2.

De Mensura Graduum Probabilitatis & Certitudinis.

§. 3.

De Probabilitate humani judicii, ad quod concurrunt plura principia.

§. 4.

De Observandis in Praxi humanorum Discursuum.

§. 5.

De Censuris Criticis humani Judicii.

## Pars 2.

*De Authoritate.*

§. 1.

De Authoritate in Genere.

A 2

I. 2.

§. 2.

De Qualitate Idonei Judicis.

§. 3.

De Qualitate idonei testis.

§. 4.

De Argumento Negativo petito ex Silentio Authorum.

## Pars 3.

*De Interpretatione.*

§. 1.

De Vario Verborum Sensu.

§. 2.

De Principiis Interpretationis.

§. 3.

De Sensu verborum desumpto ab Ufu Loquentium.

§. 4.

De Sensu verborum desumpto à Dispositione Loquentium.

§. 5.

De Sensu verborum desumpto à Subjecta Materia.

§. 6.

De Sensu Axiomatum, Definitionum, Divisionum, Inductionum, Enthymematum, integrorum discursuum ac Systematum.

§. 7.

De Sensu Proprio, Primario, ac Secundario Propositionum.

§. 8.

De Sensu Universali &amp; Particulari, Limitato, &amp; Illimitato, Absoluto &amp; Conditionato Propositionum.

§. 9.

De Sensu Propositionum importantium aliquam Denominationem.

§. 10.

De Sensu Propositionum importantium aliquam Causalitatem.

§. 11.

## §. 11.

De Sensu Propositionum importantium aliquam Paritatem, Similitudinem aut Relationem.

## §. 12.

De Sensu verborum Univoco, Analogo, Æquivoco, Adæquato, Inadæquato, & de Sensu Concretorum.

## §. 13.

Observanda in Praxi Interpretationis.

## Pars 4.

## Summa

*Regularum Criticis Modernis familiarium.*

## §. 1.

De Arte Critica, & Regulis Joannis Clerici.

## §. 2.

De Regulis Criticorum circa S. Scripturam.

## §. 3.

De Regulis Criticis Studium Conciliorum, Patrum, & Scriptorum Ecclesiasticorum concernentibus.

## §. 4.

De Regulis Criticorum in Historicis.

## §. 5.

De Regulis collectis à R. P. Honoré pro Emendatione Artis Criticæ.



# PROÆMIUM.

**A**Rtem Criticam voco Artem determinandi gradum probabilitatis cuius Rationi aut Authoritati convenientem ; & inveniendi sensum verborum à quovis auctore intentum. Non ignoro, per Artem Criticam plerumque intelligi Artem ferendi rectum iudicium de quorumcunque Authorum scriptis ; discernendo nempe supposita à genuinis ; inveniendo sensum verborum , distinguendo vera à falsis ; & iudicando de stylo , loco , tempore , qualitate , eruditione , ac merito cuiusvis auctoris. Verum cum Ars Critica ex acceptatione hominum nondum stabilem ac certam ideam affecta sit ; & nemo de authorum scriptis rectum iudicium ferre queat , quin pondus Rationum rite aestimare seiat ; & Probabilitatem aut Certitudinem humani iudicii probe perspectam habeat ; iudicavi ad Artem Criticam maximè pertinere , ut de Probabilitate ac Certitudine humani iudicii differat,

Ideam



Ideam Probabilitatis ac Certitudinis , earum Gradus , ac Criterium non desumo à iudicio Prudentum ; norunt Eruditi , quantam confusionem hoc Criterium in omnes scientias invexerit : licet enim Iudicium Prudentum sit de se aliquod genuinum Probabilitatis ac Certitudinis Criterium ; nequit tamen sine confusione applicari , nisi adhibeamus aliud directum ac immediatum Criterium , quo distinguamus iudicium prudentum à iudicio imprudentum ; & cum iudicium prudentum sæpe in diversas opiniones divisum sit , egemus profectò directo veritatis Criterio.

Jacobus Bernoullus in sua Arte Conjectandi Gradus Probabilitatis ex legibus combinatoriis determinari posse credidit : sicut enim in lusu Alearum aut Chartarum dato quocunque casu possibili fors futura æstimari potest ; ita in omni alia contingenti materia inspectà dispositione causarum , ex legibus combinatoriis conjici posse arbitratus est , quid fieri soleat. Verum Leges Arithmeticas , Algebraicas , aut Geometricas in aliis materiis , præterquam Mathematicis , non procedere , ipsemet eum in finem frustra adhibito magno studio expertus sum ; Ratio disparitatis est ; quia in lusu Alearum & Chartarum concurrunt uniformia ac ejusdem rationis ad effectum

effectum contingentem principia ; quorum sola additio & subtractio de eventu enuntiat ; at in aliis materiis veritas contingens dependet à diversis principiis , quæ nunquam ad communes combinationis leges revocari possunt.

Igitur Ideam Probabilitatis ac Certitudinis à Legum peritis accipiendam esse censui ; hi præcipuè Probationes suas seu Præsumptiones desumunt à communiter contingentibus ; Quod semper fit , hoc certum esse statuunt ; Quod frequentius fit , hoc probabile esse affirmant ; nec ulla in Jure sine Præsumptione admittitur probatio. Ad horum imitationem & ego Certum voco , quod semper verum est ; Probabile voco , quod frequentius verum est. Hanc Probabilitatis ac Certitudinis ideam videntur agnovisse non solum Academici , sed & Peripatetici ; licet hi in topicis judicio sapientum Probabilitatem magna ex parte superstruxerint. At Idea hæc non indiget commendatione antiquitatis ; lumen naturæ eam commendat.

Sine dubio multa huic præsentī Operi opponi possunt. Sceptici dicent : sciri non posse ; quid semper , quid frequentius fieri soleat. Quia , ut ipsi quidem volunt , nulla perfecta inductio casuum consimilium fieri potest ;

potest ; nec omnes casus , aut conditiones ad effectum contingentem requisitæ enumerari possunt. At negligi potest hoc dubium ; cum certò constet ; intra illam effectuum contingentium seriem , quæ mundanas ac humanas res complectitur , aliquos effectus semper , aliquos ferè semper , alios frequentius nobis obversari ; quid enim obstat , quin hominibus liceat aliquos effectus certos , alios probabiles dicere , cum homines solum respiciant ad hanc effectuum seriem , quæ humanas ac mundanas res complectitur. Verum quidem est , homines nondum omnia intueri in sua prima causa , in Deo ; adeoque eos nulla divina scientia certos esse , an effectus contingentes in innumeris aliis casibus nobis incognitis taliter se habeant , qualiter se habent in paucis casibus nobis cognitis ; id tamen non impedit , quin verum sit ; effectus contingentes intra sphaeram cognitionis nostræ semper aut frequentius ita se habere , qualiter videntur se habere : accedit , quod quopiam Naturæ Omnipotentis & Omnisciaæ lumine impulsus credamus ; aliquos effectus semper , alios frequentius fieri ; igitur non possumus in hoc falli.

Erunt ; qui nos omnem assensum retinere volunt , nisi ad assensum cogat evidens

B

veritas ;

veritas ; hi eliminabunt omne iudicium probabile ; cur , inquit , sapiens se committat erroris periculo ferendo incertum iudicium , cum operari possit sequendo verosimilia sine absoluto assensu ac iudicio ? Respondeo ; iudicium probabile sapientis esse quidem absolutum quoadmodum tendendi explicitum ; sed tamen habere eandem vim ac sensum , quem habet iudicium sceptici affirmantis solam verosimilitudinem ac probabilitatem effectus : perinde enim est ; sive dicam ; Mane rubente polo , probabile est , venturam pluviam ; sive dicam ; probabiliter ventura est pluvia ; sive dicam ; ventura est pluvia ; quia in hac ultima propositione ob naturam subiectæ materiæ ab omni sapiente subintelligitur modus ; *Probabiliter*.

Quod attinet Regulas aut Observationes in hac Arte traditas ; videbuntur multæ in sensu obvio falsæ esse , nimium versatiles , aut exceptionibus , limitationibus , ac distinctionibus subiectæ ; quædam videntur nimis triviales ac obviæ ; aliæ accusabuntur mutæ contradictionis ; forte nonnemo in me redarguet , quod propositiones generales talibus conditionibus munierim , quæ usum propositionum inutilem reddant ; aut quod  
non

non nullis regulis ad particulares opiniones respexerim &c. Respondeo, me Artem Criticam nondum explicasse; sed tantum indicasse: monstravi tot observationibus modum ac viam, quâ quisque sibi ipsi Regulas Criticas in quavis materia formare possit: hic scopus laboris mei erat, ut perspicacibus suggererem tales ideas ac modos tendendi, & quibus primum foret elicere regulas particulares: de reliquo selige certa, & dimitte incerta.





## Pars I.

### *De Probabilitate, ac Certitudine Humani Judicii.*

#### §. I.

#### De Gradibus Probabilitatis & Certitudinis.



Judicium metaphysicè certum voco, cujus principia absolurè nunquam possunt fallere.

Judicium physicè certum voco, cujus principia nunquam fallunt secundum cursum ordinarium naturæ.

Judicium moraliter certum voco, cujus principia rarissimè fallunt.

Judicium probabile voco, cujus principia sæpius non fallunt, quàm fallunt.

Judicium dubium voco, cujus principia ferè toties fallunt, quàm non fallunt.

Judicium improbabile voco, cujus principia sæpius fallunt, quàm non fallunt.

Igitur omnes gradus probabilitatis & certitudinis in subjun-  
sta Ratione Decimali exponi possunt; modo tria observentur. 1<sup>o</sup>  
Notum sit, quoties nos principia judicii infra determinatam casuum  
consimilium collectionem fallant vel non fallant. 2<sup>o</sup> Veritas prin-  
cipiorum ponatur loco Numeratoris; numerus casuum consimilium  
ponatur loco Denominatoris. 3<sup>o</sup> Fiat terminorum ad Rationem  
Decimalem reductio, & approximatio.

#### Schema

#### Rationis Decimalis Probabilisticæ.

$\frac{1}{10} \frac{1}{10} \frac{1}{10} \frac{1}{10} \frac{1}{10} \frac{1}{10} \frac{1}{10} \frac{1}{10} \frac{1}{10} \frac{1}{10}$

Judicium metaphysicè aut physicè certum voco, quando ve-  
ritas principiorum ad numerum casuum possibilem se habet, ut  $\frac{1}{10}$

Judicium

Judicium moraliter certum voco, quando veritas principiorum se habet, ut  $\frac{7}{8}$

Judicium probabile voco, quando veritas principiorum se habet, ut  $\frac{5}{8}$   $\frac{7}{8}$   $\frac{6}{8}$

Judicium dubium voco, quando veritas principiorum se habet, ut  $\frac{5}{8}$

Judicium improbabile voco, quando veritas principiorum se habet, ut  $\frac{4}{8}$   $\frac{1}{8}$   $\frac{2}{8}$

## §. 2.

### De Mensura Graduum.

Mensura Graduum sunt Leges Contingentium, & Inductio casuum consimilium. Quia solum ab Inductione casuum consimilium, aut legibus contingentium sciri potest, quoties nos fallant principia Judicii, nempe Ratio & Autoritas.

Leges Contingentium sunt sequentes.

Prima. Contingentia non procedunt uniformiter.

Secunda. Quod potest fieri, & non fieri; in innumeris circumstantiis aut occasionibus actu positis aliquando fit, & aliquando non fit. Quia contingentia non procedunt uniformiter.

Tertia. Quod in innumeris circumstantiis aut occasionibus nunquam fit; non est aliquid contingens, sed impossibile, relatè ad tales circumstantias.

Quarta. Effectus contingentes regulariter sequuntur dispositionem causarum.

Quinta. Quando effectus æquè potest fieri ac non fieri; toties regulariter fit, quoties non fit.

Sexta. Quando in causis reperitur ad plures effectus contingentes æqualis dispositio, neuter effectuum fit frequentius altero; sed quilibet regulariter toties recurrit, quoties recurrit alter.

Septima. Quando in causis reperitur ad plures effectus contingentes æqualis dispositio, præsumptio pro uno effecta determinato habet se, sicut unitas ad numerum reliquorum effectuum. Patet ex legibus combinatoriis.

Octavo. Quando in causis reperitur ad plures effectus contingentes æqualis dispositio; Ille effectus cæteris sæpius recurrit, cujus principia ac dispositiones sæpius recurrunt; & quidem iste effectus tantò sæpius recurrit, quanto sæpius recurrunt ejus dispositiones. Patet iterum ex legibus combinatoriis.

B 3

Nona.



Nona. Ubi datur propinqua dispositio, regulariter sequitur effectus.

Decima. Quod primum est fieri, regulariter fit. Seu; Effectus regulariter sequitur inclinationem principii, & dispositionem causæ.

Undecima. Effectus contingens tantò frequentius fit, quanto plures & propinquiores concurrunt dispositiones, ac principia adinquantia.

Hæ igitur Leges Contingentium sunt, quibus omnem probabilitatem & certitudinem dimetiri possumus; modo tria observemus. Primò, distinctè ac clarè proponatur Ratio, aut Auctoritas, cui probabilitas iudicii innititur. Secundò, consideratis omnibus circumstantiis & conditionibus videamus, quantum illa Ratio aut Auctoritas nos Possit fallere. Et dein Tertiò ex Legibus Contingentium conijciamus quoties illa Ratio aut Auctoritas nos fallat. Sicque sciemus; an Principia iudicii, nempe Ratio & Auctoritas nos raro, an frequenter fallant.

Altera mensura Graduum est Inductio Casuum consimilium; hæc experiri possumus, quoties nos fallant intra casus consimiles principia iudicii, nempe Ratio & Auctoritas, modò assumatur talis collectio casuum consimilium, ut sufficienter appareat, quid contingenter Soleat fieri. Quod enim in una collectione casuum consimilium fit juxta Leges Contingentium, id eodem modo fit juxta eandem leges in infinitis aliis collectionibus.

### §. 3.

De Probabilitate Iudicii, ad quod concurrunt plura principia.

Judicium, cuius principia sibi invicem eodem gradu opponuntur, non manet probabile. Quia, ubi æquè fortia in utramque partem dantur argumenta, iudicium potest æquè falli ac non falli; adeoque redditur *Dubium*.

Judicium, quod nititur principio probabiliori, manet probabile in præsentia principii oppositi minus probabilis; sed tamen minuitur uno probabilitatis gradu. Quia tale iudicium frequentius solet esse verum, quàm ejus oppositum, non tamen solet tam frequenter esse verum in præsentia principii oppositi, quàm in ejus absentia.

Judicium mediatum, quod ex alio antecedenti iudicio probabiliter tantum probabiliter deducitur, non manet probabile. Quia tale iudicium ad sui verificationem requirit veritatem antecedentis, & verita-

veritatem illationis ; ad falsitatem verò illius sufficit vel falsitas antecedentis, vel falsitas illationis cum igitur æquè facili possit contingere, ut ex una parte reperiaturs falsitas, ac ut ex utraque parte reperiaturs veritas ; iudicium redditur dubium.

Judicium mediatum, quod ex alio iudicio moraliter certo probabiliter deducitur, adhuc manet probabile. Quia tale iudicium adhuc frequentius solet esse verum ; licet sortiatur minorem probabilitatis gradum, quam habeat ipsa illatio ; ut proin tale iudicium nullius amplius retineat probabilitatis gradum, quando illatio jam aliunde in infimo probabilitatis gradu posita est. Idem dicendum de iudicio, quod ex alio iudicio probabili morali certitudine deducitur.

Authoritas addita Rationi, aut Ratio addita Autoritati non auget gradum probabilitatis, sed eundem gradum, in quo ambæ conveniunt, confirmat. Quia iudicium nunquam redditur certum, etiamsi mille conglomerentur argumenta solum probabilia ; adeoque nec redditur ex additione sola verius.

Authoritas addita Autoritati semper auget gradum probabilitatis. Quia ex pluribus testibus veritatis idoneis semper conflatur unum principium, quod rarius fallit.

Aggregatum plurium Rationum, tunc solum auget gradum probabilitatis, quando ex pluribus rationibus potest constari unum argumentum. Quod semper fieri potest, quando plures rationes nobis manifestant plures perfectiones, proprietates, circumstantias, & adjuncta objecti ; Unum enim argumentum est ; quod petitur ex Uno Loco topico, vel à definitione, vel à divisione, vel à proprio, vel ab accidente &c.

Probabilitas iudicii à probabilitate potentioris principii unice æstimari debet. Quia additio principiorum non auget probabilitatem iudicii, nisi quando ex pluribus principis conflatur unum argumentum seu principium.

#### §. 4.

#### De Observandis in Praxi.

Nulla veritas sine evidentia sui Gradus admitti debet, Quia alioquin nasceretur infinita confusio.

Adeoquæ Nulla autoritas, nulla ratio nisi examinato prius gradu probabilitatis suæ assumi debet. Quia certo ineptè litigandi periculo se committit, qui hoc examen omittit.

Quando gradus probabilitatis est ambiguus, determinandus est vel ex hypothesi, vel ex consensu partium ; vel per approximationem ; vel assumendus est Gradus proximè minor. Omnis

pere debet, nisi constet, quid, & quantum, & quo modo contribuat ad veritatem. Talia argumenta solent esse. 1. Quando obiectum dicitur possibile. 2. Quando multæ afferuntur congruentia. 3. Quando una sententia dicitur facilis esse explicatu, opposita difficilis. 4. Quando una sententia dicitur esse subiecta minoribus difficultatibus, quam opposita. 5. Quando recensentur multæ commoditates unius sententiæ. 6. Quando offertur argumentum ab invidia ductum, quo adversario confutatur invidia. 7. Quando in una sententia dicitur servari major principiorum uniformitas; 8. Aut major doctrinæ consequentia. 9. Aut dari facilior solutio obiecti.

Neque Authoritas, nec iudicium doctorum, nec communis opinio scholæ fundat probationem, nisi fundet maiorem veritatis, præsumptionem, quam authoritas opposita. Quia quod videtur verius, frequentius solet esse verum.

Nec ulla Ratio Authoritati, nec ulla Authoritas Rationi præferri potest, nisi fundet maiorem præsumptionem veritatis. Quia iudicium nihil ut probabile seu ut verius affirmare potest, nisi sua principia minus fallant, quam principia iudicii oppositi. Idem dicendum, quando Ratio sola opponitur Rationi & Authoritati simul sumptis; aut vicissim.

Argumentum nimium probans intantum probat pro parte non excedente, in quantum pro illa aliunde fundat præsumptionem. Hæc omnia & adhuc plura sequuntur ex generali principio, quod nempe Omnis probatio sit præsumptionis demonstratio.

Omnis ad argumenta opposita responsio sit Præsumptionis oppositæ dissolutio. Quia frustra responderetur adversario, nisi gradus probabilitatis, quem ille argumento suo tribuit, destruat.

Non tollitur propositionis obiectæ præsumptio exceptione particulari. Quia licet ostendatur, illam propositionem non esse universaliter veram, eam non universaliter procedere, eam aliquoties fallere, eam non necessario concludere &c. non propterea absolute rejicienda est; quia adhuc potest esse ut plurimum, ac regulariter vera; potest regulariter procedere potest ut plurimum non fallere &c. adeoque potest adhuc fundare præsumptionem, quam forte solam adversarius intendit. Hæc regula reddit inutiles multas myriades responsionum, aut confutationum, in quibus authores putant se magnam rem præstitisse, si ostendant aliorum dogmata aut probationes non universaliter vera esse.

- 18 Probatio conclusionis non tollit præsumptionem pro conclusione opposita. Quia frequens est, pro utraque parte reperiri præsumptiones. Igitur vana est illorum responsio, qui dum probabilitatem oppositæ conclusionis aut probationis dissolvere non possunt, respondent, argumentum oppositum non esse convincens; conclusionem verò suam propriam jam sufficienter probatam esse. Aut negant argumenta adversarii licet probabilia, rationem negandi unice desumentes à probatione suæ conclusionis etiam tantum probabilis.
- 19 Ubi manifesta veritas, certa & inutilis est præsumptionum oppositarum falsitas. Quid enim juvat, asserere tales præsumptiones, nisi ad perturbandum intellectum veritati non satis intentum?
- 20 Hinc Ratio probabilis testimonio certo, & testimonium probabile Rationi certæ cedit, amissa omni sua probabilitate ac vi. Quia non nisi ex infirmitate intellectus non satis intenti ad certam veritatem provenit, si adhuc se occupari sinat probationibus certo falsis.
- 21 Quando concurrunt principia directæ cum principis indirectis, aut reflexis, utraque seorsim æstimari debent. Quia iudicium probabile sequitur illa principia, à quibus se circa veritatem directam minus falli sperat, sive illa principia sint directæ sive indirectæ, nil interest. Hinc ad id solum attendendum, an principia reflexa pariant maiorem veritatis præsumptionem, quam directæ.
- 22 Hinc principia indirectæ aut reflexa solum probabilia non liberant ab examine directo. Quia forte per principia directæ vincitur probabilitas principiorum reflexorum. Ex hac observatione præcluduntur multorum effugia, qui conantur per principia reflexa aut indirectæ effugere examen directum; vel qui probabilitatem principiorum directorum æstimari volunt solum per principia reflexa v. g. per iudicium prudentum, per sensum doctorum, aut sensum communem &c. si enim talia effugia liberarent nos ab examine directo, sæpe opinio tantum probabilis redderetur inexpugnabilis, quod in terminis repugnat.
- 23 Quævis conclusio sequitur defectum sui suppositi, aut Antecedentis, ex quo inferitur: adeoque tanta est conclusionis probabilitas, quanta est præsumptio pro veritate omnium suppositorum, aut Illationum, si conclusio nitatur pluribus suppositis, aut pluribus Antecedentibus. Hinc si conclusio nitatur multis suppositis solum probabilibus, aut inferatur per multas illationes solum probabiles, plerumque non relinquitur ei ulla probabilitas, quia juxta L. C. plerumque

contin.

contingit, ex tot suppositis aut Illationibus solum probabilibus saltem unam fallere. Hinc Sorites plerumque aut nullam aut tenuem probabilitatem habent.

Quando gradus probabilitatis aestimatur ex inductione casuum similium. Debent 1. sumi tot casus, quot possunt sumi. 2. Illa enumeratio casuum similium habeatur pro sufficienti, quae comprehendit omnes notabiles circumstantias communiter in casibus consimilibus occurrentes. Quia, quod fieri solet in exigua casuum similium collectione, contingit etiam fieri in magna collectione, nisi mutantur circumstantiae; adeoque si omnes circumstantiae in casu consimili secundum cursum ordinarium possibiles reperiantur in exigua casuum consimilium collectione, inductio legitimam pariet praesumptionem pro casu consimili. 3. Illi Casus praesumuntur esse similes, in quibus post adequatam considerationem principiorum ac conditionum ad Casum concurrentium non apparent diversae circumstantiae ad casum requisitae. 4. Quando solum probabile est, Casus Inductionis esse similes, aut enumerationem Casuum esse sufficientem, tunc gradus probabilitatis solum probabiliter vel talis Inductionis aestimari potest; adeoque tunc observandum, quod hoc §. n. 3. dictum est.

Quando gradus probabilitatis aestimatur per Leges Contingentium. Debent 1. considerari tot dispositiones ac principia ad effectum contingentem concurrentia, quot possunt considerari. 2. Tunc enumeratio talium dispositionum ac principiorum habeatur pro sufficienti; quando non licet prudenter suspicari, ignorari adhuc aliquam dispositionem &c. ad effectum requisitam. 3. Quando solum probabile est, enumerationem talium dispositionum ac principiorum esse sufficientem, tunc Gradus probabilitatis solum probabiliter aestimari potest.

Semper licet prudenter suspicari ignorari aliquam dispositionem, circumstantiam, aut principium ad effectum requisitum, quando objectum non est evidenter cognitum, aut ob sui simplicitatem, aut ob observationis accuratorem; accurata censetur observatio quando diversis temporibus, diversis locis, a diversis observatoribus, secundum diversa systemata &c. observatum est.

Quando gradus probabilitatis solum probabiliter determinari potest, Judicium nullam fortitur probabilitatem. Quia Judicium probabiliter solum ex alio probabili deduceretur. Hinc, quando possumus, juxta n. 3. assumere minor gradus, sed certior.

- 28 Si disputandum cum adversario, qui laborat præjudiciis, & nolit ligari legibus Criticis, nihil efficies, nisi compromittat in sequentes conditiones. 1. Nihil asserendum, nisi quod videatur esse verius suò oppositò. 2. Illud solum habendum pro veriori, cujus principia rariùs fallunt, ac communius sunt vera. 3. Nihil supponendum sine consensu utriusque partis, nec aliquid sine examine directo recipiendum. 4. Cuius liceat uti modo probandi & proponendi, qui sibi videbitur commodior, nisi in tali modo ab adversario detegatur vitium.
- 29 Cæterum Præjudicia adversarii nonnisi inductionibus corrigi possunt, ostendendo talia Præjudicia sæpe fallere, aut sæpe posse fallere. 2. Laborandum, ut status quæstionis reducat ad formam claram, in qua statim primo aspectu appareat, quid principaliter probandum, unde probationes desumendæ, & quomodo instruendæ sint. 3. Attendendum, ut Conclusio, Probatio, Objectio, Responsio &c. semper versentur circa idem objectum secundum idem & eodem modo acceptum. 4. Omnis explicatio, similitudo &c. reducenda est ad nudam propositionem, in qua ablatiis omnibus terminis superfluis nudè appareat subjectum & prædicatum. 5. Omnis discursus reducendus est ad simplices Propositiones, & illationes, ut clarè appareat, quid inferatur, & unde inferatur.
- 30 Brevitatis causâ solum hæc tria nota. 1. Nulla propositio sine Nota probabilitatis suæ admitti debet. 2. Omnis probatio sit præsumptionis demonstratio. 3. Judicium præsumptionem fortiorem sequi debet.

## §. 5.

## De Censuris Criticis.

1. Judicium hæreticum voco, quod ad minus morali certitudine constat opponi authoritati divinæ.
2. Judicium erroneum voco, quod ad minus morali certitudine constat opponi veritati.
3. Judicium temerarium voco, quod ex infimo probabilitatis gradu opponitur veritati moraliter certæ.
4. Judicium proximum Errori aut Hæresi voco, quod vix non morali certitudine constat opponi veritati, aut authoritati divinæ.
5. Judicium respectivè Erroneum, aut Hæreticum voco, quod morali certitudine constat saltem in aliquo sensu minus proprio, aut secundario opponi veritati, aut authoritati divinæ.

Judic-



Judicium Scandalosum voco, quod multis hominibus etiam 6  
circumspectis probabilitas futurum est occasio erroris aut peccati.

Judicium periculosum, perniciosum, seditiosum voco; quod 7  
probabiliter disponit, animos ad malum, perniciem, aut seditionem;  
v. g. excitando ideas, aut passiones, ex quibus primum est ad erro-  
rem, malum, aut seditionem devolvi.

Judicium Impudens aut Insolens voco, quod sine magno pro- 8  
bilitatis gradu nititur deprimere auctoritatem receptam.

Judicium Incredible voco, quod sine morali certitudine asserit 9  
rem, cujus nec in simili habetur exemplum, nec clara possibilitatis  
demonstratio.

Judicium Absurdum voco, quod sine morali certitudine oppo- 10  
nitur aestimationi communi hominum.

Judicium Nugatorium aut Ineptum voco, quod circa obje- 11  
ctum grave non respondet seriae expectationi hominum.

Judicium puerile voco, in quo monstratur defectus talium Re- 12  
gularum prudentiae, quae viris alioquin obviae sunt.

Judicium Stultum, ac Insanum voco, in quo invenitur talis 13  
confidentia, ostentatio, aut passionum commotio, quae nunquam re-  
peritur in viro moderato, ad rationes compositas leviter attento.  
Hoc enim proprium insaniae est, non attendere ad rationes oppo-  
sitas.

Judicium Inutile voco, quod sui veritate non requiritur ad 14  
ullum finem secundum regulas prudentiae prudenter intendibilem.

Judicium saltare extra orbitam, aut non esse ad rem dico, 15  
quod nequidem probabiliter auget vel minuit aliquam praesumptio-  
nem pro veritate principali.

Judicium prudens voco, quod seligit media ad finem certiora, 16  
faciliora, & simul ad plures fines aptiora; seu quae regulariter ha-  
bent meliores effectus.

Judicium verosimile voco, quod nititur circumstantiis regula- 17  
riter concomitantibus veritatem.

Judicium confusum aut captiosum voco, quod aptum est, 18  
menti ingenerare varios sensus; aut quod eidem nullam determinatam  
objicit veritatem.

Possunt quidem ferri plures censurae, sed illae ex allatis exem- 19  
plis vel intelligi vel formari possunt.



## Pars 2.

*De Authoritate.*

## §. I.

*De Authoritate in Genere.*

**I**llo gradu consistit cujusvis authoritatis probabilitas; quo gradu in Authore reperitur Idonei Judicis, aut Idonei Testis qualitas. Ratio est, quia in omni authoritate solum duo attendi possunt & debent; nempe aut proprium in re dubia authoris judicium; aut ejus de re aliunde comperta testimonium. Judicium authoris fundat presumptionem, inquantum nititur recta mentis dispositione discernendi verum à falso. Testimonium fundat presumptionem, inquantum nititur experientia sensuum, fama, documentis, traditione. Igitur omnis authoritatis probabilitas aut in qualitate Idonei Judicis, aut Idonei Testis constitui debet.

Omnis & solus ille author voluisse agere testem presumitur, qui de facili potuit niti experientia sensuum, fama, documentis traditione. Quia, quod facilius fit, regulariter contingit. Reliqui proinde omnes authores, in quibus non occurrunt obvia hæc subsidia, tantum pro judicibus haberi debent, qui veritatem, & documenta veritatis ratione discutiant: solet enim tam Judex, quam Testis versari circa experientiam, documenta, & traditionem; Testis vero affert solum documenta ut legitima; Judex eorum vim examinat.

Quando in utramque partem æqualis stat authoritas, pro neutra fundatur probabilitas. Quia judicium ex utraque parte manet æquè fallibile.

Ubi tantum probabiliter favet probabilis authoritas, nulla exinde fundatur probabilitas. Quia sic probabile tantum probabiliter ex alio deducitur.

Tanta est cujusvis authoritas, quanta probationum illius soliditas. Hinc ubi manifesta est probationum nullitas, cessat authoritas. Et ubi certò reperitur in authore ignorantia Probationum adversæ partis, non valet illud judicium, quia merito presumitur laturus fuisse aliud judicium, si illi adeo manifestæ probationes fuissent cognitæ. Hinc etiam patet, melloris conditionis esse authorem idoneum, qui silet de suis probationibus; quia in casu talis silentii so-

lùm

lūm possumus attendere ad auctoritatem dicentis ; non verò ad ejus probationes. Verum quidem est, ipsam dicentis auctoritatem probationibus suis tantam vim conciliare, quam potest conciliare, sed non conciliat majorem vim, quam quæ adhibita sufficienti attentione cognosci potest. Quin ipsi auctores in rebus majoris momenti nil volunt sibi tribui, quod non merentur probationes eorundem. Interim benè notari debet ; si nullum manifestum appareat in probatione vitium, stat directæ pro auctoritate dicentis præsumptio.

Nulla est auctoritatis probabilitas, ubi manifesta est suppositi 6 falsitas. Suppositò, quod tale suppositum dederit causam assertioni.

Quævis auctoritas tamdiu retinet suum probabilitatis gradum, 7 quem semel inter doctos obtinuit, quamdiu in illa non ostenditur vitium. Quia licet æstimatio hominum successu temporum sæpe mutetur, nunquam tamen bene mutatur, nisi appareat vitium. Humana mens inconstans, & affecta cædio imperfectionum, quas in auctoribus sibi familiaribus reperit, faciliè in admirationem novorum & incognitorum auctorum rapitur ; in quibus ab initio non imperfectiones, sed solas perfectiones considerare solet.

Ubi concurrunt plurima auctorum testimonia, quorum quod- 8 vis potest esse contingenter verum vel falsum, est impossibile omnia esse vera vel falsa. Patet ex L. C. quia non procedunt uniformiter hinc, licet in tali casu non possit demonstrari, verum esse aliquod determinatum testimonium ; potest tamen demonstrari, verum esse aliquod indeterminatum ; quod in multis materiis, ubi sufficit unum testimonium, utile est.

Ubi plurium Auctorum numeratur auctoritas, debet singulo- 9 rum æstimari probabilitas, quia nisi singuli sint ad veritatem discernendam dispositi, præsumuntur potius torrente, quàm rationum evidentia inducti esse.

Tam magna ex consensu plurium auctorum fundatur proba- 10 bilitas, quàm rara est tot auctorum in simili casu uniformitas. Nam consensus auctorum solum ideo fundat probabilitatem, quia raro contingit tot auctores decipi uniformiter. Parùm ergo interest, siue duo, siue tres, siue centum, siue mille auctores consentiant ; nam ad hoc solum attendi debet, an faciliè ac frequenter contingere possit, ut tot auctores sine sensu erroris aut veritatis in simili materia consentiant ; aliquando enim difficile est, ut duo fallantur ; aliquando facile est, ut mille fallantur. Facilitas autem & difficultas errandi ex dispositione controversiæ desumi debet, ac retineri illa regula. Quod pronum est fieri, regulariter fit.

Persua-

- 31 Persuasio hominum, sensus communis, & quævis autoritas tantum fundat præsumptionem circa objecta sibi familiaria. Quia alioquin non præsumitur idonea cognitio ad ferendum judicium aut testimonium requisita.
- 12 Ubi authoritati opponitur autoritas, semper clara obscuræ præferenda est, licet alioquin majori; Quia in illa simpliciter major fundatur probabilitas.

## §. 2.

## De Qualitate Idonei Judicis.

- 1 Qualitas idonei judicis positivè probari debet; Quia congrua mentis dispositio discernendi verum à falso in rebus dubiis communiter non inest hominibus à natura. Adeoque, ubi de qualitate authoris nil constat; aut ubi ejus qualitas dubia est ob argumenta in utramque partem æqualia, aut ubi positivè probatur authoris dispositio, nulla ex autoritate fundatur probabilitas.
- 2 In omni & solo illo autore præsumitur dari idonei Judicis qualitas, in quo reperitur sequentium conditionum veritas.
- 3 Prima. Afferat ea, quæ sibi videntur veriora. Quia si author tantum intentus sit ad recensendas aliorum opiniones; si videatur tantum insistere his, quæ possunt dici, aut quæ vulgo vocantur Probabilia, assertio talis authoris non fundat præsumptionem pro veritate.
- 4 Secunda. Afferat ea, quæ dicit, absolute, sine hæitatione. Quia hæsitatio supponit dubium in autore. Hinc si assertionem suam tantum exprimat similibus verbis: *Videntur, Probabiliter dico*; ex more horum temporum conjuncta est assertioni hæsitatio.
- 5 Tertia. Sit liber à præjudiciis. Quia mens imbuta præjudiciis æquè prona est ad errorem ac ad veritatem, quando præjudicia habeat connexionem cum questione controversa. Nemo autem præsumitur à Præjudiciis liber, nisi sit Eruditus; in scriptis adversariorum versatus; nisi pacatè audiat & excipiat adversarios; nisi sit heroici animi, audax, fortis in inquirendo, Intrepidus in asserendo, velox ingenio, liber à passionibus; nisi denique in congruis occasionibus det aliqua positiva specimina suæ libertatis & indifferentiæ; mentem enim servam à libera distinguunt actus, qui ejus dispositionem communiter sequuntur: mens serva facit ponit aut omittit aliquid eorum, quæ mens libera in simili occasione non ponere, aut omittere solet.

Quarta.

Quarta. Sit liber ab inordinata affectione suæ opinionis. Quia affectio facillimè pervertit iudicium rationis; nec quisquam iudex in causa propria recipitur, nisi conditio personæ aliunde purget suspensionem inordinatæ affectionis. Hæc autem suspicio non purgatur nuda verborum protestatione, quæ sæpe est contraria factis; sed purgatur per hos, quod nihil possit demonstrari à tali auctore omissum aut positum, quod non facile potuisset omitti aut poni ab alio auctore nulla inordinata affectione imbuto. Quia si tantum una vel altera vice occurrat in auctore privatæ affectionis vestigium, nondum probatur dari in auctore inordinatæ affectionis dispositio, quia omnis habitus seu dispositio communiter post se trahit multos actus sibi congruos. Aliqui volunt, ut ex scriptis auctoris maximè historici, nec ejus patria, nec familia, nec status conditio, nec religio appareat. Verum non sunt necessarij tam stricti limites, licet indifferentiam auctoris maximè probent.

Quinta. Reluceat in auctore naturalis scientia & observatio Regularum Criticarum. Cum enim leges Criticæ fundentur in naturali lumine, non potest contingere, ut mens rectè disposita frequenter ab istis regulis deflectat. Unus enim vel alter error non arguit malam dispositionem; quia omnis habitus seu dispositio inclinat ad actus sibi congruos; adeoque juxta L. C. omnis mentis dispositio, sive bona sit sive mala, trahit post se multos actus, ut proin ex actibus frequentatis dignosci debeat. Præcipuè attendendum, an auctor distinguat certa à probabilibus, probabilia à dubiis, an moderetur ac retineat assensum in incertis &c.

Sexta. Reluceat in auctore habitus rectè discurrendi seu Logicus. Qui enim frequenter impingeret in regulas rectæ ratiocinationis, coipsò convinceretur habere dispositionem malam mentis æquè pronam ad errorem ac ad veritatem in occasionibus erroris.

Septima. Reluceat in auctore Claritas, Ordo, & Exactitudo. Hæc enim proprietates regulariter concomitari solent ingenia ad veritatem disposita. Claritas dicitur reperiri in illis scriptis, in quibus reperitur Evidentia principiorum, conclusionum, & illationum, ita ut sine hæsitationis occasione statim appareat; quid asseratur; quid & quomodo sequatur. Ordo dicitur reperiri in iis scriptis, in quibus unico obtutu obvia est omnium dogmarum connaturalis connexio. Exactitudo dicitur reperiri in iis scriptis, in quibus non reperiuntur multi errores secundarii, ad principalem questionem parum quidem pertinentes, sed tamen limitationem ingeni auctoris arguentes; ingenia enim ad veritatem disposita non soleant esse limitata, aut certe cauta sunt in iis, quæ sciunt se ignorare. Et qui in secundariis tam au-

D

dafter,

daster ea, quæ ignorant, asserunt, æquè dispositi sunt ad loquendum in causa principali, licet eam parùm sciant.

- 10 **Ostava.** Vitet author præcipitantiam judicii, Quia juxta L. C. necesse est, mentem re non satia discussa sæpe errare. Præsumitur verò esse dispositus ad præcipitandum judicium ille, qui non solet retinere assensum in rebus dubiis, in inutilibus, aut ad quæstionem principalem impertinentibus; maxime si sine necessitate se immisceat controversiis, quæ sine offensione alicujus partis difficulter tractari possunt.

- 11 **Nonæ.** Reluceat in authore attentio, Exercitatio, & Eruditio; ita ut author nil omittat eorum, quæ alioquin attentis, exercitatis, ac eruditis obvia sunt. Quin debent in authore apparere positiva attentionis, exercitationis, ac eruditionis vestigia, quia his donis prædici non solent occultare dona sua. Quod autem sine his mens sit æquè disposita ad errorem ac ad veritatem, patet ex eo, quia sine his facillè mentem latent multa ad principalem quæstionem & ferendum rectum judicium scitu necessaria. Porro scitu necessarium est illud, cujus notitia mentes aliorum hominum solet dispo-  
nere ad ferendum aliud judicium. Attentio solet deesse in illis authoribus, qui se tantum exiguo tempore applicarunt ad suum objectum, ad quod alioquin etiam capacia ingenia se longo tempore applicant; dein in iis, qui nimis multos libros exiguo tempore, aut præmaturo scribunt; & maxime in iis, qui circa multa alia objecta impertinentia occupantur; mens enim humana non solet ad multa atenta esse. Exercitatio solet deesse in iis, qui non habent occasionem obviam se exercitandi aut scriptione, aut lectione, aut discursu ac colloquiis cum verè doctis. Eruditio verò deest in iis authoribus, in quibus multa reperiuntur dicta aut omissa, quæ eruditus non sic diceret aut omitteret, non tamen requiritur, ut quis impertinenti eruditione aliorum aures fatiget. Neque etiam conveniens est, omnem eruditionem palam profundere, modo quis ipso facto satis innuat, se ab eruditione sua directum esse. Cæterum confidentia & iterata repetitio dictorum probant attentionem dicentis.

- 12 **Decima.** Careat author ostentatione & puerili eloquentia. Quia hæ regulariter solent abesse ab ingeniis politicis, exercitatis, ac eruditis; hæ enim ob eruditionem ac experientiam variam sentiunt difficultates controversiæ; norunt præjudiciorum vim, & imbecillitatem humanæ mentis, experti sunt scientiam adversariorum, & cum seipsos sæpe victos sciant ac errasse, ad indifferentiam judicii & moderationem redacti sunt. Character ostentationis est omnia pro certis vendere, aut ea proponere, quæ licet impertinentia ad causam principalem sunt, apta tamen sunt ad conciliandam auctori

authori estimationem, & vilipensionem adversarii. Character puerilis eloquentiæ est, uti arte declamatoria, & argumentis popularibus, in quibus nulla inest vis ad causam principalem; quod contingit, si talia argumenta declamatoria non possunt reduci ad formam alicujus argumenti solidi, in quo nihil negari potest. Authores huic puerili eloquentiæ affueri prouiores sunt ad errorem quàm ad veritatem; quia sola apparentia argumentorum, quam hi sequuntur, potest esse causa ac principium multorum errorum, sed tantum unius veritatis, ut proin inter res possibiles effectus maior sit pro errore præsumptio iuxta L. C.

Undecima. Sit author liber, ad nullius Magistri verba adstrictus, 12  
Quia tollitur indifferentia iudicii, postquam semel suscepta est obligatio; mens redditur attentior ad rationes faventes; & concomitari plerumque solent talem obligationem multæ aliæ seceræ mentis affectiones, quæ iudicium inclinant in partem propriam. Igitur viris ad verba Magistri adstrictis liceat pro sua parte pugnare argumentis, non autoritate, nisi aliunde positivè demonstrarent, præsumptionem generalem in casu particulari eos non comprehendere; aut certe probent, se non iurasse in verba Magistri, nisi præmissis sufficienti examine doctrinæ, & quidem libere iurasse.

Duodecima. Sit author probatus omnium ferè sapientum iudicio. 14  
Sapientes enim dici debent illi, in quibus apparent principia recti iudicii; igitur cum hæc principia à potiori consequantur effectum suum, nec communiter aberrent, debet necessario commune sapientum iudicium conforme esse iudicio authoris. Quin etiamsi author non haberet qualitatem idonei iudicis aut testis; si tamen ejus doctrina approbetur communi sapientum iudicio, signum est, authorem non multum errasse, licet pronus fuerit ad errandum. Porro in numero sapientum haberi debent etiam illi, qui habent in suis mentibus specialem assistentiam providentiæ; licet enim auxilia talis providentiæ plerumque adhuc dependant ab applicatione ac industria humana, à potiori tamen consequuntur effectum suum.

Decimatertiz. Non relinquat author animum in suspensio. Hoc 15  
fieri solet, quando author sibiipsi sæpius aut verè aut apparenter contradicit; quando tractat materiam problematice potius quàm dogmaticè pro utraque parte disputando. Si principiis generalibus omnem vim detrahatur conclusionibus particularibus, aut aliis limitationibus; si mentem ita impertinenti eruditione occupet, ut ea ultimò ignoret, qua ratiocinatione tam fuse dicta ad conclusionem ordinet, aut quid inde inferendum sit. Si ita differat de uno contrariorum, ut proum sit prolabi ad alterum extremum, quando neque author limites contrariorum accurate non determinat. Si denique



que nulum decretum-tum scopum statuat, ad quæ omnia dicta facile referri possint; si disparata confusâ rationatione probet, sicut contingit, quando quis adversarios una eademque argumentatione confutendo confundit. Talis author, licet sæpe veritatem attingat, necessario tamen sæpe aberrat, quia non habet certa principia veritatis, nec ordinem rationis.

- 16 Decimaquarta. Reluceat in authore perspicacia & prudentia. Perspicaciam ingenii voco, qua non solum facillimè exegitantur argumenta, sed & eorum vis cum adversariorum responsis ac effugis facillè prævidetur. Prudentiam voco, qua controversia sic tractatur, ut intellectus facillimè convincatur; hinc removeantur omnia, quæ intellectum impediunt à comprehendenda veritate; non excitentur tales passiones in animis audientium, quibus turbatur, aut omnino odiosa redditur veritas; resecantur inutilia, quæ ad scopum non requiruntur, cum sine damno possint abesse: evitetur prolixitas, cum mens adeo mole comprehendere nequeat. Absint exaggerationes, quia earum falsitate redditur suspecta tota doctrina. Tota doctrina possit resolvi in definitiones, axiomata, postulata, conclusiones, probationes, explicationes utiles, animadversiones, consuetudines, & dubiorum solutiones. Obvia sit menti totius systematis ac doctrinæ connexio; scopus sit ubique per totum opus in omnium oculis; pauca sint ac uniformia principia, quæ in omnes conclusiones aperte influant. Leves objectiones, quarum solutio cuiusvis obvia omitterentur. Ejusdem rei sub aliis terminis repetitio, sicut & earundem probationum, caveatur; quia hæc repetitio mentem potius avertit ab attentione, quàm convincit. Ea, quæ dependet à definitionibus nominum, aut explicatione terminorum, non specialiter multis extrinsecis non necessariis argumentis discutiantur, quia mens semper viam brevissimam ad veritatem quaerit; hinc etiam principiis incertis, aut doctrinis exiguae consequentiæ nemo immoretur; nec sine urgenti causa veritas multis argumentis probanda, quando ea sufficienter demonstratur unico, universim ea non doceantur, quæ viro mediocri ingenii data occasione aliunde facillimè incident. Hæc omnia sunt contra prudentiam, cujus habitus non potest reperiri in authore, qui elicit multos actus oppositos prudentiæ. Perspicacia autem ingenii probatur, si authori occurrant talia argumenta aut responsiones, quæ aliis non facile occurrunt; perspicacia defectus probatur, si author non prævidet ea, quæ alius facillè prævideret, aut inveniret, sive spectentur argumenta, sive responsiones, sive ordo & connexio & integritas doctrinæ, sive declinatio adversarii, cui nunquam debet præberi occasio, ex qua authori inanem difficultatem movere possit.



Decimaquinta. Sit aut or liber à passionibus potentiz intellectivæ. 17  
Tales passiones sunt. 1. Præcipitantia iudicii. 2. Curiositas, quæ est co-  
gnitio rerum inutilium. 3. Nugacitas, quæ est inclinatio mentis ad obje-  
cta inutilia jocosâ. 4. Naturalis, vel voluntaria ad occasiones menti con-  
tagiosas adhesio. 5. Sollicitudo temporalium. Hæc omnia rarissimè in-  
sunt mentibus ad veritatem dispositis; & in Ethica ex E. C. demonstratur,  
ex his fontibus necessariò consequi innumeros errores, ut proin tollant au-  
thoritatem authoris. Bene tamen notari debet, hic sermonem esse de habi-  
tibus, qui nascuntur ex frequentatis actibus; non de actibus particularibus;  
solent enim etiam sapientes nonnunquam ob necessitatem tales paucos actus,  
attingere.

## §. 3.

## De Qualitate idonei testis.

In nemine præsumitur idonei testis qualitas, nisi in illo præsumatur  
notitia & sinceritas. Quia testis nec falli debet, nec fallere: debuit rem, de  
qua testatur, de facili potuisse scire; alioquin in illo non præsumitur notitia;  
debet etiam esse bonæ famæ; alioquin non præsumitur in illo sinceritas. Hinc  
nec fama, nec traditio, nec persuasio hominum, nec sensus communis fun-  
dat idoneum testimonium, nisi in quantum aliunde fundat præsumptionem  
notitiæ & sinceritatis.

Tamdiu in quovis teste præsumitur reperiri sinceritas, quamdiu in illo  
non probatur ad fallendum pronitas. Hæc autem ex statu, circumstantiis,  
ac dispositione loquentis probari potest.

In teste, qui reddit rationem suæ scientiæ, tanta præcisè reperitur  
probabilitas, quanta in ratione. v. g. si fundetur in fama, in visu, in docu-  
mentis &c. tota probabilitas testimonii ex horum probabilitate desumi  
debet.

Testis, qui non reddit rationem suæ scientiæ, præsumitur fundari in  
documentis obviis, in quibus illi primum erat quiescere. Igitur circa talem  
testem ad duo attendi debet. Primò, ad ea documenta, quæ de facili po-  
tuerunt esse obvia. Secundò, ad dispositionem testis; an pronus sit ad a-  
quiescendum documentis minus solidis. Semper enim præsumendum, eum fun-  
dari in documento omnium facillimè obvio; si verò tale documentum sit  
minus solidum, & testis non soleat aquiescere documentis minus solidis,  
præsumendum est, eum niti documento solidiori, nunquam tamen testis  
præsumitur niti documentis extraordinariis.

- 5 Tanta est testis authoritas, quanta est probabilitas, quod habuerit sufficientem noticiam. Et parum interest, siue sit testis coævus, siue proximè coævus, siue recentior ac remotior. Hinc, quando testes opponuntur testibus, interdum unus testis coævus prævalet centum testibus recentioribus; interdum verò recentiores prævalent testi coævo.
- 6 Unus testis coævus de visu vel auditu prævalet mille testibus non coævis. Patet.
- 7 Plures testes coævi de fama vincunt testimonium omnium aliorum testium, qui non sunt coævi. Quia vix fallit fama, quæ tot fide dignis testibus fulcitur.
- 8 Cæteris paribus semper standum est pluralitate testium.
- 9 Omnes convenientiæ ac conjecturæ cedunt testimonio unius fide digni; quia præsumptio cedit veritati.
- 10 In factis antiquis requiritur eadem testium qualitas, quæ requiritur in factis recentioribus, in ordine ad veritatem, sed non in ordine ad effectus morales. Quia factum ob solam antiquitatem non redditur magis credibile; igitur in ordine ad veritatem & ad ferendum iudicium speculativum debet intellectus æquè idoneis testibus convinci, ac in factis recentioribus. Sed quia Regulæ prudentiæ suadent, tradita custodiri, & vitari faciles mutationes in effectibus moralibus, in quibus licet abstrahere à certitudine vel probabilitate directæ facti antiqui; ideo in ordine ad tales effectus morales sufficit minor numerus testium, & minus idoneorum: quin sufficit interdum ad conservandos effectus morales facti antiqui, modo in objecto seu facto non demonstretur falsitas. Hinc ii audiendi non sunt, qui sine præsentis dissimulatione in factis antiquis sufficere volunt testimonium unius testis forte etiam minus idonei.
- 11 Traditio, cujus nec falsitas, nec ininterrupta successio demonstrari potest, adhuc fundat in finem probabilitatis gradum. Quia licet plurimæ tales traditiones, maxime populares, falsæ sint, plures tamen ex iis veræ sunt. Potest tamen hic probabilitatis gradus tolli per conjecturas, aut alia argumenta positiva, si sint æque probabilia, ac ipsa traditio. Interim tamen talis traditio, cui opponuntur argumenta positiva, licet in ordine ad veritatem directam & ad iudicium speculativum non habeat amplius vim, retinet tamen vim suam in ordine ad effectus morales ob rationem prius datam. Tales effectus plerumque dependent ab authoritate publica tam quoad sui productionem, quam conservationem.
- 12 Testis semel mendax nunquam fundat probabilitatem. Quia unicuique deliberatum mendacium arguit talem mentis dispositionem, quæ non solet reperiri in sinceris hominibus. Persona

Persona publica semper fundat summam probabilitatem in iis, quæ 13  
sunt testimonii publici. Quia raro solet fallere.

Qui textum truncat, mutat, aut multa reticet cum gravi præjudicio 14  
causæ, pro teste falsario haberi debet. Quia scienter adducit alterius testi-  
monium; cum sciat, id non esse conveniens, si rectè inspicitur.

Qui sæpius testatur innixus documentis dubiis, nunquam fundat pro- 15  
babilitatem. Quia talis author censetur habere dispositionem ac habitum ni-  
mæ levitatis in credendo.

#### §. 4.

#### De Argumento Negativo petito ex Silentio Authorum.

Tunc solum ex silentio authorum contra factum fundatur præsum-  
ptio, quando in authoribus ad rumpendum silentium ostenditur positiva  
dispositio. Quia si cum veritate facti æque facile stat silentium, huius si-  
lentii positio non erit facti destructio; cum solum illa se invicem destruant,  
quæ difficulter simul stant. Igitur, qui ex silentio authorum vult ducere  
argumentum, debet duo probare. Primò, quod extiterint authores, qui  
habuerint occasionem scribendi & testandi de facto. Secundò, quod illi au-  
thores habuerint positivam inclinationem, dispositionem ac pronitatem ad  
scribendum ac testandum de facto: multi enim possent scribere, ac testari  
de rebus suorum temporum, sed nolunt, nisi urgeant fortia motiva. Ad  
hoc, ut author possit scribere, requiritur, ut habeat de facto certam noti-  
tiam; quia idoneus testis non vult testari sine documentis authenticis; re-  
quiritur insuper, ut habeat occasionem scribendi obviam; nec enim solent  
authores operibus suis immiscere impertinentia, nec de quolibet facto me-  
morabili particulari speciales edere libros; nec de quacunque re immiscere  
sermonem, nisi ultro occasio subiectæ materiæ, finis sui operis, conditio su-  
statûs, & tempus permiserit. Ad hoc verò, ut quis habeat positivam in-  
clinationem ad scribendum ac testandum de facto, requiritur, ut objectum  
eo tempore, quo scribit, de facili occurrat, ut habeat motiva allicientia ac  
præponderantia motivis absterrentibus; ac denique, ut silentium arguer-  
et notabilem negligentiam ac culpam in authore. His conditionibus cessan-  
tibus nil evincitur ex silentio; manifestum enim est ab omnibus scriptoribus  
ob limitationem humanæ attentionis, aut ob motiva absterrentia multas res  
reticere silentio, quæ convenientius fuissent dictæ.

Factum extraordinarium, quod siletur à pluribus scriptoribus coævis  
ad testificandum dispositis, pro supposito haberi debet. Quia juxta L. C. 2  
dispositio plurium causarum saltem aliquando operatur,

Praxis,

- 3 Praxis, Consuetudo, aut doctrina extraordinaria, de cuius origine ac novitate non testantur scriptores cœvi ad testificandum dispositi, pro antiquiori haberi debet. Quia omnis extraordinaria, ac digna attentione novitas solet à talibus scriptoribus notari.
- 4 Objectum congruum magnorum motuum, persecutionum, impugnationum &c. præsumitur nunquam existisse, ubi à scriptoribus dispositis nulla sit mentio talium motuum, persecutionum &c. Quia tales motus fere semper consequuntur occasiones congruas; igitur probabiliter fuissent à scriptoribus annotati. Cavendum tamen, ne hoc loco ex probabili inferatur aliud tantum probabiliter.
- 5 In odiosis nulla ex silentio authorum fundatur præsumptio. Quia tali casu etiam prudentes tenent silentium. Odiosa v. g. sunt, si agatur de crimine illustri personæ, si veritas multis sit ingrata &c. hinc à fortiori patet, silentium multorum authorum contra testimonium unius idonei testis in odiosis nullam fundare præsumptionem. Quin tali casu silentium reliquorum scriptorum potius confirmat veritatem facti; cum illi errorem unius scriptoris potius confutaret, quàm silentio præterire debuissent.
- 6 Silentium non habetur pro consensu, nisi casu, quo quis tenetur loque, Patet ex regulis prudentiæ.
- 7 Silentium non habetur pro ignorantia, nisi casu, quo quis tenetur prodere scientiam.
- 8 Qui silet in dogmaticis, præsumitur insistere Opinioni Majorum suorum, Quia nulla præsumitur opinionum mutatio.
- 9 Qui silet ea, quæ primum esset eloqui, præsumitur silere ob ignorantiam.
- 10 Qui in suo discursu non utitur principio, aut supposito, quo uti primum esset; præsumitur illud principium aut ignorare, aut habere pro inutili. Quia non datur alia causa silentii magis obvia.
- 11 Qui in sua assertionem silet de argumento aut documento extraordinario aliqui hominibus incognito, non præsumitur illo niti. Cur enim sileret de tali argumento, quo sperare posset aliorum intellectum convinci?



## Pars 3. *De Interpretatione.*

### §. I.

#### De Vario Verborum Sensu.

**S**ensum verborum voco Conceptum mentis, seu statum idearum 1  
menti obversantium, qui verbo subijcitur.

Sensum Proprium voco, quem usus loquentium regulariter 2  
ac immediate verbo subijcit.

Sensum Propriissimum voco, quem usus loquentium omnium 3  
frequentissime ac immediate verbo subijcit.

Sensum minus Proprium voco, quem usus loquentium imme 4  
diatè quidem, sed minus frequenter verbo subijcit.

Sensum Improprium voco, quem usus loquentium aut rarissime 5  
aut mediatè tantum verbo subijcit.

Sensum primarium voco, quem verba secundum se menti in- 6  
generant.

Sensum Secundarium voco, quem circumstantiæ aut modus ten- 7  
dendi menti ingenerant.

Sensum Obvium voco, quem verba, aut manifestæ verborum 8  
circumstantiæ communiter humanis mentibus ingenerant.

Sensum Authoris, seu ab Authore intentum voco, quem ver- 9  
borum circumstantiæ non ita manifestæ, aut particularis usus autho-  
ris menti ingenerant.

Sensum coactum voco, quem nec usus loquentium unquam 10  
verbis subijcit, nec verba sine confusione idiomatis sibi subijci pa-  
tiuntur.

Cæterùm quid sit sensus verborum strictus, accommodus, di- 11  
tributivus, copulativus, collectivus, disjunctivus, disjunctus, redu-  
plicativus, denominativus, concretivus, materialis, formalis, priva-  
tivus, exclusivus, grammaticalis, disciplinarius, asceticus, metapho-  
ricus, litteralis, moralis, mysticus, anagogicus, latior, strictior &c.  
Quidve sit propositionis status, ampliatio, restrictio, distractio, ap-  
pellatio, alienatio; Quid sit simpliciter dictum, secundum quid di-  
ctum, connotatio, propositio principalis, propositio incidens, mo-  
dus de primo adjacente, modus de secundo adjacente &c. vel ex  
Summis Aristotelicorum, vel ex usu disci potest.

E

§. 2. De

## §. 2.

## De Principiis Interpretationis.

- 1 Omnis Interpretatio sumitur vel ex Ufu loquendi, vel ex dispositione loquentis, vel ex subiecta materia.
- 2 Hinc pro illo sensu stat præsumptio, quem usus loquentium communius verbo subijcit.
- 3 Pro illo sensu stat præsumptio, ad quem dispositio loquentis pronior.
- 4 Pro illo sensu stat præsumptio, quem subiecta materia loquenti facilius ingenerat.

## §. 3.

## De Sensu verborum desumpto ab Ufu Loquentium.

- 1 Usus verborum ex usu temporum æstimari debet. Quia sensus verborum dependet ab acceptance hominum, quæ non raro temporum vicissitudine mutatur.
- 2 Usus verborum rectè desumitur ab usu temporum proximè antecedentium vel consequentium. Quia intra exiguum temporis spatium non solet notabiliter mutari significatio vocum.
- 3 Sensus verborum, inquantum præsumitur tradentibus posteris fuisse traditus, à traditione desumi debet. Quia traditio nullam fundat præsumptionem, nisi inquantum præsumitur eam proficisci à prima origine, non ab arbitrio tradentium.
- 4 Sensus verborum ex operationibus, quas operantur, desumi debet. Quia verba nihil operantur, nisi mediante cognitione & acceptance humana; cum igitur operationes humanæ communiter sequantur exemplar cognitionis præviæ, ex operationibus in noticiam cognitionis præviæ, ac sensus verborum devenire possumus.
- 5 Sensus verborum, quem constanter eundem custodire adjuvat lumen naturale, aut providentia, semper desumi potest ab usu illorum hominum, in quibus impressiones luminis naturalis aut providentiæ facillimè recipiuntur. Quia lumen naturale aut providentia nunquam cessat consequi effectum, ad quem inclinatur, in nonnullis saltem subiectis bene dispositis; hinc tali casu debet credi sensum verborum mansisse invariatum, etiamsi mille rationes darentur in oppositum, quia lumen naturale & Providentia potentiores sunt omnibus aliis causis.

Sensus

Sensus verborum rectè desumitur à sensu verborum consimilium, correlativorum, aut analogorum. Quia mentes humanæ ad imitationem pronæ solent, quantum possibile est, subicere verbis eundem sensum, quem similibus verbis subicere consueverunt. Debent autem verba, aut propositiones consimiles, è quibus sumitur interpretatio, esse eorundem propositioni, quæ explicatur.

Igitur ex sola inductione locutionum consimilium fit præsumptio pro usu loquentium.

Ubi verò in usu loquentium reperitur divisio, stat pro sensu famosiori præsumptio.

#### §. 4.

### De Sensu verborum desumpto à Dispositione Loquentis.

Ad illum sensum prior est loquentis dispositio, ad quem datur major principiorum ad humanam cognitionem concurrentium inclinatio.

Principia ad humanam cognitionem remotè concurrentia sunt. 1. Cerebri naturalis aut acquisita habilitas. 2. Humor aut temperamentorum activitas. 3. Spirituum subtilitas. 4. Impressio. Imaginum, seu vestigiorum tenacitas, profunditas, debilitas. 5. Impressio ad invicem ordo ac communicatio.

Principia ad humanam cognitionem propinquius concurrentia sunt. 1. Educatio ac Magistrorum Institutio. 2. Eruditio è libris aut aliis documentis acquisita. 3. Præjudicia, seu principia generalia semel firmiter recepta. 4. Exercitatio, ac conversatio. 5. Idearum claritas, aut obscuritas; ordo, copia, aut confusio & defectus. 6. Habitus quidam mentis naturalis aut acquisitus ordinatè ac rationabiliter discurrendi. 7. attentio mentis, aut præcipientia. 8. Lumen quoddam naturale aut acquisitum singula aptè discernendi ac providendi, & multa connexa simul comprehendendi. 9. Auxilia extrinseca menti assistentia v. g. specialis providentia. 10. Affectiones ac passionis animi.

Pro illo sensu stat præsumptio, quem in similis conditionis hominibus regulariter ponit similis dispositio.

Pro illo sensu stat præsumptio, qui ex principis, ideis, documentis, aut objectis Authori familiaribus facilius resultat. Debent in hoc casu consuli L. C. secundum quas quævis propinqua dispositio regulariter consequitur effectum suum, & quidem eo certius, quo plures



plures concurrunt dispositiones, nisi aliunde constet de impedimento.

6 Pro illo sensu stat præsumptio 1. qui doctrinæ authoris alienæ traditæ est conformior. 2. Ex quo relucet major connexio in doctrina authoris. 3. Ex quo speratur major confirmatio aut illustratio Systematis, quod author tenuit. 4. Qui servat maiorem analogiam cum aliis authoris expressionibus. Quia authores semper intenti sunt ad conformitatem, connexionem, confirmationem ac analogiam doctrinæ suæ.

7 Locutio Authoris obscura per clariorem explicari debet. Quia semper præsumitur eadem authoris dispositio; adeoque idem censetur voluisse per locutionem obscuram, quod alio loco ac tempore edixit per locutionem claram.

8 Quivis præsumitur respicere ad illum finem, motivum, objectum, aut partem objecti, quæ illius menti facilius oblectitur. Quia mens humana non solet respicere ad ea, quæ obvia non sunt, sed difficulter investigari possunt.

9 Sensus, qui non invenitur nisi per multos & laboriosos discursibus, non præsumitur. Quia nunquam præsumitur aliquid extraordinarium; nec contingit superari tot difficultates successivas uniformiter.

10 Pro illo sensu stat præsumptio, quem proavum est verbis subiecti ab iis hominibus, ad quos verba diriguntur. Quia mens loquentis semper est disposita ad conformandos suos conceptus conceptui audientium. Igitur author vult ingenerare auditoribus tales conceptus, quales fore ingenerandos prudenter prævidere potest; semper autem prudenter prævidere potest ingenerandos fore illos conceptus, quos consideratis circumstantiis pronum est ingenerari. Cessat tamen hæc præsumptio, quando probabile est, loquentem studio occultare velle suum conceptum, aut eum ob imperitiam linguæ non posse suum conceptum terminis propriis exprimere.

11 Nulla præsumitur ab autore verbis subiecta notio, quæ dependet ab extraordinario magisterio, attentione, subsidiis, aut dispositionibus. Quia nihil præsumitur extraordinarium.

12 Pro illo sensu stat præsumptio, per quem singulis verbis convenit congruum motivum, & congruus finis. Quia nullum verbum, immo nec modus verborum præsumitur à sapiente frustra proferri.

13 Contra illum sensum stat præsumptio, qui virum prudentem dedecet. Quia loquens pro prudenti haberi cupit; adeoque sensus, qui

qui argueret manifestum errorem circa regulas prudentiæ, non præsumitur. Talis defectus prudentiæ foret. 1. Siquis quid loqueretur nulla data occasione aut ratione impellente ad loquendum. 2. Siquis nullum haberet locutionis finem prudenter intendibilem. 3. Siquis loqueretur prorsus incongruè, improporcionatè, aut inutiliter ad finem. 4. Siquis nullo modo satisfaceret expectationi auditium, aut merito & exigentiæ objecti. 5. Siquis magno verborum apparatu aut vehementiâ occuparetur circa rem exigui momenti, aut nullius consequentiæ, aut utilitatis. 6. Siquis ob defectum suppositorum ac conditionum circa particularia non existentium terminis generalibus nudum diverberaret aërem. Quia prudentis est, de re secundum modum & circumstantias ejus particulares cum veritate ac effectu intento loqui.

## §. 5.

## De Sensu verborum desumpto à Subjecta Materia.

Pro illo sensu stat præsumptio, quem obviæ objecti proprietates & circumstantiæ auctori facilius ingenerant.

Nemo præsumitur voluisse id asserere, cujus alioquin in natura nullum reperitur argumentum aut vestigium. Quia viri prudentes non solent auditoribus suis proponere res ipsis aliunde incognitas aut extraordinarias, nisi id manifestè claris verbis exprimant.

Pro illo sensu stat præsumptio, in quo relucet major omnium proprietatum ac circumstantiarum in objecto obviarum ad invicem connexio. Quia auctor præsumitur habere conceptum conformem objecto.

Pro illo sensu stat præsumptio, qui melius tangit subjectam controversiam. Quia viri prudentes non solent declinare punctum ac cardinem rei, aut dissimulare difficultates sine quarum examine non satisfit controversiæ.

Pro illo sensu stat præsumptio, in ordine ad quem quæstio consuevit, aut debuit tractari. Quia viri prudentes solent tractare quæstiones in eo sensu, quem auditores ratione aut consuetudine impulsus expectant.

Propositio significat rem in eo statu, quo omnibus occurrit ac obvia est. Quia auctor non potest prudenter sperare, quod auditores sui aliam notionem subjecturi sint, nisi quam illis ingerit status objecti aliunde obviæ; adeoque vult suis verbis talem notionem subjici.

- 7 Verba disciplinae aut arti propria ex ore artis periti fundant praesumptionem pro sensu arti proprio.
- 8 Objecta, quae facile recipiunt diversas notiones, nunquam fundant praesumptionem pro notione determinata ac stabili. Quia, ubi multi effectus contingenter sunt possibiles, nulla est pro determinato effectu probabilitas.
- 9 Omnis notionis modus sequitur modum sui objecti aliunde obvium. Quia prudens in omnibus, etiam suae Notioni accessoris, respicit ad objectum, ut obtineat maiorem suae Notionis cum objecto conformitatem.
- 10 Hinc nulla praesumitur verbis denotari objecti proprietates, nisi ad eam author facilliter respiciat.

## §. 6.

De Sensu Axiomatum, Definitionum, Divisionum, Inductionum, Enthymematum, integrorum discursuum ac Systematum.

- 1 Axiomata tantum fundant praesumptionem pro sensu aliunde evidenti. Quia axiomata non indigent probatione; adeoque ille, qui primus tale axioma protulit, necessario debuit axiomatici subijcere sensum aliunde evidentem, ut obtineat communem assensum. Et hinc Axiomata non possunt urgeri in sensu aliunde obscuro, dubio, aut incerto.
- 2 Omnes definitiones, de quarum rigore non constat, praesumuntur tantum esse descriptivae. Quia essentiae rerum non sunt adeo obviae, ut definiens facile ad eas respiciat; quin plurimae definitiones sunt reipsa tantum definitiones nominis, eo sine factae, ut in intellectu audientium nulla fiat confusio rerum ac nominum; aut, ut audientes specialiter attendant ad unam vel alteram proprietatem objecti in definitione expressam, ad quam forte aliunde Regulae prudentiae nos attendere volunt.
- 3 Omnis definitio Simplicium est tantum definitio nominis. Quia res simplex, quae nullas partes habet, non potest explicari per demonstrationem partium aliunde notarum; sed solum per demonstrationem circumstantiarum, in quibus talis simplex res menti experimentaliter innotebit.
- 4 Nec divisio, nec inductio praesumitur esse adaequata, nisi in ore Dogmatici. Quia homines plerumque utuntur divisione aut inductione solum ad talem finem, ad quem obsequendum vel non indigent vel

vel non putant se indigere adæquata divisione aut inductione ; quando verò materia tractatur dogmaticè , ratio exigit adæquatam , cui & regulariter obtemperatur.

Quivis præsumitur fortius velle insistere antecedenti , quàm s consequenti. Quia principia conclusionis regulariter sunt certiora & univ: saliora.

Author nullam præsumitur subicere vim suæ illationi consequentis ex antecedente , nisi tantum in ordine ad subjectam materiam. Quia rerum connexio , in qua fundatur omnis illatio , plerumque adeò multis involvitur circumstantiis , ut sine erroris periculo non liceat argumentari ad simile.

Author in sua illatione nihil præsumitur intendere , nisi quod 7 in illa evidenter & necessariò exprimitur. Quia ex unico authoris ratiocinio possunt quidem multæ de mente authoris fieri conjecturæ ; sed cum hæ omnes non possint esse veræ , pro neutrâ secundum L. C. stabit probabilitas.

Ubi sunt eadem principia & corollaria , ibi eadem sunt dog- 8 mata.

Ubi datur principiorum & corollariorum difformitas , etiam 9 dogmatum intercedit diversitas.

Identitas vel distinctio dogmatum ex iis , quæ cum dogmate 10 regulariter conjuncta aut connexa sunt , æstimari debet. Quia proprietates etiam in moralibus compositis plerumque concomitantur rem ; sive talia adjuncta sint antecedentia ; sive concomitantia , sive consequentia ad dogma ; sive pertineant ad perfectionem ipsius dogmatis ; sive ad modum connaturalem dogma proponendi dependentem à dispositione mentis.

Integri authorum discursus ac sistemata per claram Ideam , 11 quam omnes authoris propositiones exhaustiunt , exponi debent. Quia tota composita conveniunt , ubi singulæ partes convenire noscuntur ; licet harmonia partium ad invicem melius intelligatur , quando ex ordinatè per claram ideam exhibentur.

In illis authoribus reperitur eadem doctrina , in quibus reperi- 12 tur eadem dispositio animi.

Illi præsumuntur habere eandem doctrinam , qui habent ean- 13 dem assistentem providentiam aut illustrationem. Quia hæ fortissima cognitiois principia regulariter obtineant uniformem effectum suum.

Quivis

- 14 Quivis præsumitur admittere ordinarias aut cuius obvias sequelas doctrinæ suæ.
- 15 Nemo præsumitur cogitare de sequelis doctrinæ suæ, pugnantis cum principiis aut dispositione mentis suæ.
- 16 Quivis præsumitur potius velle insistere principiis generalibus, quàm sequelis, quando hæc illis opponuntur.
- 17 Conclusio particularis exponit intentionem authoris circa conclusionem generalem.
- 18 Quando conclusio particularis præter intentionem authoris tollit omnem vim conclusionis generalis, præsumitur author potius velle insistere conclusioni generali. Quia facilius est errare circa applicationem principiorum generalium, quàm circa ipsa principia, adeoque quilibet prudens debet habitualiter ita esse constitutus, ut potius velit teneri sua principia generalia, quàm applicationem principiorum, quando hæc enervat illorum vim.
- 19 Talem quisque præsumitur intendere connexionem doctrinæ aut rationum suarum, qualem communiter intendunt viri similis conditionis.

## §. 7.

## De Sensu Proprio, Primario, ac Secundo Propositionum.

- 1 In tantum sensus propositionis est proprius, in quantum est usitatus apud eos, ad quos propositio dirigitur.
- 2 Sensus proprius propositioni aliquando subjectus præsumitur eidem semper subjectus; quousque non probatur mutatio.
- 3 Sensus, quem Interpretes communiter propositioni subijciunt, præsumitur esse proprius. Nisi exinde Interpretes rebus aut opinionibus suis commodum sperare possent. Quia præsumuntur accipere propositionem in sensu obvio & usitato.
- 4 Ille sensus præsumitur esse proprius, quem propria confessione agnoscunt ii, quibus ille sensus præjudicat. Hinc si quis textus in disputatione adversariis objiciendus est, utile fuerit, illum textum, suppresso nomine authoris, per modum propriæ assertionis assumere; sic enim adversarius statim simpliciter negabit talem assertionem, si proprius ac obvius sensus illi adversatur, ac proin propria confessione vincitur, proprium ac obviuum illius textus sensum illi adversari.
- 5 Ille sensus, quo stante potuisset propositioni affirmativæ substitui negativa, aut vicissim, non est proprius propositioni. Quia dicitur contra.

contradictoriae propositiones non possunt esse verae in sensu proprio ; nec idem potest esse subiectum aut significatum affirmationis & negationis in sensu proprio.

Ille sensus non praesumitur esse proprius verbo , qui potest ex- 6  
primi per aliud verbum proprium. Quia licet ex usu hominum den-  
tur aliqua verba propria synonyma, regulariter tamen iidem conce-  
ptus non solent habere plura sui signa propria ; cum homines potius  
ob inopiam verborum coacti sint, ut iisdem signis ac verbis diversos  
conceptus exprimerent. Hinc in rigore vix ulla locutio assequitur  
sensum proprium alterius locutionis.

Sensus , qui facillime potuisset exprimi aliis verbis clavis , pro- 7  
priis, ac cuivis obvis, non praesumitur subesse verbis obscuris. Quia  
nullus praesumitur studio velle uti verbis aequivocis aut obscuris, si  
habet obvia verba clara ac propria.

Nulla exaggeratio , aut figurata locutio oratoria praesumitur 8  
recedere à proprio verborum sensu nisi in quantum id aliunde est evi-  
dens. Quia nullus praesumitur suos auditores velle decipere addendo  
vel minuendo de veritate ; deciperet autem , si exaggeratio aut fi-  
gurata locutio sic recederet à proprio verborum sensu, ut id ab audi-  
toribus non possit facillime adverti.

Verbum proprium additum improprio nec fundat praesumptio- 9  
nem pro sensu proprio nec pro improprio. Quia non est major ratio,  
cur unum dicatur accessorium alterius.

Major stat praesumptio pro sensu proprio, quam pro sensu gram- 10  
maticali, ac primariae institutionis. Quia usus verbi potentior est in-  
stitutione.

Ille sensus praesumitur esse proprius , quem homines ejusdem 11  
cum auctore conditionis communiter verbo subsiiciunt.

Sensus , qui ex dispositione loquentis , aut subiecta materia 12  
ostenditur subesse verbis aliunde ambiguis, adhuc praesumitur verbis  
illis esse proprius. Quia revera ille sensus verbis convenit , qui eisdem  
utut argumento extrinseco convenire ostenditur.

Sensus , qui est verbis proprius in ore unius, etiam in ore alte- 13  
rius esse praesumitur.

Quando auctor saepius sumeret verbum in sensu improprio, sta- 14  
ret potius pro sensu improprio praesumptio.

Quando contra verae propositionis proprium sensum pugnat ra- 15  
tio aliunde moraliter certa , stat potius pro sensu improprio pra-  
sumptio.

E

Etymo-

- 16 Etymologica & Derivativa non præsumuntur assequi sensum proprium verbi originarii. Quia plerumque verbis Etymologicis ac derivativis imponitur sensus distinctus à sensu verbi originarii. Hinc in usu vocum bene distingui debet id, à quo significatio translata est, & id, ad quod significandum translata est.
- 17 Quævis propositio præsumitur esse fundata officio suo per sensum primarium. Quia nullus solet uni propositioni subicere plures sensus. Hinc etiam propositiones urgendæ non sunt in alio sensu; quàm primario; multò minùs consecutariis vexandæ.
- 18 Omnis propositio potest recipere sensum secundarium simul stantem cum primario. Quia possunt illud verba loqui, aliud circumstantiæ verborum, ita, ut hi duo sensus nec se invicem excludant, nec impediant; adeoque talis propositio æquivalet duabus distinctis propositionibus per particulam copulativam Et conjunctis.
- 19 Quando Sensus secundarius obvius est, recipit propositio denominationem æquæ à sensu secundario, ac à primario: quod nempe dicatur in sensu obvio falsa, scandalosa, temeraria &c.
- 20 Propositio, è qua pronum est inferre aliam propositionem, ipsa in sensu secundario jam præsumitur inferre illam propositionem. Quia nullus præsumitur studio adhibere talem modum tendendi, è quo pronum sit inferre consecutaria, nisi intendat illa consecutaria, cuius, ut ponitur, obvia.
- 21 Talem quisque præsumitur propositioni subicere sensum secundarium, qualem homines similis cum auctore conditionis solent subicere, aut, qualem pronum est subicere spectata subiecta materia & dispositione loquentis. Quia, quod pronum est fieri, communiter fit secundum L. C.

## §. 8.

## De Sensu Universali &amp; Particulari, Limitato, &amp; Illimitato, Absoluto &amp; Conditionato Propositionum.

- 1 Subjectum propositionis indefinitæ in materia contingenti fundat præsumptionem pro sensu particulari.
- 2 Subjectum propositionis indefinitæ in Dogmaticis fundat præsumptionem pro sensu universali. Hinc contradictoria propositionis dogmaticæ est particularis.
- Prædicatum propositionis affirmativæ parit sensum particularem disjunctivum. Prædicatum verò propositionis negativæ parit sensum universalem distributivum.

Nulla



Nulla præsumitur propositioni subiecta fuisse universalitas, nisi 4  
ad quam respicere aliunde authori pronum erat, vel ob mentis dispositionem, vel ob subiectam materiam. Quia intellectus non solet respicere ad objecta sibi extraordinaria ac difficilia.

Talis præsumitur propositioni subiecta universalitas, ad quam 5  
solent respicere illi, ad quos propositio dirigitur. Quia verba generalia non significant ultra intentionem proferentium, qui volunt intelligi. Notandum autem, quod homines tantum soleant propositioni subijcere aliquam universalitatem, non omnem universalitatem, nempe tantum universalitatem illorum objectorum, quæ sibi notiora sunt, ac facilius menti occurrunt. Hinc

Propositio generalis non præsumitur comprehendere universa- 6  
litatem eorum objectorum, quæ menti difficulter occurrunt. Quia nihil extraordinarium præsumitur, nec mens solet respicere ad casus & objecta extraordinaria.

Propositio generalis non restringitur ultra evidentem exigen- 7  
tiam explicationum, limitationum, ac conditionum restringentium. Quia illa universalitas, ad quam semel prona est propositio, se extendit, quantum potest.

Exceptio particularis non tollit præsumptionem universalem 8  
propositionis generalis. Quia non obstante exceptione salvatur aliqua universalitas; neque enim in propositione generali affirmatur, quod semper sit, sed quod regulariter sit, si propositio sit in materia contingenti. Adeoque multò minùs tollitur universalitas propositionis ob exceptionem ac restrictionem alterius propositionis ei, de cujus sensu queritur, analogæ.

Propositio illimitata præsumitur fuisse limitata ad condiciones 9  
limitantes, ad quas fuit pronum respicere. Quia nullus præsumitur plus velle asserere cum erroris periculo, quàm scopus exigit. Tales conditiones limitantes sunt finis propositionis, motiva, explicatio, contextus &c.

Nunquam sumenda stricta aut laxa interpretatio, nisi inquan- 10  
tum aliunde præsumitur eam intentioni loquentis conformem esse. Quia dependet ab intentione loquentis, quantum in favorabilibus aut odiosis velit ad subiectam materiam attendere; nunquam igitur licet sensum verborum proprium ultra intentionem loquentis aliunde præsumptam restringere aut extendere; multò minùs licet ultra proprium verborum sensum excedere; quia nunquam intentio loquentis præsumitur se extendere ultra proprium verborum sensum.

41 Ubi nulla stat pro restrictione propositionis præsumptio, ibi locum non habet ulla propositionis distinctio. Quia omnis distinctio est simul aliqua sensus latioris restrictio, quæ positivè probari debet.

42 Quando in sensu obvio propositionis simpliciter prolata nulla de facili occurrit limitatio, ioanis est omnis restrictio, distinctio, aut additio. Quia propositio, simpliciter, sine addito, ut iacet, & in sensu obvio æstimari debet; à sensu autem obvio excludi præsumitur omnis conditio, aut restrictio extraordinaria, quæ de facili menti non occurrit.

43 Cuiunque propositioni absolutæ subest illa conditio, quæ ad ejus veritatem ex sua natura requiritur, & cujus cognitio in loquente præsumi potest. Quia non decet in conversatione humana inutiliter propositionibus addere conditiones per se inexistentes.

44 Conditio, quæ de facili potest, aut communiter solet subintelligi, debet subintelligi. Quia præsumptio sumitur ab eo, quod regulariter fit.

45 Propositio absoluta non præsumitur nisi conditione extraordinaria, aut tali, quæ menti difficulter occurrit.

### §. 9.

#### De Sensu Propositionum importantium aliquam Denominationem.

6 Omnis denominatio importat subiectum & formam denominationis in statu omnibus obvio. Quia termini propositionis audientibus noti esse debeat. Hinc

Denominatio non potest tribui tali subiecto, cui forma denominationis in statu obvio sumpta non convenit.

7 Forma denominationis tribuitur subiecto sub ea ratione, sub qua omnium facillime illi potest tribui. Quia semper id præsumitur, quod facillius fit, seu, quod primum est fieri. Hinc

8 Forma denominationis tribuitur subiecto ob causam notioiorem & certioiorem. 2. Forma denominationis tribuitur subiecto sub ea ratione, sub qua subiectum ad formam est magis dispositum. 3. Forma denominationis tribuitur subiecto sub ea ratione, sub qua forma aptior est ad sui receptionem.

9 Quando forma denominationis potest subiecto tribui ratione circumstantiarum, præsumitur ei tribui ratione circumstantiarum, Quia homines solent magis esse attentum ad subiecti circumstantias, quam ad ejus naturam.

Ex

Ex natura subjecti, & formæ, & circumstantiarum aliunde nota 6  
fieri debet præsumptio. 1. An forma denominationis conveniat sub-  
jecto immediatè, an mediatè. 2. An absolutè, aut conditionatè. 3.  
An reduplicativè, an denominativè. 4. An denominatio importet  
formam intrinsecam, an extrinsecam. 5. An forma denominationis  
conveniat subjecto in sensu metaphorico, aut proprio. Quia in his  
& similibus solet modus loquendi in utroque sensu frequenter adhi-  
beri; adeoque præsumptio non ex modo loquendi, sed solum ex  
subjecta materia, aut dispositione loquentis desumi debet.

Omnis denominatio, etiam incidens tantum, præsumitur esse 7  
assumpta ob aliquem finem magis obvium. Quia nullus præsumitur  
miscere sermoni impertinentia.

Ab eo fit denominatio, quod est magis obvium, aut culvis no- 8  
tabilius.

Toti composito tribuitur denominatio ob partem attentioni ho- 9  
minum magis expositam. Sive illa pars sit potior, nobilior, aut igno-  
bilior, parum interest. Quia in denominationibus modus loquendi  
non sequitur uniformem regulam, sed commoditatem, consuetudi-  
nem, & attentionem hominum. Solent autem homines ad id atten-  
dere, quod sibi notius, utilius, & quod fortius movet sensus aut  
phantasiam aut affectus, ac denique, quod magis servit ad vitandam  
confusionem linguarum aut locutionum, & quod ad finem particu-  
larem loquentis melius provocat attentionem.

Regula denominationum non est similitudo locutionum. Quia 10  
homines pro sua commoditate & arbitrio consueverunt tribuere re-  
bus denominationem, nullâ constanti locutionis regula aut formula  
servatâ; quin sæpe similibus denominationibus diversos sensus subji-  
ciunt. Hinc

Ob paritatem rationis non licet inferre paritatem denomina- 11  
tionis. Quia denominationes non ratio, sed usus privatorum homi-  
num inconstans & innumeris nitens circumstantiis invenit.

Ubi non reperitur adæquata & actualis ratio denominationis, 12  
non est locus denominationi. Quia licet forma denominationis sit in-  
terdum aliquid præteritum; debet tamen respectus ad formam sem-  
per esse actualis.

Oppositio denominationum ab oppositione formarum desumi 13  
debet; inquantum hæc formæ ex mente denominantium oppositæ  
sunt.

- 4 Nulla denominatio præsumitur aliquid addere subjecto denominationis, nisi forma & ejus à subjecto distinctio aliunde manifesta experientiâ nota sit. Quia homines ex pruritu loquendi tot invenerunt obscuras denominationes, in quibus nulla certa notio subjecta reperitur, ut necessariò omnes denominationes huic criterio subjici debeant, nisi quis velit frequenter deludi: igitur experientiâ sensuum aut mentis forma denominationis nota esse debet.

### §. 10.

#### De Sensu Propositionum importantium aliquam Causalitatem.

1. Causa, quæ in scholasticis ac dogmaticis adscribitur effectui, præsumitur esse adæquata, sufficiens, necessariò requisita, causa per se, causa sine qua non, immediata, ac principalis. Quia in scholasticis ac dogmaticis regulariter quæstio non solet institui de causa instrumentali, secundaria, mediata, inadæquata, causa per accidens, seu tali, quæ ex sua natura ac sine primario non ordinatur ad talem effectum.
2. Assertio unius causæ dubiæ nunquam est exclusio alterius causæ aliunde certæ ac notæ. Quia non solent investigari aut enumerari causæ, de quibus aliunde constat.
3. Talis præsumitur causæ subjecta notio, qualis satisfacit fini loquentis & expectationi audientis.
4. Circa quæstiones Juris præsumitur assignata esse causa fortissima. Quia quivis vult pondus ac meritum causæ dubiæ modo meliore proponere.
5. Quidquid ex parte causæ exprimitur, præsumitur esse ratio causandi. Quia nihil præsumitur impertinenter ad causalitatem ab auctore exprimi.
6. Quidquid ex parte effectus exprimitur, præsumitur pertinere ad rationem formalem effectus. Quia nihil solet conjungi cum effectui, nisi pertineat ad efficientiam effectus.
7. Quidquid in scholasticis ac dogmaticis assignatur per modum medii aut dispositionis ad finem; præsumitur assignari per modum medii per se requisiti ac propinqui. Quia non solent institui quæstiones de mediis minus necessariis, aut remotis.
8. Assertio unius medii aut dispositionis dubiæ non est exclusio alterius medii aut dispositionis aliunde certæ & necessariæ. Quia ea, quæ certa sunt, semper melius supponuntur.

Propo-

Propositio, quæ adscribit causæ effectum, & non adscribit effectum actuale, tantum importat virtutem ac vim causæ ad effectum. Quia non datur medium inter Actu producere effectum; & Posse producere effectum: igitur, quando effectus, quem causa producere dicitur, non est actualis, tantum affirmatur possibilitas propinqua, seu virtus ac vis causæ ad effectum.

Quando in propositione tantum importatur virtus ac vis causæ ad effectum, tunc effectus solum adscribitur causæ pro illis conditionibus temporis, dispositionum, circumstantiarum &c. secundum quas virtus causæ solet exire in actum. Quia in tali propositione effectus non affirmatur illimitatè & pro semper, sed sola virtus causæ ad effectum; igitur effectus solum affirmatur secundario, & præcisè eatenus, quatenus solet exire è virtute causæ; nempe id certis circumstantiis, loci, temporis, ac dispositionum aliunde notis.

Hinc Propositio universalis causalis, in quantum importatur virtus causæ ad effectum, non importat universalitatem effectus, sed virtutis. Quia in tali propositione nil aliud affirmatur, quàm causam semper & universaliter expeditam esse ad producendum effectum, licet iste effectus ob defectum conditionum ac dispositionum tantum sequatur in particularibus circumstantiis, aut ad summum regulariter.

### §. II.

#### De Sensu Propositionum importantium aliquam Paritatem, Similitudinem aut Relationem.

In eo præsumitur fuisse instituta paritas aut similitudo, quod omnibus notum ac obvium est. Quia nullus præsumit respicere ad ea, quæ menti difficulter occurrunt.

Eousque urgeri potest similitudo aut paritas, quousque ratio similitudinis aut paritatis facile potuit loquenti occurrere. Quia intentio loquentis non præsumitur se extendere ultra capacitatem subiectæ materiæ omnibus obviam, & ultra limites evidentiae.

In eo præsumitur instituta paritas aut similitudo, in quo solo servit ad finem loquentis.

Talis præsumitur termino relativo subiecta esse notio, qualem aliunde primum est consequi ex dispositione loquentis & audientium. Quia relativa nullam servant constantem notionem; notandum verò omnia esse relativa, quæ augeri aut minui possunt.

Quisque

- 5 Quisque præsumitur in termino relativo ad ea respicere, quæ illi obvia ac nota sunt.
- 6 Quando datur obvia allusionis occasio, præsumitur subesse allusio.

## §. 12.

## De Sensu verborum Univoco, Analogi, Æquivoci, Adæquati, Inadæquati, &amp; Sensu Concretorum.

- 1 Tamdiu stat pro univocatione verborum præsumptio, quamdiu non probatur iis subiecta diversa notio.
- 2 Tanta est pro diversitate notionis verbis subiectæ præsumptio, quanta est diversitatis propinqua occasio. Quia propinqua occasio regulariter post se trahit effectum.
- 3 Quando idem objectum pluribus diversis notionibus concipi potest, non tollitur vocis univocatio, etsi à diversis hominibus huic voci tales diversæ motiones subiectæ sint. Quia ad univocationem vocis solum requiritur identitas objecti, non identitas notionum.
- 4 Quando ex mutatione proprietatum aut partium etiam essentialium non tollitur objecti identitas, non tollit univocationem vocis enata è tali mutatione notionum diversitas. Quia in tali casu diversis notionibus adhuc exprimitur eadem res.
- 5 Quivis præsumitur vi verborum solum respicere ad partes & connotata objecti aliunde sibi obvia.
- 6 Hinc Nullus præsumitur assequi adæquatum sensum ab alio intentum, nisi eodem modo comprehendat objectum.
- 7 In verbis, quorum adæquatus sensus est arduus, quivis præsumitur tantum assequi sensum inadæquatum, notiozem, generaliozem, ac famosiozem. Tunc autem sensus adæquatus est arduus, quando solum aquiritur multarum rerum comprehensione, aut ad invicem relatione, subtili mentis penetratione; aut quando solum aquiritur multis discursibus, speciali mentis dispositione, aut experientia, ut proin in his non facile quis ab alio plenè intelligatur; & hoc ideo fit, quia verba tantum sunt signa conceptuum, non causa; excitant solum latentes ideas jam aliunde aquisitas, non verò eas producant.
- 8 Illi homines, qui non habent eandem adæquatè verborum notionem, non præsumuntur habere eadem principia & sequelas.
- 9 Concreta actualiter solum significant formam abstractam, v.g. Album, tantum significat albedinem. Quia nihil actu significatur, nisi quod actu sibi mens sentit obversari.

Concreta

Concreta aptitudinaliter significant omne possibile subiectum formæ. Quia talia verba possunt applicari cuicunque subiecto.

In Concretis modus loquendi non sequitur modum concipiendi, nec vicissim. Quia in concretis solum exprimitur relatio formæ cognitæ ad aliquod subiectum incognitum, quod omnino non concipitur.

### §. 13.

#### Observanda in Praxi Interpretationis.

Nullus sensus verbis tribuendus, nisi positiva præsumptione fundari possit.

Non tollitur pro sensu verborum præsumptio ex eo, quod aliquando possint, aut soleant habere sensum oppositum. Quia præsumptio stat pro illo sensu, qui regulariter verbis subicitur.

Præsumptio sensus non tollitur, nisi præsumptione sensus oppositæ; Quia probabilitas unius partis non tollitur, nisi æquali probabilitate alterius partis. Hinc patet, innumeros errare, qui putant se sufficienter respondisse ad textum, si ostendant, textum pari aliam convenientem explicationem, quam quæ ab adversario intenditur; aut si ostendant textum posse intelligi in alio sensu, aut eum aliquando in sensu sibi favorabili sumptum esse; quia Criticus non querit, quis sensus verbis subesse possit; sed, quis sensus soleat, & præsumatur verbis subiectus esse. Quare solus ille sufficienter respondet ad textum qui ostendit, textum in utroque sensu æqualiter esse usitatum.

Quando vox est ambigua, materia subiecta obscura, & dispositio loquentis incognita, pro neutro sensu stat præsumptio. Quando autem sensus verbi ambiguus innotescit vel ex subiecta materia, vel ex dispositione loquentis, frustra obtenditur verbi ambiguitas.

Nulla verbis obscuris subiicienda est clara Notio, nisi in quantum ea ex scriptis auctoris, & circumstantiis aliunde probatur. Quia in rebus obscuris nullus præsumitur habere claram notionem, nisi in quantum eam claris verbis exprimit; contingit tamen interdum eandem locutionem ac notionem doctis videri claram, quæ minus doctis videtur obscura. Idem dicendum de Notionibus adæquatis.

Quando propositio eadem probabilitate recipit plures sensus, nullus determinatè asseri potest. Patet ex L. C.

Quando tantum probabiliter constat de sensu auctoris, cuius auctoritas solum fundaret probabilitatem, nulla plerumque fundatur probabilitas. Quia, quod ex probabilibus tantum probabiliter deducitur, non remanet probabile.



- 8 Propositiones, quæ simpliciter offerunt sensum quandam obviu simpliciter affirmari aut negari debent.
- 9 Quando propositio ab adversario objecta videtur in sensu primario vera, sed in sensu secundario falsa, non est simpliciter sine distinctione, neganda, nisi sensus secundarius foret famosior.
- 10 Traditio, Consuetudo, & Mens Interpretum fundat presumptionem pro sensu. Quia licet frequenter fallant; sæpius tamen non fallunt.
- 11 Communis sensus Interpretum habentium debitam mentis dispositionem fundat summam probabilitatem. Quia in subjectis bene dispositis lumen naturale raro impeditur à suo effectu; igitur majori numero interpretum erendum.
- 12 Sensus Interpretum etiam innumerabilium, in quibus nulla reperitur pro recta mentis dispositione præsumptio, nullam fundat præsumptionem. Quia juxta L. C. in talibus subjectis æque facile, immo facilius potest poni error, quam veritas; positivè autem indispositio interpretum probatur, si desunt illis illæ conditiones, quæ aliis interpretibus priorum adversariis communiter insunt, v. g. Eruditio, Attentio, longa applicatio, Præjudiciorum libertas, Judicii ac Passionum indifferencia, Modus ac habitus ingenii doctis familiaris, sanctitas, assistentia providentiæ &c. & si ostendatur, eos non attendere ad illa, quæ tamen aliis parum attentis facile occurrunt. Negative indispositio interpretis probatur, si in illo nullam appareat positivum enumeratum conditionum argumentum, ita ut ejus scripta æquè potuerint promanare ab auctore, in quo illæ conditiones non existunt; cum enim difficile sit celare dotes suas, præsumitur, eas non reperiri, ubi earum nullum apparet argumentum.
- 13 Nulla verbis subiicienda est idea, cujus experimentalis mentis notitia ac genesis demonstrari non possit. Hæc Regula necessaria est in multis casibus, in quibus homines loquuntur sine ullo verborum sensu. Regulæ autem æquitas exinde probatur, quia verba sunt tantum signa conceptuum, seu Idearum; signa autem sunt tantum communitaria rei jam aliunde notæ; sicut enim cæco colores nullo signo demonstrari possunt, ita nullum aliud signum potest esse rei ignotæ signum. Hinc infantes, quando addiscunt significationem verborum, eam non addiscunt, nisi illas res, quas verba exprimunt, simul sensibus cognoscant. Igitur, sicut infantibus significatum verborum experimentalis sensuum notitiâ notum esse debet; ita omnes aliæ ideæ verbis subjectæ aliunde experimentalis mentis notitiâ cognoscæ esse debent; & sicut genesis illarum idearum, quæ

quæ intantibus ingenerantur , demonstrari potest demonstrando circumstantias, in quibus ingenerantur ; ita debent posse demonstrari circumstantiæ , in quibus reliquæ ideæ ingenerantur ; alioquin inferendum esset, omnino nullam ideam ab authore suis verbis subjectam esse ; aut si aliqua ideæ subjecta est , admittenda est aliqua experimentalis notitiâ nota, & clarè ab omnibus aliis ideis distincta. Cæterum conceptus seu idea simplex nascitur ab experientia mentis aut sensuum ; conceptus vero complexus nascitur ex combinatione simplicium.

Vix unquam ex solis verbis secundum se & nude sumptis aliquis sensus pro certo statuendus est. Quia vix ulla occurrunt verba , quæ non aliquando saltem recipiant duplicem sensum : hinc nulla statuenda certitudo , nisi simul inspicatur subjecta materia, & dispositio loquentis.

In Disputatione, quando propositio adversarii habet sensum obvium 15: erroneum , reiicienda quidem est propositio , sed excusanda intentio adversarii, si propositio patiatursensum verum minus proprium.

Nulla propositio impugnanda est, nisi quis cum adversario conveniat de sensu propositionis : Ne forte oriatur confusio , & inutiles concertatio , aut lis de nomine. Signa autem Logomachix sunt. 1. si id, quod negatur, alijs terminis synonymis concedatur. 2. si quis ea oppugnet, in quibus genus humanum convenit. 3. si quis negat rem cognitu facillimam. 4. si vir sapiens sententiam manifeste absurdam ac ridiculam propugnet. 5. si quis à sententia absurda alioquin in praxi ac vita abhorret. 6. si tam affirmans, quam negans iisdem utantur principiis, argumentis, ac responsionibus 7. si disputatio sit de definitione aut divisione. 8. si quis rogatus vocabula generalia non possit clarius in particulari aut per exemplum, aut experientiam explicare. 9. si disputantes non intelligantur circa talia objecta, quæ alioquin captum humanum non superant. 10. si aut in argumento aut in responsione subito immisceantur verba, quæ nudum rei conspectum ac clarum sensum subito nobis eripiant. In his proin occasionibus præcipue laborandum est, ut prius conveniamus cum

adversario de verborum sensu in terminis aliunde claris.

## Pars 4.

## Summa

*Regularum Criticis modernis familiarium.*

## §. I.

## De Arte Critica, &amp; Regulis Joannis Clerici.

II

**C**lericus Criticam vocat Artem intelligendorum veterum Scriptorum, & dignoscendi, quanam eorum genuina scripta sint, quæ spuria. Eam in tres partes dividit: in Prima docet, quo ordine legendi veteres Scriptores Latini; Græci, Hebraici, In Secunda tradit Canones de interpretatione verborum & locutionum. In Tertia docet, quod nos judicium ferre oporteat de antiquorum Scriptorum libris & locis tam genuinis, quam spuris, tam sinceris; quam corruptis.

2

In Parte prima vult 1<sup>o</sup> lectioni Veterum præmitti studium Geographiæ, Chronologiæ, Consuetudinum, & Opinionum, ad quas Scriptores veteres sæpe respiciunt. 2<sup>o</sup> Inter Latinos ab initio legi vult Plautum, Terentium, Phœdram, Cæsarem, Cornelium Nepotem, Iulium, Epistolæ Ciceronis ad familiares, & ejus Orationes faciliores: tum primum vult progressum fieri ad Pœtes. 3<sup>o</sup> In Græcis post nominum declinationes & verborum inflexiones memoriæ mandatas vult legi Polyani Stragemata, Elianum, Lucianum, Aristophanem, Cebetis Thebani tabulas, Dialogos Æschini, Xenophontem, Herodotum, Orationes Isocratis, & Demosthenis, ac Platonum; tunc primum Pœtas Homerum, Hesiodum, Euripidem. 4. In Hebraicis post iteratam à tyronibus descriptionem Alphabeti Hebraici, & obiter comprehensas memoria regulas neglectis anomaliis pronunciationum & conjugationum vult quotidie aliquid è Codice sacro, ex quo solo non solum omnes Hebraicæ Grammaticæ sed & Lexica composita sunt.

3

In Parte secunda tradit sequentes de Interpretatione verborum Regulas. 1. Lingux sibi invicem non satis respondent. 2. Voces variarum linguarum, quæ planè idem significare videntur, sibi invicem non respondent. 3. Multa videntur in versionibus emphatica, quæ in ipsis fontibus nullam emphasin habent. 4. Plurima sunt vocabula ambigua in omnibus linguis. 5. Significationes vocum eorundem nunc sunt am-  
plio

piores, nunc artiores. 6. Propria vocum significatio cum tralaticia non est confundenda. 7. Multis vocibus sunt subiectæ notiones obscuræ. 8. Dantur voces, quibus nulla est subiecta notio. 9. Locutiones sunt plurimæ in omnibus linguis anomalæ, & parum adcuratæ, quæ nimium urgendæ non sunt. 10. Impropria locutio non est confundenda cum tropica aut figurata locutione. 11. Multa sunt propter constructionem ambigua. 12. Ut probe intelligatur quivis Scriptor, consuetudines & opinioniones ejus popularium tenendæ sunt. 13. Critico, qui scriptorem interpretari aggreditur, debet esse nota res, de qua scriptor agit. 14. Diversæ sectæ iisdem sæpe usæ sunt vocabulis ad diversa prorsus dogmata exprimenda. 15. difficultas intelligendi maxima oritur interdum ex stylo rhetorico. In secunda sectione hujus partis ostendit, universim ambiguae significationis esse Nomina Notionum simplicium, & compositarum; Nomina substantiarum, & Modorum, Relationum, rerum concretarum, & abstractarum; Nomina Notionum singularium, particularium, & universaliū, clararum, obscurarum, æquarum, & inadæquatarum.

In Parte tertia Sect. 1. agit de Origine mendorum, & postea leges emendandi subiicit. Originem mendorum repetit ex imperitia dictantis, negligentia scribentis, incuria librariorum, temeritate Criticorum, malitia impostorum, & vetustate Manuscriptorum; dictans forte litterarum ductus non est affectus, forte affines figuræ litteras miscuit, aut quæpiam omisit, aut verborum situm neglexit, aut malè pronuntiavit, aut glossæmata in margine adjecta contextui intulit. Scribens potuit ea, quæ cogitabat, non quæ audiebat, scribere; potuit perperam audire; forte non est affectus orthographiam, & antiquiores litteras, aut omisit distinctiones, signa parentheos, exclamationis, interrogationis, aut abbreviationibus usus est.

Leges emendandi sequentes sunt.

1. Siquid mutetur, mutationem res ipsa, orationisve series, stylusque scriptoris necessario postulato.
2. Omnis emendatio linguæ, ingenio, aut scriptoria stylo consentanea esto.
3. Ratio depravationis, si fieri potest, redditor.
4. Nulla emendatio à lectione veterum Codicum nimium recedito.
5. Manuscripti Codices non suspecti aliis præferuntur.
6. Loco manuscriptorum codicum veterum citationes, ac veteres translationes adhibitis certis cautionibus sunt.

- 11 7. De omnibus in notis monere licet, at nulla, nisi manifesta aut ex manuscriptis codicibus hausta lectio in contextum orationis inferretur.
- 12 8. Conjecturae omnes modelle proponuntur; sin minus, doctis ludibrium debent.

Sectione 2. suppositionis aut interpolationis librorum sequentia indicia statuit.

- 13 1. Suppositiui libri indicium est, si in veteribus codicibus alii tribuatur; cum nulla ratio est, cur ejus habeatur, ejus nomen in editionibus praefert. Interpolati vero, si sit in veteribus codicibus sine additamento, quod in Recentioribus invenitur.
- 14 2. Si, quae ex veteribus ex libro quopiam olim prolata sunt, ea nunc in libro eadem inscriptione insignito desiderantur, aut alius est, aut mutilus. Si aliter legantur, suspectus sit oportet. Si omnia inveniantur sine mutatione, genuinus est, nisi aliae sint suspicandi rationes.
- 15 3. Scripta, quorum nulla mentio in priscis Catalogis, quae nec memorata sunt ab ullo scriptore sequentium saeculorum, ut plurimum aut ficta judicanda sunt, aut minimum suspecta habenda.
- 16 4. Quae discreta sunt rejecta, aut in dubium revocata ab antiquioribus, ea vix propter Recentiorum auctoritatem admitti queunt.
- 17 5. Liber, in quo dogmata leguntur iis contraria, quae scriptor, ejus nomen praefert, constanter defendit, non videtur ejus esse, si praesertim dogmata sint alicujus momenti; aut interpolatus est.
- 18 6. Liber, in quo memorantur res aut personae scriptore, ejus nomen praefert, recentiores; aut ejus non est, aut ab alio est auctus.
- 19 7. Liber indoctus, aut imperitiae refertus non potest ulla ex parte aut saltem totus viro docto tribui; nec fabulis scatens viro non inepto, quem constat veri amantem fuisse, attingi, quamvis in vetustis Codicibus eorum nomina praeferat.
- 20 8. Liber, in quo tractantur vel respiciuntur controversiae natae post tempora scriptoris, cui tribuitur; aut in quo deprehenditur scriptoris illo recentioris imitatio, ejus non est, ejus nomen praefert; aut est interpolatus.
- 21 9. Si stylus sit diversus à noto aut saeculi aut scriptoris stylo, ejus non est, quamvis ejus nomen praeferat. Si sit idem, ac stylus alius scriptoris, hujus liber censeri debet, si modo nihil obstat.
- 22 10. Vocabula sequioris aevi indicant Scriptorem recentiorem; in translatione vero, siquid sit, quod non conveniat linguae, qua scripsisse constat auctorem, cui liber tribuitur, aut non est translatio, aut est interpolata.

Hæ igitur sunt illæ Regulæ, è quibus constat ferè tota Ars Critica Jo. 23  
annis Clerici : singulas Regulas explicat ac probat particularibus exemplis,  
magna ex parte selectis ad impugnandos Romanæ Ecclesiæ scriptores, ejus-  
que dogmata, ob quod decreto S. Cong. Ind. 4. Martii 1709. Judicii li-  
brorum prohibitorum inserta est.

Ut jam, quid de Arte sentiam, libere proferam ; Judico, in Parte 24  
prima potuisse præscribi alium Ordinem in legendis scriptoribus Latinis &  
Græcis: cur enim non prælet eligere libros, quorum objectum juventu-  
tem concomitanter ideis ad formandos mores ac aperiendum judicium  
utilioribus imbueret: parum interest, si juvenis addiscat unum vel alterum  
terminum minus latinum, quem factus eruditor poterit corrigere; mul-  
tum verò nocet, si tenero cerebro imprimantur talia objecta acvelligia,  
quorum cum vitii connexio perpetuò mansura est,

In Parte secunda observo, omnes Clerici Regulas hoc solum pro-25  
bare, multorum verborum significationem adcuratam physica certitudine  
sciri non posse? Ad quid autem hæ regulæ me dirigunt in præxi? an ad  
hoc, ut significationem verborum universaliter pro incerta habeam? hæ  
verò universalis incertitudo minimè sequitur à paucis exemplis à Clerico  
allatis. An ad hoc, ut tot exemplis admonitus cautius retineam assensum,  
quando significatio verborum certa non est? ac hocine est tradere Ar-  
tem interpretandi & intelligendi veterum scripta?

Regulæ, quas Clericus in Parte tertia ex aliis authoribus collegit, 26  
aut non procedunt regulariter, sed tantum in aliquot particularibus casu-  
bus; aut patiuntur tot explicationes, limitationes, & exceptiones, ut ear-  
um usu & applicatione non videatur tolli ulla difficultas, quod tamen  
ad omnem bonam Regulam requiritur. Utiles animadversio ac observa-  
tio est, quæ suo tempore mentem manifesti erroris admonet, aut à ma-  
nifesto errore revocat; Regula verò est, quæ dubia & difficultates alioquin  
soluæ difficiles sui applicatione facile dissolvit. Debet insuper omnis regula  
esse instrumentum artificiale, non omnibus obvium, ac à naturâ concessum;  
tales enim regulæ forent innumeræ, & frustra doctis præscribuntur, ut-  
pote quibus ipsa natura, ingenium, & subjecta materia tales regulas facil-  
lime suggerit. Num igitur plus subsidii sperandum à Regulis Clerici, quàm  
à Locis Topicis generalibus Aristotelicis?



Regula 2. Habeatur perfecta cognitio linguæ, è qua versio fit, 4  
 Cum autem pleraque verba Hebraica sint æquivoca; 1. Ponatur in corpore versionis ille sensus, qui videbitur melior; reliquis expositionibus in marginem rejctis. 2. Studium linguæ Hebraicæ instituat, quàm quæ traditur in scholis & dictionariis. 3. Ut habeatur perfectior cognitio linguæ, consulantur veteres interpretes Græci, Judæi, Caraitæ seu Textuarii, qui insistant soli textui, rejctis traditionibus; & Rabbinistæ seu Thalmudici, qui præter textum recipiunt traditiones. His jungi possunt S. Hieronymus, & Masorethæ. 4. Assumantur in subsidium Concordantiæ Biblicæ, maximè Conradi Kircheri, in quibus uno quasi obtutu cernitur expositio, quàm 70. Interpretes tribuunt verbis Hebraicis; & Concordantiæ Martii de Calasio, in qua cernitur differentia inter Vulgatam & 70. Interpretes. 5. Adhibeantur antiquæ versiones, ut sciamus, quid approbatione temporum receptum sit; & peregrinæ linguæ, ut antiquæ versiones cum originali conferri possint.

Regula 3. Habeatur perfecta cognitio linguæ, in quam fit translatio. Sed 1. hæc cognitio non astringatur certis subtilitatibus, quarum observantiâ necesse est obscurum reddi sensum authoris; modo adhibeantur eæ expressiones, quæ Originale proximè assequuntur. 2. Interpres non alligetur ordini verborum, qui est in originali; alioquin ob anomaliam linguarum non poterunt vitari æquivocationes. 3. In casu dubii de significatione alicujus verbi de eo debet lector admoneri in margine. 4. In fine versionis addatur Dictionarium verborum obscurorum & difficillium; nomina animalium, plantarum, lapidum, instrumentorum &c. ipsis Judæis incognitorum post usum linguæ Hebraicæ. Si verbum fuerit omnino incognitum in corpore versionis retineri debet verbum Hebraicum textus, conjecturis in Dictionarium rejctis. 5. Adjungantur tabulæ Geographicæ & Chronologicæ cum explicatione locorum difficillium.

Hæ Simonii Regulæ multas passæ sunt censuras, & reverà multis difficultatibus subjectæ sunt; aut enim ea, quæ Simonius exigit, non poterunt præstari ab ullo homine; aut si humano modo præstentur, non poterunt tollere radicem totius incertitudinis, nempe defectum sufficientium documentorum; hoc defectu permanente correctio versionis vulgatæ solum nil potest conjecturis, quæ licet  
 H quando-



quandoque etiam fortes sint, non sufficiunt ad introducendam tanti momenti mutationem circa id, quod traditum est. Accedit, quod hæ regulæ tantum libertatis relinquunt interpreti, ut primum sit, illum, maxime si præjudiciis & erroneis opinionibus imbutus est, nec ulla assistente providentia dirigatur, à sano harum regularum sensu & usu desistere. Plura assert R. P. Honoré in suis Reflexionibus Criticis.

7 Quod attinet ad expositionem Scripturæ, plures nobis Regulas reliquerunt SS. Patres, præsertim Hieronymus, & Augustinus, qui suas septem regulas de Doct. Christi non dedignatus est à Donatistis mutuari; omnes hæ SS. Patrum Regulas in unum collegit, assertque ducentas triginta quatuor. Sixtus Senensis in sua Bibliotheca l. 3. Artem Interpretandi scripturam tradidit. Alphonsus Salmeron in suis Prolegomenis assert Canones 150. Alii Interpretes pariter sibi suas Regulas statuerunt, & Recentiores plurima Prolegomena ac Introductiones in scripturam ediderunt; his tamen omnibus parum effectum est, cum ob universalitatem Regularum in applicatione plerumque Interpretes dissentiant. Exempli tantum loco apponam aliquot Regulas 1717. Parisiis editas, quæ à Collectoribus Trevoltensibus mirè commendantur. Omnes hæ regulæ attingunt Vetust Testamentum.

8 Prima. In omnibus locis, in quibus Apostoli respexerunt ad Jesum Christum, oportet & nos respicere.

9 Secunda. Oportet semper eos textus referre ad Jesum Christum, in quibus certis characteribus sibi soli convenientibus designatur.

10 Tertia. Quando expressiones S. Scripturæ nimis sunt angustæ pro subiecta materia, quam videntur respicere, referendæ sunt ad objectum magis augustum.

11 Quarta. Reperluntur textus, in quibus sensus propheticus est solus immediatus & literalis sensus.

12 Quinta. Promissiones, quarum objectum est temporale, haberi debent pro figura bonorum spiritualium.

13 Sexta. Quando in Scriptura reperiuntur res, quæ ut jacent, non videntur consentire cum nostra ratione, aut cum qualitate personarum ad eas res perficiendas concurrentium, debemus intelligere latere mysterium.

Septima.

Septima. Reperiuntur in Scriptura adeo stupenda, & manifestè sapientia mysterium, ut seipsis mentem ultra sensum simplicem historicum vocent. 14

Octava. Reperiuntur in Scriptura historiarum, quarum circumstantiæ aperte referuntur ad Jesum Christum, ut sine dubio eum representent. 15

Nona. Lex, tabernaculum, sacrificia, sacerdotium, caeremoniæ Judaicæ sunt figura Jesu Christi. 16

Decima. Quando applicatio historiarum aut prophetiarum ad Jesum Christum est simplex, connaturalis, facilis ac obvia, ita ut omnes partes ad unum scopum uniantur ac colligantur; stat pro illa applicatione præsumptio. 17

Undecima. Loca Scripturæ, ubi lex, circumcisio, templum, sacrificia, caeremoniæ, privilegia seminis Abrahamici, habitationis in terra promissa & in Jerusalem non videntur habere sufficientem finem ac utilitatem, certò nos ducunt ad Jesum Christum, & justitiam Evangelii. 18

Duodecima. Certæ prædictiones Prophetarum sub iisdem terminis comprehendunt eventus diversissimos & ab invicem remotissimos. 19

Hæ Regulæ, utcumque bonæ sint, nil tamen extraordinarii subsidii hæctenus incogniti continent; earum probatio dependet à locis Scripturæ aliunde controversis; possemus iis carere, nisi in eas temeritas modernorum Criticorum toties impigisset. 20

### §. 3.

De Regulis Criticis Studium Conciliorum, Patrum, & Scriptorum Ecclesiasticorum concernentibus.

R. P. Mabillonius de Studiis Monasticis P. 2. C. 5. in lectione Conciliorum tria observari vult. 1. Habeatur idea generalis rerum, quæ in Conciliis observari merentur. 2. Sciatur exactè historia cujusvis Concilii, occasio, ob quam fuit coactum; hæreses in eo condemnatæ, personæ illustres assistentes, & successus subsequutus. 3. Subjiciantur singulæ Concilii partes, tam ex quæ dogmata, quam illæ, quæ disciplinam concernunt, propriis observationibus ac reflexionibus.

**B** Idem C. 9. in lectione Patrum novem Regulas præscribit. 1. Ante initium lectionis utile fuerit legere vitam Patris, ut cognoscatur illius ingenium, genius, character, actiones, & tempus, quo vivit. 2. Secernantur ejus genuina opera à dubiis aut suppositis. 3. Distinguantur tempora, quibus quodvis opus compositum est. 4. Quando Pater de eodem objecto locutus est diversimodè, ultimæ ejus opinioni læherendum est. 5. De mente ac doctrina Patris judicium potius sumi debet ex illis locis, in quibus ex instituto examinat materiam, quàm ubi de ea agit incidenter. 6. Non omnia cæcè ac indiscriminatim recipere convenit, quæ Pater docuit. 7. Quando Pater sequitur opinionem non communem aliis Patribus, non debet illi adhiberi plena fides, nisi ejus opinio ab Ecclesia sit consecrata. Quandocunque verò opinionem tantorum virorum dimittimus, cum reverentia dimittenda est. 8. In operibus Polemicis solum attendere oportet ad scopum controversiæ, nec eos semper eousque sequi, quæ calore disputationis nonnunquam abrepti sunt. 9. Utile fuerit facere Analysin cujusque tractatus.

**B** R. P. Thomæ Presbyter Oratorii in Indiculo Instit. Theol. veterum Patrum Romæ 1701. observat. 1. Patres usos esse terminis in sensu à Scripturis usurato. 2. Eos scribendo tam pro indoctis, quàm pro doctis usos esse modo loquendi vulgari, nec sollicitos fuisse de exacta significatione terminorum. 3. Plerosque Patrum institutos in philosophia Platonis usos esse modo loquendi Platónico. 4. Ab iis, qui legere voluerint Patres, deponenda esse præjudicia scholæ.

**B** Plures similes observationes tradunt alii, quæ tamen videntur plerumque ultro occurrere parum attentis in ipso Patrum usu. Nonnulli etiam regulas de selectu editionum confecerunt; sed jam constet, Parisienies studio ac labore Patrum à Congregatione S. Mauri editas reliquis palmam præripere: Editæ enim sunt à viris doctis, indefessis, de nullo errore suspectis, impressæ typis reglis, ac plurima Manuscripta revisæ ac correctæ, & denique Notis, Scholiis, ac Observationibus illustratæ.

**B** Qui de Locis Theologicis scripserunt, Canones de autoritate Patrum ediderint; plerique consensum Patrum in re dogmatica pro regula infallibili assumunt; in casu, quo Patres sibi invicem contradicent,

cunt, relinquunt culvis sentiendi libertatem; in quæstionibus facti minorem illis fidem tribuunt; antiquiores volunt præferri recentioribus &c.

#### §. 4.

#### De Regulis Criticorum in Historicis.

Launoyus in speciali tractatu hanc Regulam statuit: Ut nulum factum extraordinarium recipiatur sine testimonio Scriptoris corvi, aut proxime corvi.

Idem in Dissert. de Sulp. Severo tres alias regulas profert de 2 Traditionibus. Prima est; ut de eo, quod in traditione positum dicitur, diversis temporibus & locis scriptum sit à pluribus exploratæ fidei viris, qui producantur in testes.

Secunda. Ut Scriptores illi, nisi verbis omnibus, at certè sensu 3 convenient in testimonio, quod de re, quæ accepta per traditionem creditur, perhibent.

Tertia. Ut iidem Scriptores ad rei gestæ originem, quæ veritas 4 caput est, continua serie reducantur.

R. P. Honorè ex operibus modernorum Criticorum in ordine 5 ad Historiam varias collegit regulas. 1. Magna debetur veneratio antiquis Scriptoribus Ecclesiasticis, eorumque testimonia cum reverentia recipi debent. 2. Nunquam debemus recedere à testimonio Veterum, nisi cogamur urgentibus rationibus. 3. Testimonia veterum eludi non debent responsis parum solidis, nec eorum autoritas minui. 4. Non debemus recedere ab autoritate Patrum ex ductu hæreticorum in quæstionibus facti, maxime quando factum attingit religionem. 5. Non debemus Scriptoribus Ecclesiasticis assignere opiniones, quas non tenuerunt. 6. Non debemus dissimulare veras authorum opiniones. 7. Authores faventes non nimis extollantur, nec oppositi nimis deprimantur. 8. Idem textus authoris non recipiatur in uno loco, in alio rejiciatur. Nihil his regulis evidentius ac notius.

Cùm historiz nitantur genuinis documentis, etiam de suppo- 6 sitione operum tradendæ erant regulæ. Scultetus è Sixto Sep. B. bl. l. 4. tria suppositionem probare ait: stylum, subjectam materiam, tempus. Mabillonius è quatuor principiis suppositionem operum in- fert.

fert. 1. è manuscriptis. 2. è diversitate styli. 3. è testimonio auctorum. 4. è factis narratis in opere.

7 Author Problematis de S. Dionysii Areopagitæ operibus quinque affert regulas. 1. Quando liber tribuitur auctori ex fide monumentorum incertorum aut evidenter falforum, habetur ferè infallibile suppositionis signum. 2. Quando liber non potest auctori tribui, quin concedantur multæ inconvenientiæ, habetur signum probabile suppositionis; & si omnes inconvenientiæ sumantur simul, habetur signum moraliter infallibile. 3. Quando Scriptores Apologetici inter se non conveniunt, sed sibi invicem contradicunt in præcipuis capitibus & circumstantiis circa librum & authorem illius, habetur signum suppositionis. 4. Quando ex omnibus apologiis ne unica quidem fundat probabilitatem pro auctoritate libri defendendi. 5. Quando ex omnibus Apologiis sive simul sive seorsum sumptis non potest constari unum systema, quod cum Chronologia auctoris consentiat.

8 Conjecturæ magnum in historicis locum occupant, circa has statuuntur à diversis sequentia: 1. Factum sine testimonio Scriptoris coævi aut proximè coævi recipiendum non est. 2. Historia, cujus testimonium repetitur primitus è libro supposito aut apocrypho, pro falsa aut certè dubia haberi debet. 3. Historia, in qua reperiuntur res manifestè fabulosæ, habenda pro falsa. 4. Factum, quod repugnat Chronologiæ, aut continet res repugnantes tempori, loco, personis, aut historiis aliunde certis, rejiciendum est. 5. Historia, cujus Scriptores sibi non consentiunt, diversimodè referendo eandem rem, habenda est pro fictitia.

9 Arnaldus Dissert. de Hegesippo sequentes leges constituit:

1. Quando constat aliunde de veritate facti, parum curari debent objectiones; sufficiant solutiones probabiles, & possibiles, quin necesse sit earum rerum veritatem probare, quæ in solutionibus afferuntur.

10 2. Quando aliunde non certò constat de veritate facti, ad objectiones convenienter cum probatione solutionis responderi debet; nec sufficit generatim respondere; multas veritates impugnari objectionibus, quæ difficulter solvi possunt.

3. Id,

3. Id, quod in Jure vocatur Præsumptio, non confundatur cum 11  
Veritate. Quando Id, quod dico, habet majorem verosimilitudinem,  
quàm assertio adversarii, stat pro me Præsumptio; sed per hoc non-  
dum certum est, veritatem stare ex meis partibus: hoc solum re-  
fero commodum, ut onus probandi rejiciatur in adversarium.

4. Quando factum nititur testimonio auctoris coevi; & te- 12  
stimonio alterius, qui primum scripsit post centum annos; præsum-  
ptio stat pro auctore coevo; nec nisi sine urgentibus rationibus te-  
stimonium posterioris præferri potest.

5. Solis Scriptoribus Canonicis hoc tribuamus, quod nec falli 13  
potuerint, nec fallere. Reliquis Scriptoribus, quantumcunque san-  
ctis & doctis nulla lege fidem debemus, Aug.

6. Quando asseritur quid novum, extraordinarium, parum 14  
credibile, & ab uno solo auctore in loco, in quo manifestè errat;  
tunc asserenti, non neganti incumbit probatio.

7. Non est credibile hominem adeo recessisse à regulis rectæ 15  
rationis, ut ejus modus agendi sit sine exemplo nisi insipientium. Si  
quid tale proin reperitur in historia, non potest non haberi pro fa-  
bulosa.

Ad demonstrandam certitudinem facti antiqui, ab Anglo quo- 16  
dam requiruntur quatuor sequentes conditiones. 1. Ut factum ca-  
dat sub sensus. 2. Sit publicum. 3. Extent monumenta aut cære-  
moniz in memoriam facti. 4. Monumenta jam sint erecta tempore  
facti.

Du Pinus circa argumentum negativum, petatum ex silentio 17  
authorum, statuit tres sequentes Regulas. 1. Quando integrum opus  
antiquo adscriptum reperitur incognitum toti antiquitati; Quando  
illi, qui conscripserunt catalogum de operibus auctoris, nullam de  
quopiam opere mentionem fecerunt; aut quando opus catholicis  
favorabile non fuit allegatum ab illis, qui data occasione illud potu-  
issent, & debuissent allegare, probabilissimum est, opus esse suppo-  
situm. 2. Quando opus ab antiquis non fuit allegatum, eo ipso  
redditur dubium, nisi aliunde habeat authentica antiquitatis testi-  
monia. 3. Si verò non habeat talia antiquitatis testimonia, & acce-  
dunt



dunt conjecturæ contra antiquitatem cum silentio antiquorum, certum est, librum esse suppositum.

18 Idem Hist. Eccles. l. 1. p. 2. C. 5. q. 3. dicit in historia Ecclesiastica consulendos antiquos Scriptores, qui præcipuè veritatem amarunt, & eam per traditionem didicerunt. Quando tales Scriptores omnes inter se conveniunt, historia pro certa haberi debet. Quando historia nititur assertionem solum unius scriptoris, debet haberi pro verosimili; Quando autem authores sibi contradicunt, eligi poterit, quod verius videbitur.

19 Nonnunquam moderni recipiunt aut rejiciunt historiam, quod videatur ipsis conveniens, aut inconveniens, possibilis, aut impossibilis, verosimilis, aut non verosimilis.

20 Quando historia continet aliunde fabulosa, improbabilia, aut non verosimilia, ea communiter à modernis rejicitur.

21 Quando Tituli, Inscriptiones, & Subscriptiones corvæ non conveniunt cum historia, ea à modernis rejicitur; quando verò historia solum passa est aliquas additiones recentiores, nolunt auctoritatem historię imminui.

22 Sæpe rejicitur historia ob multas conjecturas simul sumptas, v. g. 1. Quod non nitatur testimonio auctoris antiqui. 2. Quod desumpta sit è libris supposititiis. 3. Quod contineat fabulosa. 4. Quod repugnet Chronologiæ. 5. Quod contineat circumstantias parum convenientes loco, tempori, & qualitati personarum. 6. Quod diversimodè narretur à scriptoribus.

23 Du Pinus pro suprema Regula ponit Judicium æquitatis & prudentiæ, quo ponderantur rationes.

24 Pro discernendis Actis Martyrum ponuntur sequentes regulæ. 1. Acta Martyrum, quò sunt succinctiora, & simpliciora, eò sunt melliora. 2. Acta sincera antiquorum Martyrum ordinariè referunt pauca miracula & prodigia. 3. Acta authentica Sanctorum continent paucas Oratiunculas, allocutiones & colloquia. 4. Acta sincera primorum Martyrum non continent multa tormenta extraordinaria.



naria. §. Verba contumeliosa, parum sanctos decencia, arguunt actorum suppositionem.

Quidam insuper suppositionis arguunt ea Acta. 1. In quibus sunt magna promissa à Gentilibus facta iis, qui deserta fide idola colerent, 2. In quibus fit mentio edictorum contra Christianos sub Imperatoribus Trajano, Antonino, & M. Aurelio. 3. In quibus persecutiones Decij & Valeriani simul junguntur.

Denique Tillemontius vult, ut ex lectione Actorum authenticorum quis acquirat gustum discernendi sincera à non sinceris, ad quem acquirendum multum conducit noticia historiarum, styli, & disciplinæ cujusvis sæculi.

Circa omnes has Regulas cum R. P. Honoré observo, plerasque non procedere universaliter, sed ordinariè tantum, ut proin solam præsumptionem, non certitudinem pariant; multæ verò ne quidem ordinariè procedunt, quia sæpius fallunt, quam non fallunt. Reverà historiæ plerumque dependent à tot circumstantiis particularibus, ut inutiles fiant regulæ generales; solum in tot circumstantiis consuli possunt Leges Contingentium; his solis invenitur, quid regulariter soleat fieri, quid non soleat fieri; quid soleat communiter esse conjunctum cum veritate historiæ, quid non soleat esse conjunctum.

### §. 5.

#### De Regulis collectis à R. P. Honoré pro Emendatione Artis Criticæ.

Circa factum historicum ponit quinque regulas. 1. Exponatur species facti distinctè. 2. Factum probetur testimonio authorum coævorum, aut proximè coævorum. 3. Testimonia antiquorum non sint desumpta ex operibus suppositis, dubilis, suspectis, aut talibus, ex quibus æquè pro parte opposita testimonia proferri possint. 4. Testimonia antiquorum sint clara, distincta, ac formalia. §. Factum probetur insuper ratione & conjecturis.

I

Duobus

- 2 Duobus Criticorum principis Authoritari & Rationi addi vult tertium, nempe Traditionem ac Praxin Ecclesiæ universalis, quæ semper fundat præsumptionem. Nonnunquam vult etiam attendi ad traditionem Ecclesiæ particularis, provinciæ, aut regni.
- 3 Circa auctoritatem Scriptorum Ecclesiasticorum opiat confici tabulam Authorum in tres Classes divisam. In Prima sint libri certò genuini. In Secunda sint libri certò suppositi. In Tertia sint dubii. Dein statuit regulas sequentes.
- 4 Prima. Factum celebre & illustre innixum testimonio authoris cœvi, nec continens incredibilia, pro certò haberi debet; debet verò author esse fide dignus.
- 5 Secunda. Quando factum non est publicum, nec tamen continet quid fabulosum; sed contigit in provincia authoris, pro verosimili haberi debet; maximè si traditum sit à testibus oculatis aut cœvis.
- 6 Tertia. Etsi historia sit à paucis cognita, aliquantum extraordinaria, vestita circumstantiis non omnino incredibilibus, & gesta in terris remotis, non tamen rejici debet sine probationibus convincentibus, si falsitas talis historiæ à Scriptoribus cœvis demonstrari potuisset.
- 7 Quarta. Testimonium authoris nimis creduli, assueti fabulis, & exigui judicii non videtur rejiciendum, si testetur se rem gestam vidisse, aut à fide dignis vel cœvis accepisse; maximè si res gesta sit publica, & illustris, si nihil contineat, quod non sit verosimile, si contigit in provincia authoris, nec ejus falsitas aliunde demonstrari possit. Si verò talis author recenseat facta paucis cognita, parum probabilia, & in regionibus exteris gesta, sine examine recipi non debent, licet author dicat se testem oculatum, aut rem à fide dignis percepisse.
- 8 Quinta. Testimonium authoris antiquioris recentiori, com-provincialis peregrino semper præferri debet.
- 9 Sexta. Quando author non addit, ex quo fonte suum testimonium hauserit, ad ejus qualitatem attendi debet.

Libros

Libros suppositos distinguit in tres Classes: In Prima sunt, qui 10  
 sentent fabulis; his admittit omnem auctoritatem. In Secunda sunt,  
 in quibus sunt immixti errores; nec hos citari consultum ducit. In  
 Tertia sunt, qui nihil erroneum continent; non tamen sunt illius  
 auctoris, quem præferunt, sed alterius. Hos citare fas est. Si  
 liber apocryphus citetur à Concilio œcumenico, quoad illum saltem  
 textum, qui citatur, obtinebit auctoritatem.

Ad discernendos gradus auctoritatis ponit sequentes regulas, 11  
 1. Quando unius testimonio contradicunt plures ejusdem cum illo  
 auctoritatis, standum est testimonio plurium. 2. Quando unus vel  
 alter testatur de facto, reliquis tenentibus silentium; tunc asserenti,  
 non silenti credendum est. 3. Quando diversi auctores eandem rem  
 diversimodè referunt, credendum potius liberis, nec ulla manifesta  
 passione affectis. 4. Quando diversi auctores sentiunt diversimodè,  
 licet sequi, quem volueris. 5. Licet eundem auctorem in uno loco  
 recipere, in alio rejicere, quando cogit fortior auctoritas. 6. Ca-  
 su, quo conjecturæ æqualiter in utramque partem militant, standum  
 est potius testimonio auctoris antiqui, quàm moderni; membri Ec-  
 clesiæ, quàm extranei; Patrum & Doctorum Ecclesiæ, quàm alio-  
 rum, quibus nulla ab Ecclesia deferretur venerationis.

Ut possimus ferre judicium de qualitate auctoris, vult nos ad 12  
 quinque conditiones attendere. 1. Ad accurationem, discretio-  
 nem, soliditatem, & judicium relucens ex operibus. 2. Consideran-  
 dum; an sit nimis credulus; an ostendat modestiam, ac moderatio-  
 nem, nil asserendo sine examine. 3. Attendendum ad modum se ex-  
 plicandi; an se explicet in terminis formalibus sine ambiguitate; an  
 forte non destruat in uno loco, quod in alio adstruit; an loquatur  
 tantum incidenter, aut rem ex instituto examinando. 4. An passio,  
 proprium commodum, præjudicia, calor disputationis &c. nullam  
 scribendi occasionem dederint. 5. An comprehendat materiam;  
 an habeat occasionem ac dispositionem ad errandum.

Pro conjecturis sequentes Gradus probabilitatis affert. 1. Pro- 13  
 babilitas facti eo major est, quo motiva sunt magis solida ac rationi  
 conformia. 2. Motivum eo conformius est rationi, quo à majiori  
 numero Doctorum ut tale agnoscitur. 3. Factum est eo probabilius,

quantò conjectura, cui factum innititur, recipitur à pluribus doctis: hinc ista probabilitas facti, sicut & æstimatio Doctorum, successu temporum mutari potest. 4. Factum, quod nullo rationabili motivo nititur, pro non probabili haberi potest. 5. Ut scilatur, an motivum sit rationale, examinari debet, quid de illo communiter sentiant Doctores, ac docti; nec sufficit, quod quis iudicet, id suæ propriæ rationi conforme esse. 6. Ut factum sit certò probabile, requiritur, ut motivum sit positivè rationale; non tantum negative, quatenus nil affertur in contrarium. 7. Factum non debet censi probabile, quando pro parte opposita stat moralis certitudo. 8. Auctoritas cedat rationi, quando Docti certi sunt autorem errasse; quando verò author non potest convinci erroris, nec ei opponitur alia auctoritas, ratio cedat auctoritati. 9. Quando factum nititur motivo & conjectura rationali, ejus probabilitas non potest rejici responsis generalibus, dicendo: apparenter rem potuisse non contigisse; timendum esse, ne falsa sint enarrata; dubitari posse, an factum nitatur documentis authenticis &c. Sed requiruntur responsa positiva, quibus adstruatur in oppositum æqualis probabilitas. 10. Cum conjecturæ facili sint subjectæ deceptioni, moderatus Criticus nunquam recedat à via communi, nisi cogatur veritate.

- 14 Pro Criterio traditionum proponit regulas Du Pini, quæ potissimum attingunt traditiones apostolicas. 1. Certum sit; omnes Ecclesias primis sæculis in puncto traditionis convenisse. 2. Antiquos Patres de eo testari. 3. Ut nec initium, nec institutio à temporibus Apostolorum uspiam reperiatur. 4. Ut non reperiatúr usus contrarius in scriptis antiquorum Patrum.

- 15 Pro Traditionibus historicis R. P. Honoré sequentes tradit regulas:

Prima. Requiritur, ut praxis vel historia, quæ proponitur, nil contineat vani, superstitionis, inutilis.

- 16 Secunda. Debet posse præsumi, Ecclesiam, Episcopos, & primos, qui rem traditam receperunt, eam non recepisse sine fundamento, licet nobis incognito.

Tertia.

Tertia. Examinandum, an sit locus dubitandi de veritate rei<sup>17</sup> traditæ; Si sit locus dubitandi, requiruntur probationes claræ, certæ, & evidentes ad demonstrandam falsitatem rei traditæ.

Quarta. Res tradita nil contineat indecens, ridiculum, im-<sup>18</sup>probabile, manifestè fabulosum, aut incredibile.

Quinta. Traditio nihil contineat repugnans usui temporum,<sup>19</sup> & qualitati personarum, à quibus præmanavit traditio.

Sexta. Traditio non sit impugnata ab authoribus cõvõis, aut<sup>20</sup> aliis, quorum authoritas nos de falsitate traditionis persuadere possit.

Septima. Observandum, an non reperiatu contradiçtio in<sup>21</sup> substantia traditionis; an verò solùm aliquæ circumstantiæ cum factõ principali non consentiant.

Octava. Requiritur, ut convenienter possit responderi obje-<sup>22</sup>ctionibus-

Nonæ. Quando traditio non foret in omnibus conformis his<sup>23</sup> regulis, non deberet supprimi, si ejus suppressio causaret majus scandalum, quàm ejus tolerantia.

In Tomo Secundo suarum Reflexionum Criticarum videtur<sup>24</sup> primas quatuor Regulas paululùm immutasse: eas enim sic reddidit. 1. Nulla Traditio sine convenienti probatione recipiatur. 2. Piz opiniones nil contineant fabulosi, ridiculi, impossibilis, superstitiosi. 3. Rationabiliter præsumi potest Ecclesiam, Episcopos, & alios, qui primitus pias traditiones receperunt, id non sine fundamento fecisse, licet nobis incognito. 4. Examinandum, an sit locus dubitandi de veritate facti; sed ut liceat dubitare de traditione jam recepta, requiruntur claræ probationes, quibus demonstretur ejus falsitas. Factum nunquam debet credi ex eo præcisè, quod possit esse verum; neque etiam debet propterea revocari in dubium, quod possit esse falsum.

En Regulas Criticæ emendatæ! at forte etiam hæc aut sunt<sup>25</sup> in omnem partem nimis versatiles, aut certè non satisfaciunt illorum

rum Criticorum desiderio, qui cupiunt, maxime in historia Ecclesiastica, posteritati solum documenta authentica relinquere. Cum enim multæ traditiones falsæ eisdem veritatis characteres habeant, quos habent aliquæ traditiones veræ; non poterunt hæ retineri, quin retineantur illæ; nec illæ poterunt rejici, quin rejiciantur istæ. Critici, qui nullam historiam aut traditionem sine characterē Evidentiæ recipere volunt, ne cogantur cum aliis traditionibus solum probabilibus veris etiam recipere multas falsas æquè nonnunquam probabiles, rejiciendas veras cum falsis existimant, quando discerni non possunt. R. P. Honoré videtur suis regulis efficere, ut cum traditionibus probabilibus veris necessario retineantur multæ falsæ.

Utrum horum Ecclesiæ optabilius futurum sit, solius Ecclesiæ judicio relinquam.



## Errata.

Fol. 14. Lin. 6. contingens, pro contingens. l. 23. sit, pro sit. f. 15. l. 9. nullum, pro nulluo. l. 11. iudicio pro iudicm. f. 21. l. 2. probabilius, pro probabilitas. f. 21. l. 20. oppositas pro compositas. f. 32. l. 19. loqui, pro loque. f. 36. l. 18. laboriosos discursus, pro laboriosis discursibus. f. 49. l. 13 oppositi, pro opposit. f. 52. l. 18. Poetas, pro poetes. f. 52. l. 22. Platonis, pro Platonum. l. 25. supplendum, legi. f. 53. l. 31. scriptoris, pro scriptoria. f. 57. l. 4. supplendum, alia methodo. f. 58. l. 12. libellus desuper editus à N.

## Errata.

Fol. 2. lin. 9. omittatur 2. lin. 39. adveniēti, pro deveniēti. fol. 5. l. 1. supple, à f. 12 l. 30. privatum esse, pro privatam. fol. 26. l. ult. dividi, pro vidi. f. 31. l. 2. summum, pro dimmum. l. 12. cognitio, pro cognitionem. l. 29. supplendum. Nomina. f. 33. l. 5. negatione, pro ngationem. l. 10. convirteret, pro conficeret. f. 38. l. 11. intrinseca, pro intrinsecæ. f. 39. l. 10. spinoræ, pro spinolæ. l. 13. videtur, pro videntur. f. 72. l. 12. lunarem, pro lunarum. f. 75. l. 34. instantaneæ, pro instantes. f. 77. l. 12. lunarem, pro lunarum. l. 29. earum rerum quæ, pro easum rerum quo. f. 79. l. 1. activitas, pro ætione. f. 80. l. 6. omisus est numerum, 2. hinc delenda aut supplenda ultima verba: licet existentiam. l. 17. actio, pro ectio. f. 89. l. 37. potentia, pro potentiam. f. 90. l. 10. supple, sed possit dici. l. 14. dat. pro datis. f. 91. l. 17. quia, pro nisi. l. 23. secundum se, pro secundum est. f. 93. l. 17. tali, pro talis. l. 35. deliberativa, pro deliberativum. f. 94. l. 15. quam ordo, pro quam. f. 96. l. 30. ideam, pro idem. f. 101. l. 25. existentiam, pro eritiam. f. 103. l. 37. divisa, pro divina. f. 107. l. 5. qua, pro quas.

*Alia errata leviora Lector Benevolus facillimè sua  
humanitate corriget.*

APC 2451525











